

医垒元戎

王好古

文硕阁

wenshuoge.com

目录

关于我们	3
提要	5
原序	6
卷一	7
卷二	24
卷三	49
卷四	67
卷五	86
卷六	103
卷七	131
卷八	148
卷九	169
卷十	196
卷十一	229
卷十二	258

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

钦定四库全书 子部五

医垒元戎 医家类

提要

【臣】等谨案医垒元戎十二卷元王好古撰好古字进之赵州人官本州教授据好古所作此事难知序盖其学出於李杲然此书海藏黄耆汤条下称杲为东垣李明之先生而易老大羌活汤条下称先师洁古老人则好古实受业张完素殆如赵匡陆淳同受春秋於啖助而淳又从匡讲问欤自跋称是书已成於辛卯【金哀宗正大八年】至丁酉春【元灭金之第四年】为人阴取之元藁已絕更无余本予职州庠杜门养拙蠶盐之暇无可用心想像始终十得七八试书首尾仅得复完前有自序亦作於丁酉岁盖初成於金末而重缉於元初也其书以十二经为纲皆首以伤寒附以杂证大旨祖长沙绪论而参以东垣易水之法亦颇采用和剂局方与丹溪门径小异然如半硫丸条下注云此丸古时用今时气薄不用则斟酌变通亦未始不详且慎矣其曰医垒元戎者自序谓良医之用药若临阵之用兵也此本为嘉靖癸卯辽东巡抚右都御史余姚顾遂所刻万历癸巳两淮盐运同知鄞县屠本峻又重刻之体例颇为参差盖书帕之本往往移易其旧式今无原本可校亦姑仍屠本録之焉乾隆四十六年五月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

原序

医垒元戎原序

革车千乘带甲十万筹策沈机神鬼猜泣奇正万全历古如是况良医之用药独不若临阵之用兵乎奈何世人以平昔卤莽之浮学应仓卒无穷之疾变其不眩骇颠仆者寡矣况患固多藏于细微而发于人之所忽由轻蹈危疗之求当苟无妙算深谋成法以统之则倒戈败绩之不暇尚何胜之可图哉则前日门类品目之定尽计不及之也予自河南与诸友将弟兵日从事于患难之场随病察脉逐脉定方开之効之薄之发之以尽其宜吐之神之汗之下之以极其当攻守不常出没无定大网小纪经纬悉陈本数未度条理具设前乎此古人之所隐秘深藏或不尽意者不啻胸中自有十万精銳如太阿之在匣中其辉未尝耀于外一旦撒而挥之有以恐人之耳目特入阵之奇锋七擒之利刃其敌可却其胜可决而其安可图如此而後已故曰医垒元戎云丁酉九月二十有九日王好古书

卷一

钦定四库全书

医垒元戎卷一

元 王好古 撰

伤寒之源

帝曰人伤于寒而传为热何也岐伯曰夫寒盛则生热也寒气外凝内郁之理腠理坚致玄府闭致则气不宣通湿气内结中外相薄寒盛热生故人伤于寒转而为热汗之而愈则外凝内郁之理可知斯乃新病数日者也今风寒客于人使人毫毛毕直皮肤闭而为热当是之时可汗而发也海藏云伤寒冬伤于寒也邪气内藏至春夏而发为热病元受邪气伏藏遇春夏风寒所伤外邪唤出内邪也有有汗者有无汗者所以有伤风伤寒之异也亦有先伤寒而後伤风者亦有先伤风而後伤寒者亦有先伤寒而重感寒者亦有先伤风而重感风者此四者汗有多寡亦有止作亦有常汗而不止者有全无汗者先证重後伤轻则显重者先证轻後伤重则亦显重者当以脉谨察之不可忽也利害天壤死生系焉有伤于阳者风雨寒暑是也有伤于阴者饮食居处阴阳喜怒是也其变又有不可深数者元感风寒与新伤各合而变有有形无形内外之异所以治之当从其变而药不一也轻重寒暑在其中矣岐伯曰平旦人气生日中而阳气降日西而阳气已虚气门乃闭是故暮而收拒无扰筋骨无见雾露反此三时形乃困薄扁鹊脉一呼一吸皆四至而濇者邪中雾露之气也仲景曰清邪中於上焦又曰霜降已後春分已前中雾露者皆为伤寒也又曰清邪中於上焦浊邪中於下焦与饮冷同伤也【此一条议论在阴证论神术汤後雾露条下】且伤风者恶风伤雨者恶湿伤寒者发热恶寒伤暑者心热畏日此皆伤于阳者也饮食不节者或饥或饱或冷或硬居处不时或塞或通或劳或逸阴阳太过者隐相易之形状或一或二喜怒不常者须心腹之逆满或隔或痞此皆伤于阴者也旧有冬伏之寒邪在经春夏之复伤而作伤于阳者则邪气外并伤于阴者则邪气内并新伤引出旧伤也或四季之中有一日两伤有一时并伤则内外相合其变至多矣或阳证或阴证或阴毒或襍证俱在其中先外伤後内伤外就内而合病若头痛身疼轻而内伤重者当先治内之重者後治外之轻者先内伤後外伤内就外而合病若心腹痞闷轻而外伤重者当先治外之重者後治内之轻者然亦有内外俱轻亦有内外俱重当各从其所可先者而先治从其所并治者而并治次第不失万举万全矣治内兼外者不可寒下若下则陷邪于内治外兼内者不可热发若发则益中热于外二者皆逆岂不危乎药之寒热可轻用哉

内伤论

内伤先伤胃或曰上热下冷伤食病也手足四支微冷或四顺两脇热甚此少阳也中州先伤少阳反病者何也答曰内伤者先伤胃足阳明也经云脾胃相通五谷消是脾与胃阳戊阴己共为腐热今既胃伤连及脾也两脇虽为少阳之地章门二穴所处即脾之膜也脇安得不热

况从内而至外者先少阳内伤中州而少阳亦病也假令内伤有巴豆及诸湿热之属又有备急丸寒热各半之例又有枳实大黄牵牛之属亦有神麴麦蘖缩砂仁及三棱广茂之例其药不一又有玄明丸煮黄丸种种不一内伤之疾岂一药所能毕哉今人无论证之寒热人之虚实便之要结只一药而主之寒热安得不差所以人病者虚劳残疾无所不有也然内伤脾胃与少阳俱病此阳病也若内伤阴病当以理中而复脉虚而细少阴病也脉虚而弦厥阴病也脉弱而虚太阴本病也【三阴之药具见阴证论洁古老详说可下之药於前今又详说可用之药於後并见阴证论】有无病能食而伤者有有病不能食而伤者不可不知也内伤心腹痛大小便不通服食药心腹微快大小便通余邪传入干标头痛发热後治其标药合随三阳经用轻治之即愈此由内而外先治其内後调其外此其法也以其饮食过多伤之太过故邪热之气传入于标内既以定外又安得为之全愈若冬伏寒之气在经内伤唤出冬伏之邪先内伤次标病亦如前法先治内後治外此内重而外轻故如是也若外重而内轻先治其外後治其内可也以上止是内伤太过非积寒伤冷也若积寒伤冷脉已从阴虽有标病不须治标独治内也内三阴之经所用皆温剂内既得温标病不发而自愈何以然发表之药不远热也三阴温虽非发表之药亦不远热也内既以温标病从内而变亦从此而解矣若错汗之三焦之气絶而成太阴也此温中之剂虽独治内亦兼治外也不可不知

阴证治本不治标标本俱得治标不治本标本俱失 已有冬伏寒邪若内伤唤出旧邪使见太阳证也若无冬伏寒邪者止是内伤发出不和邪气多显少阳证也两脇热甚头额痛手足冷如厥逆状热甚然後手足温或热虽手指末亦有微冷者【王朝奉集仲景活人例】

不可汗不可吐不可下

大法春宜吐春夏宜发汗秋宜下凡用发汗及吐下汤皆中病便止不必尽剂也少阴病脉微不可发汗亡阳故也宜附子汤 阳已虚尽自弱濇者复不可下之宜小柴胡汤

动气在左在右在上在下并不可发汗宜柴胡桂枝汤

少阴病脉细沈数病在里不可发汗宜当归四逆汤 少阳不可发汗宜小柴胡汤

咽中闭塞咽喉乾燥亡血衄家淋家疮家不可发汗已上六证并小柴胡汤 下利清穀不可发汗宜理中汤四逆之类若四逆厥及虚家皆不可吐厥宜当归四逆汤虚宜附子汤

有热人可黄耆人参建中汤 少阴病隔上寒乾呕不可吐宜小半夏加橘皮汤温中丸

咽中有动气不可下咽中闭塞不可下宜乌扇汤

诸外实者不可下诸四逆厥者不可下虚家亦然厥宜当归四逆汤虚宜附子汤

有热入黄耆人参建中汤本虚攻其热必哕小柴胡汤

脉浮而紧法当身痛宜以汗解假令尺中迟者不可发汗荣气不足血少故也宜小柴胡汤 脉濡而紧濡则卫气微紧则荣中寒阳微卫中风发热而恶寒荣紧卫气冷微呕心内烦此不可汗宜小柴胡汤 脉濡而弱不可发汗宜小柴胡汤 脉浮而大浮为气实大为血虚小便当赤而难胞中当虚今反小便利而大汗出法应卫家微可与小建中汤今反更实津液四射荣竭血尽乾烦而不得眠此不可下宜与小柴胡汤 脉浮大应发汗宜柴胡桂枝汤而反下之为大逆 脉浮而紧者不可下宜桂枝麻黄各半汤数不可下宜柴胡桂枝汤

下之必烦利不止宜葛根黄芩黄连汤 脉濡弱浮数不可下宜小柴胡汤 脉濡弱微濇微则阳气不足中风汗出而反躁烦濇则无血厥而且寒不可下宜桂枝甘草龙骨牡蛎汤

结胸脉浮大不可下下之即死宜小陷胸汤 夫阳病多者热下之则鞭宜小柴胡汤 太阳发汗不彻转属阳明微汗出不恶寒若太阳证不罢下之为逆宜桂枝麻黄汤太阳病饥外证未解不可下下之为逆宜桂枝麻黄汤病致于阳而反下之热入因作结胸病发于阴而反

下之因作痞 病脉浮而紧而复下之紧反入里则作痞
太阳与阳明合病喘而胸满不可下宜麻黄杏子甘草石膏汤
太阳与少阳合病心下鞭颈项强而眩者不可下宜小柴胡汤
四逆厥及虚家皆不可下厥宜当归四逆汤虚家宜附子汤
病欲吐者不可下宜小半夏加橘皮汤 太阴腹痛吐食白利腹痛下之必胸下结鞭
厥阴病渴气上冲心中热既不欲食食则吐虵下之利不止 少阴病饮食入口则吐心中温温欲吐复不能吐始得之平旦寒脉弘迟者此胸中寒实不可下也宜温中汤生姜汁半夏汤
无阳证强大便鞭者下之必清谷腹满宜用蜜煎导等法伤寒五六日不结胸腹濡脉虚复厥者不可下此亡血也宜当归四逆汤下之即死宜四逆加人参汤
藏结无阳证不往来寒热其人反静舌上胎滑者不可攻也【攻谓下也】宜用小柴胡汤
针关元穴伤寒呕多虽有阳明证不可攻之宜小柴胡汤
阳明病身面色赤攻之必发热宜调胃承气汤 色黄者小便不利也宜五苓散
阳明病心下鞭满者不可攻之宜生姜泻心汤 半夏泻心汤攻之利不止者死宜四逆汤 不可汗吐一条三法利害非轻前人多列经後大抵医之失只在先药药之错则变生若汗下不差则永无亡阳生黄畜血结胸痞气及下利洞泄协热利瘕急虚劳等证生矣以其如此故录大禁忌于前使医者当疾之初不犯也

又三忌

时忌 春夏不宜桂枝秋冬不宜麻黄

药忌 已汗者不得再发已利者不得再泄病忌 虚人不宜用凉实人不宜用热其所犯之

剂当从缓而轻

海藏云前人说不可汗下吐三法多在经後读者往往遗之此用药之大禁必不可犯今列之篇首使人易见尔

六阳证 先足经从汤液 後手经从杂例

仲景桂枝汤

治太阳证伤风自汗脉浮而缓

桂枝 芍药 生姜【各一钱半】 甘草

红枣【去核夏加黄芩知母石膏升麻】

右为麤末水一盞煎至八分温服自汗小便不数者宜用无汗小便数手足分不恶寒或膏粱好饮者不宜用

小建中汤

治阳脉濡阴脉弦

桂【三字】 芍药【一钱半】 甘草【半钱】 生姜【三片】

红枣【擘去核後放此】

右为麤末每服五钱生姜三片枣一枚水一盞半煎至八分去滓下胶饴两匙再煎温化服日三夜二尺脉尚迟再加黄耆末一钱 後人用治杂病改桂枝为桂取其厚薄不言枝

金匱小建中汤

治虚劳急悸衄腹中痛梦失精四肢酸疼手足烦热咽乾口燥宜此方主之

桂枝【三两去皮】 芍药【六两】 甘草【三两煮】 生姜【三两切】

右六味?咀以水七升先煮五味取三升去滓内胶饴令消温服一升日三服呕家不可用此汤以其有甘草故也

千金疗男女因积劳虚损或大病後小腹作疼四体沈滞骨内疼酸吸吸少气行动喘憊或小腹拘急腰背强痛心中虚悸咽乾唇燥面目少色或饮食无味阴阳癯弱悲忧惨戚多卧少起久者积年轻者有日渐致瘦削五藏气竭则难可复根又治肺与大肠俱不足虚寒之气小腹拘急腰痛羸瘠百病肘後黄耆建中汤有人参二两

金匱黄耆建中汤

虚劳里急诸不足宜此方主之

黄耆 桂枝【去皮】 生姜【各一两切】 芍药【六两】

甘草【三两煮】 大枣 胶饴【一升】

右七味?咀以水七升先煮六味取三升大滓内胶饴令消温服一升日三服

集验云呕者加生姜腹满去枣加茯苓四两一方疗肺虚损不足痞气加半夏五两

金匱黄耆桂枝五物汤

血痹病从何得之师曰夫尊乐人骨弱肌肤盛重因疲劳血出卧不得时动摇加被微风遂得之但以脉自濇在寸曰开上下紧宜针阳气令脉和紧去则愈血痹阴阳俱微寸口关上微尺中小紧外证身体

不足如风状宜此方主之

黄耆【三两】 芍药【三两】 桂枝【三两去皮】 生姜【六两切】

大枣

右五味㕮咀以水六升煮取二升去滓温服七合作三服一方有人参

金匱桂枝加龙骨牡蛎汤天雄散亦主之

夫男子平人脉大为劳极虚亦为劳 男子面色薄者主浊及亡血卒喘悸浮者里虚也 男子脉虚沈弦无寒热短气里急小便不利面色白时日暝兼衄少腹满此为劳使之然劳之为病其脉浮大手足烦春夏剧秋冬差阴寒精自出酸削不能行 男子脉微弱而濇为无子精清冷夫失精家小腹弦急阴头寒目眩【一作眼胀胀痛也】 髮落脉极虚芤迟为清谷亡血失精脉得之芤动微紧男子失精女子梦交并以此方主之

桂枝【去皮】 芍药 生姜【各二两切】 甘草【二两煮】

大枣【十二枚】 龙骨【煨】 牡蛎【各三两熬】

右七味㕮咀以水七升煮取三升去滓分温三服少诺云虚羸浮热汗出者除桂加白薇附子各一分故云加龙骨汤

天雄散

天雄【三两去皮】 白朮【八两】 桂枝【六两去皮】 龙骨【一两煨】

右四味捣为末酒服方寸匕日三服不如稍增之

易简建中汤

治腹中切痛增损治疗各各不同并见于後此药饮酒人不喜甘者不宜服此药与桂枝汤用药一同但减芍药加官桂枝数专治伤风发热自汗用此药表之无汗者不宜服此

官桂【三分】 白芍药【一两半】 甘草【半两】

右?咀每服四钱水一盞半生姜五片枣二枚煎至六分去滓服

大治妇人血痛男子心腹疼痛并四肢拘急疼痛心腹疼痛甚者加远志半两或吐或泻状如霍乱及冒湿寒贼风入腹拘急切痛加附子三分

痛气发作当归附子建中汤煎时加蜜一匙头许 一方治男子妇人诸虚不足小腹急痛脇肋膨胀脐下虚满胞中烦悸面色痿黄唇口乾燥少力身重胞满短气腰背强痛骨肉酸疼行动喘乏不能饮食或因劳伤过度或因病後不复加黄耆一两半名黄耆建中汤一方治妇人一切气血虚损及产後劳伤虚羸不足腹中疼痛呼吸少气小腹拘急痛引腰背时自汗出不思饮食加当归一两

柴胡桂枝汤 桂枝人参汤

桂枝附子去桂加白术汤 桂枝芍药汤【若误下传里传表也】 桂枝加大黄汤【去枝加大黄与大柴胡法有表有里同例 已上诸汤并见活人旧小本中】 主朝奉桂枝白虎问答

云春初秋末冬月方用桂枝麻黄五六月壮热不用白虎若诺用桂枝麻黄则内热发黄生斑必死二月三月四月温病宜阳旦汤七月八月犹热病壮热尚宜白虎自然汁解或问孙曰杜张皆言变苦果见桂枝麻黄证亦岂得不用只用白虎也孙曰此说甚妙但临时看证用之老弱之人不宜白虎白虎治伤寒亦治渴证

桂枝例

活人阳旦汤

治中风伤寒脉浮发热往来汗出恶风项强鼻鸣乾呕

桂枝【三】 芍药【三】 甘草【二】 黄芩【二】

右剉如麻豆大每服五钱水一盞半枣一个生姜三片煎至一盞取八分清汁温服

自汗者加附子渴者加桂加括蒌主利者去芍药名当归建中汤若产後半月每日三服令人可壮

黄耆建中汤

桂芍药甘草加黄耆

当归建中汤

桂芍药甘草加当归

局方药令黄耆汤 范汪当归汤皆出桂枝建中例大建中汤【主治并见局方】

桂心【三钱】芍药【二钱】甘草【八钱】枣【二枚擘破】

生姜【八钱】加黄耆【二钱】当归【一钱】人参【一钱】

附子【半钱】半夏【三钱】

右?咀水五盏煎至三盏去滓分作三服

桂枝加葛根汤 桂枝加厚朴杏仁汤

桂枝加附子汤 桂枝去桂加白术茯苓汤

桂枝加芍药汤 桂枝去芍药加附子汤

桂枝甘草汤 桂枝白术甘草汤【四味】茯苓桂枝甘草大枣汤【四味漫水】茯苓桂枝生姜甘草汤【四味】桂枝加桂汤

桂枝去芍药加蜀葵牡蛎龙骨救逆汤

桂枝甘草龙骨牡蛎汤 柴胡桂枝甘草汤

桂加乾姜三心下悸者去芍药加茯苓三虚劳里急者正阳旦汤主之煎时入胶饴住若脉浮紧无汗发热者不可与服也

活人阴旦汤【王朝奉阴旦阳旦汤与活人同】

治伤寒股节疼痛内寒外热虚烦

桂心【三】芍药【三】甘草【一】大枣【十五枚】

乾姜【一】黄芩【二此一味酌量加減】

右剉如麻豆大每服五钱水一盞半煎至八分去滓温服日三夜二

活人解肌汤【治温病头疼壮热】

桂心【一分】 芍药【半两】 甘草【一分】 麻黄【三分】

葛根【一两】 黄芩【半两】

右剉如麻豆大每服五钱水一盞半枣一枚煎至八分日三服三日後不解者再服脉浮者宜再服脉沈实者下

仲景麻黄汤【治伤寒无汗脉浮而紧】

麻黄【去节一钱】 官桂【去浮皮一钱】 甘草【半钱煮】 杏仁【三个半】

右为麤末每服五钱水一盞半煎至八分去滓温服夏加知母黄芩石膏恐有斑黄之变惟冬与春病人素虚寒者不宜加此

仲景桂枝各半汤

桂枝【一钱半】 芍药【一钱】 生姜【一钱】 甘草【一钱】

麻黄【一钱】 杏仁【二枚半】 枣【半枚】

右为麤末每服五钱水一盞半煎至八分去滓温服

奉议先生云治伤风得伤寒脉伤风脉证脉不同故宜各半汤

桂枝二麻黄一汤 桂枝二越婢一汤

大青龙汤【麻黄杏仁甘草石膏汤大青龙汤去桂是也】

麻黄【三钱】 桂【一钱】 杏仁【二枚】 生姜【五钱】

枣【一枚】 甘草【一钱】 石膏【一钱半】

右为麤末每服五钱水一盞半煎至八分去滓温服汗周止後服

小青龙汤

麻黄 细辛 乾姜 甘草

桂枝 芍药【各三字】 五味子【各半钱】 半夏【一钱一字】 生姜【三片】 枣【一枚】

右为麤末水一盞半煎至八分去滓温服日三夜二後人增损为?盖散大青龙去桂石膏倍杏仁治

仲景杂方治客忤

麻黄【四两】 杏仁【七十枚】 甘草【三两】

右以水八升煮取三升服之

又方

桂【一两】 生姜【三两】 梔子【十四枚】?【五合】

右以酒三升搅煮之去滓顿服取差一法用桂枝一法用麻黄以其有汗无汗也

仲景麻黄升麻汤

治坏证伤寒六七日大下後寸脉沈而迟手足厥下部脉不至咽喉不利唾脓血泄利不止者为难治升麻【一两一钱】 麻黄【去节二两】 知母 黄芩

葳蕤【各十八铢】 石膏 白术 乾姜

芍药 天门冬 桂枝 茯苓

当药【一两一钱】 甘草【六铢】

右十四味以水一斗先煮麻黄一两沸去上沫内诸药煮取三升去滓分温三服相去如炊三斗米顷令尽汗出愈寸脉沈迟下部又不至泄利久不止不可轻用此药

海藏云仲景麻黄升麻汤条下为下之而寸脉沈迟或厥或咽喉不利咳 下脓血或下利不止断作难治此药有桂枝有麻黄汤有乾姜芍药甘草汤有白虎汤内更有少阳药黄芩是也此是三阳合而标病不应不应下而下之坏而成肺痿也若脉不迟者去乾姜官桂不利者亦去之寸口脉小者去黄芩此随证而加減之也前人全用药以某前证悉备故用三阳标药以治之经曰治病必求其本是也

肺痿之源

衍义云有一温病已十二日诊之其脉六七至而濇寸稍大尺稍小发寒热颊赤口乾目不了了耳聋问之病後数日经水乃行此属少阳热入血室也若治不对病则必死乃按其证与小柴胡服之二日又与小柴胡汤加桂乾姜也一日寒热遂止又云我脐下急痛又与抵当丸微利脐下痛瘥身渐凉脉渐匀尚不了了乃复与小柴胡汤次日云我但胞中热燥口鼻乾又少与调胃承气汤不得利次日又云心下痛又与陷胞丸半服利三行之日虚烦不宁时妄有所见时复狂言虽知其中有燥屎以其极虚不敢攻之遂与竹叶汤去其烦热其夜大便自通至晓两次有燥屎数枚而狂言虚烦尽解但咳 唾此肺虚也若不治恐乘虚而成肺痿遂与小柴胡去人参大枣生姜加乾姜五味子汤一日咳 减二日而病悉愈以上皆用张仲景方

王朝奉阳毒条下有金匱千金唾脓血二条内有吐血肺痿失治久不愈变肺痈为难治孙真人详说并药证具见甘桔例少阴条下并出仲景金匱祖方

仲景麻黄杏仁甘草石膏汤

麻黄附子细辛汤 麻黄连翘赤小豆汤麻黄附子甘草汤【主治修制并见活人】

易简杏子汤

治一切咳 不问外感风寒内伤生冷及虚劳咯血痰饮停积悉皆治疗

人参 半夏 茯苓 乾姜 甘草

官桂 芍药 五味子 细辛

右?咀每服四钱水一盞半杏仁去皮尖剉五枚姜五片煎至六分去滓食前服

若感冒得之加麻黄等如脾胃素实者用罌粟殼去筋膜碎剉以醋淹炒等分加之每服添乌梅一枚煎服其效尤验若呕逆恶心者不可用此法又云杏仁人参倍加麻黄添芍药加麻黄之数乾姜五味子各增一半名小青龙汤大治久年咳 气虚喘急皆得其宜二方中有麻黄有汗人不宜服此剂

仲景麻黄汤例

仲景麻黄杏仁薏苡仁汤【治风湿身烦疼曰脯剧者】

麻黄【三两】 杏仁【三枚】 甘草 薏苡仁【各一两】

右四味以水四升煮取二升分温服

仲景薏苡仁附子汤【治胸痹偏缓急者】

薏苡仁【一十五两】附子【十枚炮】

右二味杵末每服方寸匕日三

活人麻黄葛根葱白汤

治伤寒三二日头项腰脊痛恶寒脉浮而紧四味随定夺分两

右剉如麻豆大水煮麻黄去沫次下葛根二十沸次下豉次下葱白煎成去滓温饮少时以葱醋粥投之覆衣取汗後有活人葱白例并王朝奉葱白等方

活人知母麻黄汤 易老解利法

乾山药【一两】藜芦【一钱】

右为细末纸燃蘸少许鼻内之

麻黄醇酒汤【治黄疸病】

凡用麻黄去节去沫曝乾再用麻黄一把去节绵裹美酒五升煮取半升去滓顿服

一法治风此个风字非伤风自汗即中风痹而无升故用麻黄後越婢中有风痹字

麻黄【一两】穿山甲【二钱】人参【二钱】甘草

水酒各一碗同煎服

越婢汤【治风湿痹脚气弱】

麻黄【去节去沫焙二两】石膏【四两】白术【一两】

附子【一两炮】甘草【煮半两】

右剉如麻豆大每服四钱水一盞半生姜三片枣一枚煎至八分去滓温服

通顶散【解利伤寒】

藜芦【半两】 踯躅华【一钱】 藿香叶【二钱】

右为细末纸燃蘸少许鼻内?之

活人独活散【治伤寒温湿】

羌活 独活 防风 细辛

黄芩 川芎 甘草 人参

茯苓 枳壳 甘菊华 石膏

麻黄 蔓荆子 薄荷 生姜

右十三味为麤末坐姜薄荷水煎去滓温服年高者以川芎代黄芩自汗者减麻黄风湿证多自汗故减麻黄

活人败毒散

治伤风温疫风湿风眩风痰卑湿

羌活 独活 前胡 柴胡

枳壳 人参 茯苓 桔梗

甘草 川芎

为细末生姜水煎或沸汤点亦可大人小儿皆宜瘴烟之地温疫时行或人多风痰或处卑湿脚气此药不可阙也

海藏云伤寒得伤风脉伤风得伤寒脉故仲景有大青龙之剂及汗出过多戒不可服有筋惕肉瞤之证许公学士谆谆以此则知麻黄桂枝不可轻用也及洪川韩氏又有桂枝之戒以其乱治贵贱之不同芳草蜜盐之不等故耳至於杨氏明理特有互见脉体非精於持诊者则未易能也後之学者安所适从哉

先师洁古老人博采衆方别立一法作十味大羌活汤无问有汗无汗中风中寒悉皆治之使喜温者去五积之变热好凉者除双解之变寒虽市夫农子用而无失自非圣贤之前身岂能

笔下有此胸次耶

易老大羌活汤

治伤寒脉浮而紧伤风脉浮而缓并解两感恶候羌活 防风 白芷 川芎

细辛 甘草 苍术【制】 生地黄

黄芩

右麤末每服五钱生姜五七片水一盞半煎至七分去滓稍热服无时 大羌活汤全生地黄木
许曰中别为麤末各等分称之名曰羌活地黄各半汤解利两感伤寒有神详说见难知易老
大羌活汤剂料大小服饵温热加减并从缓急法

法加大黄治风热淫于内同泻青丸主治并见钱氏一法治破伤风用豆淋酒煎素有寒者加
草乌头

白朮一字服之

芎辛例

芎辛汤【治头风鼻塞身重肩背拘急】

川芎【半两】 细辛根【二钱】 甘草【一钱半】

右为麤末量多少水煎去滓分二服临卧

一法加吴白芷辛夷甘菊华治鼻出黄水浊涕不絶脑痛目昏

易简芎辛汤

治一切头痛发热者不当服其余痰厥饮厥肾饮等证偏正头痛不可忍者只以此药并圣饼
子不拘病退但多服此自能作效仍服养正丹黑锡丹并用此药调锤乳粉间服诸证头痛紧
捷之法法以踰此但头疼多用石膏盖取其能坠痰饮然恐性寒故以锤乳代之肾厥头疼尤
得其宜或以石膏煨过为末用亦得

生附子 川乌头【生】 南星【炮】 乾姜

细辛 川芎【各一两】

咀每服四钱水二盏姜五片茶芽少许煎至六分去滓食前服
若气壅塞盛只用川芎一两细辛半两甘草三钱煎至如前服
又一方治头疼以细辛二钱川芎白芷减半为细末搐入鼻中 一方治气虚人头疼以附子一只生去皮切作四片用生姜自然汁一大盏浸一宿慢火煮乾再煮再蘸再煮後以尽姜汁为度高良姜等分为细末藜茶调服之又治着湿头重眩晕用川芎白术生附子等分官桂甘草减半每服四钱姜十片煎服

白龙丸

治男子妇人一切风徧身疮癣手足顽麻偏正头疼鼻塞脑闷大解伤寒头风又治雾露之气或发热川芎 细辛 甘草 藁本

白芷【各等分】

右为细末药四两入石膏半斤细末系煨了者水搜丸每两分入丸薄荷茶清嚼下一丸食後服风蛀牙疼用一丸分作三乾擦後用汤漱之便用葱茶嚼下一二丸或作汤服之亦可

拨云散【治眼】

羌活 防风 甘草 柴胡

右等分水煎服之

海藏法白术汤

白术【三】 防风【二】 甘草【一】

同仲景桂枝汤 黄耆汤 止汗者以生姜煎服神术汤

苍术【三】 防风【二】 甘草【一】

同仲景麻黄汤 发汗者以葱白生姜煎服

若以此二药若伤寒得伤风脉伤风得伤寒脉亦同各半例加减治法并见阴证论六气加减

黄耆汤【主治并见阴证论】

人参 黄耆 白术 白茯苓

芍药 甘草 一法加 藿香

陈皮 生姜

黄耆甘草汤

治风寒入腠理令人肤痛行走无定【肤痛者摩之即痛按之即肉不痛也】

黄耆【三】 甘草【一】 生姜煎服

活人防风牡蛎白术汤

治发汗多头眩汗出筋惕肉瞤此坏证也

防风 牡蛎粉 白术【各等分】

右为细末每服二钱酒调下米饮汤亦得日二三服汗止便服小建中汤

风论

上古圣人之教下也谓虚邪风避之有时注云乘虚而入非也俗云贼风者牕牖之风亦非也虚邪者从外来者为虚邪不胜己者亦为虚邪也经云从风入腠理注云辟被虚邪亦天之虚邪也移精变气云贼风数至虚邪朝夕内至五脏骨髓外伤空窍肌肉无问邪之虚实皆乘虚而入非乘虚而入便为虚邪也乃从外来与不胜己皆为虚邪也春甲乙则金风秋庚辛则炎风便是贼风也故胜己者为实邪从后来者是实邪贼风也故风为百病之始善行数变冲荡吹击而无穷有太过不及胜复之各异故挠万物者莫疾乎风也四时八节之所伤初焉外舍久见内藏始自皮毛次入经络次入大络次入大经深入骨髓而不可治

仲景小续命汤

治脉紧缓或浮缓主治证并见局方

麻黄 桂心 芍药【各五两】 甘草

生姜【各五两】 人参 川芎 黄芩

杏仁 防风【各半两】 防己 附子

崔氏外台不用防己

右十二味?咀水一斗二升先煮麻黄三沸去沫内诸药取之二升分为三服不差再三两剂随经轻重发之 脚气服之亦差 天阴节变服之以防瘡癰恍惚者加茯神远志 骨节烦疼有热者去附加

白芍药 千金翼深师古今录验有白术不用杏仁救急方无芍杏仁三味 延寿方无防风

易老法 六经加减例 四时增损同

麻黄续命汤 桂枝续命汤 白虎续命汤

葛根续命汤 附子续命汤 羌活连翘续命汤独活续命汤

治卒暴中风不省人事渐觉半身不遂

麻黄 人参 黄芩 芍药

芎穷 甘草 杏仁【各一两】 防风【半两】

桂【一两】 防己【一两半】 附子【半两】 白华蛇肉

独活 乾蝎【各三钱】

右为麤末每服三钱水一盞半生姜五片煎取一盞去滓热服食前

白华续命汤

治卒中急风牙关紧急精神昏愦

白华蛇 全蝎 独活 天麻

附子 人参 防风 白僵蚕

肉桂 白术 藁本 赤箭

川芎 细辛 白附子 甘草

半夏 麻黄 白茯苓【各一两】

右为麤末每服五钱水一盞生姜五片煎至七分去滓稍热服

大续命汤

脉紧滑者主之治肝痹二风卒然瘖瘳若依古法用大小二汤通治五藏偏枯贼风

麻黄【八两】 石膏【四两】 桂心 川芎

乾姜【各二两】 当归 黄芩【各一两】 杏仁【二十枚】

竹沥【一升】 甘草【千金翼有】

右九味?咀水一斗先煮麻黄二沸去沫下诸药煮四升去滓又下竹沥煮数沸分作四服能言未差後服小续命旧无竹沥今增如神大八风散复有竹沥葛姜三汁法

小续命汤

脉微弱者主之治大风经藏奄忽不能言四肢垂曳皮肉痛痒不自觉也

独活 麻黄【各三两】 川芎 防风

当归 葛根 生姜 桂心【各二两】

茯苓【一两】 附子 细辛 甘草【各两】

右十二味?咀水一斗煮取四升五服老小各半之初得病有汗去麻黄无汗复用之上气者加吴茱萸二两厚朴一两 乾呕者加附子一两 哕者加陈皮二两 胞中吸吸少气者加大枣十二枚 心下惊悸加茯苓二两 热者去生姜加葛根 初得风未须加減且作三剂四五日後视虚实论之行汤针灸法

医垒元戎卷一

卷二

钦定四库全书

医垒元戎卷二

元 王好古 撰

太阳证【太阳流入阳明故葛根次服】

仲景葛根汤【主治修制并见活人二方同】葛根加半夏汤

葛根黄芩黄连汤 葛根升麻汤【钱氏用治小儿疹伤寒】

葛根 升麻 芍药 甘草

海藏云活人言头疼如破者连须葱白汤次又不已者葛根升麻汤恐太阳流入阳明断其路故以此汤主之地黄汤内加犀角以升麻代之是知阳明药非太阳药也人或初病太阳证便与葛根升麻汤是遗太阳不惟遗经及引太阳邪气入於阳明不能解也其变可胜言哉

活人葱白例【此例当在前麻黄葛根葱汤四味条下】

连须葱白汤【治伤寒发汗已未头疼欲破者】

葱白【连须半斤】 生姜【二两】

右以水二升煮取一升去滓分二三服此药不差者服葛根葱白汤

葛根葱白汤

葛根 葱白 生姜 芍药

川芎 知母

右剉水三升煎一升去滓分二服

七味葱白汤

许仁云伤寒或因气劳或因食劳其病如强力持虚行步而发者力劳也

葱白【连须】 葛根 盐? 生姜

麦门冬 乾地黄 沸水【一勺扬之无数】

右七味沸水煎三分去二去滓分作二服覆首出汗

王朝奉方 活人葱白例并出金匱祖方

葱姜汤【治妊娠伤寒】

葱白【十茎】 生姜【三片切】

右二味以水三升煮取一升分作三服取汗为度

又葱?汤

葱白【二两半】?【半斤】

右以水三升煮取一升分作二服取汗为度

又葱白一物汤

葱白【二把】

又葛根一物饮子

右以水一升煮熟服取汗食尽亦主安胎若胎死须臾即出

葛根汁每服一小盞如人行五里地道一服若无生葛乾葛?咀煮浓汁服至于升麻梔子前胡知母黄芩杏仁六味共七物内加葱白三两茎煎去滓服

普救散【治小儿伤寒】

乾葛【炒半斤】 甘草【炒赤四两】 苍术【一升泔浸煌】

右麤末每服二大钱水一鍾煎至七分去滓热服

百解散

升麻汤【六两】 苍术【四两】 菖蒲【一两】

右同为末水煎服

又百解散【治太阳阳明合病】

麻黄 荆芥 石膏 川芎

苍术 甘草

又百解散【治证同前】

麻黄 菖蒲 苍术 甘草

不卧散

苍术【半两】 甘草【一两】 菖蒲【三钱】

右以水同生姜枣煎服

荡邪散

藁本 苍术 甘草【各等分】

右以水一盞煎服之

和解散

苍术【半斤制】 藁本 桔梗【微炒】 厚朴【制各二两】

陈皮【去白】 甘草【煮各四两】

右为麤末每服三钱水一大盞生姜三片枣一枚去滓服

易简王氏生料五积散

治感冒风寒肩背拘急发热头疼或为寒所搏一身凜然急用此药如服养胃汤法以被覆汗出即愈苍术 桔梗 枳殼 麻黄

陈皮【各六钱】白芷川芎当归

甘草官桂半夏白芍

茯苓【各二钱】乾姜厚朴【各四钱】

右?咀每服四钱水一盞半生姜三片葱白一根煎至六分去滓食前热服寻常被风寒湿气交互为病颈项强直或半身偏疼或麻痹但服此药加麝香末少许煎服自能平治妇人经候不调心腹撮痛或闭塞不通加醋一合煎服

产後催生及胎死腹中亦如前法能饮者更加酒半盞

产後发热及往来寒热不问感冒风寒及恶露为患均可治疗腹中血块尤宜热醋调服

伤寒手足逆冷面青呕吐宜加附子 或痲痺症痲膀胱小腸气痛加炒茱萸半钱盐少许

脚气加茱萸木瓜大便秘者加大黄 脚气下注焮然赤肿者以大便流利为度

脚气初发增寒壮热者亦宜此药利之 又一方治浑身疮疥脓血水淋?经时不愈加升麻大黄名升麻和气饮盖疮痲为患多因内有所蕴发在皮肤若只傳以药何由得愈不若以此药滌之若寒湿之气注下作疮疮愈则毒气入腹为害不浅此药尤妙若有热证则以败毒饮亦加大黄煎服

海藏五积论

麻黄桂芍药甘草即麻黄桂枝各半汤也苍术甘草陈皮厚朴即平胃

枳殼桔梗陈皮茯苓半夏即枳梗半夏等汤也 又川芎当归汤治血 又加乾姜为厚朴散 右此数药相合为解表温中泄热之剂去疾消痞调经之方虽为内寒外感表里之分所制实非仲景表里麻黄桂枝姜附之的方也至於冷积呕吐泄痢症痲时疾疫气项背拘急加葱白豆?厥逆加吴茱萸寒热咳逆加枣妇人难产加醋始知用之非一途也惟知活法者择之

仲景五苓散

治太阳病後汗後大汗出胃中乾烦燥不得眠欲得饮水者少少与之令胃气和则愈若脉浮小便不利微热消渴者与五苓生之

猪苓【十八铢去皮】泽泻【一两一铢】茯苓【十八铢】桂【半两去浮皮】白术【十八铢】

右五味为末以白米饮调服方寸匕日三服多饮暖水汗出即愈

胃弱小便少亦宜少減二苓泽泻加白术桂便以生姜之类 若水停心下煎生姜三钱或半夏入煎浓调服五苓散秤三钱或半两亦可太阳标病传入标之本发渴溺不利以此散导之邪自膀胱而出也若未渴妄用五苓散反引邪气入里而不能解也故易老云即太阳经之一药也若伤寒太阳脉紧而渴者不宜用此

阳明证後有仲景五苓散一条甘露饮枳术汤梅师方一以其消痞去水故入阳明例 饮酒而泄泻者脾胃受湿也何以知之仲景厥而心下悸者宜先治水当服茯苓甘草汤却治其厥不尔水渍入胃必作利也故饮而泻者五苓散甘露饮子神效饮酒若过度必作利者里急後重者温热之毒浸渍腸胃也当作别治 甘露饮即五苓散去猪苓【阙】

附子散

治伤寒手足逆冷筋脉拘急汗出不止头强摇头口噤桂心【二钱】 附子【一两炮】
白术【一两】 川芎【三钱】

独活【半两】

右各?咀每服三钱水一鍾枣一枚同煎至五分去滓温服

桂心白术汤

治伤寒阴瘕手足厥冷筋脉拘急汗出不止

白术 防风 甘草 桂心

附子 川芎【各等分】

右剉如麻豆大水五盞姜五片枣一枚同煎七分去滓温服

附子防风散

治伤寒阴瘕闭目合面手足厥逆筋脉拘急汗出不止

白术 防风 甘草 桂心

附子 乾姜 柴胡 茯苓

五味子

右?咀每服三钱水一盞生姜四片煎至七分去滓温服无时

八物白术散

治伤寒阴瘕三日不差手足厥冷筋脉紧急汗不出阴气内伤

白术 茯苓 桂心 麻黄

羌活 良姜 附子 五味子

右?咀每服四钱水一大鍾姜五片同煎至五分去滓温服无时无论有汗无汗药并下药中总加羌活

王朝奉刚柔二瘕三药

金匱括萎桂枝汤【有汗者弱也属阴】

太阳证其证备身体强兀兀然脉沈迟为瘕

括萎根【三两】 桔梗【去浮皮三两】 芍药【三两】 甘草【炙二两】

每服五钱水二小盞姜七片枣二枚煎至一盞去滓服汗不出食顷啜热粥以发之

桂枝加葛根括萎汤【治症如前】

桂枝 芍药【各一两】 甘草 葛根

括萎根【各二钱半】

右?咀每服五钱水二盞姜五片枣二枚煎至一盞去滓服

金匱葛根汤【无汗者刚也属阳】

太阳病无汗而小便少反气上冲胞口噤不得语欲作刚痉

葛根【四两】 麻黄【三两去节】 桂枝【二两去浮皮】 甘草【煮二两】 生姜【三两切】 芍药【三两】 大枣【二十枚】

右?咀水一斗先煮麻黄葛根一二沸去上沫内诸药煮取三升去滓温服取微汗王朝奉云芍药二两

活人举败散【治新产血虚痉者】

右以荆芥穗不以多少微炒为细末好酒调五钱服之

或云仲景痉病无药今王朝奉治痉葛根汤即桂枝汤内加葛根麻黄是也治後有金匱芍药三两一句即是仲景有本方也叔和编次仲景言证而无药金匱以有也活人百合证数药以为活人药而不知本草所载皆金匱方当知仲景有本方矣金匱玉函即仲景之昔称也金匱要略亦出玉函故朝奉但言金匱处便为仲景方也故文潞公辈皆称仲景为羣方之祖盖本此也

海藏痉湿喝别法

神术汤【治风湿恶寒脉紧】

苍术 防风 甘草

右?咀葱白煎去滓服 解利无汗治刚痉加羌活 独活 麻黄

白术汤【治风湿恶寒脉缓】

白术 防风 甘草

右?咀生姜煎去滓服 解利有汗治柔痉加桂心 黄耆 白术

太阳阳明加川芎荆芥穗 正阳阳明加羌活酒大黄少阳阳明加防风柴胡
热而在表者加黄芩

寒而在表者加桂枝黄芪附子热而在里者加大黄寒而在里者加乾姜良姜附子以上数经
寒热当

以脉别之

汗少者加苍术 阳濡而弱湿温也

先伤湿 後伤暑 脉虚名曰重喝

汗多者加白虎桂枝 阴小而急

先伤寒 後伤热

身热脉虚 自汗恶寒 中暑也

白虎加桂汤

身热脉浮 自汗欲睡 风湿也

白术防己汤

先伤风 後伤热

先饮冷後伤暑五苓散主之此必心下痞也浓煎生姜汤调服或四君子汤调中汤亦可若中和後或小便不利或茎中痛以蒲黄三钱滑石五钱甘草一钱为细末热水调送金华丸三五十丸 太阳中热者喝病也 中暑亦喝病也太热中热发热恶寒身重反痛脉弦细芤迟小便洒洒然毛耸少有劳忽然身热口开齿燥此有三忌

忌发汗【一】忌温针【二】忌大下【三】若犯此三忌则有三甚
发汗恶寒愈甚【一】湿针发热愈甚【二】大下小便淋甚【三】

问弦细芤迟当用何药答曰海藏黄芪汤主之

海藏黄耆汤

人参 黄耆 白术 茯苓

芍药 甘草【各等分】

右?咀每服三钱水一大盏生姜三片煎至六分去滓温服

东垣李明之先生云如治风先浸防风二两次煎余药与同例

苍术不以多少泔浸透刮去皮切作片子晒乾每服四两水三大碗煎至二大盏去滓煎用下
项药白术 白茯苓 黄耆 白芍

右四味各等分细剉每服一两以苍术水煎至一盞去滓温服食远可用若三焦气弱中土不能营饮食心下痞内外三焦之气絶也当先浸黄耆二两水二碗煎至一碗再煎正药黄耆汤一大服用接内外三焦元气同东垣先生法

上浸苍术煎药燥湿也下浸黄耆煎药接气也

易简白术汤

治小儿泄泄胃热烦渴不问阴阳并宜服之

人参 白术 术香 茯苓

甘草 黄耆【各两】 乾葛【二两】

右?咀每服二钱水一盞煎至半盞量大小与服仍用香连丸间之渴欲饮水者时时煎服任意饮之弥多弥佳 白术汤一方治呕吐白术人参各一两半夏一两茯苓甘草乾姜各半两姜煎服钱氏谓小儿吐泻当温补之每用理中丸以温其中五苓散以导其逆连进数服兼用四君子汤加陈皮调之若已虚损用金液丹杂以青州白丸子为末米饮调服多服乃效若吐泻之後发热必作惊风二药服之累有神效

若胃气已生则旋减金液丹却以异功散等药徐徐调之 若食不消脾胃虚寒呕吐恶心者当服益黄散用陈皮半夏青皮诃子肉甘草各一分丁香一钱量大小煎服小儿暑月吐泻其证不一宜详审用之不可差谬有伏暑者小便必不利宜五苓散香茹散

有伤食者其吐并粪必酸臭气宜服感应丸 有虚冷者泄泻必多宜以六神汤加附子服之用人参茯苓山药白术扁豆甘草等分姜枣煎服风证加天麻痢加罌粟殼

吐泻初定当以天南星为末每服加冬瓜子仁七粒煎服以防变痢

若泻色青当用惊药小儿之病与大人无异用药亦同量力用之

惟风气脐风夜啼重舌变蒸客忤惊癇解颅魃病疳气不行数证钱氏方甚详

消暑丹

半夏【一斤】 茯苓【半斤】 甘草【生半斤】

右以醋五升煮半夏盖醋煞乾姜汁作糊无见生水为丸每服五十丸热水咽下精意修治用之极效中暑为患药下即苏 伤寒发热头疼服尤妙

夏月常服止渴利小便虽饮水多亦不为害应是暑药皆不及此

若痰饮停节并用生姜汤下入夏之後不可缺此

霍乱证夫呕吐而利者霍乱也三焦者水谷之道路邪在上焦者则吐而不利邪在下焦者则利而不吐邪在中焦既吐则利以饮食不节冷热不调清浊相干阴阳乖隔遂成霍乱挥霍撩

乱重也吐利而已轻也霍乱吐泻者风湿喝外至生冷硬内生内外合而为病谓如风寒湿暑热喝所伤各有先後食饮菜果各有多少内外传变各有轻重以六经脉并何经何藏以随所应见活之或表或下或和或收燥润分利温之属浮弦实细迟缓宜求此之谓也外邪入里伤於脾胃上吐下利名为霍乱吐利止後见外证者只作外伤治之外证不已复传於里呕利再作上下邪甚先吐利里气已虚伤寒再传而又吐利是谓重虚故不可治而死也先伤寒而为吐利既吐利而再传伤寒今伤寒却传吐利虽曰重虚前後乱经浑浊不已外则难解内则难温药餌难为功矣若饮冷过多或有所伤心下痞腹痛不能食或泄泻不止若不呕者化水丹呕吐者半硫丸右二药效後服五苓梅瓜等药不复再饮也

化水丹

川芎 蛤粉 牡蛎粉

右为细末醋糊为丸

半硫丸【此丸古时用今时气薄不用】

硫黄 半夏 并依局方修制服餌

三宝丹【治积冷暴泻不止不嗜饮食】

硫黄 半夏 牡蛎【各等分】

右为细末姜糊丸桐子大朱砂为衣生姜汤下二十丸空心服此上三药并有消暑之意

活人发斑诸药

葛根橘皮汤【癰在肌】

治冬温未即病至春被积寒所折不得发至夏得热其寒解冬温始发肌中癰烂稳疹如锦文而欬心闷但呕吐清汁服此药即静

葛根 橘皮 杏仁 知母

黄芩 麻黄 甘草【各等分】

右剉如麻豆大每服五钱匕水一盞半煎去查温服

阳毒升麻汤【癰在面】

治伤寒一二日变成阳毒或服药吐下之後变成阳毒腰背痛烦闷不安面赤狂言或见鬼或下利脉浮大数面赤癰癤如锦文咽喉痛下脓血五日可治七日不可治

升麻【二分】犀角 射干 黄芩

人参 甘草【各一两】

右剉如麻豆大水三升煎取一升半去滓饮一盞顷刻再服以衾覆手足出汗则愈不愈再服

阳毒玄参升麻汤【癰狂身】

治发汗吐下後毒不散表虚里实热发於外故身癰癤如锦纹甚则烦燥谵语兼治咽闭肿痛

玄参 升麻 甘草【各等分】

右剉每服五钱以水煎去滓温服

阳毒梔子仁汤

治少阳阳明合病阳毒伤寒壮热百节疼痛并宜服之

升麻 黄芩 芍药 石膏 知母 甘草 杏仁 柴胡 梔子仁【各等分】

右麤末五钱水一盞生姜五片?百粒煎至六分去粗温服无时

四物解肌汤

芍药 黄芩 升麻 葛根【各等分】

右?咀每服三钱水一盞煎至七分去滓服内伤腹中有宿食不得大便而发热当以食药去其物则可使後仍发暑者在表也亦宜解表此皆钱氏朱氏升麻汤去甘草加黄芩尤妙

洁古老人凉膈散去大黄硝解六经中热亦治小儿癰欲发之则加防风荆芥二物尤妙 守真说凉膈散亦妙大便结小便赤者宜用大小便已通者不宜也朱氏钱氏王氏所论皆平易老亦平守真微凉南

北之地法方宜不同也 折中汤液万世不易之法当以仲景为祖

金匱要略方【阳毒之为病面赤癰癤如绵纹咽喉痛唾脓血五日可治七日不可治阴毒之

为病也面目青身痛如被杖咽喉痛死生与阳毒同升麻鼈甲汤并主之此王朝奉治阴阳毒升麻鼈甲汤俱出仲景祖法】

癰疮豌豆疮

千金方热病後豌豆疮黄连一物煮浓汁服 又好青黛大如枣水服之差
又法木香一物煮浓汁服

五物木香汤【治疮烦疼】

青木香【二两】 丁香【一两】 薰陆香 白矾【各一两】

麝香

右?咀每服四钱水一盞半煎至一盞去滓温服热盛者加犀角一两无则以升麻代之轻者去
矾大效

犀角大青汤

大青【三两】 梔子【四十枚】 犀角

右?咀每服五钱入?半合水一小盞半煎至一盞去滓服 初虞世云小儿疮疹之候与伤寒温
疫相似疑似之间可先与解肌汤大人伤寒中风温疫疮于已发热未退并可用鲜肌汤
小儿疮疹出不快浓煎紫草汁服又牛旁子炒熟为末同荆芥煎服

消毒犀角饮子【治癰】

牛旁子 荆芥 甘草

右麤末水煎服

钱氏消毒散

牛旁子 荆芥 甘草

右麤末水煎服

王朝奉癰论

发癍者下之太早热气乘虚入胃故也下之太迟热留胃中亦发癍或服热药过多亦发癍微者赤癍出五死一生剧者黑癍出十死一生也皆当用白虎人参汤一名化癍汤及阿胶大青汤孙兆云兼与紫雪大妙可下者用调胃承气汤暑月病阳重常宜体後见微癍当急治之

阿胶大青汤

大青【四两】 甘草【二两】

右为麤末每服四钱水一盞半入?半合煎至一盞去粗入煮过阿胶二片再至胶消服 华佗方又主热病不解下利笃困者又主伤寒热病十余日以上发汗吐下後热不除利不止癍出黄疸皆可疗之神效

王朝奉议论并方

阴阳毒不可以常法治之金匱云阳毒之为病面赤癍癍如绵纹咽喉痛唾脓血五日可治七日不可治阴毒之为病面目青身疼如被杖咽喉痛死生与阳毒同升麻鼈甲汤并主之 千金阳毒汤治伤寒一二日变成阳毒或服药吐下後变成阳毒身重腰脊背痛烦闷不安狂言或走或见鬼或吐血下利其脉浮大面赤癍癍如锦纹咽喉痛吐脓血者五日可治七日不可治宜升麻汤 阴毒汤治伤寒初病一二日变成阴毒或服药六七日已上至十日变成阴毒身重背强腹中纹痛咽喉不利毒气攻心心下坚强短气不得息呕逆唇青面黑四肢厥冷其脉沈细紧数仲景云此阴毒之候身如被杖五六日可治七日不可治也方一百七甘草汤

又阴疽汤治伤寒肢节疼痛内寒外热虚烦者

阴阳毒升麻鼈甲汤

升麻 当归 甘草【各三两】 蜀椒【去汗一两】

鼈甲【煮】 雄黄【半两研】

右?咀每服五钱水二盞煎至一盞去滓温服肘後千金阳疽用升麻无鼈甲有桂阴毒用甘草无雄黄

阳毒升麻汤 此二药与活人特异当有别议

升麻【半两】 当归 蜀椒 雄黄

桂【各一两】

右每服五钱水一盞半煎至一盞去滓温服覆手足取汗得吐亦佳

阴毒甘草汤

甘草 升麻【各半两】 当归 蜀椒

鼈甲【一两】

右每服五钱水一盞半煎至一盞去滓服不一丹作【王朝奉阴阳二毒升麻等汤俱出金匱
议论与活人同活阳毒升麻等汤特异用者当择】

阳疽汤【二疽方皆出活人大同小异】

桂枝汤加黄芩二两余同本方加减法 自汗者去桂加附子一枚 喝者去桂加括蒌根三两
利者去芍药加乾姜三两附子一枚炮 心下悸者去芍药加茯苓四两
虚劳里急正阳疽汤主之 若脉浮紧者不可与之

阴疽汤

芍药 甘草【各二两】 乾姜 黄芩【各三两】

桂【四两】

右每服五钱水二盞半煎至一盞去滓服

治伤寒肢节疼内寒外热虚烦者

甘草汤治咽喉痛阴阳毒未较甘草一味五钱水一盞煎去滓服

沈香连翘散【治一切肿毒疼痛欲死者立止】

青木香 沈香 升麻 麝香

乳香 丁香 独活 桑寄生

连翘 木通【各一两】 川大黄【煨五两】

右为麤末每服三钱水二盞煎至一盞空心热服半日以上未利再服本方有竹沥芒硝斟酌
虚实用之

内化丹

治脑背疮疽初觉肿硬未有头脑并诸肿不消始觉便服此药微利数行其肿免致出脓

南乳香【半两】没药【半两另研】泽乌【大者水浸一夕炮去皮脐半两】

海浮石【醋淬七次半两】巴豆【四十九粒去皮不出油】

右为细末将乌头末余药和研匀以浮石醋打面糊丸如桐子大量虚实加减空心五七丸温酒下忌热物

夺命丹【治恶疮脑疽发背】

大黄【切作块大砂器内盛之搅九九八十一徧如此飞过一两】牡蛎【一两】

生姜【一两】没药乳香【各一钱】

右为麤末转作丸子用好酒一升木炭火熬一沸耗三分用碗盛之夜露一宿早晨去滓空心服之不可乱传

治发背疮方

苍耳子炒黄擦去其刺再炒深黄不见风碾细末每服五钱好热酒调服食前临卧

一则用大黄牡蛎二则用苍耳则知有内外之不同也前有夺命丹二药表里不同何以然乃膏粱之变脉沈而滑地之湿气害人皮肉筋脉脉浮而滑所以有泄之发之之异也煮法一同与前内托散论议相通

大补十全散

参芪木茯草芍地桂归川三五钱秤用生姜枣水煎妇人虚弱用名美号十全

治妇人诸虚不足五劳七伤不进饮食久病虚损时发潮热气攻骨脊拘急疼痛夜梦遗精面色痿黄脚膝无力一切病後气不和失精忧愁思虑伤动血气喘嗽中满脾胃气弱五心烦闷并皆治之此药性温不热平补有效养气育神醒志止渴顺正辟邪温暖川芎官桂芍药甘草

黄耆当归人参白术

茯苓 熟地【各等分】

右麤末每服二大盏水一盏生姜三片枣二枚同煎至七分无时温服参术茯苓甘草四君子汤也川芎芍药当归地黄四物汤也以其血气俱衰阴阳并弱天得地之成数故名曰十全散保命救生丹出十全例

内托散【此方在补虚门】

当官人 芷桔 芎耆草 厚风 可治膏粱变补托有神功

本方注云未发者消散已发者早脓兼治时气服者当求脉之源若其人本虚脉虚宜用此若脉不虚不宜用此反此则害人多矣经云地之湿气感则害人皮肉筋脉而生疽者宜此药托之右膏粱之变饶生大疔者不宜用之宜以羌活连翘大黄生地黄汤下之荣气不从逆於腠理乃生痈肿荣逆血郁郁则热聚为肿正理论曰热之为过则为痈肿荣气不从亦有不热者乎答曰膏粱之变芳草之美金石之过气血太盛荣卫之气充满而抑遏不能行故闭塞血气腐而为痈也当泄之以夺盛热之气若其人饮食疎精神衰气血弱肌肉消薄荣卫之气促短而滯滞故寒薄腠理闭郁而为痈肿也当补之以接虚怯之气亦当以脉之浮沈别之既得盛衰之异泄之则连翘大黄补之则内托散之类是也故经云膏粱之变饶生大疔陷脉为瘰留连肉腠此之谓欬 疮瘍自外而入者不宜灸自内而出者宜灸外入者托之而不内内出者接之而令外故经云陷者灸之

灸而不痛痛而後止其灸灸而不痛者先及其溃所以不痛而後及良肉所以痛也

灸而痛不痛而後止其灸灸而痛者先及其未溃所以痛而次及其将溃所以不痛也 圣惠治脑疽发背用阳明药如犀角麻黄石膏之类以其变在手太阴发渴或相火在中故不用太阳药只用阳明也

海藏黄耆汤与四物汤相合亦名托里汤也内加桂沙参尤佳以其气血齐补也

易简胃风汤

治大人小儿风冷乘虚入客肠胃水谷不化泄泻注下及腸胃湿毒下如豆汁或下瘀血日夜无度人参 茯苓 川芎 桂

当归 芍药 白术【各等分】

右?咀每服二钱水一大盏粟百余粒同煎七分去滓消热服空心食前小儿量力减之此方加熟地黄耆甘草等分足为十味名十补汤大治虚劳

嗽加五味子 有痰者加半夏 发热加柴胡有汗加牡蛎 虚寒加附子 寒甚加乾姜

皆依本方等分此须脾胃壮者可服稍不喜食则不可用往往今人只依脾虚停积痰饮发为

劳治之服此等药愈伤胃气至於不效者比比皆是不可不知也
若骨蒸发热饮食自若者用大补汤柴胡各二两分作十服之 人参治气短茯苓小便不利川
芎脉濡弦官桂恶寒当归脉濡白芍药腹痛白术胃热湿盛先便後血者血在上也便血相杂
者血在中也先血後便者血在下也

洁古云防风为上使黄连为中使地榆为下使血瘀色紫者陈血也热地黄
血鲜色红者新血也生地黄寒热者加柴胡 肌热者加地骨皮 此证乃甲

欺戊也风在胃口中上湿泄不止湿既去尽而反生燥庚欺甲也本无金气以其甲胜戊亏庚
为母复讐也故经曰亢则害承乃制是反制胜已之化也若脉洪实病胜者加酒浸大黄
人参芍药桂川芎当归白术茯苓七味为麤末姜煎服之主胃风

人参黄耆甘草三物汤【治疮?发渴】

黄耆甘草二物汤治肤痛内加防己为防己黄耆汤十全散减黄耆甘草熟地黄即胃风汤也
内经有结阴便血一条 初结一升再结二升三结三升

芍药甘草例

仲景芍药甘草汤

白芍药【四两】甘草

芍药白补而赤泻白收而赤散也酸以收之甘以缓之酸甘相合同补阴血右二味?咀水三升
煮取一升半去滓温服

甘草乾姜汤【内经曰辛甘发散为阳甘草乾姜以复阳气】

甘草【炙四两】乾姜【炮二两】

右?咀如前煎服之

四逆汤

甘草 乾姜 附子

右三味依法煎服

芍药甘草附子汤 芍药甘草黄芩汤

甘草一物汤 伤寒类要又甘草一物汤治伤寒脉代见心悸动危困者

甘草二两水三升煮取一升半服七合日二亦治肺痈

仲景煮甘草汤

治伤寒脉结代心悸动此汤主之属太阳证也甘草 生姜 人参 桂枝

大枣 麻仁 生地 麦门

阿胶【麯炒熟各等分】

右?咀每服用五钱水一盞半酒一盞煎至八分去滓入胶尽服

东垣先生芍药甘草例

芍药二甘草一汤 脉弦加防风川芎脉洪加黄芩脉缓加桂枝脉濇加当归脉迟加乾姜大便
软加白术小便濇加茯苓 杂病痛服诸药不效神应丸

桂苓例

桂苓丸

乌梅肉【一两】 桂【半两】 茯苓【二两】

右焙梅乾桂苓皆忌见火三味同为极细末炼蜜丸如鸡头子大每服十丸细嚼白汤送下津
咽亦可

荔枝煎

乌梅肉【焙乾一两】 乾木瓜【半两】 神麴【七钱微炒】

白茯苓【七钱】 豆粉【一两生用】 桂【去浮皮净秤半两】

右麴粉别为细末余四味碾极细後入麴粉和匀炼蜜作挺每挺一两可作十丸津化下草豆?
御方思食丸同

千里浆一名水葫芦【并见集古】

木瓜【半两】 紫苏叶 桂【去皮各半两】 乌梅肉

赤苓【各一两】

右为细末炼蜜丸弹子大每服一丸细嚼津化新汲水亦得

乌梅散【治下痢津液少大渴引饮不休】

乌梅【焙半两】 茯苓【去皮一两】 木瓜【一两】 一法加桂三钱

右?咀每服五钱七升一盞生姜三片煎至七分去滓服

紫苏汤【治烦闷口乾多渴咽膈不利手足烦热】

紫苏叶【三两】 甘草【五两】 乌梅肉【四两】 杏仁【一两去皮尖】 盐【五两】

右为细末每服三钱汤点服

大顺散【此法出桂枝乾姜甘草例】

桂 乾姜【炮各入分】 甘草【煮六两】 杏仁【八两】

桂苓白术丸

五苓散内去猪苓加姜硝半夏陈皮糊丸又加黄连黄蘗为坚中丸

又千里浆

麦门冬 紫苏叶 木瓜 甘草【煮】 白茯苓 乌梅肉 杏仁【去皮尖各半两】

川百药煎【一两】

右为细末酒糊为丸如樱桃大噙化一法去牵牛蜜丸蜡固剂一丸噙之亦名水葫芦

又方

百药煎 乌梅 紫苏 人参

甘草 麦门冬

右各等分为末热汤点服

荔枝汤

乌梅 甘草【各三两】 白芷【半两】 百药煎【二两】

白檀【二钱半】

右为末点服

梅葛散

百药煎 乌梅肉 甘草【各一钱】 丁香

右细末煎服

桂浆出一斗料例

桂【三两去浮皮】 白茯苓【去皮三两】 麦门冬【半两】 神麴【半两】

右四味为细末蜜三斤熟水一斗一法加乌梅

蜜酒

好蜜【二斤】 水【一碗】 细麴【二升】 好乾酵【二两】

右先熬蜜水去华沫令絶冷下酵每日三搅三日熟

神术汤拾遗

神术加藁本汤 神术木香汤【通治雾露之气】

菩萨散【治眼】

是神术汤内加荆芥白蒺藜细末盐汤点眼酒亦可

仲景乌梅丸【治伤寒呕吐後又用治下利】

乌梅【三百二十个】 细辛【一两半】 乾姜【二两半】 黄连【四两】

当归【一两】 附子【二两】 桂枝【一两】 人参【二两】

黄蘗【二两】

右将乌梅好醋浸一宿去核蒸之五斗米下饭热忤成泥和药令相得臼中与蜜杵二千下丸如桐子大食前饮下十丸日二服加二十丸分两随证主治加减【此方当在厥阴条】

钱氏芍药黄蘗皮丸

芍药 黄蘗

守真黄蘗皮丸

芍药 黄蘗 黄连 当归

四信散

黄连 黄蘗 芍药 乾姜

孙用和治血痢以膩粉五钱定粉三钱同研匀水浸蒸饼为丸菉豆大每服七丸或十丸艾十枝水一大盏煎汤下汤多尤佳

古方驻车丸

黄连【六两】 乾姜 当归 阿胶【各三两】

右以上三味捣筛以三年米醋煮阿胶令消和药衆手捻丸梧子大每服三十丸饮下日三如无三年醋只用醪醋

黄蘗皮汤【治久血甚验】

黄蘗皮 黄芩【各二两】

右?咀每服四钱水二盏煎至一盏去滓入阿胶三片再煎胶散服腹痛甚者加梔子一两小便不利者加茯苓六钱

活人黄连阿胶汤【治热毒入胃下痢脓血】

梔子 黄连 黄蘗

右?咀依法煎服

活人三黄熟艾汤

治伤寒三四日大热下利热药不能止

黄芩 黄连 黄蘗 熟艾

海藏云以上苦寒之药元病不经内伤冷物者宜服亦当察人之虚实及以脉别之

经曰脾脉外鼓沈为肠澼久不已外鼓谓动於臂外也肝脉小缓为肠澼易治肝脉小缓为乘肝故易治肾脉小抟沈为肠澼下血小为阴气不足搏为阳

气乘之热在下故下血也 血温身热者死然血温身热阴气丧乱故死

心肝澼亦下血肝脏血心养血故澼皆下血也 右二脏同病者可治心火小木火相生故可治其脉小沈澼为肠澼心肝脉小而沈澼者澼其身热者是火气内絶去心而归於外也故死火成数七故七日死

仲景治痢紫参汤

紫参【半斤】 甘草【二两】

右以水五升煮紫参取汁二升入甘草再煎去一升分作三服放温服之

扁鹊云若衄血吐血脉当沈细若反浮大而牢者死叔和云衄血吐血沈细宜忽然浮大命倾危经云泄脱血而脉实若遇於此皆曰难治 又云血温身热者死

单黄连加减例【当在手少阴条下以其利在肠胃故列於此】

加豆?木香为豆?香连丸 加陈皮为栢连丸加诃子木香为小香连丸

黄连

加黄蘗为二圣丸 加木香白附子为白附香连丸加榆仁为榆仁丸 加阿胶茯苓为阿胶丸
加

阿胶乾姜当归为驻车丸

牛蒡子根散【国医孙用和传】

治汗不流古方罕言之此是汗出时盖覆不周汗出不匀以致腰背手足挛搐

牛蒡根【二十条】麻黄【二两】牛膝【二两】天南星【二两】地龙【二两】

右牛蒡根去皮切并诸药入砂盆内研细好酒一升同研烂新布取汁後用炭火烧一地坑子内通红去炭扫尽药汁内坑中再以火烧黑色将出於乳鉢内细研每服半钱温酒调下日三服用和亲患三年服之效

玄胡丸【海藏评解利伤寒丸药杂例并本方注後】

玄胡 当归 青皮 陈皮

三棱 广茂 木香 乾姜【另研为细末各半两】雄黄【二钱研粉入姜末同研】

右醋糊丸桐子大每服三二十丸白汤下解利内外伤诗曰

玄归三广木 青陈姜与黄 醋糊丸桐大偏宜内外伤

紫霜丸

治伤寒温壮内夹冷实或已得汗身热不除及变蒸发热日久不解因食成痼俗呼为食迷风

代赭石【火烧醋淬】赤石【右末各一两】巴豆【三十个去皮脐炒研】

杏仁【五十个去皮尖面炒另研】

右用研匀汤浸蒸饼为丸黄米大小儿初生三十日以外可服一丸半岁一年二年可用三丸乳下米汤亦得

无名丸【解内外与四生例相似在半夏例条下】

贯衆 茯苓 代赭石【各一两醋淬】

自然铜【三两三钱醋淬丸遍】寒水石【烧成粉四两】

黑豆【去皮研细四两】

右件为细末小麦面为丸菉豆大生姜汤送下三五十丸

此药不知来例别无解例味数止是贯众治头风有毒解毒大抵解疫疠毒气则效非若古法之分经也本草云代赭石苦甘寒主鬼疟贼风自然铜辛

平无毒疗折伤散血主痛贯众治头风半夏治伤寒寒热巴豆辛温主伤寒温疟寒热煎亦解利此三药虽云治伤寒止治因内感而发出之外多

效若外感一日太阳受之不宜用此不知药性者不可执此解利外感此药大抵止治内不能行经若欲行经非汤液不能也

代赭石自然铜二味兼以醋淬煅以苦酒与火力同能上行故解利也若以代赭自然二石以性论下行之体无疑更当详紫霜丸主治伤寒温壮内夹冷实一句只知无名体也

天麻朱砂丸【治内外伤】

天麻【一两】雄黄【半两】朱砂【二钱】巴豆【去皮膜油半两约二百粒】

右为细末蜡和作铤子旋丸如黍米大每服三五丸温酒白汤送下俱得食後玄胡丸内有雄黄乾姜苦酒与此一体本草云雄黄味甘治百节中大风所以解利

安先生传易老解利二药

狼毒大戟草乌头【生用各等分】

右为细末醋糊丸桐子大每服五七丸或十丸温水下

解利伤寒药

乾山药藜芦【连须一钱】

右为细末纸捻之

杨氏内解丸

芫华红药【各等分】

右为细末生用醋糊丸如菉豆大温水下一丸少顷以葱醋米汤投之无时

四生丸

天南星半夏芫华自然铜【各等分】

右为细末醋打荞麦面为丸菉豆大 酒积痰饮胞胀腹满食饮不消五丸临卧温水下忌热物
伤寒时疾豆豉汤下十五丸三服解心气大痛温醋汤下

医垒元戎卷二

卷三

钦定四库全书

医垒元戎卷三

元 王好古 撰

阳明证 先足经从汤液 次手经从襍例

仲景白虎汤

治身热头痛鼻乾不得卧尺寸脉俱浮而长又治伤寒脉浮滑此表有热里有寒非寒冷之寒寒邪之寒热也

石膏【四钱】 甘草【半钱】 知母【一钱半】 粳米【一勺】

右麤末每服五钱匕水一盞半米熟去滓温服

白虎加人参汤【治动而伤暑大渴】

白虎加苍术汤【治静而伤暑不渴】

白虎加桂汤【治中暑自汗微恶寒】

白虎加梔子汤【治小便淋而烦】

白虎加五味汤【治嗽而少津液】

竹叶石膏汤

治伤寒解後虚羸少气逆欲吐

石膏【二钱】 人参【半钱】 粳米【百粒】 半夏【二钱半】

甘草【一字】 竹叶【五片】 麦门冬【一钱】

右为麤末每服五钱匕水一盞煎至米熟温服

张仲景炙甘草汤【本方在太阳门伤寒类要甘草一物汤後】

此本太阳证当列於太阳条下胞者肺之府也故入阳明例

活人五味子汤【治伤寒喘促脉伏而厥】

人参【三钱半】 五味子【半两】 陈皮【二钱半去白】

杏仁【二钱半】 生姜【二钱半】 枣【三枚】 麦门冬【去心二钱半】

右剉如麻豆大水二盏半煎至一盏去滓分二服熬猪肚汤

益气之源以消陰翳则便溺有节羊肉冬瓜汤 膏痺饮水洩多 肾气丸 胃热消谷善食而瘦地黄丸

消渴手太阳不止消中足阳明 消肾足少陰痺成消中而数少便 内化丹 麦门冬汤

易老顺气散小承气汤也 凤髓丹 化水丹壮水之主以制阳光则渴饮不思

仲景诸泻心等汤 手少陰也以其心下痞故入阳明例又况服栀子黄芩黄连黄蘗大黄为上经之剂安得不例阳明乎

大黄黄连泻心汤

治太阳病医发汗遂发热恶寒因复下之心下痞表里俱虚陰阳血气并竭无阳则陰毒复加烧针因胞烦面青黄肤瞶者难治若色微黄手足温者易愈心下痞按之濡其脉关上浮者

大黄【二两】 黄连【一两】 加黄芩为伊尹三黄汤

右二味剉如麻豆沸汤二升渍之须臾绞去滓分温再服

附子泻心汤

治心下痞而复恶寒汗出本以下之故心下痞与泻心汤痞不解其人浮而口燥烦小便不利者五苓散主之

大黄 黄连 黄芩 附子

生姜泻心汤

治伤寒汗出解之後胃中不和心下痞硬乾噫食臭胁下水气腹内雷鸣下利者此汤主之

生姜【二两】 甘草 黄芩 人参【各一两半】

半夏【三两】 乾姜【半两】 黄连【半两】 枣【六枚】

右八味以水五升煮取三升去滓再煎取一升半温服半升

易老门冬饮子一名生脉散【治老弱虚人太渴】

人参【二钱】 五味子【半两】 麦门冬【去心半两】

枸杞【三钱】 甘草【三钱炙】 白茯苓【二钱去皮】

右?咀生姜水煎此药与内化丹相表里手太陰足少陰子母上下经也

王朝奉録千金方 此方本意出竹叶石膏汤例以此知仲景羣方之祖也

治劳复能起死人气欲絶者煮之有效用麦门冬汤

麦门冬汤

麦门冬【一两】 甘草【炙二两】 粳米【半合】

右麦门冬去心为细末水二盏煎粳米令熟去米约得汤一小盏半入药五钱?枣二枚去核新竹叶十五片同煎至一盏去滓大温服不能服者绵滴口中後人治小儿不能灌去者宜用之绵滴法此方不

用石膏以其三焦无大热也兼自欲死之人阳气将絶也故不用石膏若加人参尤妙

玉露散

寒水石【半两】 石膏【半两】 甘草【二钱半生半炙】

右为细末汤调服

外台蒸病一曰骨蒸二曰脉蒸三曰皮蒸四曰肉蒸五曰内蒸各随藏主又二十三蒸各应见汤液主之尽矣 五曰内蒸所以言内者必外寒热把手附骨而热也其根在五脏六腑之中心

因病後得之骨肉自消饮食无味或皮毛燥而无光泽蒸极之时四肢渐细足肿趺起石膏十两碾如乳粉法水和服方寸?日再以体凉为度

类要治膏痺饮少小便多

秦椒【一分出】 瓜蒂【二分末】

右水调服方寸匕日三服此方服之令人多吐宜约量多少不可太过一升分三

伊尹甘草泻心汤

治伤寒中风医反下之其人下利日数十行米谷不化腹中雷鸣心下痞硬而满乾呕心烦不得安医见心下痞谓病不尽复下之其痞益甚此非结热但以胃中虚客气上逆故便硬也宜此汤主之

甘草【二两】 半夏【一两】 黄芩 乾姜【各三两半】

黄连【半两】 人参【半两】 枣【六枚】

右七味以水五升煮取三升去滓再煎取一升半温服半升分三

伊尹汤液此汤也七味今监本无人参脱落之也伊尹三黄汤无黄芩亦後人脱落之也

半夏泻心汤

治下利而不痛者为痞也痛即为结胞

半夏【一两一钱半】 黄芩 人参 甘草【炙两半】

乾姜【一两半】 黄连【半两】 大枣【六枚】

右水五升煮取三升去滓再煎一升半温服半升分三

钱氏泻心汤一物 易老亦用一物泻心汤导赤散泻丙 泻心汤泻丁

导赤散

生地黄 木通 甘草 竹叶【等分】

右?咀水煎去滓服一法去甘草加黄芩为火府用炼蜜为丸弹子大细嚼竹叶汤下

一物泻心汤

张子修先生为泄斑汤其法见斑论改误

伊尹三黄汤钱氏改为丸治吐血黄疸

活人黄连解毒汤四味无大黄亦得与四物汤相合为各半汤 守真为既济解毒丸

活人解毒四味 海藏加防风连翘为五黄丸亦合防风金华丸治风热 加柴胡治小儿潮热 加葛根治酒毒加芦会青黛为衣治小儿肝热并痞热食涂上脚面黄腹大而足细久则不治

仲景茵陈蒿大黄汤

治湿热发黄

茵陈蒿【六】 大黄【三】 栀子二

栀子蘖皮汤二物

治燥热发黄

文潞公药準

仲景茵陈蒿大黄汤治发黄大便自利不止者加黄连黄柏各三两今加大黄用之多效
栀子蘖皮汤加大黄黄连活人合而用之改名解毒汤仲景本方无黄芩今议方复有黄芩
活人用之伊尹汤液大黄黄芩并脱落之也
文潞公连蘖二物汤治黄有神寒热者加小柴胡汤

李思训论义

发黄有陰阳然当犹为未也云阳者大渴而不与水炎热而不通风是也云阳黄者鲜之原药
过剂施之而遂寇阳和既言此二句当时本无陰候但言黄证皆阳坏而成陰不必直指有陰
证故治黄茵陈蒿为君佐以大黄栀子之属是也若太陰有黄不必茵陈蒿内用乾姜只用理
中温药足矣既有茵陈蒿乾姜汤则知热证坏而成陰也学者要穷其源故大病主药内加热
以温之也谓如桂枝加芍药桂枝加大黄皆於本药外所可宜者加之也

大黄黄连泻心汤 文潞公金匱要略为三黄丸

钱氏改为三黄汤去黄芩为二圣丸二味等分细末猪胆汤煮熟如菉豆大每服十丸米饮下

香连丸治泄利

橘连丸疳瘦胆煮粟米粥为丸裸病发黄羸虚也黄久不去者有积也补脾磨积

则可不可用凉泻之药

活人酒煮黄连丸

治暑毒伏深久不差无药可治大渴者宜此右黄连四两无灰酒浸上一寸以重汤熬乾碾为细末糊丸菉豆大热水下三十丸胞中清凉不渴为愈

肘後治黄疸医所不能治水菰汁顿饮一小升平旦服食後须微汗小便出愈不尔再服

红丸子

治大人脾积气滯胞膈满闷面黄腹胀四肢无力酒积不食乾呕不止脾连心胞及两乳痛妇人脾血积气诸般血症气死及小儿食积骨瘦面黄肚胀气急不嗜饮食渐或脾劳不拘老少并宜服之

京三棱【三斤水浸令软切作片字】蓬莪术【五斤】陈皮【五斤拣净】胡椒【三斤】青皮【五斤】乾姜【三斤炮】

右六味同为细末醋糊为丸桐子大 红为衣每服三十丸食後姜汤吞下小儿临时加减服之

易简红丸子【修合治剂之法并见前方】

三棱 蓬术 陈皮 青皮

胡椒 乾姜 阿魏 矾红

右每服六十丸姜汤送下大治大人小儿脾胃等患用极有神效 但三棱蓬术本能破症消癖其性猛烈人不以此为常服之剂然今之所用者以出产之处隔絶二药不得其真乃以红蒲根之类代之性虽相近而功力不同年老虚人小儿妊妇以其治病不能伤耗真气但服之无疑 此药须是修合令精细用好米醋煮陈米粉为丸若自修合之时当去阿魏矾红名小橘皮煎寻常饮食所伤中脘痞满服之应手而愈 大病之後谷食难化及治中脘停酸并用姜汤下脾寒症疾生姜橘皮汤下 酒疸谷疸遍身皆黄大麦汤下 两脇引乳作痛沉香汤下

脾食积面黄腹胀时或乾呕煨姜汤下

妇人脾血作痛及血症气瘕并经血不调或过而不来并用醋汤下 寒热往来者尤宜服之产後状如癰瘤者此乃败血上攻迷乱心神所致当以此药用热醋汤下其效尤速 男子妇人有癰瘤之患者未必皆由心经蓄热者亦因脾气不舒遂致痰饮上迷心窍故成斯疾若服凉药过多则昏乱益甚当以此药用辰砂为衣以橘皮煎汤下名小橘心丸妇人恶吐呕逆全不纳食诸药不效惟此最妙仍佐以二陈汤服之疑其堕胎必不信服每每易名用之特有奇功

然恐妊妇服之後偶尔伤动必归咎於此药故不敢极言其妙 痰迷者红丸子 心热者妙香丸
小便不利烦躁喘渴加茯苓猪苓滑石当归官桂 躁烦喘呕不渴加陈皮白术半夏生姜茯苓
四肢遍身冷加附子甘草

茵陈蒿治肢体逆冷腰上自汗加

附子 乾姜 甘草

茵陈附子汤末已其脉上加 吴茱萸 附子

乾姜 木通 当归

韩氏立名虽曰茵陈茯苓汤茵陈橘皮汤小茵陈汤茵陈四逆汤茵陈附子汤茵陈茱萸汤大
抵只是仲景治陰证加茵陈也用者要当识之此证言是温热与寒湿故入阳明例谓关天五
之气也

丹砂丸【劳复後目中及偏身黄】

丹砂 马牙硝 麦门冬

犀角 牛黄 金箔

右治下後不任承气者宜丹砂丸膩粉一钱下之用砂糖轻粉新汲水调下烦躁病源云陰少
阳胜也陰病亦有烦躁病 少阴病吐利烦躁四逆者死 结胞证有烦躁者死
大青龙亦有烦躁而 也 金匱竹皮大丸主虚烦佳 又茯苓散猪苓汤并主烦躁
少陰病吐利手足逆冷烦躁茯苓四逆汤 发汗吐下後复烦 不解者茯苓四逆汤
少陰病吐利手足逆冷烦 欲死者吴茱萸汤 又八正散治烦 佳

仲景栀子豉汤【治懊憹烦燥不得眠】

栀子【四个】？【半两】

右水二盞煎栀子至一盞入豉煎至七分温服得快止後服 一法加甘草三钱半本非吐药以
燥湿鬱甚以此攻之不能开通则反吐因吐则发泄鬱结之气及行津液而血气宣行若少气
加甘草以其邪在上焦而不受药故吐之 栀子甘草豉汤 呕者加生姜三钱

栀子厚朴汤【治伤寒下後心腹胀满起卧不安】

栀子【四两】 厚朴【一两】 枳实【一枚】 生姜 水煎

梔子乾姜汤

治陰黄伤寒医以丸药下之身热不去微烦

梔子【四枚】 乾姜【半两】 右水煎服

已上五法皆汗下吐後用之以邪气?於胞中居最高之分故随证加減用之经曰其高者因而越之

活人薤白汤【治下利如烂汁】

梔子 豉 薤白

右剉先煮梔子次下薤白次豉水三升煮取一升膈散 此药阳明兼少阳气中之血药

梔子 大黄 芒硝 黄芩

薄荷【各半两】 桔梗 甘草【各一两】 连翹【七钱半】

右?咀每服五七钱水煎服临卧时服加生姜亦可若泄之剂下行居膈中铁渡江非舟楫不能载此药大概治左寸沉实而可下者本方无桔梗一法加防风 治肺金邪热嗽有痰者加半夏 易老減大黄硝解伤寒襍病六经中热凉膈与四物汤各半服能益血泄热一名双和散

文潞公药準注李琬方

山梔子 防风 连翹 柴胡 甘草

活人梔子连翹防风甘草汤兼少阳 钱氏去连翹加藿香石膏为泻黄散 内经云诸气愤鬱皆属肺金凡人有此疾不可不用薄荷故刘禹锡用此药以治愤气发肿利关节也 易老凉膈散去大黄硝治六经中热说得极有理何以知陈士良云柴胡能引诸药入荣卫疗陰阳毒伤寒头痛四季宜服 又云柴胡主风气壅并攻胞膈当茶食之以此知易老之言有自来矣

薄荷例 此药手太陰兼厥陰故入阳明例

薄荷例【主疗并见局方今用御药院料例】

薄荷叶【半斤】 甘草【一两】 防风【三钱】

缩砂仁【三钱】 桔梗【一两半】 芎【七钱半】

御药院蜜料药一斤蜜三斤煨开便和
去砂仁加姜羌活荆芥甘菊大黄白芷人参为八风丹朱砂为衣

局方川芎丸

川芎【七钱半】 细辛【半钱】 防风【二钱半】

薄荷【七钱半】 桔梗【一两】 甘草

右细末炼蜜丸一两半分作五十丸嚼一丸茶清下食後 一法川芎丸如枳殼除热痰嗽
去桔梗加荆芥白僵蚕天麻羌活白附子川乌头全蝎 名为不换金丹朱砂为衣

防风丸

防风 川芎 甘草 天麻【已上各二两】

右为细末炼蜜丸朱砂为衣荆芥汤茶酒任下每服作十丸

生明丸

薄荷叶 川芎【各七钱半】 砂仁 甘菊华【各半两】

右为细末蜜丸每两十丸

二白丸 海藏法治虚人 禁凉药

白檀 白芷 人参 川芎

白茯苓【各三钱】 防风【三钱】 藿香【一两】 桔梗【半两】

细辛【三钱】 砂仁【三钱】 甘草【三钱半】 薄荷叶【一两】

右为细末蜜丸弹子大嚼一丸茶清下

枳殼丸

薄荷煎加苍术木贼甘菊枳殼荆芥

薄荷汤【治风壅痰涎精神不爽】

薄荷【一两二钱】 甘草【七钱半】 瓜蒌根【一钱二分】

荆芥【半两】 砂仁【半两】 盐【炒四钱八分】

右细末每服一钱点服

清神散

薄荷叶【三两】 白檀【二两】 人参【一两】

荆芥穗【二两】 甘草【二两】 石膏【四两飞过】

细辛根【五钱】 羌活【一两】 防风【一两】

右细末每二钱点服

上清散

乾菊【一两】 细辛【三钱】 川芎 薄荷

石膏 甘草 防风 羌活【各一两】 荆芥穗【一两】

右细末茶汤调下

香甲散

川芎 青皮 白檀 乾菊 甘草

右为细末茶调下

消风散【主治修制并见局方】

川芎 羌活 人参 茯苓

荆芥 藿香 防风 甘草

僵蚕【炒】 蝉壳【各半两】 厚朴【制】 陈皮【洗炒各钱三分】

右为细末茶酒任下治沐浴感风寒小儿用乳香荆芥汤调下半钱无时

神芎散

治偏正头痛夹脑风沐浴伤风等证脱着同

甘草【半两】 薄荷 石膏 羌活 独活

甘菊 荆芥 川芎【各一两】

右细末茶清下如觉头风两角痛客主人是也俗呼为之太阳穴

又点鼻方

人中白 地龙【去土等分】

右为细末羊胆丸芥子大用一丸新水化开点鼻中立止

化风散【治痰厥偏正头痛一切伤风】

荆芥 甘草【各三两】 石羔【四两】 薄荷

人参 羌活 细辛 防风 白檀【各一两】

右水清茶调下

化风丹【太阳阳明合病】

防风【半斤】 羌活【四两】 白芷【四两】 桂【一两】

麻黄【三两】 川芎【二两】 川乌【炒三两】 藁本【一两】

乾姜【炮一两】 甘草【炙三两】 皂荚【去皮子一两】

右为细末酒浸蒸饼为丸鸡头子大嚼二丸茶酒任下

三阳头痛

羌活 防风 荆芥 升麻

葛根 石膏 柴胡 川芎

芍药 细辛 白芷 葱白

若陰证头痛只用温中药足矣如理中姜附之数

本草注 桃华汤

赤石脂例当在手阳明条下仲景桃华汤【治伤寒下利不止便脓血治证文并见本经】

赤石脂【一斤半一半全用一半米用】乾姜【一两】粳米【半合】

右以水七升煮米熟为度去滓每服七合内石脂末方寸匕日三愈後止再服不必尽剂

乌头赤石脂丸【主心痛彻背者】

乌头【炮一钱】附子【二分炮】赤石脂

乾姜 蜀椒【各一两】

右为细末炼蜜丸如桐子大先服一丸不知稍增

桃华丸亦治妇人崩中漏下下痢脓血桃华汤 纯下血梔子蘘皮汤

治大冷洞利腹滑下赤白腹痛驻车丸 孙用和治下利又血热痛蘘皮汤 若尿血可延胡索散

古方驻车丸

黄连【六】乾姜【二】当归【二】阿胶【六】

右先以醋煮胶令消入前三药和均衆手丸桐子大米饮下三十丸

古方三黄汤後人以为蘘皮汤

黄连【一】黄芩【二】黄蘘【三】

每服四五钱水一盞半煎至一盞去滓阿胶二斤煎化服之 痛者加蘘子

小便不利加茯苓兼久血利甚效

延胡索散【治尿血】

延胡索【一两】朴硝【三分】

右以水煎服之

东垣二红丸

治小腸下利夜多昼少左手寸脉弦细此从丙至壬下补丹田四肢厥冷手足心反温是为效也

朱砂【半两】 附子 乾姜 赤石脂【各二钱】

右细末酒糊丸桐子大米汤下少时以物压之急剂不可缓也

东垣三白丸

乾姜【一两】 白石脂 寒水石 龙骨【烧各半两】

右细末生姜自然汁打糊为丸桐子大米汤下少时以物压之
以上六味药东垣先生制药性云白石脂一名白符恶马目毒公味甘辛涩大腸

东垣调气方

治赤白痢黄连胶蜡煮散【并见本草】 宋玉徽桃飴赞云阿胶续气【并见阿胶条下】

白石脂 乾姜【等分】

右百沸汤和面为丸搜和并手桐子大晒乾米饮下三十丸久痢不定加至六十丸
霍乱煎浆水为便

赤石脂散

甘草【五钱】 赤石脂【半两】 砂仁【四两】

右细末米汤点服 脉弦者加防风 脉洪者加黄连脉濇者加当归
脉迟者加乾姜无论寒热久病者只加乾姜 一法加龙骨肉豆?为豆蔻固肠丸

千金翼曰治痰饮吐水无时节者其源以饮冷过度遂令脾胃气弱食不消化饮食入胃则皆
变冷水反吐不停赤石脂散主之

赤石脂【一斤】

捣筛服方寸匕酒饮任服稍稍加至三服七服尽一斤终身不吐冷水又不下利补五臟令人肥健有人痰饮服诸药不效服此即痊

小儿脐汗出不止兼赤肿以白石脂细末熬温扑脐中日三良

仲景赤石脂禹余粮汤 此当在手太阳明条下治不应下而下之泄不止医与理中之类其泄益甚此寒在下焦故以赤石脂禹余粮汤主之

震灵丹

柴府元君南岳魏夫人方出道藏一名比金丹此丹不犯金石飞走有性之药不僭不燥夺造化冲和之功大治男子真元虚惫五劳七伤脐腹冷疼肢体酸痛上盛下虚头目晕眩心神恍惚血气衰微及中风瘫痪手足不遂筋骨拘挛腰膝沉重容枯肌瘦目暗耳聋口苦舌乾饮食无味心肾不足精滑梦遗膀胱疝坠小便淋漓夜多盗汗久泻久温酒咽下

肠风便血调百草霜下 若休息痢疾乌梅汤下治疗汤大槩如此

若男子应有走失或泄泻之後当服者以枣汤下

妇人应是虚损或失血之後常服当用醋汤就中汤使或是服饵不便者当斟酌易之 此药极固秘元气无飞走之性服之不致僭燥但是微渴并肥伟人不宜用此常服恐澁滯气血为壅节之患 若用以治病极有功效不拘此说

桃华丸

赤石脂【二】 乾姜【一】 或加乌附【炮半】

右为细末稀糊为丸桐子大每服三五十丸米饮下久痢便紫血者当归汤下

治丙赤石脂乾姜附子治庚白石脂附子乾姜

局方赤石脂缩砂仁茯苓甘草散

活人赤石脂丸

赤石脂 乾姜 当归 黄连

右蜜丸桐子大米汤下二十丸

五物厚肠丸

赤石脂 乾姜 附子 吴茱萸 肉豆蔻

固肠丸

赤石脂 乾姜 厚朴 肉蔻 砂仁

木香【各半两】 炮制蒸如法

右细末糊丸桐子大生姜米汤下空心

旋覆代赭石例

仲景旋覆代赭石汤 坏证

右伤寒吐下後发汗虚烦脉甚微八丸日心下痞鞭勒下痛气冲咽?眩冒经脉动惕者久而成痿或伤寒发汗若吐若下解後心下痞鞭噫气不除者旋覆华【三字】 人参【半钱】半夏【半钱】 生姜【一钱一字】 代赭石【一字】 甘草【三字】 大枣【一凡言一字力枚一分半补正】

右?咀每服五钱?水一盞半煎至八分温服

旋覆华汤

治风热面生赤痹鼻头赤面紫黑者当刺出血人参 生姜 甘草 茯苓旋覆花【去枝萼】 黄芩 芍药 柴胡 枳实【麸炒九味各一钱】

右麤末以水四盞慢火煎至二盞半去滓分三服温饮又葛根升麻汤加黄芩枳殼

仲景治妇人有三物旋覆华汤 胡洽治痰饮在两脇间胀满等证旋覆华丸

酒齕 日华子云山茱萸暖腰膝助水藏除一切风逐一切气破症治酒齕 汗出见湿乃生瘰癧瘰为疮癰也 劳汗当风薄为皴皴乃瘰瘰色赤?内有脓血

旋覆華丸

旋覆华【三两】 防风 白芷 乾姜 天麻

天南星 半夏 石膏 川芎 陈皮【各半两】 白附子【半两】 蝎稍 僵蚕【炒各三钱】

右细末姜糊丸桐子大姜汤下三五十丸食後服

活人金沸草散

治伤寒中脘有痰令人壮热头痛筋急时发寒热皆类伤寒

旋覆华【即金沸草】 荆芥 前胡【各一两】 甘草

赤茯苓 细辛 半夏【制各三钱】

右细末每服三钱水一盏生姜十片枣一枚同煎七分热服

局方金沸草散

治风化痰头项强寒热身体疼咳嗽满喘及时行疫气壮热恶风

旋覆花【去梗】 荆芥穗 前胡 麻黄【去节各一两】

甘草【炙】 赤芍药 半夏【制各三钱】

右?咀生姜枣煎无时寒邪则汗出风邪则解利

千金翼旋覆华汤

治胸?中痰结如胶脐下膀胱留饮

旋覆花 细辛 前胡 甘草【炙】 茯苓

半夏【一两光】 生姜【八两】 桂心【四两】 乌头【五枚去皮熬】

右丸味切以水九升煮取三升分为三服忌猪羊饴及生菜等肉加泽泻尤妙

外台旋覆华丸

治心头痰积宿水呕逆不下食

人参【半两】 甘草【半两】 半夏【三钱】 旋覆花【三钱】

白术【半两】 泽泻【三钱】 枳实【半两】 大黄【三钱】

右细末生姜糊为丸桐子大生姜汤下无时

范江旋覆白术茯苓汤

治胸中痰结脐下弦满又治风水证

旋覆花【一两】白术【一两】陈皮【一两】茯苓【一两】
桂【半两】细辛【半两】附子【炮】半夏【制】当归【各半两】

右九味剉每两分三四服水二盏生姜十片碎同煎至七分饮清临卧食後忌猪羊肉食饴飴生菜滋味等物

仲景茯苓饮

治胸中停饮心下宿水吐水气满不饮食

茯苓【一两】白术【一两】枳实【七钱】陈皮【半两】

人参【七钱半】

右剉每服分四服水二盏生姜一钱同煎至七分取清饮无时

千金翼大五饮丸【胡合方同】

主一留饮心下二澼饮脇下三痰饮胃中四溢饮膈上五留饮肠间凡此五饮酒後伤寒饮冷渴多故有此疾

远志【去心】苦参 藜芦 白术 乌鱼骨 甘遂 大黄 石膏 桔梗 五味子
半夏【炮】紫苑 前胡 芒硝 括萎 桂心 苁蓉 贝母 芫花 人参 当归 茯苓 芍药 大戟 葶苈
黄芩【已上各一两】常山 甘草 薯蓣 厚朴 细辛【各三分】巴豆【三十枚去皮心熬】

右三十二味细末蜜丸桐子大酒下三丸日三稍加之忌肉食生物饴飴冷水等物

海藏五饮汤

人参 陈皮 枳实 旋覆花 白术 茯苓 厚朴 泽泻 前胡 桂心 芍药 甘草 猪苓
半夏【已上等分】

右?咀每服分四服水二盏姜十片碎同煎至七分水清温服无时所忌同上及滋味等物

海藏云五饮虽胸膈心下脇间膀胱胃中肠藏府不同俱在身以前故入阳明例
五饮汤若因饮酒有饮者加葛花缩砂仁

医垒元戎卷三

<子部,医家类,医垒元戎>

卷四

钦定四库全书

医垒元戎卷四

元 王好古 撰

阳明证 王朝奉集注識语例

谵语无次也凡胃实有燥屎则谵语故经曰实则谵语虚则郑声郑声者重语也非轻重之重谵语有数种有胃实谵语可下证也有合病者谵语三阳合病腹满身重口不任面垢谵语遗尿白虎汤证有少阳汗谵语少阳不可发汗只宜小柴胡汤有火劫谵语以火劫发汗热气入胃故也救速汤有汗多亡阳谵语不可下也宜柴胡桂枝汤和其荣卫以通津液自愈有下後谵语伤寒八九日下之胸满烦惊小便不利谵语身重不可转侧者柴胡加龙骨牡蛎汤有热入血室谵语阳明病下血谵语者热入血室但头汗出刺腧门又妇人中风经水适来谵语为热入血室小柴胡汤刺腧门穴有肝乘脾谵语伤寒腹满谵语寸口脉浮而紧此肝乘脾也名曰横刺腧门穴有昼则明了夜来谵语此热入血室无犯胃气及上二焦不治自愈

仲景调胃承气汤

大黄【酒漫】 芒硝 甘草

右?咀水煎服加生姜亦得 调胃承气汤与四物汤各半一名玉烛散

大承气汤【治大实大满】

枳实【痞麩炒】 厚朴【满姜制】 大黄【实酒浸】 芒硝【燥】

小承气汤【治太阳阳明实而微满】

枳实【麩炒】 厚朴【制】 大黄【生】

海藏云调胃承气汤治实而不满即正阳阳明是也大承气汤治大满大实即太阳阳明是也小承气汤治实而微满少阳阳明是也太阳阳明正阳阳明为最高之分故大黄但用酒浸从巅而下之也惟少阳阳明为?下之分处三经之内故黄不用酒浸也非若二经而高尔若最高之分用最下之药则耳目昏冒咽颊肿痛神痴不清之病有不免矣若最下之分用最高之药则胸中气消日久不复虚损成劳之病有不免矣故仲景三承气汤各有主治随经而异即不

同也

又年老虚人伤寒可下者大承气汤调胃承气汤皆去硝慢火熬成玄明粉量轻重而下之

炼玄明粉法

朴硝三斤淘净生好牙者用砂锅一枚叠寔以炭火十斤煨之徐徐轻沸可住大火令大沸定以炭盖之复以炭十五斤紧煨至火尽放令一伏时出锅中药放纸上摊匀就地上以盆盖之一伏时日晒乾入甘草二两炒微黄剉碎同捣细末量热轻重沸点二三钱亦可愈正经云味辛甘性冷则治热病明矣兼味辛又咸此能润燥而火坚也非大便燥结脉滑有力及洪大者不宜服却言煖水藏女子服之补血脉有失用药寒热之本意经云咸能胜血岂能补血哉又方治阴毒一句其言又为错矣若与硫黄附子及诸阳药多寡相佐而行则可以治阴中有伏阳也若的是陰毒别无伏阳杀人速矣太清伏炼法云硝能制伏阳精解火石之毒则不治陰可知用者审详也

仲景治襍病三物厚朴汤

厚朴【半两】 枳实【五斤】 大黄【四两】

右以水一斗二升煎厚朴枳实取五升大黄四两再煎取三升温服一升腹中转动失气是也更作一服下之不效再服易老治消渴在中为顺气散

调胃承气汤加蒟子寒水石为细末炼蜜调服

治疫气大头病 加当归为涤毒散治时气疙瘩五发疮疡?闭雷头

大便软升麻荷叶汤阳震之象也 王朝奉举常器之云有大小便不通气结一条有大便不通连服三承气汤及诸下汤不通者多

是气结必死矣可针阴会穴在两陰之间此数有救得者因此亦有承气内兼巴豆下而通者不可不知加郁李仁佳 蜜导姜銳二法在後 气结会食疗云酒服郁李仁四十九粒更泻尤良

仲景厚朴七物汤【治腹痛胀满】

厚朴【半斤】 大黄【三两】 生姜【五两】 桂【二两】 甘草【三两】 大枣【十两】 大枳实【五枚】

右以水一斗煎取四升去滓温服入合日三服 呕者加半夏五合 下痢者加大黄 寒多者加生姜半斤 杨氏治身体肿满水气急卧不得郁李仁一大合为细末和麪搜作饼子与食入口即大便通利气便差

仲景桃仁承气汤此下证脉在左手中其热邪侵尽无形之气则入有形血也
调胃承气汤加桂桃仁引而入血也【此当在畜血条下】

仲景枳实理中汤 炼蜜作丸如桐子大白汤下三十丸

深师消饮丸

治宿酒停饮胸满呕逆目视??腹中水声痛不思饮食

白术【二两】 茯苓【半两】 乾姜【七钱】 枳实【七钱炒】

右细末蜜丸桐子大空心温水下三十丸日三服半月愈

仲景神奇枳实汤治心下水 易老改二味作丸老年内伤便软

梅师治痞方

白术 泽泻

生姜煎服与枳术汤相合四物亦作丸亦可

五苓平胃各半散 生姜调服治心下水

五苓加石膏寒水石甘草为甘露饮亦治心下水并饮酒水泻者生姜调三五钱清浊立分

雄黄锐散

治下部?疮

青箱子 雄黄 苦参 黄连【各三分】 ?仁【去皮一分】

右为散以生艾捣汁和丸如枣核绵裹内下部扁竹汁更佳冬无艾只用散绵裹内亦得狐惑
与?皆为虫证伤寒热入食少肠胃空虚三虫行作求食蚀人五藏及下部为?病其候齿无色
舌尽白蜃黑有疮忽忽喜眠上唇有疮食其藏也下唇疮食其肛也害人甚急治?桃仁汤黄连
犀角汤雄黄锐散

小便不通利

仲景猪苓汤

本少陰之剂以其有五苓味三故列阳明条下又治中脘与脐下有水或小便不通

猪苓 茯苓 泽泻 滑石 阿胶

右每服五钱匕水二盏煎至一盏去滓内胶烊尽温服日三小便不通一切利小便药不效以其服附子太过消尽肺陰气所不化师用黄连芩解毒而得通又刘子安病脑疽服内托散後泄不止小便大不通亦消肺陰之过诸药不效郭子明辈用五苓木通导之愈秘予用陈皮茯苓生甘草^廿之类肺气下行遂通若正用利小便药其不知本甚矣

灵苑治五肿淋疾 劳淋血淋气淋石淋至甚者透格散

消石【一两无泥白者研为细末每服二钱】 虚人宜玄明粉

诸淋各依汤使于後

劳倦虚损小便不出小腹急痛菜子末煎汤通後便须服补虚人参散
血淋小便不出时下血疼痛满急 热淋小便热赤色淋漓不快脐下急痛并用冷水调下
气淋小腹满急尿後常有余沥木通煎汤下 石淋茎中痛尿不能出内引小腹膨胀急痛尿下沙石令人闷絕将药末先入铍子内隔纸炒至纸焦再研细温水调下 小便不通小麦汤下 卒患诸淋并宜冷调并空心先调使药散如水即服之更以汤使送下服诸药不效者服此即愈
三焦热淋玄明粉主之如石膏尤佳本^廿云玄明粉调下刘禹锡云偏主石林并五淋难产 冷淋小肠不利茎中急痛用石斛叶为末每服三钱水一盏葱白七寸煎至六分去粗食前温服兼治吐血去葱白不用粗冷淋热淋俱用葱白根取其润而膩也

千金翼治淋黄芩四两袋贮之水五升煮三升分三服小便卒大数非淋也令人瘦以石膏半斤碾细水一斗煮五升稍温饮五合抱朴子
石淋若不通石在小肠中覓取淋中药煎呷有神效

抵圣散

治五淋小肠不利茎中痛

诃榔【麪裹煨三钱】 赤芍药【一两】

右诃咀每服三钱水一大盏煎至七分去滓温服食前

千金难产经数日不能生出子死腹中母欲死者瞿麦煎浓汁服
亦治竹木刺不得出内者服此瞿麦汁效

八正散【主治修制并见局方】

大黄 瞿麦 木通 扁蓄 滑石 梔子 灯^廿 甘草 车前子

本证外又治饮食过度前後陰间有疮诸药不效宜服此散兼以马齿苋及青黛为散上之可得痊愈【出衍义本草马齿苋条下】

瞿麦汤

瞿麦 木通【各一两】 甘草【三分】 茯苓 黄芩 猪苓 滑石 扁蓄 通^廿【各一分】

右?咀水煎服 渴发热加瓜蒌根 小便赤加黄芩 小便少加车前子
小便澁淋加石苇 冬葵子 续随子 脐下悸动加桂枝 石苇

石苇散

石苇【二两】 木通【二两】 滑石【三两】 王不留行【一两】 甘草【一两】
当归【一两】 白术【三两】 葵子【三两】

瞿麦【二两】 芍药【一两】

右为细末汤调服

六一散

滑石【六两】 甘草【一两】

右为细末调服 加当归 井泉 右为四血散

治衄血吐血便血 淋者加梔子 茎中痛加蒲黄 水泻加车前子 米饮调

梔子散治五淋见铃注

车前子散

治水泻完谷不化三二年久不愈瘦弱气脱诸药难治

车前子【二两去沙土炒】 陈皮【二两】 甘草【一两】

右为细末米饮调下

立效散

瞿麦【一两】 甘草【三分】 梔子【半两】

右?咀连须葱白灯草生姜同煎加连翘四两桔梗一两蜜丸治癭瘤结核

金钥匙散【治产後大小便不通腹胀等证】

滑石 蒲黄【各等分】

右为细末酒调下

滑石治妇人过忍小便致胞转滑石为末葱白汤调下二钱或三钱

涂脐法治大便不通 甘遂末内脐下白麪糊纸花子帖仍及脐下近阴处别用甘草汤服之

伤寒类要腹痛满不得小便及天行病雄黄细末蜜丸如枣核大内溺孔中雄黄灭瘢痕黑髮梅师治妊娠淋沥不通水道热车前子葵根水煎服之

畜血 小便应秘而反自利甚色白

小便自利

肾虚 下焦不收胞有遗溺而频

杨氏产乳子母二方治妇人妊娠小便不利芫菁子末水调服方寸匕日二芫菁即蔓青也

麻仁例 手阳明 太阳经亦可例之太陰津液不行之根

麻仁丸 脾约丸 神功丸 润肠丸 三腕丸 五柔丸 三和散 七圣丸 七宣丸

大麻仁丸

风热燥寒秘用 半硫丸 快活丸

仲景麻仁丸【占方料】

治脉实多汗浮扎相搏为胃热浮涩相搏为便难此三者皆燥而损湿故曰脾约

麻仁【二升】 芍药【半斤】 枳实【半斤】 大黄【一斤】 厚朴【一尺】
杏仁【一斤去皮尖熬研作脂】

右六味为细末炼蜜丸如桐子大饮下十丸日三服渐加以和为度

活人脾约丸【见料大纸洩数则大便难】

麻仁【半斤】 芍药【二两】 厚朴【二两半】

大黄【二两】 枳实【二合半】 杏仁【一合半】

右为细末炼蜜丸桐子饮下十丸未和益之汗多胃热便难三者皆燥而乏液故曰脾约脾约者束置而不行也

千金翼并范任张文仲崔氏等方煎与仲景同许学士治年老虚人秘

大麻仁 紫苏子【各半合】

右碾细取汁分二作粥食之後不服药而愈

局方大麻仁丸【主治修制并见局方】

陈皮 杏仁 木香

润肠丸【蜜丸】

陈皮 血加桃仁 丁香

活人五柔丸【主治修制并见局方】

大黄 前胡 半夏 苡蓉【酒浸】 当归 芍药 茯苓 细辛 葶苈

右蜜丸桐子大温水下二十丸

局方中三和汤散

活人神功丸【主治并见局方】

麻仁【五两研】 大黄【二两】 人参【半两】 诃子皮【二两】

右细末炼蜜丸桐子大温水下二十丸产後秘者米饮下

局方七宣丸【主治修制并见局方】

东垣云治在脉则濇在时则秋

大黄 枳实 木香 诃子皮

柴胡 甘草 桃仁

右炼蜜丸如桐子大温水下二十丸

七圣丸【主治修制并见局方】

东垣云治在脉则弦在时则春

槟榔 木香 川芎 郁李仁

羌活 桂心 大黄

右炼蜜丸桐子大温水下十五丸

活人三脘散【主治修制并见局方】

独活 白术 陈皮 甘草 木香 大腹皮 紫苏 木瓜 沉香 川芎 榔

右?咀水煎服

半硫丸

治老弱虚人大便秘者此能利之易简云此润剂也硫黄 半夏【主治修制并见局方条下】

快活丸【治中满虚痞此燥剂也】

良姜 乾姜 枳实 陈皮

木香 吴茱萸

右细末麪糊丸桐子大生姜陈皮汤下

海藏已寒丸 此丸不僭上阳生於下

治陰证服四逆輩胸中发燥而渴者或数日大便秘小便赤涩服此丸上不燥大小便自利

肉桂 附子【炮】 乌头【炮】 良姜 乾姜 芍药 茴香【各等分】

右细末米糊丸桐子大空心温水下五七十丸或八九十丸食前亦得酒醋糊丸俱得
仲景云趺肠脉浮而濇浮则胃气强濇则小便数浮濇相搏大便则难主病人溲数大便亦难
海藏云已寒上五味虽热者芍药茴香润剂引而下之陰得阳而化故大小自通如得春和之
阳水自消矣

五燥大便秘

东方 其脉弦风燥也 宜泻风之药治之

独活 羌活 防风 茺萸 地黄 柴胡 川芎

南方 其脉洪热燥也 宜咸苦之药治之

黄芩 黄连 大黄 黄蘗 芒硝

西南方其脉缓土燥也 宜润温之药治之

芍药 半夏 生姜 乌梅 木瓜

西方 其脉涩血燥也 宜滋血之药治之

杏仁 麻仁 枳实 当归【气结用木香】 榔 枳实 陈皮 地黄 郁李仁

北方 其脉迟寒燥也 宜温热之药治之

当归 肉桂 附子 乌头 硫黄 良姜 巴豆

仲景吐下之後不大便五六日至十余日日晡所发潮热不恶寒独语如见鬼状剧者发则不识人循衣摸床惕而不安微喘但发热谵语者上誠则戏今慌语也属大承气汤

枳实 厚朴 大黄 芒硝

右煎如常法一服利者止不必尽剂千金翼并同海藏云此治下之後大便澀也循衣摸床者热之极也 自气而之血上而下之至厥陰之分循衣摸床撮空惕而不安擲手扬视手太陰也此下而复上也热而不得出故厥陰复传于太陰也

地黄黄连汤

治妇人血气证因大脱血崩漏成前後血因而枯燥除热不循衣撮空摸床闭目不省擲手扬视摇动不宁错语失神脉弦浮而虚内燥热之极也气竈鼻乾而不润上下通燥此为难治当服此药

川芎【七钱】 当归【七钱】 梔子【三钱】 生地黄【七钱】

黄芩【二钱】 黄连【三钱】 防风【二两】 赤芍药【二钱】

右?咀每服三钱水二盞煎七分取清饮无时徐徐与之若脉实者加大黄下之大承气汤药也自内而之外者用之血气合病循衣撮空其证相同
自气而之血血而复之气大承气汤下之也
自血而之气气而复之血地黄黄连主之也二者俱不得大便
东垣先生议论撮空证并见难知 许学生云属厥陰洁古云属太阴自下而上也

畜血例

衄血畜血上焦心下手不近畜血中焦且脐腹小肿大痛畜血下焦
畜血上焦或呕或衄或吐此胸中手不可近也

活人犀角地黄汤 易老云此药为?胜

犀角【如无以升麻代之】 芍药 生地黄 牡丹皮

右?咀水煎服 热多者加黄芩 脉大来迟腹不满自言满者无热也不用黄芩
升麻与犀角性味主治不同以升麻代之以是知引入阳也治疮疹大盛
如元虚人以黄芩芍药汤主之

活人黄芩芍药汤【治虚家不能饮食衄血吐血】

白芍药 黄芩 甘草

二药治伤寒衄血吐血呕血 一法加生姜黄耆

地黄散【治衄血往来久不愈】

生地黄 熟地黄 地骨皮 枸杞子

右等分焙乾为细末每服二钱蜜汤调下无时

犀角地黄汤

治心经邪热及言语蹇涩发狂心惕恍惚惑忘之疾生犀角 朱砂 黄连【各一钱】
白茯苓生地黄【各一钱半】甘草【一钱】牡丹皮【一钱】

右为麤末水煎 钱氏亦治伤寒少阳阳明合病

必胜散【治男女血妄行吐血呕血咯血衄血】

人参 当归 熟地黄 小蓟根

川芎 蒲黄 乌梅肉

右等分麤末水煎去滓温服无时

藁皮汤

治衄血吐血呕血皆失血虚损形气不理羸瘦不能食心忪少气燥渴发热

生地黄 甘草 黄蘗 白芍药【各一两】

右?咀用醇酒三升渍之一宿以铜器盛米饮下蒸一炊时久渍汁半升服食後时对病增损
肘後用熟地黄水酒煎饮清

耆石汤【治产後血迷不省人事】

海浮石【研】 黄蘗【末】 陈皮【去白】 甘草【各等分】

右细末陈米饮调下三五钱才分娩连三服至差更无产後病 大破血点鷄冠上化水为验

治室女月露滯涩心烦恍惚

铅白霜细碾为散每服一钱地黄汁一合调下如无汁生地黄煎亦得

治鼻衄 鈎白霜末新水调下一字

畜血中焦

仲景桃仁承气汤 此即心下手不可近

易老用此独治中焦以其内有调胃承气汤也?仁 大黄 甘草 芒硝

右治牙齿等蚀数年不愈当作阳明畜血治之此汤细末炼蜜丸桐子大服之好饮者多有此疾屡服有效

畜血下焦 三焦畜血脉俱在左手中

张仲景抵当汤【修制并见本方】

水蛭【三十个】?虫【三十个】?仁【二十个】 大黄【三两】

右?咀水煎服

许州陈大夫传张仲景百劳丸方

当归【炒】 乳香 没药【各一钱】?虫【十四个去翎足】 人参【一钱】
大黄【四钱】 水蛭【十四个炒】?仁【十四个浸去皮尖】

右为细末炼蜜为丸桐子大都作一服可百丸五更用百沸水下取恶物为度服白粥十日【百沸水勺扬百遍乃仲景澜水也】

抵当丸与汤四味同但分两减半捣细水调服
前之百劳丸乃是此抵当丸内加人参当归没药乳香蜜丸澜水下

通经丸乃仲景抵当丸内加穿山甲广茂?仁桂蜜丸妇人伤寒妊娠不可以此丸下当以四物汤大黄各半汤下之在厥陰例四物汤调下

四血散 出诊治明理论

治鼻血口血大小便血服时随病上下食前後紫苏 丹参 蒲黄 滑石

右各等分细末调

又方卫州张推官在戡院王公以职医宿直夜口传此方治人效者不可胜数寻常凝滞其效尤速任冲不调经脉闭塞渐成症瘕

??【麝炒四十个】 水蛭【炒四十个】 斑猫【去羽足炒】 当归牡牛膝【各二两】
红华【三钱】 滑石【三钱半】

右细末每服一钱生桃仁七个细研入酒调下如血未通再服以通为度食前

韩氏微旨方

地黄汤

治病人七八日後两手沉脉迟细微肤冷脐下满或喜或妄或狂或燥大便实而色黑小便自利者此畜血证具也若年老及年少气虚弱者宜此方主之生地黄【自然汁一升如无生地黄只用生乾地黄末一两】

生藕【自然汁半升如无藕以蓯刺汁半斤如无蓯刺汁用蓯刺末一两】

蓝叶【一握切碎乾者末半两】?虫【三十个去足翅炒黄】?仁【半两麴炒】 大黄【一两剉如骰子大】 水蛭【十个】

右同一处水三升半同慢火熬及二升以来放冷分三服投一服至半日许血未下再投之此地黄汤比抵当汤丸其实甚轻也如无地黄汁与藕汁计升数添水同煎

生漆汤

病人七八日後两手脉沉细而数或关前脉大脐下满或狂走或喜妄或谵语不大便小便自利若病人年少气实即血凝难下恐抵当丸力不能及宜此生地黄【汁一升如无汁只用生姜地黄三两半】 犀角【一两镑为末】 大黄【三两剉碎如骰子大】?仁【三十个碎】

右作一处用水三升好酒一升慢火熬三升以来倾出滤去滓再入锅投点光生漆一两半再熬之至二升即住净滤去滓放冷作三服每投服候半日许血未下再投一服候血下即止服药如无生地黄汁更添水一升同煎

海藏云畜血可用仲景抵当汤丸恐庸医不知药性用之大过有不止损血之候老弱虚人之禁也故立生地黄汤?虫水蛭大黄桃仁内加生地黄乾漆生藕蓝叶之辈也 又云生漆汤一方亦恐其抵当汤丸下之大过也是以知乾漆为破血之剂比之抵当汤则轻用之通则重用之破稍治食则重也食药内乾漆礪砂非气实不可用也

活人大黄汤

治阳毒伤寒未解热结在内恍惚如狂者

?仁【二十个麸炒黄】 官桂【七钱】 大黄【一两】 甘草【一两】 芒硝【二钱半】
木通【一两】 大腹皮【一两】

右?咀每服四钱水一钟煎至六分去粗温服无时此方细末炼蜜丸桐子大温酒下二三十丸
治妇人经闭或不调 右妇人经闭或不通当在此条下亦在少阳例
经云二阳之病发心脾不得隐曲女子不月 注云男子少精亦同 若登高坠下重物撞打箭镞
刃伤心腹胸中停积瘀血不散以上中下三焦部分分之以易老犀角地黄汤桃仁承气汤抵
当汤丸之类下之亦有以小便同酒煎治之者更有内加生地黄当归煎服者亦有加大黄者
又法虚人不禁下之者以四物汤加穿山甲煎服妙亦有同花蕊石散以童子小便煎服或酒
调下 此药与寒药正分阴阳不可不辨也若瘀血已去以复元通气散加当归煎服亦可 又法
筋骨损伤用左经丸之类或用草乌头枣肉为丸服之以行诸经者以其内无瘀血改用之
药剂寒热温凉不一惟智者能择之而不可偏执也

掌中金丸【治妇人乾血气】

穿山甲 草乌头 猪牙皂角【各二钱】

苦丁香 苦葶苈 川椒 甘草

白附子 巴豆【一钱合用研】

右为细末生葱绞汁和丸弹子大每服一丸新绵包定内阴中一日即白二日即赤三日即血
神效

五通丸【治妇人月水不通脐腹硬痛寒热盗汗】

乾漆【炒】 红花 丁香 牡丹皮

当归 官桂 广茂【各半两】

右醋丸桐子大每服三十丸当归酒下米饮亦得女子不月帝曰何以知其妇人之怀子也岐
伯曰身有病而无邪脉若身有病而脉亦病尺亦不至是经不调也胞闭亦同

桃华散【治室女经闭不通五心烦热】

红花 当归 牡牛膝?仁【炒去皮】

右等分每服三钱温酒调下

通经丸【治室女经不通或疼痛或瘕】

桂心 大黄 青皮 乾姜 川椒 川乌头【炮】 广茂 乾漆【炒】 当归?仁

右为细末先以四钱米醋熬成膏和余末七钱丸桐子大空心醋汤下加至三十丸温酒亦得

结胸例 大小陷胸汤丸【主治并见仲景本方】

仲景大?胸汤

大黄 芒硝 甘遂

右先煮大黄至八分去滓下硝一沸止後调甘遂末一字温服利止後服

小陷肠汤

大黄 黄连 括萎实

右水二盏先煮括萎实至一盏半下诸药煎取八分温服未利再服下黄涎

大?胸汤

大黄 葶苈 芒硝 杏仁

右上二味为末下二味研和末如弹子大每服一丸入甘遂末半字白蜜少许水二盏半煎至一盏顿服一宿未利再服

活人大陷胸汤【主治并见本经】

桂枝 甘草 人参【各三两】 大枣【三枚】 括萎实【一枚去皮用四分之一】

右剉麻豆大水二盏煎至八分去粗温服胸中无坚物者勿服

治结胸圣饼子灸法

黄连【七两】 巴豆【十四枚通去皮用】

右为细末唾和成膏安填入脐中以艾炷灸其上候透方止神效
许学士治结胸内药脐中并见前活法

本^方治结胸蛭螬一个碾生绢绞汁并花水调下後见少阳^证虫丸条

王朝奉云大小^方胸汤丸不效宜增损理中丸

乾姜【炮半两】 人参 括萎 甘草牡蛎【各三两】
枳实【炒二十四个】 黄芩【去皮括一两】 白朮【二两】

右细末炼蜜丸弹子大白汤半盏煎服不歇复与之不过五六胸中豁然矣用药神速未尝见也本方渴加瓜蒌根不渴者除之汗者加牡蛎不汗者勿用

宿食停留结胸具见微旨方此非若已病饮水过多成水结胸也韩氏茯苓陷胸汤主之

妇人血结胸 海蛤散在少陰仲景大^方丸後活人治妇人伤寒血结胸膈而痛不可抚近者宜

海蛤散

治妇人血结胸法当刺募门仲景无药此方疑非仲景之言然而颇有理姑存之

海蛤【一两】 滑石【一两】 芒硝【半两】 甘草

右为细末每服二钱鸡子清调下小腸通利则胸膈血散膈中血裹则小腸壅滯胸中血不流宜此方若便利血行宜桂枝红花汤治之

仲景文蛤散

治病在阳应以汗解之反以冷水噀之若灌之其热蔽却不得去弥更益烦肉上粟起意欲饮水反不渴宜文蛤散若不差者服五苓散寒实结胸无热证者与三物白散龐安常云小^方胸丸非也文蛤一两为散沸汤和服方寸^匕

外台治五蒸五方内有芒硝苦参蜜及青葙艾叶大黄石膏生地黄之类皆不出汤液用者各随经虚实内外浅深治之尽矣

古今錄验解五蒸汤

甘草【一两】 茯苓【二两】 人参【二两】 乾地黄【三两】

竹叶【二把】 葛根【三两】 知母【二两】 黄芩【二两】

粳米【一合】 石膏【二两碎】

右十味以水九升煮取二升半分为三服亦可以水三升煮小麦一升乃煮药忌海藻菰菜芜菁米醋范汪同 一方无甘草^廿茯苓人参竹叶

又五蒸丸

乌梅 鷄骨 紫苑 芍药

大黄 黄芩 细辛【各五分】 知母【四分】

矾石【炒分】 括萎 桂心【各三分】

右十一味细末蜜和丸桐子大饮服十丸日二忌生姜生菜
一方无桂心自汗者加地骨皮无汗者加柴胡根

五蒸

实热 黄连 黄芩 黄蘗 大黄虚热 乌梅 秦艽 柴胡 气也青蒿 鳖甲 蛤蚧 牡丹皮 小麦血也

肺【鼻乾】 乌梅 紫苑 天门冬 麦门冬皮【舌白唾血】 桑白皮 石膏

肤【昏昧耆卧】 牡丹皮

气【徧身气热喘促】 人参 黄芩 梔子

大肠【鼻口孔乾痛】 芒硝 大黄

脉【唾白浪语经络血脉缓急不调】 当归 生地黄心【舌乾】 黄连 生地黄

血【髮焦】 地黄 当归 桂心 童子小便小肠【下唇焦】 木通 赤茯苓
生地黄脾【唇焦】 芍药 木瓜 苦参

肉【食无味而呕】 芍药

胃【舌下痛】石膏 粳米 大黄

芒硝 葛根

肝【眼黑】前胡 川芎 当归

筋【中焦】川芎 当归

胆【眼白失色】柴胡 括萎

三焦【作寒作热】石膏 竹叶

肾【两耳焦】石膏 知母 生地黄

寒水石

脑【头眩闷】羌活 地黄 防风

髓【髓沸骨中焦】当归 地黄 天门冬

骨【齿黑腰痛足逆变疔食藏】鳖甲 当归

地骨【牡丹皮生地黄】肉【支细趺肿藏府俱热】石膏 黄蘗

胞【小便黄赤】生地黄 泽泻 茯苓【沉香滑石】膀胱【左耳焦】泽泻 茯苓 滑石

凡此诸蒸皆因热病後食肉油腻行房饮酒犯之而成久蒸不得除变成疔病即死矣
右二方数条当在前外台五蒸议论条下

仲景蜜导煎法外又有猪胆和醋法灌谷道中崔氏依仲景法亦用猪胆汁灌下部中立通 又有姜兑【一作锐】法削生姜如小指长二寸盐涂之内下部中立通虚人不可下者宜用以其先结後溏也 崔氏云若胃有燥屎令人错语宜承气汤 若大便利错语宜黄连解毒汤 又云承气汤旧有芒硝以其有毒故去之用之甚安如服汤不得利者用姜兑法用此又不得利者始可用加芒硝汤下之 海藏云古人详细不妄用如此今人好用凉药过泄之者宜观此为鉴戒也以上诸蒸或脏病或腑病或脏腑俱病脉络气血交经相连用药皆当合而用之君臣佐使上下奇偶表里虚实逆从通塞汗下吐补俱在其中矣

<子部,医家类,医垒元戎>

卷五

钦定四库全书

医垒元戎卷五

元 王好古 撰

少阳证 先足经从汤液 次手经从杂例

海藏论男子妇人伤寒同一法

活人云妇人伤寒治法与男子不同举男子调气女子调血以为大略举脉紧脉缓脉洪为伤寒伤风热病为一证当汗当下不必调血而後行仲景不分男女良以此欵此论固当犹为未也仲景亚圣也世医所知仲景不知有是理乎圣人剏物贤者述之事可以为天下则圣人已先据之矣何待世人明之乎圣人不宣以其男女同诊也後人不知汤液之源故立为妇人法则异於男子常人所易聪明眼者肯以此为是乎然以药考之则可知也假令桂枝 药固荣而闭卫非血药如何麻黄防风虽为之发汗本治乳子余疾非血药如何白虎小柴胡中知母则治肾柴胡则调经皆气中之血药也当归地黄不言可知为血药白术人参皆以为气剂本草言能利腰脐间血非血药乎大抵用之在阳便是气药用之在陰便是血药若男子与女人伤寒皆荣卫受病其证一也何必云男先调气女先调血也此二句云岐子以为治襍病法之常体非为伤寒设也其所以异者以其任冲盛而有子月事行有期有热入血室一证不得不异也在妊娠不得不保在经血不得不调表里汗下何尝有异也无汗下药中增损自有调保之义活人云妊娠不用桂枝半夏桃仁柴胡汤減半夏为黄龙汤是则是矣必竟畜血极而隣於死须抵当汤丸则安得不用也是减剂从轻可也故黄帝云重身毒之何如岐伯曰有故无损亦无损也大积大聚可轻犯也衰其大半乃生过者死此所以有从轻之义活人注中举似其言甚当仲景不言男子妇人异其意盖由诸此以知桂枝半夏桃仁可用处必用不可全无但当从轻则可以保安丸中有桂枝附牛膝皆堕胎之剂以其数多之中些少是亦从轻而无妨也又为引用必须少而不可无也大意如此後之君子更宜详定保剂多破剂少破者从其保破剂多安剂少安者从其破此理不可不知 又寒热多少例寒者多热者少热不为之热热者多寒者少寒不为之寒此妇人之病多在经血不调故妇人伤寒一条列少阳条下

仲景小柴胡汤

治往来寒热胸脇痛而耳聋或欬或呕尺寸脉俱浮而弦

柴胡【三两】 人参 半夏 黄芩 甘草

右?咀生姜枣煎本经加減七法 此方亦治症与襍病中外不相及

襍病寒热往来经水不调加秦艽 药当归知母地骨皮牡丹皮川芎白术茯苓去半夏
治妇人虚劳发热加蛤蚧赤茯苓小柴胡汤与四物汤各半一名调经汤
无汗呕者加半夏亦可无汗者加柴胡 恶寒者加桂 有汗者加地骨皮嗽者加紫苑
通经加三棱广茂劳者鳖甲

又小柴胡汤加法 若胸中烦不呕者去半夏人参加括萎实二枚
若渴者去半夏加人参合前成四两半括萎根四两 若腹中痛者去黄芩加芍药三两
若脇下痞鞭者去大枣加牡蛎四两 若心下悸小便不利去黄芩加茯苓四两
若不渴外有微热去人参加桂三两温覆取微汗愈
若嗽去人参大枣生姜加五味子半两乾姜二两 血弱气虚腠理间邪气因入与正气相结
於脇下正邪分争往来寒热发作有时默然不欲饮食臟腑相连其痛必下邪高痛下故使呕
也小柴胡汤主之

易简小柴胡汤

治伤寒温病身热恶风头项强胸满脇痛烦渴呕哕小便不利大便秘鞭或过经未解潮热不
除非汗非下之证并宜服之及产後劳复发热头疼往来寒热妇人伤寒经水适来适断发热
发寒昼则明了夜则譫语此为热入血室则血必结故使寒热如瘧状此药主之小儿温热悉
能疗

柴胡【二两】 半夏 黄芩 人参 甘草【各二两】

右?咀每服五钱水鍾半生姜五片枣一枚煎至六分去滓食前服
若腹痛去黄芩加 药半两心悸去黄芩加茯苓一两
若不渴外有热者去人参加桂三分温服令有汗则解 若咳嗽去枣加五味子三分乾姜半两
胸中烦而呕者去半夏人参加括萎实半两 渴者去半夏加括萎根一两胸中痞鞭者加煨了
牡蛎一两伤寒十三日不解胸脇满而呕者晡则发热已微利医以丸药利之非其治也宜加
芒硝一两 伤寒十余日结热在里往来寒热或心下急鬱鬱微烦或口生白胎大便不通或发
热汗出或胸中满痛或日晡发热如疟或六七日目中不了了晡不饥无里证大便难身发热
者实也去人参加枳实大黄一两名大柴胡汤服之以利为度热除不宜遽用补药仍忌羊肉
腰子酒并难化之物或有所伤是名食复难以治疗切宜忌之

逍遥散【主治修制并见局方】

柴胡【二两】 当归 药 白术 茯苓

薄荷【少许】 甘草【各半两】

右?咀生姜煎服 丹溪云治妇人大人小儿男女同法

易简逍遥散

治血虚劳倦五心烦热肢体疼痛头目昏重心忪颊赤口燥咽乾发热盗汗减食嗜卧及血热相搏月水不调脐腹胀痛寒热如疟又疗室女荣卫不和痰嗽潮热肌体羸瘦渐成骨蒸

白茯苓 白术 当归 白芍药 柴胡【各一两】 甘草【半两】

右?咀每服四钱水一钟煨生姜一块切片煎至六分去滓热服无时 一方名人饮治妇人血热虚劳骨蒸兼治邪热客於经络肌热痰嗽五心烦躁头目昏疼夜多盗汗补正气解劳倦用人参白术茯苓柴胡半夏当归赤芍药乾葛甘草黄芩各等分?咀每服四钱水钟半生姜四片枣二枚煎至六分不拘时候应有劳热证者皆可服之热退即止但妇人寒热亦因有经血结闭者致令五心烦热及骨节间热或作虚劳治之反以为害积日既久乃成真病法当行其经血若月事以时自然平治或以局方大圣散用红花煎酒调服不能饮者以醋代之仍以红丸子醋汤咽下此二药大治经事不调或腹有血块若久无子息服之数月其效特异非可数服责其无功 或因下血过多发为寒热当用当归地黄之类如大建中药令养劳双和辈是也 然有痰饮停积之人则难用此盖当归地黄与痰饮不得其宜反伤胃气因是不进饮食遂成真病至於不救者多矣 痰饮中积致生寒热者宜以二陈汤参苏饮等药疗之应手有效 更或有服退热冷药太过因而咳嗽下利发热自汗皆不可用之惟真武汤增损名固阳汤仍以震灵丹服之病轻者可疗重者当别求治法

钱氏地骨皮散

秦艽鳖甲柴胡甘草汤

秦艽青蒿乌梅甘草汤

文潞公药準注李琬方

柴胡 连翘 山梔子 防风 甘草

活人连翘梔子防风甘草汤 连翘饮子

四顺饮子 一名清凉饮子治夜则在血热而不厥

加荆芥 白术 麻黄 为洗心散

守真柴胡饮子便鞭气血各半 柴胡煮散

钱氏黍粘子荆芥防风甘草汤

局方消毒散减防风余三味

古卿举拜散【治妇人产後伤寒风痉角弓反张】

柴胡桂枝汤小柴胡加桂枝 药是也

柴胡桂枝乾姜汤

柴胡 黄芩 甘草 括萎根 桂枝 乾姜 牡蛎

柴胡龙骨牡蛎汤小柴胡去甘草加鈆丹桂枝龙骨牡蛎茯苓大黄

小柴胡加芒硝汤

治十三日过经不解大抵须看少阳不退而臆结宜用小柴胡加桂汤治疟疾兼便结

大柴胡汤【主治数条并见本经并活人药证】

柴胡 黄芩 半夏 生姜 大枣 枳实 大黄

活人举伊尹汤液大柴胡汤八味今监本无黄芩脱落之也

洁古老人云治表证仍在里证已急不如此不可用小柴胡去参草加枳实大黄如缓治不减人参甘草

深师黄芩汤

治伤寒六七日发汗不解呕逆下利小便不利胸脇痞满微热而烦

柴胡【八钱】 半夏【八钱】 茯苓【四钱】 桂心【三钱】 黄芩【三钱】

右?咀生姜水煎服之

易简参苏饮

治感冒发热头疼或因痰饮凝积发而为热并宜服之若感冒发热亦如服养胃汤法以被盖卧连进数服微汗即愈尚有余热更宜徐徐饮食服之自然平治因痰饮发热但连日频进数服以热退为期不可豫止虽有前胡乾葛但能解肌耳既以枳殼橘红辈自能寬中快膈不至伤脾兼大治中脘痞闷呕逆恶心开胃进食无以踰此母以性凉为疑一切发热皆能作效不

必拘其所因也小儿室女尤宜服耳

前胡【加三分】 橘红 紫苏 乾葛 半夏

茯苓 枳殼 陈皮 甘草 桔梗 木香【各半两】

右?咀每服四钱水一鍾半生姜七片枣一枚煎至六分去滓不拘时候服素有痰饮者俟热退以二陈汤或六君子汤间服 本方治痰饮停积中脘闭塞眩暈嘈烦忪悸呕逆及痰气中人停留关节手脚躄曳口眼喎斜半身不遂食已即呕头疼发热状如伤寒者悉主之一方用此药三两加四物二两合和名茯苓补心汤大治男子妇人虚劳发热或五心烦热并治吐血衄血便血并妇人下血过多致虚热者并得其宜
亦有用心过度发热者用之亦有神效往来寒热尤宜治之

易简温胆汤

治大病後虚烦不得睡兼治心胆虚怯触事易惊或梦寐不祥或异象眩惑遂致心惊胆怯气鬱生涎涎与气搏变生诸证短气悸乏或复自汗或四肢浮肿饮食无味心虚烦闷坐卧不安悉能主之

半夏【一两】 枳实【二两】 橘红【二两半】 甘草【四钱半】 茯苓【三钱】

右?咀每服四钱水一鍾半生姜七片枣一枚竹茹一块如钱大煎至六分去滓食前热服竹茹即刮竹青也大治伤寒後虚烦 若伤寒後尚有余热并热在上焦兼汗下後表里俱虚不可攻者宜用人参竹叶汤下利者於竹叶汤中去石膏加熟附名既济汤呕者二陈汤一法治伤寒坏证时或发热消渴烦

躁用新罗参不拘多少煎汤浸冷水令候盛渴之时与之顿服热则随去矣大抵伤寒渴者不可多与水水多积胸中便为结胸矣然亦濡沫之可也

伤寒之後有吃逆者此证最危其他证有此亦然当用半夏一两生姜半两白水煎服一方用丁香十粒柿蒂十五枚煎汤半鍾乘热顿服无时

易简降气汤

治虚阳上攻气滯不快上盛下虚隔塞痰实咽乾不利咳嗽中满喘急气龔脐腹膨胀满闷虚烦微渴引饮头目昏眩腰痛脚气四肢倦怠此药专治脚气上攻中满喘急下元虚冷服补药不差者立效

前胡 厚朴 甘草 当归【各一两】 肉桂【三两】 陈皮【三两】 半夏【五两】

右?咀七味并紫苏子五两缘难得真者不若用紫苏如前胡之数代之共为八味每服四钱水一钟半生姜五片枣一枚煎至七分去粗食後服 凡人中风中气肿满及脚气等患多是虚气上攻胸膈不快不进饮食此药大能降气真俞山人降气汤後加参附五加大腹皮之类却非其真 若素脚气只是上气喘急不得卧者宜用橘皮紫苏人参五味子桔梗各等分名神秘汤甚者用此调鍾乳粉下养正丹脚气入腹大便秘不任冷药者宜用养正丹以温利之 一方以八味丸加川芎细辛桔梗茯苓共十二味名大降气汤治法一同若尊年人虚气上壅当间以生附加生姜煎临熟磨以沉香服之尤为稳当

许学土地黄丸【此方当在大薯丸後】

生姜【二两】 秦艽 黄芩【各半两】 柴胡【半两】

赤 药【半两】

右细末蜜为丸乌梅汤下三十丸无时日二服学士云褚澄治寡妇僧尼室女别得其法诊其脉左手关独出寸口过鱼际乃知女子思男而不可得也 或云寡妇师尼不可言僧字然要当以经证之二阳病发心脾不得隐曲故女子不月此一条本为女子而言王注内复云男子少精是经言女而注言男皆劳也言僧一字亦兼男之义 仓公传济北王侍人女病腰膝疼热仓公曰病得之欲男不可得何以知之诊其脉弦出寸口是知之妇人以血为本血盛所以思男也 褚澄云僧尼则异妻妾学士改僧字为师字甚当经云女子不月条下王注云男子少精兼之意也又知僧字兼男之义 易老云仲景治妇人经不调尽在小柴胡调治条下以此推之

活人梔子乌梅甘草黄芩柴胡汤

治懊憹烦躁不得眠右五味麤末生姜水煎加竹叶盐?三十粒

仲景治少陰心悸不致水火调其中而治本也仲景云少陰证四逆条下言或咳嗽或悸或自便是假令一证并不是上下一条通为一证也或悸而反举之言姑以四逆散主之若果四逆必不用於此也何以然下文云悸者加桂腹痛不利者加附子即知云岐子於此正条内去或悸二字并散使用四逆汤下所主甚当

金匱大薯蕷丸【治虚劳诸不足风气百病】

薯蕷【三十分】 当归【十分】 桂枝【十分】 麴【十分】

乾地黄【十分】 大豆黄卷【十分】 甘草【二十分炙】

人参【七分】 芎藭【六分】 药【六分】

白术【六分】 麦门冬【六分去心】 柴胡【五分】

茯苓【五分】 乾姜【三分】

阿胶【七分蛤粉炒成珠】 杏仁【六分去皮尖炒】 白歛【二分】 桔梗【五分】

防风【六分】 大枣【百枚为膏】

右二十一味细末炼蜜丸弹子大空心酒下一丸一百丸剂

外台秘要仲景病源小品方

太阳病过经十余日及二三下之後四五日柴胡汤证仍在者先与小柴胡呕不止心下急【一云呕不安】鬱鬱微烦者为未解也可与大柴胡汤下之即愈

柴胡【半斤】 黄芩【三两】 药【三两】 半夏【半斤汤洗】

大枣【二十个擘破】 生姜【五两】 枳实【四个炙】

右七味切以水一斗二升煮取六升去滓更煎取三升温服一升日服一方加大黄二两今不加大黄恐不名为大柴胡汤也忌羊肉汤兼治天行千金翼肘後同 海藏云正经呕家虽多阳明证不可下大柴胡主治但言呕不止心下急大柴胡汤下之不可疑也及点示正方即内无大黄却与本条相合 注中小字亦作呕止小安仍未解者即宜大黄也故注後有加大黄一句若全用有大黄却是易老法治表证仍在里证已急者也古人用药其精妙如此

龙脑鸡苏丸【增损比之御药院尤妙】

除劳解热下气散鬱去肺热咳血心热惊悸脾胸热口甘吐血肝胆热气出口苦肾热神志不定上而酒毒膈热消渴下而血痢五淋血崩此药清神爽气润肺开心益志滋肝补肾令人身强体轻耳目聪明又能利膈化热痰去膀胱中积热三焦永无滞塞

鸡苏叶【龙脑薄荷是也】 黄耆【二两】 麦门冬【去心四两】

甘草【一两半】 黄连【一两】 乾地黄【六两为末】

人参【二两】 木通【二两】 新蒲黄【二两】

阿胶【炒焦二两】 柴胡【银州鼠尼红色者二两剉同木通沸汤半升浸一日夜绞取汁】

右为细末用西路好蜜二斤余先炼一二沸然後下生地黄末不住手搅时时入绞下者木通

柴胡汁慢火熬成膏勿令火紧焦了然後将其余药末和丸如豌豆大每服二十丸白汤下
虚劳烦热梔子汤下肺热黄芩汤下 心热悸动恍惚人参汤下 唾

咯吐衄血去心麦门冬汤下 脾胃热赤 药生甘草汤下 肝热防风汤下
肾热黄柏汤下以上诸证并食後临卧下 治五淋及妇人血崩漏下车前子汤下
茎中痛蒲黄滑石各一钱温水调下 室女虚劳寒热潮作煎柴胡人参汤下
痰嗽者生姜汤下气逆者橘皮汤下

黄耆膏子煎丸

人参【一两半】 白术【一两半】 白芷【五钱】 柴胡【棟净一两】 黄芩【一两】
甘草【五钱炙】 鼈甲【一个半手大者醋炙】

右细末黄耆膏子丸如桐子大每服三十丸至五十丸百沸汤空心食前下 黄耆半斤麤末水
二斗熬至一斗去滓再熬不住手搅成膏至半斤入白蜜一两再熬令蜜????熟得膏子十两放
冷丸药此为夏剂冬约量用之

地骨皮枳殼散

治骨蒸热肌肉消瘦力少困夜多盗汗

地骨皮 秦艽 柴胡 枳殼 知母 当归鼈甲【醋炙黄】

右等分为末水一鍾桃柳枝头各七个姜三片乌梅一个每服三钱煎至七分去滓温服空心
临卧

黄龙汤【治产前後寒热】

小柴胡去半夏加 药是也 一法以四物汤加蒲黄亦名黄龙汤

柴胡鼈甲散

大便硬者柴胡鼈甲散 大便溏者半气半血逍遥散

柴胡 知母 贝母 地骨皮 鼈甲【醋炙黄】

右细末蒿心七叶乌梅三个同煎

王氏秦艽散

秦艽【一两半】 柴胡【二两】 知母【一两】 鼈甲【一两半醋炙】 甘草【一两炙】

右?咀枣煎服

局方秦艽鼈甲散

局方沉香鼈甲散

局方人参荆芥散【已上三方主治修制并见局方】

孙用和小柴胡治瘴疫久症面黄肌瘦不以月日浅深悉皆治之 心胸痞不思饮食加陈皮渴者加括萎根喘者加杏仁便秘加大黄胁痞鞭者加牡蛎三五剂去陈皮

去半夏加人参括萎根名曰黄龙汤 虚烦热竹叶汤此温热证与湿热证与伤寒稍别 疗伤寒一桂枝二麻黄三青龙四白虎五柴胡精当不差立时见效不必须候转泄其间变坏悔之晚矣如色脉交乱须辨明白无疑

阳盛热多则白虎竹叶陰盛寒湿则四逆理中以此思之又岂有三百九十七法耶

云岐子论正法与此同意 王朝奉举杜士云凡春夏宜发汗秋冬不宜汗秋冬伤寒只用小柴胡顿服自愈无汗亦愈若未便伤寒疑是风气痰壅等皆治之若浑身痛小柴胡加桂尤妙也

生犀散

治小儿骨蒸日晩潮热夜间盗汗能饮食无肌肉病後余毒伤寒後服热物发热不除及食羊肉物羚羊角 地骨皮 秦艽 枳殼 大黄

麦门冬 赤 药 茯苓 柴胡 人参

桑白皮 黄耆 鼈甲【醋炙黄色各等分】

右?咀青蒿水煎去滓温服

活人妊妇伤寒加减例

妊妇伤寒仲景无治法非无治法也以其有岐伯有故无损可犯衰其大半一条更不必云谓纷纷也所以不言明者当识谓如痊湿喝一篇无药仲景岂无治法而知药哉恐後人有所遗耳 活人治妇人伤寒妊娠服药予谨考而详之无论有胎无胎产前产後主治药味皆不出古圣人意计云俗方可采者与其间参用则知其间亦有达古人意者何必云以法考之疑非古方也 发热恶寒不离桂枝 药 往来寒热不离柴胡前胡

大渴不离知母石膏五味子麦门冬 大便涩者不离桂枝白术附乾姜 大便结不离大黄黄芩 经水适来适断者不离小柴胡安胎不离人参阿胶白术黄芩 发汗不离豆?

生姜麻黄旋覆花 头疼不离前胡石膏栀子 伤暑头痛不离柴胡石膏甘草
满闷不离枳实陈皮胎气不安不离黄芩麦门冬人参 发斑变黑不

离黄芩栀子升麻 观此数条皆不出古人意岂可云仲景无治法不言妇人妊妇之的方也仲
景一书妇人小儿兼之矣 活人论妇人伤寒但云仲景不言其意已足不可云仲景无治法以
治之药求之皆仲景本意曷尝出古人哉活人此言虽失亦急为後人不知汤液者言之也岂
敢云仲景不知也活人之言失之过而不甚的当耳

不老丹例

不老丹

何首乌 苍术 桑椹【制如法】 并见活人

局方何首乌苍术地黄煎

右地黄膏子煎与苍术煎合点服气血全养无上神药也

不老丹歌

皇甫敬之作为德甫服此七十而无白发

苍术四斤泔浸软 竹刀刮皮切作片

一斤炒以四两盐 一斤椒炒黄色变

一斤各用酒醋浸 三味出之以日见

何首赤白各二斤 泔浸竹刮切来匀

枣豆五升同一甑 枣豆烂时曝乾成

地黄二升通捣细 椹汁和之如面剂

置在盆中手按平 仍浇椹汁高三指

夜取月精昼日华 吸尽椹汁药乃佳

其药精乾靡作块 亦用石臼捣无害

捣之细熟须细罗 炼蜜为丸桐子大

空心酒服一百丸 此是人间不老丹

又方

何首乌【一斤赤白相半】

枣【一升入锅内用河水煮了却以竹刀切开炒乾去核同用】牛膝【酒浸焙乾一两】

防风【用水洗浸去芦二两】

右为细末石臼杵枣肉丸梧桐子大空心温酒下五十粒

又方

何首乌【一斤】牛膝【一两】熟地黄【二两】蒲黄【一两】乾桑椹【二两】

右为细末蜜丸桐子大枣蜜各半丸亦得

逐风丹【治风痰通身疙瘩】

地骨皮【一两】何首乌【一斤】黑豆【三升河水煮乾】

荆芥穗【四两】甘草【四两】

右为细末酒调三钱或蜜丸弹子大细嚼一丸茶酒任下

治瘰?瘤气瘰起结疣瘤

右用黑熟桑椹二升新布绞汁砂锅内煎不犯铁釜候成膏子沸汤点服

又治瘰?经年久不瘥者以玄明粉末傅之日二次消瘰丸【治结核瘰气】

连翘 梔子 桔梗 甘草 乾柿 防风 牡蛎 玄参 丹参 荆芥 续断 鼠李 海藻 昆布 何首乌
白僵蚕 牛蒡子 白头翁【各等分】

治瘤气瘰起

连翘 梔子 瞿麦 防风 乾柿 桔梗 甘草【各等分】

右细末蜜丸桐子大服

五香连翘汤

治痈疽瘰癧风结肿气恶疮毒气疮气入腹呕逆恶心并皆治之

木香 沉香 独活 升麻 甘草 麝香【半两】 连翘 乾葛 大黄【各二两】 桑寄生
淡竹茹薰陆香【二两】 鸡心香

右咀煎成入茹

治瘰鸢丸

海燕 海带 海蛤 木通 青皮 昆布诃子【去核】 连翘【各等分】 海蚕沙 款冬花

右细末炼蜜丸鸡头子大每服一丸临卧嚙化津咽下

孙尚药方 治小儿盗汗潮热往来

南蕃胡黄连 柴胡【各等分】

右细末炼蜜丸鸡头子大每服二丸至三五丸置石铔子内用酒少许化开更入水五分重汤
煮二三十来沸放温食後和滓服

治伤寒劳复身热大小便赤血色者

胡黄连【一两】 山梔子【一两去殼】

右件和炒微焦二味为细末用猪胆汁和丸桐子大每服生姜三片乌梅一个童子小便三合
浸半日去粗食後煖小便令温送下十丸临卧再服妙

青蒿散 治骨蒸便软渴者

青蒿 乌梅 秦艽 甘草【各等分】

右咀同小麦煎服

金匱要略疟病脉证并治证三条方六首

师曰疟脉自弦弦数者多弦弦迟者多寒弦小急者下之差弦迟者可温之弦紧者可发汗针灸也浮大可吐之弦数者风疾也以饮食消息吐之

问曰疟以月以日发当以十五日愈设若不差当月尽解也如其不差当云何

师曰此结为疟瘕名曰疟母急治之宜鼈甲煎丸

鼈甲煎丸

鼈甲【十三分炙】 乌犀【二分烧】 黄芩【三分】 柴胡【六分】 石苇【二分去毛】

厚朴【三分】 瞿麦【二分】 紫葳【二分】 半夏【一分泡】 人参【一分】

牡丹皮【五分】 䟽虫【五分熬】 阿胶【三分炙】 蜂窠【四分熬】

芒硝【十二分】 蜣螂【六分炙】 大黄【三分】 药【五分】

桂枝【三分去皮】 葶苈【二分熬】 桃仁【三分去皮尖熬焦】 鼠【一分熬】

右二十二味为末取鍛竈下灰一斗清酒一斛五斗浸灰候酒尽一半着鼈甲於中煮取泛泛如胶漆绞取汁内诸药煎为丸如桐子大空心服七丸日三服

师曰陰气孤絶阳气独发则热而少气烦满手足热而欲呕名曰瘧疟若但热不寒者邪气内藏於心外舍分肉之间令人消铄肌肉温疟者其脉和平身无寒但热骨节烦疼时呕宜用

白虎加桂枝汤主之

知母【六两】 甘草【炙一两】 石膏【一斤碎】 桂枝【三两】 粳米【六合】

右五味㕮咀以水一斗二升煮米熟去滓煎至三升温服一升日三汗出愈

蜀漆散【治疟多寒者名曰牡疟】

右杵为细末未发前以浆水服三钱 温疟加蜀漆半分临发时服一钱匕 一方云母作云实

牡蛎汤【治牡疟】

牡蛎【四两熬】 麻黄【四两去节】 甘草【二两炙】

蜀漆【洗去芦二两】

右㕮咀以水八升先煮蜀漆麻黄去上沫得六升内诸药取二升去粗温服一升吐则勿更服【见外台】

小柴胡去半夏加括萎汤【见外台经心录治劳疟】

柴胡【八两】 黄芩【炙二两】 生姜【三两切片】 大枣【十二枚】 人参
括萎根【四两】

右六味?咀以水一斗二升煮取六升去粗再煎取三升日三服

柴胡桂姜汤

治寒多微有热或但寒不热服一剂如神故录之柴胡【八两】 桂枝【三两去皮】
黄芩【三两】 牡蛎【二两熬】 甘草【炙二两】 乾姜【二两】

右七味?咀以水一斗二升煮取六升去粗再煎取三升温服一升日三初烦汗出愈【出伤寒
论】

九转灵砂丹【治疟】

紫河车【一钱八研细和前後二味】 铅【一钱】 信【一钱】

右用雄黑豆一百粒水浸一宿去皮透时研如泥和三味匀末丸桐子大菉豆大黍粒大三等
量虚实老幼大小服之每服一二丸或三丸临晨日未出东面无根水下不发日服经曰当其
盛必毁因其衰也是必大昌此之谓也

又方治疟久不愈

右用蒜不以多少杵和铅丹丸鸡头大每服一丸临晨面东新水下

海藏疟论

暑之为病以疟舍於荣卫之间得秋之风寒所伤而後发亦有非暑感风寒而得之邪并於阳
则发热水水不能凉邪并於陰则发寒汤火不能温并则病作离则病止故有时而休在气则
发之早在血则发之晏浅则日作深则间之或在头项或在背中或在腰脊虽上下远近之不
同在太阳则一也或在四肢者风摇之所及随所伤而作不必尽当风火也先寒而後热者为
之寒疟先热後寒者为之温疟二者不当治水火当从乎中治中治者少阳也渴者燥盛也不
渴者湿胜也疟虽伤暑遇秋而发其不应者秋病寒甚太阳多也冬病寒不甚阳下争也春病
则恶风夏病则多汗二者手少阳虚也其病随四时而作异形如此又有得之於寒而发之於
暑邪舍於肾足少陰也有藏於心居之於内热索於肺少陰也至於少气烦冤首足热而不寒
为之瘧疟足阳明也治之奈何当其盛而必毁因其衰也是必大昌矣治法易老疟论备矣

问曰妇人经痛大人小儿内热潮作并疟寒热其法同否帝又问曰病中外何如岐伯曰从内
之外者调其内若盛於外者先治内而後治外此言表里而出之异也又云中外不相及则治

主病中外不相及者半表里也自外而入者有之自内而出者亦有之外入内出虽异也在半表里则一矣此从外之内者治其内若盛於内者先治外而後治内中外不相及为少阳也治主病者治少阳也帝问大热之病恶寒发热如疟或发一日或发间日岐伯对曰以胜复之气会遇之时有多有少陰多阳少其发日远阳多陰少其发日近此胜复相抟盛衰之节疟亦同法疟者少阳也少阳者东方之气也逆之则发寒顺行则发热故分之气异往来之不定也妇人经水适来适断病作少阳治之伤寒杂病一体经云身有娠而有脉邪经闭也又云月事不来者胞脉闭也经闭者赤中不至胞闭者生化絕源二者皆血病厥陰主之厥陰病则少阳病矣累及其夫也小儿外感内伤若有潮作寒热等证并同少阳治之男女同 已上男子妇人小儿闺女或实或大热或虚变成劳脉有浮中沉之不同故药有表里和之不一察其在气在血定其行陰行阳使大小不失其宜轻重各得其所逆从缓急举无不当则可以万全矣此少阳一治不可不知也

素问五藏疟证汤液

肝疟令人色苍苍然太息其状若死者通脉四逆汤胃疟令人病也善饥而不能食食而支满腹大理中汤理中丸

心疟令人烦心甚欲呕清水及寒多不甚热桂枝加黄芩汤

脾疟令人寒腹中痛热则腸中鸣鸣已汗出小建中汤 药甘草汤

肺疟令人心寒寒甚热热间苦惊如有见者桂枝加 药汤

肾疟令人洒洒腰脊痛不能宛转大便难目眴眴然手足寒桂枝加当归 药汤

素问六经疟候汤液

少阳令人身体解伤寒不甚热不甚恶见人见人心惕然热多汗出甚小柴胡汤

厥陰令人腰痛小腹满小便不利如癰状非疮也数便意恐惧气不足肠中慄慄四物玄胡苦栋附子汤阳明令人先寒洒淅寒甚久乃热热去汗出喜日月火光气乃快然桂枝二白虎一黄芩 药加桂汤太陰令人不乐好太息不嗜食多寒热汗出病至则善呕已乃衰小建中汤异功汤

太阳令人腰痛头晕寒从背出先寒後热焃焃喝喝然热止汗出难已羌活生地黄汤小柴胡加桂汤少阳令人闷呕吐甚则寒热热多寒少欲闭户牖而处其病难已小柴胡加半夏汤

小柴胡汤议论

小柴胡汤不汗不下不利小便故洁古名三奈汤也後人用六乙凉膈和解之不知何意凉膈气中之下药六乙则杂病膀胱中和小便药也少阳证当阳明与太陰之间故云半表里所以小柴胡不汗不下不利小便令六乙凉膈既利而复下之故有畜血心下痞证岂可轻用为哉若以利下之剂为可用则古人麻黄承气五苓合而用之也岂不有失古人之意其害非轻明者当识半在表乃身後之表半在里非下之半在里乃身前之里则药不至於差惑

舌胎滑例 王奉朝证治论藏结附

舌上胎滑此丹田有热也脉陰阳俱紧者口中气出唇口乾燥倦卧足冷鼻中涕出舌上胎滑勿妄语也到七八日以来微热手足温为欲解或八日以上皮反大发热者为难治设使恶寒者必欲呕也可以柴胡去半夏加人参括萎汤用小柴胡汤加减法 腹中痛者可理中丸 藏结如结胸状饮食如故时时下利脉浮关脉小沉细紧名曰藏结舌上胎滑者难治可刺关元穴藏结无阳证不往来寒热一云寒而不热其人反静舌上胎滑者难治也可刺关元穴服小柴胡汤佳 阳明病脉浮而紧咽燥口苦腹满而喘发热汗出不恶寒反恶热身重若下则胃中虚客热熏膈心中懊憹舌上胎滑者服小柴胡汤 胃气和汗出而解

三焦热用药大例

上焦热

清神散 连翘防风汤 凉膈散 龙脑饮子犀角地黄汤

中焦热

小承气汤 调胃承气汤 洗心散 四顺清凉饮桃仁承气汤

下焦热

大承气汤 五苓散 立效散 八正散

石苇散 四物汤 抵当汤丸

海藏云此内热之大略也有外热者当求别法兼此例有轻重气血之分用者当择其可焉而已矣

<子部,医家类,医垒元戎>

卷六

钦定四库全书

医垒元戎卷六

元 王好古 撰

三阳拾遗例

海藏通圣散评议

通圣散治襍病最佳治伤寒伤风有失其故何也防风麻黄葱?汗也大黄芒硝下也栀子滑石利小便也经云发表攻里本自不同故发表不远热攻里不远寒仲景云当汗而反下之者逆也当下而反汗之者亦逆也又云桂枝下咽阳盛则毙承气入胃陰盛乃亡既有汗药而复有下药发表攻里合而并进有失古人用药之本意兼日便不宜遽利若利之过则燥而畜血汗之不当则生黄下之不当则结胸若药随虚实而变上行则有汗多亡阳之证下行则有下多亡陰之证其害非轻可不慎欵在太定间此药盛行於世而多效何哉当时虽市井之徒口腹备衣着全心志乐而形不苦虽然用凉亦多效而少失如今之时乃变乱之余壅盐糟糠有所不充加以天地肃杀之运五十余年敢用凉药如平康之世耶故多失而少效有如仲景用桂枝当汉之末也韩只和解桂枝当宋之隆也其时世之异不可不知也兼犯药三禁伤风不宜汗而汗之一也伤寒不宜下而下之二也小便不宜重利而利之三也若知此而不犯亦无生黄畜血结胸之证故余有白米神术二汤以革世医之弊云耳

韩氏微旨论和解因时法【李思训保命伤寒论亦出此书】

伤寒病有可汗者论中但统言其汗证及可汗脉或云脉浮弱或云脉浮而数或云脉浮紧或云脉浮无汗而喘或云脉浮为在表今略举数条後人但凭其脉之大概并不分脉浮有陰阳虚盛之理又不分有可汗不可汗之趣误投发表药则多变成阳毒之患今举病人有汗恶风无汗恶热分为三等及据立春已後至立秋已前气候轻重各方治之庶学者易为开误耳病人二三日已前两手脉浮数或缓或急紧按之差软寸关尺若力齐等其力不甚大不甚小者亦未可便投解表药此是见表证未见表脉也直候寸脉力小如关尺脉即可投表药大抵治伤寒病见证不见脉未可投药见脉不见证虽少投药亦无害矣凡治杂病以色为先脉为後治伤寒以脉为先证为後病人两手脉浮数而紧名曰伤寒者若关前寸脉力小关後尺脉力大虽然不恶风不自汗出此乃陰气已盛先见于脉也若不投药和之後必恶风及自汗出若立春已後至清明以前宜调脉汤主之清明已後至芒种以前宜葛根柴胡汤主之芒种以後至立秋已前人参桔梗汤主之

调脉汤方

葛根【一两】 防风【去芦头半两】 前胡【去苗三分】 甘草【各半两】

右为粗末每服二钱水一锺生姜一块如小指大擘破煎至七分去粗温服如寸脉依前力小加枣三个擘破同煎

葛根柴胡汤方

葛根【二两半】 柴胡【去苗洗二两】 药【二分】 桔梗【三分】 甘草【炙三分】

右?咀每服二钱水一锺生姜二片煎至七分去滓热服如寸脉依前力小加葱白三寸同煎服

人参桔梗汤方

人参【三分】 桔梗【三两】 麻黄【去节一两】 石膏【三两】

甘草【炙三分】

右?咀每服二钱水一锺荆芥五穗煎至七分去粗热服如寸脉依前力小加麻黄二分去节同煎服病人两手脉浮数而缓名曰中风若寸脉力小尺脉力大然不恶风不自汗出此乃阴气已先见於脉若於授药和之後必恶风自汗出若立春已後清明以前宜薄荷汤主之清明以後至芒种以前宜防风汤主之芒种以後至立秋以前宜香芎汤主之

薄荷汤方

薄荷【一两】 葛根【半两】 人参【三分】 甘草【炙三分】

防风【去芦半两】

右?咀每服三钱水一锺煎至七分去粗热服如三五服寸脉力尚小加薄荷三分

防风汤方

防风【去芦一两】 桔梗【三分】 甘草【炙半两】
旋覆花【半两】 厚朴【去麤皮炙涂生姜汁三分】

右?咀每服三钱水一锺生姜一块如指大擘破煎至七分去滓热服如三五服如寸脉力尚小加荆芥五七穗同煎

香芎汤方

川芎【一分】 石膏【二分】 升麻【三分】 甘草【炙半两】

厚朴【半两姜汁炒】

右?咀每服三钱水一鍾煎至七分去粗温服如三五服後寸脉尚小加细辛二分

前二段又将中风与伤寒各立法者何盖谓病人始得病三日以前或因中风脉缓或因伤寒脉紧然脉虽先见而病证犹未见尚可以药解之故各立方耳病人两手脉浮数或紧或缓寸脉短反力小於关尺脉若此名陰盛阳虚也若自汗出恶风者是邪气在表陰气独有余也素问曰陰气有余为多汗身寒是也即可投消陰助阳发表药治之若立春以後清明以前宜六物麻黄汤主之清明以後至芒种以前宜七物柴胡汤主之芒种以後至立秋以前宜以发表汤主之

六物麻黄汤方

麻黄【去节一两】 葛根【三分】 人参【半两】 甘草【炙半两】 苍术【去皮三分】

右?咀每服三钱水一鍾枣二枚煎至七分去滓热服如三五服後汗未止犹恶风者加荆芥三分如三五服後不恶风犹汗自出者加舶上丁香皮半两

七物柴胡汤方

柴胡【去苗二两】 苍术【去黑皮一两】 荆芥穗【一两】

甘草【炙一两】 麻黄【去节一两】

右?咀每服二钱水一鍾生姜一块如指大擘破枣二枚擘破同煎至七分去滓热服如服三五服後汗未止犹恶风者入葱白三寸如三五服汗犹未止者加当归一两每服加枣三枚同煎服

发表汤方

麻黄【去节一两五钱】 苍术【去黑皮三两】 人参【半两】
当归【去芦头半两】 甘草【炙五分】 舶上丁香皮【三分】

右?咀每服三钱水一鍾入生姜一块如指大擘破枣三枚擘破同煎至七分去滓热服如三五服後汗未止犹恶风者加桂枝三分如汗未止更加细辛半两以汗止为度病人脉浮数或紧或缓其脉上出鱼际寸脉力大如关尺者此名阳盛陰虚也若发冒闷口燥咽乾者乃是邪气在表阳气独有余也素问曰阳气有余为身热无汗是也可投消阳助陰药以解表若立春以

後至清明以前宜人参汤主之清明已後至芒种以前宜前胡汤主之芒种已後至立秋以前宜石膏汤主之

人参汤方

人参【半两】 药【三分】 石膏【二两】 柴胡【去苗一两】

甘草【炙三分】

右?咀每服三钱水一鍾生姜一块如指大擘破同煎至七分去滓热服如三五服後依前热未解每服入豉三十粒水一鍾同煎至八分去滓热服

石膏汤方

石膏【三两】 药【一两】 升麻【三分】 黄芩【三两】

柴胡【去苗一两】 甘草【去红皮炙一而】

右为末每服三钱水一鍾半入?一合煎至八分去粗热服如服三五服後热未解加知母一两又热未解加大青一两病人两手脉浮数或紧或缓三部俱有力无汗恶风者此是陰阳气俱有余素问曰陰阳有余则无汗而寒是也可用药平之若立春以後至清明以前宜解肌汤主之清明以後至芒种以前宜 药汤主之芒种以後至立秋以前宜知母汤主之

解肌汤方

石膏【二两】 麻黄【去节三分】 升麻【半两】 甘草【炙半两】

右?咀每服三钱水一鍾半入豉半合煎至八分去滓热服如三五服後犹恶风者加麻黄半两石膏一两

药汤方

药【一两】 石膏【三两】 荆芥【一两】 甘草【炙半两】

右?咀每服三钱水一鍾入姜一块如指大擘破同煎至七分去滓热服如三五服後犹恶风每服加生姜一块如指大擘破同煎

知母汤方

知母 石膏 麻黄【去节】 升麻【各一两】 甘草【炙半两】

右?咀每服三钱水一钟入生姜一块如指大擘破同煎至八分去滓温服三五服後犹恶风加麻黄半两升麻半两

仲景云伤寒为病脉缓者名曰中风脉紧者名伤寒今分此二端者何也始因冬寒毒之气中人其内?之阳沉潜於骨髓之内每至春夏发时因外伤寒引内邪出或外伤风而引内邪出及乎内邪既出而为病一也故古人立此二端恐後疑其紧脉与缓脉治法别也若中风与伤寒脉异何故仲景无别治之此乃後人不究仲景之心也

前三段又将中风与伤寒一法治者何盖病人始得病後脉与证俱见若投解利药必不得愈故立前方同法而治之

病人始得病一二日至五六日尚有表脉及表证者亦可以依脉证投药丸解表及发表药每日可饮三服满证甚可至五服外不可频服药也如证未解次日依前再投如证依前未解可作热粥内加葱白亦可也汗出勿厚衣盖覆恐出汗太过作亡阳证也伤于风者上先受之伤于湿者下先受之

海藏云韩氏微旨可汗一篇有和解因时发言伤寒之脉头小尾大伤风之脉头大尾小李思训保命新书亦分寸尺与韩氏同之非若前人总言尺寸脉浮而紧尺寸脉俱浮而缓紧则为伤寒无汗缓则为伤风自汗又有伤寒有汗者有伤风无汗者脉亦互差与证不同前人已尽之矣惟韩李所言头小尾大即为伤寒尾小头大即为伤风也人病间有脉证异于尺寸者故韩李述为和解因时发也又恐後人疑其不与圣合遂於本方药又立加减数条亦不越前人之意何其当哉兼二公者当宋之盛时故有戒桂枝麻黄不可轻用故用石膏麻黄葛根柴胡之平剂当时则非百世常行时世迁移之活法也可汗一篇若从汤液随证应用自有定?虽明哲不可踰 又寸口脉小饮冷与雾露所伤同作中焦治之 韩李云伤寒寸心者勿认与饮冷雾露同伤一体也饮冷雾露寸口举按全无是陰气在胃不和阳气不能升越也伤寒寸口小者尺与关以下至膀胱本部见之寸口虽小只是举之微小沉得有也非若饮冷举按全无也若果寸口举按全无即不可解则只宜温中不可不知

韩氏十四药定经

调脉汤 阳明少阳也

葛根柴胡汤 阳明少阳也

人参桔梗汤 太阳阳明也

薄荷汤 阳明也

防风汤 阳明也

香芎散 阳明也

六物麻黄汤 太阳阳明也

七物柴胡汤 太阳少阳也

发表汤 太阳也

人参汤 阳明少阳也

石膏汤 阳明少阳也

解肌汤 太阳阳明也

药汤 太阳阳明也

知母汤 太阳阳明也

右韩氏十四药以经络求之各有部分轻重缓急自有所宜运气加临各极其当因而在其中矣不必分至之远近寒暑之盛衰而谓之因时也

仲景瓜蒂散例

仲景瓜蒂散

病人桂枝证头不痛项不强寸脉微浮胸中痞鞭气上冲咽?不能太息者此为胸中有寒也当吐之宜

瓜蒂散

瓜蒂 赤小豆【各等分】

右为细末每服一钱??一合汤七合先渍之须臾煮作稀粥去粗调散温服顿服不吐少少加之得快吐乃止诸亡血虚家不可用此

宋氏仲景钤法?药瓜蒂散

瓜蒂【十四个】 丁香【一个】 黍米【四十九粒】

右细末噉水取一字?鼻下黄涎

治偏正头痛久不愈服诸药及针刺莫能效者以其湿气在头也一味细末【一味者瓜蒂也】少许?之鼻中清水徐徐出一昼夜湿尽痛止为度此亦吐之意也经云湿气在上以苦吐之故邪在胸中者服之邪在头目者?之皆吐之属也张子和云点目出泪?鼻?涕口食漉涎皆有以同乎吐也

又湿在胸中故发头痛瓜蒂末一钱赤小豆末半钱米汤调下吐之或醋浆亦得湿气在头者此药亦能吐之然莫若?之为愈也

瓜蒂散治伤寒三四日者或觉心满坚硬脚手心但热变黄不治而欲死者宜瓜蒂为细末每用一字吹鼻中令黄水出余残末用水调饮之得呕黄水一二升乃愈

小儿久患风癇纏喉风痺及大人风涎潮热发不省酒积食劳黄疸脾湿肿满劳热上喘肌热咳嗽中满眩暈膈实痰饮痰厥头痛一切胸上病患脉沉实按之有力者并约量剂料轻重多少服之以上瓜蒂吐不止用麝香汤解之

胜金丸

薄荷【半斤】 瓜蒂末【半斤】 藜芦末【一两】 朱砂【半两】 猪牙皂【二两】

右牙皂槌碎水一升与薄荷一处揉取汁熬成膏子别将藜芦瓜蒂朱砂研匀用膏子和龙眼大以余朱砂为衣温酒化下一丸以吐为度得吐而省人事者愈不省则不可救也或者谓中气风无吐法下金虎碧霞以为戒且如卒暴痰生声如拽锯牙关不开汤药不能入其命须臾若此无吐法其误人之旨深矣

瓜蒂散

治痰饮酒积食劳留饮停滯或寒结胸中热鬱所化并宜用之

瓜蒂【七十五个】 赤小豆【七十五个】 人参【去芦五分】

甘草【生用作二钱半】

右细末每服一二钱量虚实加减酒调空心辰刻饮之

三圣丸散

防风【三两】 瓜蒂【三两】 藜芦【一两或半两】

右粗末每用三钱以藿汁一大盏煎至七分去滓温服饮探引令吐为度宜静室煖不透风处用吐至以好醋葱汤解之

古今吐法不一在胸中者或?之在头者或吐之何也答曰头为天之上肺为天之地鼻为肺之窍胸为肺之腑总而言之则皆心君之上无形之神至高之分故用之错而效之同也

衍义云瓜蒂即甜瓜蒂也瓜蒂成熟自落其蒂在蔓茎上采得曝乾不以多少为细末量病轻重每服一二钱?膩粉一钱匕以水半合用调匀灌之

治风涎暴作气塞倒仆服之良久涎自出或服药良久涎不出含砂糖一块下咽则涎出此物甚不损人全不胜石礫?砂等

食疗云瓜蒂主身面四肢浮肿杀虫去鼻中息肉陰黄黄疸及暴急黄
瓜蒂丁香各七枚小豆为末吹黑豆许于鼻少时黄水出差

张文仲治伤寒热病瘴疟及胸中恶痰饮须可吐者盐末一大匙以生熟汤调下须臾即吐吐不快者宜更服甚良又曰近效方与备急方用

经验方治遍身如金色黄

瓜蒂【四十九个六月六日收者佳】 丁香【四十九个】

右二味用乾锅子内烧烟尽为度细碾末大人一字小儿半字吹鼻内及擦牙立效

外台肘後方

疗伤寒汗出不渴三四日胸中恶欲吐者

?【三斤以绵裹之】 盐【一两】

右末味以水七升煮取二升半去滓内蜜一升又煮二服顿服二升安卧当吐不吐再服

又方

苦参【二分】 甘草【一分半】 瓜蒂【二十枚】 赤豆【二十枚】

右四味加以水一升煮取半升作一服服之当吐不止者作葱?粥解之必止忌海藻松菜

又方

苦参【二两】 黄芩【二两】 生地黄【半斤】

右三味切以水八升煎取二升服一升或吐下毒物忌芜荑

仲景治百合例 金匱祖方全

百合知母汤 百合滑石代赭石汤

百合鸡子汤 百合地黄汤

又方

治伤寒腹中痛

百合一两炒黄为末米饮调服

孙真人治陰毒伤寒

百合煮浓汁服之一升良

素问解? 仲景百合诸汤

活人说百合证右仲景百诸汤名本草所言备矣後活人主治服餌载之百问续者当知其祖

百合知母汤【治百合发汗後者】

百合【七枚擘】 知母【二两】

右先以水洗百合渍一宿当去白沫去其水更以泉水二升煮取一升去滓别以泉水二升煮知母取一升半分温服

百合滑石代赭石汤【治百合病下之後者】

百合【七个】 滑石【三两绵裹】 代赭石【如弹子大一块碎绵裹】

右先将百合如前法制後去滓别以泉水二升煮滑石代赭石取一升去滓後合和重煎取一升半分温服

百合鸡子汤【治百合吐之後者】

百合【七个】 鸡子【一个取黄用】

右先将百合如前法制後去粗内鸡子黄搅令匀温服

百合洗方【治百合弥月不解变成渴者】 百合【一升】

右水一斗渍一宿以洗身洗已食煮饼勿以盐?也

百合地黄汤【治百合病不经汗下吐病形如初者】

百合【七个】 生地黄【取汁一升】

右先以水洗百合渍一宿出白沫去更水其以泉水二升煮取一升去滓内地黄汁煮取一升分温再服中病则止大便当如漆

百合滑石汤【治百合病变寒热】

百合【一两炙】 滑石【三两】

右细末米汤调服方寸匕若微利者止再服

百合括萎牡蛎汤【治百合病不差】

百合 括萎根 牡蛎【已上各等分】

右为散汤服方寸匕日二三

海藏百合四君子汤【治老弱虚人不得眠】

解?尺脉缓濇尺为陰部腹肾主之缓为热中濇为无热而无血故解?而不可名之然寒不寒热不热弱不弱壮不壮宁不可名为之解?也惟百合一证与此比比相若

病源小品萎蕤汤

疗冬温及春月中风伤寒则发热头眩疼咽喉乾舌强胸内疼心胸痞满腰背强痞者结病也

萎蕤【一两】 石膏【三分末之绵裹】 白薇【二两】

麻黄【二两去节】独活【二两】 芎藭【二两】
杏仁【二两去尖】甘草【二两】青木香【二两无麝香一分代】

右九味切以水八升煮取三升分三服若一寒一热加朴硝一分及大黄三两下之忌海藻松菜古方录验同 一方有葛根二两

千金疗伤寒中风五六日以上但胸中烦乾呕者宜括萎实汤主之方祖金匱

括萎实【一两】 柴胡【半斤】 黄芩 甘草【各二两】

生姜【四两】 大枣【十枚】

右六味切勿令大碎吹去末以水一斗二升煮得六升绞去滓更煎取三升温服三日

千金翼五苓散【论云猪苓散此当在太阳五苓散条下】

猪苓【三分】 桂心【二分】 泽泻【五分】 茯苓【三分】

白术【三分】

右五味捣筛水服方寸?日三多饮煖汗出愈

甘草泻心汤 伤寒中风医反下之其人下利日数十行水谷不化腹中雷鸣心下痞坚而呕乾呕心烦不能得安医见心下痞以为病未尽复重下之其痞益甚此非结热但以胸中虚客气上逆故益坚甘草泻心汤主之

甘草【炙四两】 黄芩【三两】 大枣【十二枚】 黄连【二两】 乾姜【炮一两】
半夏【洗去滑半斤】

右六味切以水一斗煮取六升分六服一方有人参三两

古今经验疗中风伤寒脉浮发热往来汗出恶风颈强鼻鸣乾呕阳旦汤主之方

大枣【十二枚破】 桂心【三两】 药【三两】 生姜【三两】

甘草【二两】 黄芩【二两】

右六味?咀以泉水六升煮取四升分四服日三自汗者去桂心加附子一枚烦渴者去桂加括萎三两利者去 药桂加乾姜三两附子一枚炮心下悸者去 药加茯苓四两虚劳里急者

正阳旦汤主之煎得二升内胶饴半升分为再服若脉浮紧者不可与也千金同

海藏十余证脉并药

伤风脉紧仲景大青龙汤主之 无汗恶风仲景葛根汤主之已上二证伤风得伤寒脉伤寒得伤风脉是也易老断为桂枝柴黄各半汤

中风伤寒萎蕤汤 中风寒阳旦汤

伤寒中风括萎实汤

此先後所伤不同其中变证所苦各异故用药杂非桂枝麻黄之正药也

尺寸脉盛 重感于寒 变为温疟

阳脉浮滑 陰脉濡弱 更遇于风变为风湿

阳脉洪数 陰脉实大 更遇温热变为温毒

阳脉濡弱 陰脉洪紧 更遇温气变为温疫

中风伤寒

伤风见寒

中暑中湿

中暑饮冷 【盖因伤於寒邪 又感异气而变 凡此数病皆重病也】

海藏云已上十余证前後所伤不同内外变证不一非精於持诊者不能别也

张文仲疗伤寒白膏摩体中手当千遍药力乃行并疗恶疮小儿头疮牛领马鞍皆疗之先以盐汤洗恶疗布拭之着膏上摩向火千遍日再自消

天雄 乌头【炮】 莽草 羊躑躅【各等分】

右四味各切以苦酒汤三升渍一宿作东向路竈又作十二聚湿吐各一升计成膏猪脂三斤着铜器中加竈上炊以苇薪为火令膏释内所渍药炊令沸下者着土聚尽遍药成绞去滓伤寒头痛酒服如杏核一枚温覆取汗咽痛含如枣核日三咽之不可近目千金同

牙齿例

海藏云牙齿者足阳明经也手阳明经也足阳明之经走上牙中手阳明之经走下齿中牙齿者骨之余也坚则令人强食或血出断烂诸痛寒热不一皆手足阳明也

陈希夷神仙刷牙药白牙黑髮益精神

猪牙皂角及生姜 西国升麻蜀地黄

木律旱连槐夹子 细辛荷叶要同当

青盐等分同烧炼 研熟将来用最良

擦牙牢齿乌须髮 谁知世上有仙方

右用二两并剉碎一新罐子尽盛其药用瓦子盖口以麻索子系定上用盐泥固济约厚半寸许熬乾作一地坑子坑子方濶二尺深约七寸先放一方砖後安药罐子以口向下坐用木炭一秤烧令透後清烟出稍存性去火发一宿取出研为细末每蘸药刷上下牙齿温水嗽口吐之

麝香玉散

酸石榴皮 诃子【各一两】 升麻 绿矾【枯】

猪牙皂灰 川芎 白芷 麝香【一钱】

五倍子 石胆矾【各半】 脑子【半钱】 青黛

白檀【二钱】 零陵香 木鼈子【各一钱】

百药煎 青盐 细辛 荷叶灰

白茯苓【一两】 藿香叶 没石子【各一两半】

好芫拨

右细末用药後茶清嗽之又方无脑子加麝香三钱

犀角升麻汤

治阳明受风热口唇烦连鬓肿痛鼻额连头痛犀角【七钱半】升麻【五钱】
防风【三钱半】羌活【三钱一字】川芎【三钱半】白附子白芷【二钱半】
黄芩【二钱半】生甘草【二钱半】

右?咀作一服水五钱煎至三钱去滓分三服

梧桐泪散

治阳明经虚风热所袭流传牙齿攻断肉则致肿结妨闷甚者为断间津液相搏化为浓汁宜
用此药梧桐泪石胆矾细辛根乱髮灰【一钱一字】黄矾【五钱】芦会【五钱】
麝香【一钱】升麻【五钱】

朱砂川芎当归牛膝【各二钱半】

右细末先以甘草汤漱口後用药少许傅之以常用少许擦牙齿去风退热消肿化毒牢固牙
齿永无宣疳血蛙之病

升麻丸

治阳明有热攻注牙齿肿痛脉洪大而实宜以细辛升麻防己羌活
内加牵牛大黄泻之加減丸数

右并等分为末炼蜜丸梧桐子大每服二丸临卧温水下

白牙齿药

零陵香白芷青盐【等分】沙锅【别研碎】

升麻【半两】石膏【别研一两】细辛【二钱】

麝香【另研半钱】

右除内砂锅石膏麝香外细末入此五味同调匀早晨夜间用药擦牙温水漱

又方升麻散

细辛【六钱】川芎【二两】升麻【一两】藁本【一两】

石膏【一两】皂荚【一两】白芷【一两】

右每用药少许刷牙温水漱用沙罗三次

三圣散 治齿断肿痛动摇

甘葫芦子【四两】 牛膝【二两】

右细末每用五钱匕水一盏半煎至一盏去滓稍热漱多时吐之呕哕不妨食後临睡

治齿根宣露动摇方

柳枝 防风 杏仁 青盐 地骨皮

细辛 生地黄【各一两】 蔓荆子【半两】

右为细末药一钱酒水各一盏煎至一盏去滓热嗽冷吐

治牙齿脱落不牢方

熟铜末【二两】 当归【一分】 防风【一分】 地骨皮【三分】 细辛根【一分】

右为末将当归末和铜末研如泥粉封齿日夜名二度三五日牢一月内忌硬物

简要方治牙齿肿痛

白矾【一两枯】 露蜂房【一两微炒】

右为末每用二钱水一盏煎十余沸热漂牙齿痛处冷吐之

二十八宿散治远年近日发牙痛

丁香 荜拔 大椒 蝎稍

右七个同碾为细末痛处用津点擦立止

荜拔散治风蛀牙疼牙关紧急

荜拔 草乌头 细辛 升麻 良姜 蝎稍

右为细末如牙疼时擦少许涎痛即止

擦牙药

川芎 细辛 诃子 五倍子

百药煎【各二钱半】胆矾【半钱】绿矾【半两】麝香【如无以甘松代之】

右为细末再入胆矾麝香研匀为度每用一字临卧刷之

立效治牙疼

小椒 露蜂房 青盐【各等分】

右为细末煎数沸放温漱之痛即止

益神散 一法加青黛枣核栗蓬熏灰同末刷牙五倍子【半两】诃子【三个去核】石榴皮【三钱半】

胆矾【钱半别研为末】零陵香【一钱】白芷【一钱】麝香

绿矾【半两炒乾一半生用一半】食疗去皂角【两铤】加盐【半两】

右同炒令赤细碾夜夜用擦牙齿一月後有动者齿及血?并差其牙坚牢

反老还童丹

青盐【六分】升麻【一两】羌活【一两】当归【两半】

五倍子【一两】川芎【半两】熟地黄【一两】猪牙皂【一两】

右用礮子一个随药多少用自己退髮少许盖药面用瓦子盖之盐泥固济文武火煨香熟气絶为度冷取熟研为末每日早晨及晚擦牙久而见效

病源曰手阳明之支脉入於齿齿是骨之所络髓之所养若风冷寒入於经络伤骨冷气入齿根则齿痛

海藏云此骨与大肠俱热大便秘经络壅治而齿断痛者治法不同也凡齿痛药并见外台秘要

古今巴豆例

本草云味辛温主温热寒有毒可以通寒可以开胃可以磨坚可以止 又可以备急而随腸或佐以寒或佐以热加以五色各随其藏具见於後以其此药多治腸胃手足阳明之经也故入三阳拾遗例金匱玉函要略伤寒论并杂疗诸方皆张仲景祖神农法伊尹体箕子而作也唐宋以来如孙思邈葛稚川朱奉议王朝奉辈其余名医虽多皆不出仲景书也

仲景备急丸

治卒暴百病中恶客忤治口禁停尸卒死

巴豆 大黄 乾姜【各等分】

右蜜丸杵千下丸如小豆大每服三丸苦酒下如干口不开折齿灌之三物司空裴秀亦作散用治心腹诸疾与上同巴豆即斩关夺门之将散不及丸必用散者其急也

三物须精新好者细末蜜丸和捣千杵丸如小豆大胃满卒痛如锥刀刺气口急禁停尸卒死以煖水苦酒服之若不下捧头干开灌令下咽须臾差未和更与三丸当便腸鸣转即时吐下得愈若口禁不开折齿灌之药下即生

景白散

桔梗 贝母【各一字半末之】 巴豆【熬研半字】

右巴豆入散内碾匀服强人半钱?弱人少减病在上必吐病在下必利不利进热粥一杯不止进冷粥一杯若汗出已腹痛与 药三钱如上方

仲景飞尸走马汤方

巴豆【二枚去皮心】 杏仁【二枚去皮尖】

右二味绵纒槌令极细投热汤二合指捻取白汁便饮之食顷当下量大小老幼虚实加减服之通鬼击病忌野猪肉芦笋张文仲同

黑神丸治心腹诸疾

巴豆【二钱半】 盐头【四两】

右为细末滴水丸桐子大麦炒香水上浮不用麦酒吞二丸

状元丸 一名酒痾丸

神麴【炒】 葛根【各半两】 半夏【一两洗】
雄黄【二钱】 巴豆【五十个】 白面【一两】

右六味滴水丸桐子大麦炒香水上浮不用麦酒下十二丸

酒痢丸

巴豆【十五个】 雄黄【六块皇角子大】 蝎稍【十五个】 白面【五两】

右为细末水丸豌豆大稍乾

神应丸

大治心腹胀满宿食不消饮食所伤不喜饮食诸药不效

巴豆【一百一十粒】 面【一斤炒尽油】

右连面一处为细末醋糊丸菉豆大冷水下二三十丸食远

青娥丸 此後并巴豆杏仁例

一法加 青黛【一钱五分】 巴豆【一钱五分】 白矾【半两】

右蒸饼丸菉豆大每服二丸甘草汤下食後

红粉丸

一法加胭脂治妇人血不通 一法加朱砂

解毒雄黄丸

治纏喉风急喉闭卒倒失音不语不省人事

一法加 雄黄【一分】 鬱金 巴豆【十四个】

玉霜丸

一法加 轻粉 滑石 一法加白矾

活人黑神丸

一法加 盐? 五灵脂 治湿痰食积

钱氏紫霜丸

一法加 代赭石 赤石脂 法加大黄【治热结】 一法加 附子 乌头【治寒结】

感应丸【生治修制并见本见】

丁香【一钱】 木香【一钱】 肉荳蔻【三钱】 乾姜【半两】

巴豆【半两制】 杏仁【半两制】 百草霜 蜡【二两醋煮】

神应丸【治冷饮注泄者立止海藏所改法也】

许学士云此方得之王景长之家近世名医多用即知此方乃古方也惟此为真局方高殿前家亦非也本方虽云秘者能下泄者能止用之少效子反覆本草味药证但言巴豆得大者良予故法为神应丸木香【一钱】 丁香【别研】 乾姜【炮半两】

百草霜【研细半两】 四味药末和匀 杏仁【半两】

蜡【二两醋煮垢先备下】 巴豆【半两炒去油尽微存性】

右同碾为泥上四味和匀重罗细入泥中溶化蜡入小油半两匀同入泥与细末中研匀及数百回後至凝可搓作挺蜡纸封聚每挺可重一钱

局方感应丸

治虚中积冷气弱有伤停积胃脘不能传化或因气冷因肌饱食饮酒过多心下坚满两脇胀痛心腹大疼霍乱吐泻大便频并後重迟澁久利赤白脓血相杂米谷不消除而复发又治中脘呕吐痰逆恶心喜睡头旋胸膈痞闷四肢倦怠不欲饮食又治妊娠伤寒新产有伤若久有积寒吃热药不效者并悉治之又治久病形羸荏冉岁月渐致虚弱面黄肌瘦饮食或进或退大便或秘或泄不拘久新积冷并悉治之大病不过三服便见痊愈此药温无毒并不燥热不损胃气亦不吐泻止是磨化积聚消遂温冷疗饮食所伤快三焦滞气

新拣丁香【一两五钱】 南木香【去芦一两五钱】

川乾姜【一两炮】 肉荳蔻【去皮仁子滑皮二十个】 巴豆【七十个去皮心出尽油细研】 杏仁【拣肥者去灰土一百四十个去尖汤浸一宿去皮别研极燿如膏】

百草霜【用庄家锅??乱者细研二两】

右七味除巴豆粉百草霜杏仁三味余四味捣为细末与前三味同拌研令细用好蜡匮和先将蜡六两熔化作汁以重绵滤去滓更以好酒一升於银石器内煮蜡熔滚数沸倾酒冷其蜡自浮於上取蜡秤用凡春夏修合清油一两於铤内熬令末散香熟次下酒煮蜡四两同化作汁就锅内乘热拌和前项药末秋冬修合用清油一两半同煎煮热作汁和匮药末同剂分作小锭子以油单纸裹之旋丸如菉豆大每服三五粒量虚实加减温水吞下不拘时候常服进饮食消酒毒令人不中酒又治小儿脾胃虚弱累有伤滞粪白鲜臭下利水谷每服五粒黍米大乾姜汤下不拘时候前项疾证连绵月日用热药攻取转并不成效者不拘老幼?心服饵立有神效

简易感应丸【修合治疗之法并见局方】

丁香 木香 杏仁 豆蔻 乾姜 巴豆 百草霜【各等分】

右用见成丸子半两入巴豆十枚去壳烂碾成膏用乌梅三个蒸过取肉三件一处别碾令极匀丸如菉豆大今人往往见巴豆不去油不敢辄服况尊贵之既有声色之奉於心有怯尤不肯用但巴豆之性怪以温暖之剂止能去花茎不动藏气有饮则行无饮则利若病形体虽不甚壮实既有饮气积气之患与夫邪气入腹大便便秘若非挨动何由得去犹豫不决则病势攻搅愈见羸乏莫若於病始萌之时对证用之流利之後或大腑不调则以石菖蒲解之自然平治却於?咀方中选药调理治心腹疼痛不可忍服十丸姜汤下若未通再服以利为期服药之後痛或愈甚既以流利痛或未除仍陰阳搅乱藏之未平且甚痛甚者至於厥逆或面青口禁当先以苏合香丸灌之欠投此药治恶心呕逆全不纳食此药微微利通方服温脾之药治赤白痢病心腹疼痛先以此药微利次方断下兼治男子疝癖疝气膀胱奔豚肾气脚气攻刺入腹亦用此药微微利之酒利痰饮为患妇人血气并宜服

五脂丸 名通膈丸

五灵脂【一两净】 青皮【取末半两】 巴豆【十余粒】

右为细末水调捣成丸大人菉豆大三丸温水下食後临卧小儿米粒大一二丸量虚实至三五丸若合得经年陈久愈佳中有痰涎相混不能施化亦加至七丸伤寒当下用承气等汤不能下者可前承气汤一服此丸三五丸或五七定即可使也

木香五灵脂丸

木香【二钱】 丁香【二钱】 肉豆蔻【半两】 三□
青皮陈皮【各半两】 牵牛【半两】 五灵脂【五钱】 巴豆【四个去皮油】

右为细末醋糊丸菉豆大每服十五丸至二十丸温水下治胸脇痞闷气不顺心腹疼痛酒食所伤等证

三倍丸

黄蘗【三两】 蛤粉【三两】 巴豆【去皮膜油一两】

右将蘗为末入粉匀再入豆霜滴水丸桐子大每服二三丸水下

解毒丸

雄黄【一分】 鬱金【一分】 巴豆【去皮油七个】

右为细末醋糊丸菉豆大热茶清下七丸吐出顽涎立便苏省未吐再服如至死者心头尤热口禁药不下即以铁单匙干开或折齿灌之药下咽喉无有不活微吐泄不妨及上膈壅热痰涎不利咽喉肿满目赤痛肿一切热毒并宜服之小儿喉肿痛惊热痰涎壅塞服二丸或三丸量大小加減

软红丸【治妇人心痛】

杏仁【二十个】 巴豆【四个和皮用】 乾胭脂【十个】

右滴水丸菉豆大每服三丸生姜汤下

比金丸

治小儿惊风体热喘粗涎嗽心忪颊赤大小便不利夜卧不安

轻粉【半两】 滑石【半两】 南星【二钱】

巴豆【二十三个去油取用】 青黛【二钱】

右细末糊丸麻子大每服一岁儿一丸薄荷汤下如急惊风头热足冷口噤面青筋脉抽掣膈中顽涎甚者加一二丸煎桃附汤下蘊毒热毒涎出立便安愈小儿疮疥後余毒宜服此药解之食後

青娥丸【治喘嗽上热】

巴豆 青黛【俱二钱半】 白矾【半钱】

右细末蒸饼丸菉豆大每服二丸甘草汤下食後

柔金丸【治酒积】

雄黄 杏仁 巴豆【各等分】

右细末寒食面丸菉豆大乾糖炒令黄色

导气丸【治内伤积聚痰饮等证】

大黄【一两】 甘草【一两面炒】 皂角【去皮核一两】 巴豆【去皮一两】

右?咀醋糊丸作饼子以穰草盖如造麴法发色上有黄衣为度乘风日乾亦得别入

丁香 木香 缩砂仁【三钱】

与上同为细末醋糊丸黍米大每服二三丸白汤下加至四五丸米汤下食後病大者七丸去黄衣中山陈之纲南顿传得此方

安中丸

枣【十枚去核】 杏仁【十五个】 白矾 巴豆【三十个和皮用】

右用蒸饼剂四两内药味味各和匀与枣和饼剂裹慢火烧黄熟去皮一处捣成膏子如萝卜子大每服五七丸白汤下食後

透罗丹【治胃隔痞闷酒食所伤并咳嗽等证】

半夏【一两】 皂角【二两去皮弦子】 杏仁【六十个】 巴豆【六十个】

右四味用麴五升同炒令黄色为度去麴不用为细末入寒食面二两炒黄色醋煮糊丸如菉豆大每服二丸生姜汤下食远临卧

黄帝问曰妇人重身之毒何也岐伯曰有故无损亦无损也帝曰请问其故何谓也大积聚其可犯也衰其大半及太过者死衰其大半不足以害生故止其药若过则毒气内余则败损中和故过积聚洁古老人治积别有法少壮人无积虚人则有之脾胃怯弱气血两衰四时有感皆能成积若遽以磨坚破结之药治之疾似去而人已衰矣乾漆?砂三棱牵牛大黄之类药之暂快药过则依然气愈消疾愈大竟何益哉故善治者当先补虚气血壮积自消如满座君子纵有一小人自然无容地而出矣不问何藏先调其中使能饮食是其本也

温白丸

治心腹积聚久壅癖块大如桮碗黄疸宿食朝起呕吐满上气时时腹胀心下坚结上来抢心

傍及两胁十肿水病八种痞塞翻胃吐逆饮食噎塞五种淋疾九种心痛积年食不消化成疰疾连年不差及疗一切诸风身体顽痹不知痛痒或半身不遂或眉髮墮落及疗七十二种风三十六种遁尸疰忤及癰瘤或妇人诸疾断续不生治下淋?五邪失心忧愁思虑意不乐饮食无味月水不调及腹中一切诸疾有似怀孕连年累月羸瘦困弊或歌如鬼所使但服此药无不除愈

川乌【去皮脐炮二两半】紫苑【去苗叶及土】菖蒲【去须九节者佳】

柴胡【洗净去芦头】厚朴【去粗皮生姜制】桔梗【去黑皮芦头】

吴茱萸【用汤洗七次焙】皂荚【去弦子炒】茯苓【用沉水者去皮】

乾姜【炮】黄连【去毛】人参【去芦头】

巴豆【去油心膜出油研炒】桂【去粗皮】蜀椒【去目炒各半两】

右为细末入巴豆令匀炼蜜丸桐子大每服三丸生姜汤下食後临卧服渐加至五六丸

易老治五积

肺息贵 人参 紫苑 心伏梁 菖蒲

黄连 桃仁 脾痞气 温白丸加

吴茱萸 乾姜 肝肥气 柴胡 川芎

肾奔豚 丁香 茯苓 远志

治?梁气在心下结聚不散用桃奴三两为末空心温酒下桃奴是实着树不落实中者正月采树上乾桃是也

万病感应丸

主治修制并见本方後有全注於上温白丸内加羌活【两半】 三棱【两半】
甘遂【两半】 杏仁【两半】

防风【两半】 葳灵仙【一口两力】 上六味却減蜀椒

万病紫苑丸全注

此药疗治久患痲痺如椀大及诸黄病每地气起时上气冲心遶脐绞痛一切虫咬十种虫病及胃冷吐食呕逆恶心饮食不消天行时病妇人多年月水不通或腹如怀孕多血天陰即发又治二十种风顽痺不知年岁昼夜不安梦与鬼交头多白屑或哭或笑如鬼魅所着腹中生疮服之皆效

紫苑【土苗土】 吴茱萸【汤洗数火焙乾】 厚朴【姜汁制一两半】 菖蒲【去毛九节】 柴胡【去苗】 桔梗【去黑皮芦炒】 茯苓【去皮】 皂荚【去皮弦子炙】 桂枝 乾姜【炮】 黄连【去毛八钱】 蜀椒【去目及闭口者微炒】 巴豆【去皮膜出油研】 人参【去芦各十两】 川乌【炮去皮半两加三钱】 加羌活 独活 防风【等分】

右为细末入巴豆匀炼蜜丸如桐子大每服三丸渐加至五七丸生姜汤送下食後临卧初有孕者不宜服具引於後 有杨驸马患风气冲心饮食吐逆徧身枯瘦日服五丸至七丸服至二十日泻出肉块虾蟆五六枚白脓二升 又赵侍郎先食後吐目无所见耳无所闻服至五十日泻出青蛇五七条长四寸许恶脓三升愈 王氏患大风疾眉髮墮落掌内生疮服之半月泻出?虫二升似马尾长寸许後愈李灵患肥气服五丸经一月泻出肉鳖三枚 如黄门卒中风病发时服药泻出恶脓四升赤黄水一升肉虫乱髮相似愈 李知府妻杨氏带下病七年月崩不止骨痠着牀日服五丸至十丸十五丸取下脓血五升黄水一升肉块如鸡子大愈 此药治一切风患万病如神惟初有孕者不宜服之

痔痛肠风酒下

赤白痢诃子汤下

脓血痢米饮下

墮伤血闷四肢不收酒下

蛔虫绞心?榔汤下

气噎忧噎荷叶汤下

一切风升麻汤下

寸白虫?榔汤下

霍乱乾姜汤下

咳嗽杏仁汤下

腰肾痛豆淋汤下

陰毒伤寒温酒下

吐逆生姜汤下

食饮气块面汤下

时气井花水下

脾风陈皮汤下

头痛及心下痛酒下

大小便不通灯草汤下

因物所伤本物汤下

吐水梨汤下

气病乾姜汤下

小儿天风吊搐防己汤下

小儿乳食伤白汤下

小儿疳病葱白汤下

月信不通煎红花酒下

妇人腹痛川芎汤下

怀孕半年後胎漏艾汤下

有子气冲心酒下

产晕痛温酒下

血气痛当归酒下

产後心腹胀满豆淋汤下

难产益智汤下

产後血痢当归汤下豆淋汤下

赤白带下酒煎艾汤下

解内外伤寒粥饮汤下

室女血脉不通酒下

子死葵子汤下

又治小儿惊痫大人癫狂一切风及无孕妇人身上顽麻状如虫行四肢俱肿呻吟走痛等疾

耆婆万应丸

牛黄 麝香【俱研】 犀角【镑】 朱砂【研飞】
雄黄【研】 黄连【去毛】 大戟【剉炒】 芫花【醋炒令赤】 人参【去芦】
茯苓【去皮】 乾姜【炮】 肉桂【去皮忌火】 当归【去芦】 芎藭 药

甘遂 黄芩 细辛 巴豆【去皮心炒】 桔梗【去芦】 前胡【去芦】 紫苑 蒲黄【微炒】
防风【去芦】 葶苈【炒】 川椒【去目微炒出汗】 桑皮【剉油炒各一两】
蜈蚣【二十八节去头足炒】 禹余粮【醋浸水飞研】
芫青【三十八枚糯米同炒黄色去头足翅】

石蜥蜴【去头尾足炙四寸】

右为细末入研药匀炼蜜丸如小豆大疗七种癖块五种癫病十种注忤七种飞尸十二种虫毒五种黄病十二种疟病十种水病八种大风十二种痹风并大头目眩漠漠及上气?嗽喉中如水鸡声不得卧饮食不作肌肤五臟滞气积聚不消壅闭不通心腹胀满连及胷背?胀气坚结流入四肢或腹胀心膈气满无时举发十年二十年不瘥五种不利并虺虫寸白虫诸虫上下冷热久积痰饮令人多眠睡消瘦无力?入骨髓便成滞疾身体气肿饮食呕逆腰脚酸疼四肢沉重不能久行立妇人因产冷入子藏藏中不净或闭塞不通胞中瘀血冷白带流出不尽时时疼痛为患或由此断产并小儿赤白下利及狐臭耳聋鼻塞等病服此药以三丸为一剂服药不过三剂万病悉除说无穷尽故称万病丸若一岁以下小儿有疾者令乳母服两小豆大亦以吐以利为度

有近病及卒病皆用多积久病少服常服微溏利为度卒病欲死服三丸取即瘥

五注鬼刺客忤服二丸男女邪病歌哭腹大如妊身服二丸日三夜一食服之 蛊毒吐血腹痛如刺服二丸若不瘥更服诸有痰服三丸冷癖服三丸日三服皆间服常令微溏利宿食不消服二丸取利 癥瘕积聚二丸日三服 拘急腹胀满心痛服三丸 上气呕逆胃满不得眠服二丸不瘥再服大利腹二丸服日三服 疳温服二丸以一丸如杏仁大和鮓泔二合灌下部中水病服三丸日再服间食服之差即止人弱隔日

服 头痛恶寒服二丸覆取汗伤寒天行服二丸日三间食服之 小便不通服二丸不瘥明日更服大便不通服三丸又内一丸下部中即通 耳聋聾耳以绵裹如枣核塞之 鼻衄服二丸 痈疽丁瘡破肿服一丸如麻子大日傅之根亦自出 犯丁瘡血出以猪脂和涂有孔则内孔中瘥 癰疮鮓泔洗讫取药和猪脂涂之 漏疮有孔以一丸内孔中和猪脂传之 痔疮涂绵筋上内孔中日别易瘥 瘰癧以猪脂和涂瘥 癖疮以布揩令汗出以鮓汁和涂 易瘥 胸背腰脇肿以醋和傅肿上日一易又服二丸 诸冷疮积年不瘥以鮓泔和涂之恶刺以一丸内疮孔中即瘥 蝮蛇螫以少许内螫处若毒入腹心烦欲絶者服三丸蝎螫以少许涂之蜜螫以少许傅之 妇人诸疾胞衣不下服二丸 小儿惊疳服一丸如米许又以涂乳令啞之看儿大小量与服之 小儿客忤一丸如米大和涂ru头与啞之以意量之 小儿乳不消心腹胀满一丸如米许涂ru头令啞取瘥 疰疾初发前服一丸未差更服

小麝香丸【治鬼疰飞尸厉疾】

麝香【三分】 雄黄【别研】 当归【焙】 丹砂【别研各四两】 桂心 芍药 细心【各五钱】 莽草【炙】 犀角【屑】 梔子【各三钱】 巴豆【五十个去皮心生用】 附子【炮去皮脐】 乌头【炮去皮脐各五枚重半两】 蜈蚣【一条去头足炒】

右为细末和匀蜜丸搗至千杵如菉豆大或小豆大每服二丸日服渐加至四丸五丸

神保丸【主治修制并见局方】

治膀胱气上至两脇心腹疼痛一投而效

巴豆 胡椒 蝎稍 木香

右末朱砂为衣有人病项筋痛医作风治不效久又注两脇甚苦合一投而瘥

已上例中诸药凡用巴豆新者峻利力大陈者缓慢丸小欲急治者宜新欲缓治者宜陈或有新者云药经年愈亦待陈之意也

医垒元戎卷六

<子部,医家类,医垒元戎>

卷七

钦定四库全书

医垒元戎卷七

明 王好古 撰

太陰证 先足经从汤液 後手经从襍例

仲景理中例

仲景理中汤【主治修制并见金匱并伤寒论及诸方杂例】

人参 白术 乾姜 甘草

後本经加減八法 钱氏減乾姜为温中丸 仲景甘草乾姜汤

仲景治霍乱改理中丸活人枳实理中丸 局方消饮丸

理中汤去人参加茯苓为调中丸亦为调中汤【并见陰阳论】桂枝汤解表四逆汤温里
仲景加桂为人参桂枝汤 活人加青陈皮治胞膈病名和中汤 许学士蜜和此六味为补脾丸
虚则补其母未有子富而母贫者也

脾者太陰湿土脾不足陰湿之剂以补之如何用乾姜白术以燥之是反泄湿也如何是补脾
海藏云黄芩汤加減陰证论与四物各半汤补气血本方言丸不及汤海藏云大便栗者宜汤
大便结者宜丸以其肠胃燥湿不同也

如何仲景用丸以治霍乱泄泻理中去参加朴为和中汤

衍义云今人使理中汤仓卒之间多不効者何也是不知仲景之意为必効之药盖用药之人
自有差殊耳如治胸痹心下痞坚气结胸满胁下逆气抢心理中汤主之人参白术乾姜甘草
四物等共十二两水八升煮取三升每服一升三服以和为度或作丸须鸡子黄大皆可奇効
今人使一丸如杨梅许服之病既不去乃曰药不神非药之罪用药之罪也今引以为例他可
効此然年高及素虚人当逐宜加減甘草饮冷伤胃吐血以理中汤理治中脘分利陰阳安

定血脉只用本方并无血药在王氏易简条下杨氏饮冷泻血服对金散止亦理中脘分利陰
阳安定血脉之意也饮冷酒过多啖炙煖热食发衄者理中汤一料加川芎一两服之平昔素
不饮冷者梔子黄芩汤之类 海藏云杨师三朝三大?至醒发大渴饮冷水三巨杯次又饮水
茶三碗後病便鲜血四次约一盆先以吴茱萸丸翌日又与平胃五苓各半散三大服血止复
白痢又与神应丸四服白痢乃止其安如故或问曰何为不用黄连之类以解毒所用者湿热
之剂予曰若用寒药其疾大变难疗寒毒内伤复用寒药非其治也况血为寒所凝浸入大肠

间而便下得温乃行所以用湿热其血自止经云治本病必求其本此之谓也胃既温其血不凝而自行各守其乡也

衍义云有一男子暑月患血痢医妄用以凉药逆治专用黄连阿胶木香治之此药始感便治则可今病久腸虚理不可服踰旬不几至委顿故曰理当别药知是论之诚在医之通变矣循经则万无一失引此为例余皆仿此 海藏云暑月久血痢不用黄连陰在内也

王氏易简理中汤

治脾胃不和饮食减少短气虚羸而复呕逆或大病之後胸中有寒时喜咳唾霍乱之後气虚未禁热药并宜服之

人参【一两】 乾姜【一两】 白术【一两】 甘草【一两】

右?咀每服四钱水一盞煎至六分服为寒气湿气所中者加附子一两名附子理中汤霍乱吐泻者加橘红青橘各一两名治中汤乾霍乱心腹作痛先以盐汤少许顿服候吐出令透即进此药

呕吐者於治中汤内加丁香半夏一两每服生姜十片?泄泻者加橘红茯苓各一两名补中汤

溏泄不已者於补中汤内更加附子二两不喜饮水谷不化者再加 砂仁一两共成八味 若霍乱吐下心腹作痛手足逆冷於本方中去白术加熟附子名四顺汤若伤寒结胸先以桔梗枳殼等分煎服不愈者及诸吐利後胸痞欲絶心膈高起急痛手不可近者加枳实茯苓各一两名枳实理中汤 若渴者再於枳实理中汤内加括萎根一两

一法霍乱後转筋者理中汤加火煨石膏一两

一脐上筑者肾气动也去术加官桂一两半医恐燥故去术恐作奔豚故加官桂

悸多者加茯苓一两 渴欲饮水者添加术半两 若寒者添加乾姜半两

腹满去术加附子一两 一法治饮酒过多及啖炙?热食发为鼻衄加川芎一两

一法专治伤胃吐血以此药能理中脘分利陰阳安定血脉只用本方 中附子毒者亦用本方或止用甘草乾姜等分煎服仍以乌豉煎汤解之

韩氏温中篇

夫伤寒病之说始自皇帝以开其端由至於仲景方陈其条目自後肤浅之学莫知其数立言者云病在表可发汗病在里可下之或云不可汗不可下即未尝有温中之说仲景伤寒论伤寒例云尺寸俱沉细太陰受病也尺寸俱沉少陰受病也尺寸俱微缓厥陰受病也又辨太陰证云太陰病脉浮可发汗宜桂枝汤又自利不渴宜四逆汤又腹满时痛桂枝芍药汤辨少陰证云始得之发热脉沉麻黄细辛附子汤又少陰病二三日麻黄附子甘草汤又少陰病身体痛手足寒骨节痛脉沉附子汤又少陰病吐利手足厥逆冷烦燥欲死吴茱萸汤又少陰病脉

沉急温之宜四逆汤今举仲景论中数条最是治三陰之良法於今世用之尚有未尽证者愚尝校量自至和初岁迄於今三十余年不以岁之太过不及每夏至以前有病伤寒人十中七八两手脉俱沉细数多是胸膈满闷或呕逆或气寒或腹鸣或腹痛与仲景三陰病之说脉理同而证不同因兹岂敢妄投仲景治三陰病药医者方见脉沉及胸满便投药下之往往不救尝斟酌仲景理中丸与服之其病势轻者即胸中便快病势重者半日许满闷依然或有病人脉沉细迟投仲景四逆汤温之多药力大热後必发烦躁因校量此形证今别立方以治之多得病不可不传焉病人但两手脉沉细数或有力或无力或关脉短及力小胸膈塞闭气短不能相接者便可随脉证投温中药以治之

病人两手脉沉迟或紧或缓皆为胸中寒也若寸脉短及力小於关尺者此是陰盛阳虚也或胸膈满闷腹中胀痛身体拘急手足逆冷宜急温之若立春以後至清明以前宜温中汤主之清明以後至芒种以前宜橘皮汤主之芒种以後立秋以前宜七物理中丸主之

温中汤方

舶上丁香皮【一两】 乾姜【炮二分】 白术【二分】

陈橘皮【二分】 丁香【二分】 厚朴【姜炙去粗皮一两】

右?咀每服二钱水一盏入葱白三寸荆芥五穗煎至七分去滓热服如三两服未快尚手足逆冷咽吐更加舶上丁香皮二分乾姜二分炮

橘皮汤 七物理中汤 厚朴丸 白术汤

橘叶汤 以上五方并见韩氏微旨及陰证论

仲景七物厚朴汤

厚朴【半斤】 甘草【二两】 大黄【二两】 大枳实【五枚】

生姜【二两】 大枣【十枚】 桂【二两】

右水一斗煎取四升去滓温服八合日三呕者加半夏五两 下痢者去大黄寒多者加生姜至半斤

三物厚朴汤【治腹胀脉数】

厚朴【半斤】 枳实【五枚】 大黄【四两】

右水一斗二升煎二物取五升内大黄四两再煎取三升温服一升腹中转动更服不动勿服

平胃散【此当在阳明例以其与太陰相为表里故列太陰条下】

苍术【八两】 甘草【三两】 陈皮【五两】 厚朴【五两】

加茯苓丁香白术为调胃散此药亦泻脾湿一法加藿香半夏 加减数例并见活法
正气饮续局方局方平胃散加乾姜为厚朴汤 平胃散此方大

抵治脉缓湿胜中寒者效 温疫时气温毒伤寒头痛壮热加连须葱白五寸豆豉三十粒煎三
二服微汗出愈如未得汗以稀粥投之取汗为度若中风自汗者不宜出汗
五劳七伤脚手心热烦燥不安肢节酸痛加柴胡 痰 疟疾加乾姜制半夏 本藏气痛加茴香
水气肿满加桑白皮 妇人赤白带下加黄耆 酒伤加丁香
饮冷伤食加高良姜滑脱泄泻加肉豆? 风痰四肢沉困加荆芥 腿膝冷痛加牛膝
浑身拘急及虚壅加地骨皮腿膝湿痹加兔丝子 白痢加吴茱萸赤痢加黄连 头风加藁本
转筋霍乱加楠木皮 已上佐使止加一铢此药不问老幼胎前产後五劳七伤六极八邪耳鸣
眼昏梦泄盗汗四肢浮肿腿膝酸痿妇人宫臟久冷月脉不调者加官桂若能每空心一服注
顔容容丰肌体调三焦壮筋骨祛冷气快心胸常助元阳益真气健脾饮进食和气祛痰自然
荣卫畅寒暑不侵此药去厚朴加防风疗四时伤寒极有神效已上法并用水煎

陶隐居厚朴汤【治心下至小腹痞满】

厚朴 甘^廿 枳实 桂

右为细末生姜水煎

易简平胃散

治脾胃不和不思饮食心腹肋肋膨胀刺痛口苦无味胸满短气呕秽恶心噫气吞酸面色痿
黄肌体瘦弱怠惰嗜卧体重腹痛常多自利或发霍乱及五噎八痞膈气反胃并宜治之

苍术【八】 甘草【三】 厚朴【五】 陈皮【五】

右?咀每服四钱水一盞半姜五片枣一枚煎至六分去滓食前服

惟大便秘小便多中不寒者别加润剂

常服调元阳暖胃气化食消痰饮辟风寒冷湿四时不正之气

一法加茯苓丁香各三两共成六味 治胃寒呕吐多加生姜煎服

一法若其人气不舒快中脘痞塞加 砂香附子各三两共八味生姜煎服其效尤速

一法去苍术余各等分白水煎服

治酒食所伤眼睛头面遍身黄色服之神效一法加草果乌头各一枚治脾寒痞疴平胃散与

五苓散相合名对金散与六一散相合名黄白散与钱氏异攻散相合名调胃散

欲进饮食加神麴麦蘖吴茱萸蜀椒乾姜桂为吴茱萸汤

胃散加減大略 加藁本桔梗为和解放 加藿香半夏为不换金正气散

已上二药通治伤寒吐利肠滑者加肉豆? 疴疾寒热者加柴胡 小肠

气痛者加苦楝茴香

调胃散

藿香叶 陈皮 甘草【炙】 厚朴【制】 半夏【制各等分】

右为细末每服三钱生姜水煎

调胃丸 已上调胃散细末姜糊丸梧桐子大生姜汤下三十丸

肉应散【治胸膈不伏腹痛下痢不嗜饮食】

青皮【去白二钱】 生姜【一钱】 乾姜【炮二钱】 陈皮【去白一钱】 甘草【炙二钱】

右作一服入枣二枚水煎服之

易简养胃汤

治外感风寒内伤生冷增寒壮热头疼目昏肢体拘急不问风寒二证并宜服之先用厚被盖睡连进此药数服加以薄粥热汤之类佐之令四肢微汗濺濺然候乾则徐徐去被谨避外风自然解散若先自有汗亦须温润以和解之或有余热则以参苏饮欸欸调之或尚头痛则以浓煎生姜汤加葱白下圣饼子二证既除则不必服药但节其饮食适其寒温自然平复大抵感冒古人不敢轻易用发汗者止缘麻黄能开腠理用或不得其宜则导泄真气因而致虚变生他证此药乃和平之剂止能温中解表而已初不致於妄扰也兼能辟山岚瘴气四时温疫或饮食伤脾发於咳疴或中脘虚寒呕逆恶心悉能治疗厚朴 苍木

半夏【各半两】 甘草【一分】 茯苓 人参藿香【各半两】

橘皮【去白五分】 草果子【半两】

右?咀每服四钱水一盞半生姜七片乌梅一个煎至六分去滓热服或发寒疴或感寒疫及恶寒者并加附子足为十味不换金散藿香止气散皆此药也然不若此方大备

易简渗湿汤

治寒湿所伤身重腰冷如坐水中小便或涩或利大便溏泄皆因坐湿处或因雨露所袭或因汗出衣里冷湿久久得之腰下重疼两脚酸痛腿膝或肿小便利及不渴悉能治之

苍术【一两】 甘草【一两】 乾姜【一两】 白术【一两】
茯苓【一两】 橘红【一分】 丁香【一分】

右?咀每服四钱水一盞半生姜三片枣一枚煎至六分去滓温服

此药兼治脾胃不和呕逆恶心大便时时溏泄尤得其宜

一方加橘红丁香名肾着汤腰重而疼者大宜服此 或不因湿气所伤止是风寒相抟以致腰疼宜服生料五积散加桃仁数个煎服若肾虚致疼当服补药

活人厚朴黄连香薷汤

治陰阳不顺清浊相干气射中焦名为霍乱或饱食豚脰复饮酪浆海陆诸品无不食之或多饮冷或卧当风痛伤脾胃食结不消阳不能降陰不能升二气相反交错不通所以变成吐利也百脉昏乱荣卫俱虚冷抟於筋转筋注下

厚朴【制二两】 黄连【二两】 香茹穗【一两五钱】

右厚朴黄连二味入生姜四两同炒紫色杵为细末与香茹同煎每服三大钱水一盞酒半盞同煎至七分去滓用新汲水浸换极冷顿服之冷则效速煎时不犯铜铁器慢火熬非时病者亦治井中沉冷者尤妙

局方香薷丸 香薷散【二药主疗修制并见本方】

钱氏异功散

人参 陈皮 甘草 茯苓 白术

四君子汤

钱氏异功散内减陈皮余四味是也

四君子汤

人参 甘草 白茯苓 砂仁

右方在四物八珍汤後

易简四君子汤

治大人小儿脾胃不和中脘停饮大病之後宜服此药但味甘恐非快脾之剂增损之法见於方後人参【一两】 茯苓【一两】 白术【一两】 甘草【五钱】

右?咀水一盞姜七片枣一枚煎至六分去滓服一方加橘红等分名异功散尤宜病後調理

一方去人参加官桂等分甘草等減半名甘草汤治停饮目眩 一方去甘草加枳殼橘红半夏等分名六君子汤专治素有痰饮胸膈痞满脾胃虚寒不嗜饮食服燥药不得者大宜服之 一方去甘草加木香熟附名加味四柱饮治丈夫元藏气虚真阳耗散两耳常鸣脐腹冷痛头眩目晕四肢倦急小便数滑泄泻不止加姜枣煎服大痛之後尤宜用此調理一方加黄芪白扁豆等分大治肠风并五痔下血面色痿黄 耳鸣脚软力乏口淡无味姜枣煎服碾为细末尤佳此方人未之信服者颇效李次仲云看不在面自有奇功

易简惺惺散

治小儿风寒疮疹伤风时气头痛壮热目涩多睡咳嗽气龕臭寒清涕

白术 桔梗 细辛 瓜蒌仁 甘草

茯苓 人参

右?咀每服二钱水一盞生姜三片入薄荷三叶煎至半盞时时与服钱氏方小儿壮热昏睡伤风风热疮疹伤食皆相似未能辨认间服惺惺散小柴胡汤升麻汤用乾葛升麻芍药甘草等分白术煎服此数药均能治疗用之甚验惟伤食则大便酸臭水谷不化畏食吐食宜以药下之加巴豆感应丸并参苏饮治诸般发热尤为切当并耳冷飀冷手足乍冷乍热面赤喷 惊跳不安皆疮疹之候也已发未发升麻汤消毒饮皆得其宜若三日未见形迹当以生酒涂其身上时时看之状如蚤?者是也或发不透或倒压黑?极为利害紫草木通甘草桔梗等分白水煎服之名曰如圣散更有小儿头昏颊赤口内热气小便赤澁大便秘结此为里热当用大黄当归芍药甘草等分白水煎服名四顺饮若审是疮疹之证不宜用此

易简白术散

治小儿泄泻胃热烦渴不问陰阳并宜服之

人参 藿香 甘草 乾葛 木香 茯苓白术【各一两】

右?咀每服二钱水一盞煎至半盞量大小与服仍用香连丸间之渴欲饮水者时时煎服任意饮之弥多弥佳

白术散【一方治呕】

白术【一两】 人参【一两】 半夏【一两】 乾姜【半两】

甘草【半两】 茯苓【半两】 姜枣煎服

钱氏方谓小儿吐泻当温补之每用理中丸以温其中五苓散以导其遂连进数服兼用四君子加陈皮调之若以虚损用金液丹杂以青州白丸子为末米饮调服多服乃有效吐泻之後发热必作惊风二药服之累有神效若胃气已生则旋减金液丹却以异功散等药徐徐调之若食不消脾胃虚寒呕吐恶心者当服益黄散用陈皮半夏青皮诃子肉甘草各一分丁香一钱量大小煎服小儿暑月吐泻其证不一详审用药不可差谬

有伏暑者小便必不利宜五苓散香茹散 有伤食其吐并粪必酸臭气宜服感应丸 若虚冷者泄泻必多宜服六神散加附子服之用人参茯苓山药白术白扁豆甘草等分姜枣煎服风证加天麻 痢者加罌粟殼 吐泻初定当以

天南星为细末每服和冬瓜子七粒煎服以防变癇若泻色青当用惊药小儿之病与大人无异用药一同当量力用之惟中恶脐风夜啼重舌变蒸客忤惊癇解颅魃病疳气不行数证大人无之并见钱氏方半夏汤 後有小七气汤

人参 白术 甘草 桂 半夏 茯苓 附子

易简四兽饮

治五臟气虚喜怒不节劳役兼致陰阳相胜结聚涎饮与胃气相搏发於疮疾悉能主之兼治瘴疟最有神效

人参 白术 甘草 草果 半夏 茯苓橘红【各等分】

右同枣子乌梅生姜煎等分?咀以塩少许淹食顷厚皮纸裹用水湿之慢火炮令香熟焙乾每服半两水二盞煎至六分去滓未发前连进数服 一方治脾寒名快脾饮用草果人参白术橘红半夏厚朴 砂仁附子等分甘草减半每服四钱姜十片乌梅一个枣子一枚煎至六分去滓不以时候服用此药下红丸子尤妙 兼治脾胃虚弱中脘停塞不进饮食四肢无力并热多痰饮风饮用前胡柴胡各一两官桂桔梗厚朴各三分黄耆甘草乾姜各半两右?咀每服四钱水一盞半生姜五片枣二个煎至六分去滓热服 一方名七宝散用常山陈皮青皮枳榔草果仁甘草各等分每服半两酒水各一盞煎至八分於当发日侵晨服之此药既有常山必须吐人而後愈当日大作世谓劫药是也虚怯人不宜服此脾胃素虚寒者用小附子一只炮以塩

浸再炮再浸如此七次去皮切作片用水二盏姜七片枣七个煎至七分当发日空心温服名七枣汤 痞疾多因中脘有饮用常山作效者以其能吐之不若用辰砂黄丹辈坠之为佳 其方用黄丹一两大蒜去皮碾膏丸作三丸当发日临晨嚼一丸用井花水或热水咽下一法用生硫黄辰砂各为细末寒多倍硫黄热多倍辰砂寒热等者匀用每服三钱腊茶清调服临发日早晨进之当日或作或不作皆是其效须早用之为佳

易简断下汤【治下痢赤白无问新久长幼】

白术【半钱】 茯苓【半钱】 甘草【半钱】 草果【连皮一两】

右?咀用罌粟殼十四枚去筋膜并萼蒂剪碎用醋淹为麤末同煎作一剂水一大碗姜七片枣子乌梅各七个煎至一大盏分二服服之赤痢者加乌豆二粒白痢者加乾姜半钱用罌粟殼治痢服之如神但性紧澁服之令人呕逆既用酸制加乌梅不致为害然呕逆吐人则不可服大率痢疾古方谓之滞下多因肠胃素有积滞而成此疾始得之时不可遽止先以巴豆感应丸十余粒用白梅茶下令大便微利仍以前药服之无不应手而效若脾胃素弱用肉豆?橘红罌粟殼各等分为末醋煮米糊为丸桐子大每服五十丸乌梅汤下兼治泄泻暴下不止一服即愈更令药力相倍为佳如觉恶心却以理中汤四君子汤加豆?木香辈调其胃气仍以二陈汤水煮木香丸定其呕逆 大凡痢疾乃腹心之患尊年人尤非所宜若果首尾用平和之剂决难作效必致危笃虽已欲服此则已晚矣其如地榆秦皮黄蘗若木桐之类其性苦寒却难轻服 血痢当服胃风汤并胶艾汤之类 血者宜服附子理中汤震灵丹之属更宜审而用之若五色杂下泄泻无时当用熟乌头一两厚朴甘草乾姜各一分生姜煎服 今人治痢多用驻车丸黄连阿胶丸之类其中止有黄连阿胶其性本冷若所感稍轻及余痢休息不已则服之弥效若病稍重非此可疗若谓其稳当则悠悠服之乃自取困顿也

海藏黄耆汤【主治并见陰证略例】

本方无藿香治三焦气虚自汗

人参 白术 黄耆 白芍 茯苓 甘草 陈皮 藿香 乾生姜

黄耆汤与四物汤各半名托里汤 加桂名十全散本方去茯苓加川芎当归名黄耆解肌汤去芍

药加白扁豆为君子汤加藿香叶以理气此即补脾汤也

钱氏白术散 和中散

养脾丸

人参【一两】 白术【半两】 乾姜【炮二两】 砂仁【二两】

甘草【一两半】 茯苓【一两】 麦蘖麪【二两】

右为细末炼蜜丸弹子大细嚼生姜汤下

调中人参汤

人参【半两】 木香【二钱二分】 茯苓【半钱】

葛根面【一两】 甘草【二钱二分】 藿香【一钱三分炼淨】 兼治酒毒加白术一味

右为麪末生姜水煎如细末坐姜点服

解酒毒例

葛?汤【治酒之仙药】

葛根麪 小豆花 藿香叶 白豆?益智子 砂仁 香附子 车前子 葛花 葛叶 白檀 木香 丁香 沉香 橙皮 陈皮 姜屑 官桂 白术 泽泻 茯苓 甘草 人参【各等分】

右为细末汤点服酒调亦得姜糊丸桐子大酒下之亦得

橙香丸一名万杯丸

木香【二钱】 白檀 白豆?【三十枚】 益智子【三十枚】 橙皮【一两】 葛面【一两】
砂仁【三十枚】 橘红【一两半】 甘草【半两】 沉香【二钱】
生姜【四两切破塩淹一宿晒乾或焙乾秤五钱】

右为细末水浸蒸饼为丸桐子大细嚼一二十丸白汤下或減甘草用甘草膏子丸

不醉丹

白葛花 天门冬 白茯苓 牡丹蕊 小豆花 砂仁 葛根 官桂 甘草 海塩 木香 泽泻 人参 陈皮 枸杞

右为细末炼蜜丸弹子大每服一丸细嚼热酒下一丸可饮十盏十丸可饮百盏

百杯丸

砂仁【一两】 高茶【一两】 诃子【一个】 麝香【一钱】

脑子【少许】

右为细末炼蜜丸每一两作一十丸未饮酒先细嚼一丸酒下

局方匀气散

丁香 藿香 甘草 白豆? 木香 檀香 砂【等分为末白汤调服】

集香丸【海藏云损其气者以此药接之】

白豆? 砂仁 藿香叶 白茯苓 丁香 白檀 沉香 益智 乌药 陈皮 甘草 人参

一法噎食加柿霜一法加广茂一法加香附子一法加乾姜随证定夺分两为末点服

局方七香丸【主治修制并见本方】

丁香 广茂 益智 砂仁 木香 甘松 甘草 香附子

五膈宽中散【主治修制并见本方】

白豆? 砂仁 香附子 陈皮 丁香 青皮 甘草 木香 丁香【分两依上文】

乌沉汤【主治修制并见局方】

沉香 乌药 甘草 人参

小乌沉汤【主治修制并见局方】

调中快气治心腹刺痛

香附子【二两】 乌药【一两】 甘草【一分】

右为细末姜汤点服

益脾丸一名三花丸【饮酒不醉当在不醉丸下】

小豆花【一两】 菉豆花【半两】 葛花【二两】 木香【二钱半】

一法加红花二钱半右为细末蜜丸桐子大每服十丸煎红花汤下夜饮津液下三五七丸不醉

东垣先生治饮酒心下痞三制三黄丸

黄芩【去桔心酒浸一半火炒一半生用一半】

右三停分两细末糊为丸桐子大每服三十丸温水下量轻重加减治热酒所伤若伤冷酒则下神应丸主之

七香丸【治脉伏不见心腹痛欲死者】

木香【半两】 丁香【半两】 乳香【半两】 藿香【半两】
沉香檀香【各半两】 人参【二钱半】 槟榔【二钱半】 零陵香【半两】

右为细末蜜丸桐子大量数目细嚼米饮下

大七香丸

砂仁【二两半】 香附【一两八钱二分】 甘草 麦蘖【炒一两】 橘红【二两半】
藿香【二两半】 肉桂【二两半】 丁香【二两二钱】 甘松

右同为细末炼蜜丸如桐子大每服三十丸每一两分作八丸亦可每服一丸细嚼汤酒任下

集香丸

砂仁【半两】 丁香【二钱半】
木香【三钱半】 甘松【二两五钱】 香附子【一两半】 白檀【二钱半】
蓬术【三钱半】 甘草【七钱半】 白豆蔻【三钱半】 丁香【半两】
广茂【三钱半】 沉香【三钱半】 麦蘖【七钱】 益智【二钱半】 一方加神麴

右为末姜汁浸蒸饼丸如鷄头大细嚼下

水香饼子

与前集香丸俱能寬中理气消酒逐痰饮进美饮食香附子【炒】 川芎【一两】 术香
吴白芷 甘松甘草【一两半】 砂仁【一两】 姜黄【洗焙】 桂【去皮一两】

右为细末水浸蒸饼为丸生姜白汤任下十饼至十五饼

易简苏合香丸【主治修制之法并见局方】

白术 丁香 朱砂 白檀 沉香 乌犀 荜拨 龙脑 麝香 苏合油 青木香 安息香 薰陆香 香附子

诃黎勒子

右每服一大丸沸汤少许化服治卒中昏不知人及霍乱吐泻心腹撮痛鬼疟客忤癫痫惊怖或颠扑伤损气晕欲绝凡是仓卒之患悉皆疗之此药随身不可暂阙辟诸恶气并御山岚瘴气无以踰此若吊丧问疾尤不可无但市肆所卖多用脑子当用火焙去能饮者以酒调服当用心过度夜睡不安尤宜服之功效最捷笔舌难穷

木香饼子

丁香【二钱半】 木香【四两半】 砂仁【十二两】 广茂【十两】 檀香【四两】
甘松【五两水洗】

右为细末甘草膏丸每两作二百五十丸捏作饼子

丁沉煎丸

丁香【一两一钱】 丁皮【一钱】 白豆蔻【九钱半】 木香【一钱半】 沉香【二钱】

为末姜糊丸桐子大酒下二十丸

沉香降气汤【治胁下支结脾泄溏泄脚气】

沉香【一两八钱半】 砂仁【四两八钱】 甘草【十二两】 香附【四十两】

右为细末每服一钱入盐少许沸汤点服已上三味通治凌晨雾露之气去恶邪诸瘴治酒尤佳

调中沉香汤

沉香【一两】 木香【一两】 麝香【五分】 甘草【二钱半】

龙脑【二钱研】 白豆蔻【一两】

右为细末龙脑和匀沸汤点服半钱入生姜一片盐少许

金匱下痢病脉证并治

後代名医诸书所说者皆以此为法

夫六腑气絶於外者手足寒上气脚缩五脏气絶於内者痢不禁不甚者手足不仁下痢脉沉弦者下重脉大者为未止脉微弱数为欲自止虽然发热不死下痢手足厥冷无脉者灸之不温若脉不还反微而喘者死少陰趺阳调者为顺也下痢有微热而渴脉弱者当自愈

下痢脉数有微汗出今当自愈设脉紧为未解

下痢脉数而渴者当自愈设不解者必清脓血以有热也下痢脉反弦发热自汗者自愈

下痢气者当利小便下痢脉反浮数尺中自濇者必清脓血

下痢清谷不可攻其表汗出必胀满下痢脉沉而迟其人面少赤身微热

下痢清谷者必鬱冒汗出而解病人必微厥所以然者其面带阳下虚故也

下痢後脉絶手足厥冷时时脉还手足温者生脉不还者死下痢腹胀满身体疼痛者必温其里後攻其表温里宜四逆汤攻表宜桂枝汤【四逆汤见上】

桂枝汤方

桂枝【去皮三两】芍药【三两】大枣【十二枚擘】

生姜【三两切】甘草【二两炙】

右?咀以水七升煮取三升去滓温服一升须臾饮热稀粥一升余以助药力取微汗

下痢三部皆平按之心下坚者急下之宜大承气【方见阳明病中】

下痢脉迟而滑者实也利未止急下之宜大承气汤下痢脉反滑当有所去下乃愈宜大承气汤

下痢瘥至半月日时复发者以病不尽故也当下之大承气汤以上数承气汤本虚者当以别议

下痢譫语者有燥屎故也小承气汤主之方

大黄【四两】枳实【三枚炙】厚朴【三两炙】

右?咀以水四升煮成一升二合去粗分温再服一服譫语止若更衣者停後服

下痢便脓血者桃花汤主之方

赤石脂【一升半完用末半用】 乾姜【二两切】 粳米【一升】

右三味以水七升煮米熟去滓温取七合内赤石脂末一方寸?日再服若一服愈余勿服

热痢下重者白头翁汤主之方

白头翁【二两】 黄连 黄蘗 秦皮【各二两】

右四味以水七升煮取一升去滓每服一升不愈更服

下痢後更顿按之心下濡者为虚烦也梔子豉汤主之方

肥梔子【一十四枚劈】 杏?【四两裹】

右二味以水四升煮梔子取二升半内豉煮取一升去滓分再服温进一服得快吐止後服

下痢清谷里寒外热汗出而厥者通脉四逆汤主之方

甘草【二两炙】 乾姜【三两强人可四两】 附子【大小一枚】

右三味?咀以水三升煮取一升二合去滓分温再服其脉即出者愈

下痢腹痛紫参汤主之方

紫参【半两】 甘草【二两炙】

右二味?咀水五升先煮紫参取二升内甘草煮一升半去滓分温三服【疑非仲景方】

主气痢诃黎勒散方

右一味细末粥饮和顿服【疑非仲景方】

大便不通啗数譌语小承气汤主之【方见千金翼】

乾呕下痢黄芩汤主之方【玉函经云人参黄芩汤】

人参【三两】 黄芩【三两】 大枣【十二枚劈】 乾姜【三两】

桂枝【去皮二两】

右六味?咀以水七升煮取三升去滓温分三服见外?

右此下痢一章内有治伤寒数方仲景用治杂病今全录之使後人知云治伤寒有法治杂病有方者非也伤寒杂病同一治法矣【当在太陰下卷後今録於此】

王朝奉治喘例

夫喘者麻黄汤表证也小青龙汤挟水证也然麻黄汤主喘也太阳证下之喘者表证未解桂枝加厚朴杏仁汤喘家用桂枝汤加厚朴杏仁亦佳发汗下後不可更行桂枝若汗出而喘无大热者可用麻黄杏仁甘草石膏汤太陰桂枝证医反下之麻不止脉促者表未解喘而出汗者葛根黄芩黄连汤

活人举华佗喘说

活人举华佗云喘者肺气有余也梔子黄芩汤主之

经云帝曰人有逆气不得卧而息有音者有不得卧而息无音者有起居如故而息有音者又有得卧而行喘者有不得卧不能行而喘者有不得卧而喘者皆何脏使然愿闻其故岐伯曰不得卧而息有音者是阳明之逆也足三阳者不行今逆而上行故息有音也阳明者胃脉也胃者五脏之海也其气亦不行阳明逆而不得从其道故不得卧也胃不和则卧不安此之谓也夫起居如故而息有音者此肺气之脉逆也脉逆不得随经上下故留经而不行脉逆之病人也微起居如故而息有音也夫不得卧卧则喘者是承气之客也夫水者循津液而衍流也肾者水臟主津液主卧与喘也帝曰善

前太阳门麻黄升麻汤坏证药後有王朝奉伤寒喘例诸喘皆属於上当在手太阳例然内经云五脏皆有喘故例在此後

经曰惊恐喜怒劳动静皆为之变喘是以夜行则喘出於肾淫气於肺故有堕恐喘出於肺淫气伤脾有所惊恐喘於肺淫气伤心度水跌仆喘出於肾与骨当是之时勇者气行则以怯者着而病也故动静勇怯皆能成疾形志苦乐各有受病不可不知

圣惠方治十种水气喘满不得卧

右蝼蛄五个曝乾为末米饮调下半钱至一钱小便通快为便

洁古老人方

右用蝼蛄去头尾与蒲萄心同捣露七日曝乾为末澹酒调下暑月温用尤佳

喘饥脾胃虚调饮食持重少血饱气滞久劳饮食劳伤则主脾主气不及接行动而火上行卧气上冲不下水饮也

诸病喘呕皆属于上诸病吐衄皆属于中诸病下痢皆属于脾诸病肿满皆属于湿故手足太阴病手足阳明病呕吐喘促伤胃虚实寒热伤寒杂病俱混说於太阴条下

医垒元戎卷七

<子部,医家类,医垒元戎>

卷八

钦定四库全书

医垒元戎卷八

明 王好古 撰

太陰证

草豆蔻散【食前服思食食後服消食】

草豆蔻【面裹煨熟取药去皮用仁二两】 乾木瓜【一两半去鬲子】

砂仁【半两】 姜屑【三钱】 甘草【三钱】 益智仁【三钱半】 陈皮【三钱】
塩【炒三钱】

右一法加神麴一两麦蘖七钱半一法加乌梅肉三钱

局方草豆蔻散【主治修制并见本方】

草豆蔻丸【王海藏云】

右以草豆蔻为细末生姜汁打糊为丸桐子大每服二三十丸米饮下嚼服亦得

易简缩脾汤

解伏热除烦消暑毒上吐下利霍乱之後服热药过多烦燥宜服之

草果【四两】 乌梅【四两】 砂仁【四两】 乾姜【二两】

甘草【四两】

右㕮咀每服五钱水一碗生姜十片煎八分以熟水浸冷极冷旋服之一方治尊年人加附子一两一方加炒白扁豆二两暑月多以此代熟水饮之极妙若伤暑头痛发热宜用此下消暑丸若因饮食生冷过多至霍乱吐泻者宜用此先以治中汤二陈汤之类煎服烦燥甚者方以浸冷香茹汤服之自然平治今人往往属香薷饮之证才见霍乱遽尔投之殊不知夏月伏陰在内因食生冷以致霍乱岂可投以浸冷之药故合先治中脘方以此药解其烦燥不可不知若饮水过多小便赤澀当服五苓散若盛夏於道涂间为暑气所闷倒不省人事急投在陰涼

之处切不可与冷水以布中衣物等蘸热汤熨脐下及丹田气海及续以汤淋脐上令彻脐腹温暖即渐苏醒若商贾及佣雇之人仓猝无汤掬路中热土於脐上拨开作窍令溺其中并以大蒜烂研以水调灌下一法用道中热土急烂碾冷水调服仍以蒜少许置鼻中气透则苏续以白虎汤竹叶石膏汤之类凡觉中暑者急嚼生姜一大块冷水咽下暑气中人慎不可以冷水亦不宜单以冷水灌之来复丹消暑丸皆可用也

橙皮丸【调中顺气生津止渴】

乌梅肉【一两】 白术【半两】 木瓜【二两】 乾生姜【二钱二分】 白茯苓【半两】
橙皮【半两】 沉香【半两】 糖霜【二两】

右为细末炼蜜为丸每两作二十五丸欲作汤水用水化开寒热温凉任意饮之噉化亦可

法制陈皮消食化气宽利胸膈

乌梅肉【半两】 白檀【二钱半】 茴香【二两炒】 甘草【二两炙】 乾生姜【半两】
青盐【一两炒】 陈皮【半两去白取四两切细末】

右件除陈皮外并为细末用水一碗药末三两同陈皮一处慢火煮候陈皮极软控乾少时别用乾药拌匀焙乾每用不以多少细嚼咽下无时

姜掬丸

此方与衍义同治下之後不能食食後必胞痞常服益气消食 衍义有陈皮

姜屑 麦蘖 神麴末【炒各等分】

右麴糊为丸桐子大米饮汤下三十丸

御方思食丸【并见活法】

神麴【一两】 木瓜【半两】 乌梅肉【二两】 麦蘖【一两】
桂【半两】 人参【半两】 乾生姜【二钱半】 茯苓【半两】 甘草【七钱】

右为细末蜜丸每两作十丸

热则泄肝胆【口苦舌乾】 柴胡 乌梅 寒则补脾胃

思食丸

木香【一钱】 沉香【三钱】 半夏麴【五钱】 麦蘖【一两】

陈皮【五钱】 乌药【三钱】 槟榔【二钱】 人参【三钱】

白术【五钱】

右件为细末炼蜜丸桐子大每服三十丸米饮下一法有乌梅肉神麴麦蘖乾生姜为细末蜜丸

兰省香烂饭丸

丁香【三钱】 沉香【二钱】 木香【二钱】 益智【半两】
神麴【三钱】 麦蘖【半两】 白檀【二钱】 三棱【三钱】 陈皮【二钱】
青皮【三钱】 甘松【一两】 藿香【二钱】 甘草【一两】 广茂【半两】
香附【一两】 砂仁【半两】

右为细末蒸饼丸

大生姜丸

补脾胃治口苦舌乾中脘不和胀满呕吐食不化酒病翻胃

人参【一两】 良姜【一两】 丁香【一两】 桂心【一两】
丁香【半两】 桔梗【半两】 川芎【半两】 白术【半两】

呕哕一条本出於胃当例阳明条下以其脾病连及於胃若食生冷硬物先入胃次传脾所以中州之病并称之曰脾胃故叔和云脾藏象中坤安和对胃门後又云二斤十四两三斗五升存是为脾连及於胃也戊与己合何尝有二哉今此呕哕诸证汤丸等剂虽属於胃姑例於太陰条下古人交经用药何尝相离

王朝奉呕论

呕者病源云热在脾胃也胃家虚冷亦呕也哕者胃家虚冷也又病人本虚伏热在胃则胃满故冷气逆故哕 伤寒证桂枝证小柴胡证合病葛根加半夏证黄芩加半夏证小青龙证四逆证真武证栀子等汤证皆有呕各自主治然小柴胡汤专主呕也呕而发热者小柴胡也呕而胞满者吴茱萸汤乾呕吐涎沫者吴茱萸汤金匱诸呕吐谷不得下者小半夏汤去茯苓胸中似喘不喘似呕不呕似哕不哕彻心溃然无奈者生姜汁半夏汤哕逆陈皮竹茹汤乾呕而利者黄芩加半夏生姜汤呕哕手足逆冷者小陈皮汤呕哕胸满虚烦不安大橘皮汤

仲景云伤寒咳逆脉散者死成注云火刑肺金也朱奉议以哕者为咳逆非也哕胃也非咳逆可知 奉议小半夏茯苓汤生姜煎小半夏橘皮汤生姜煎汁半夏汤橘皮汤陈皮生姜二味煎

大橘皮汤【理气调中】

陈皮【二钱】 甘草【二钱】 人参【半两】 生姜【二钱】

右?咀分作二服水煎服之

橘皮青竹茹汤

陈皮【二钱】 竹茹【三钱】 人参【二钱半】 甘草【二钱】

右作三服姜煎

温中丸【治脾寒呕吐咳嗽自利】

半夏【汤泡】 乾姜【等分】

右为细末生姜和汁丸桐子大每服二十丸木瓜汤下姜汤亦可

海臟橘皮茯苓生姜汤【治咳逆解酒毒止呕吐】

陈皮【一两】 炙草【三钱】 生姜【三钱】 茯苓【半两】

一法加葛根神麴半夏?咀煎服

活人治呕哕手足逆姜橘汤

橘皮 生姜

活人大半夏汤【治痰饮脾胃不和】

半夏 生姜 茯苓

右为麴末水煎如热痰加炙甘草脾胃不和加陈皮

活人半夏生姜汤【治呕饮絶】

半夏 生姜 二味同煎服

桔梗半夏汤

治冷热不合胸痞满痰涎不利气逆呕啰

桔梗 半夏 陈皮【各等分】

右为粗末水煎细末姜糊丸亦可

活人橘皮竹茹汤【治呕逆】

陈皮 竹茹 人参 甘草【各等分】

右剉姜枣煎服

大橘皮汤

治动气在上不可下食则吐随证加减

陈皮 人参 甘草 生姜 枣 竹茹

右?咀水煎

橘皮半夏汤【治积气痰痞不下饮食呕吐不止】

陈皮【一两】 半夏【二两】 生姜【一两半】

右?咀水五盏煎至二大盏去滓分三服食後临卧服之

半夏茯苓陈皮汤【消饮止呕和中顺气】

茯苓 半夏【炮】 陈皮【去白】 生姜【各一钱半】

右?咀水二盏半煎一盏去滓临卧温呷之

易简二陈汤

治痰饮为患或呕吐恶心或头眩心悸或中脘不快或发为寒热或因食生冷脾胃不和并宜

服之陈皮【去白五两】 半夏【五两】 茯苓【三两】 甘草

右?咀每服四钱水一盞半姜七片乌梅一个煎至六分去滓热服无时伤寒後不敢进燥药者亦宜服餌如痞疾加草果一两半下红丸子如因酒食所伤发为黄疸亦宜用此二药呕吐甚者加丁香并服半硫丸一法仍用半夏为末每一两入丁香一钱旋以生姜自然汁丸如桐子大先以汤二盞煎沸次下丸子药煮令极热以匙挑服用药汁咽下更服养正丹或来复丹黑錫丹之类俟大便利即愈如妊妇恶阻古方用茯苓半夏汤服者病反增剧不若用此药极有神验一方名枳实半夏汤治痰饮停留胸膈痞闷或咳嗽气寒头目昏重喘呕恶心项背拘急半夏陈皮各一两枳实减半加生姜煎服一方名丁香茯苓汤治久积陈寒流滞肠胃呕吐痰沫或有酸水全不思食用木香丁香乾姜附子半夏橘皮肉桂 砂仁等分加生姜煎服一方名曰白术半夏汤治脾虚停饮痰逆恶心中脘刺痛腹胁搅痛头目昏晕肢节倦怠不思饮食用白术丁香赤茯苓各一两半夏六两肉桂半两陈皮二两半亦加生姜煎服生姜乃呕家圣凡呕吐宜多用之为佳

易简四七汤

治喜怒悲思惊恐忧之气结成痰涎状如破絮或如梅核在咽喉之间咯不出咽不下此七情之气所为也或中脘痞满气不舒快或痰涎壅盛上气喘急或因痰饮中节呕逆恶心并宜服之

半夏【五两】 茯苓【四两】 厚朴【三两】 紫苏叶【二两】

右?咀每服四两水一盞半姜七片枣一枚煎至六分去滓热服无时若因思虑过度陰阳不分清浊相干小便白浊用此药下青州白丸子最为功当妇人恶阻尤宜服之一名厚朴半夏汤一名大七气汤局方七气汤有半夏五两人参甘草官桂各一两生姜煎服大治七气并心腹绞痛然药味大慙恐未能止疼顺气一方治七气所伤中脘不快气不升降腹胁胀满用香附子炒半斤橘红六两甘草一两煎服尤妙好事者谓其耗气则不然盖有此病服此药也

赤茯苓汤

顺气消疾止呕调中益气补胃祛湿

陈皮 半夏 川芎 人参 白术 赤茯苓

右为粗末姜水煎服

衍义有人曾患气嗽将期或教以服陈皮生姜焙乾神麴等分为末糊丸桐子大食後临睡服三十丸米饮汤下旧有膀胱疾自此皆愈

乳和姜皮汤【治赤白下痢神验】

陈皮【一两】 姜屑【三钱】

右二味用牛乳一大盏和药煎热去滓入生牛乳一半顿服

温胃和痰丸【治中寒停饮胸膈痞塞痰涎】

半夏【三两洗】 橘皮【去白二两】 乾姜【炮二两】 白术【二两】

右为细末姜汁糊丸桐子大每服二十丸姜汤下无时

大橘皮丸【赵十一郎家制之】

陈皮【去白】 茯苓 甘草 塩淹姜 葛根麴

右细末炼蜜丸弹子大细嚼白汤下

小七气汤【当在大半夏汤条下】

治虚冷上气喘塞不通

半夏【六钱洗】 桂心【一钱】 人参【一钱】 生姜【半两】

右?咀水四盏煎至二盏去滓三服相继服无时

活人小半夏加茯苓汤

治诸呕哕心下坚满膈间有痰火心悸

半夏【五两汤洗七次】 茯苓【去皮三两】

右剉如麻豆大每服半两水三盏煎至一盏秤生姜四钱取自然汁投药中更煎三两沸热服无时

青龙散【治咳嗽上气不卧】

人参 陈皮 紫苏叶 五味子

右细末每服三钱水一盞姜五片煎至七分去滓温服

活人橘皮汤【治伤暑痰逆恶寒】

陈皮 甘草 人参

右为麤末竹茹生姜枣煎如不恶寒者加竹叶

玉液丸 玉芝丸【主治修制并见局方】

文潞公生犀丸 并见药準

易简消暑丸 见 证附

局方玉壶丸【主治修制并见 黄名水煮本方易老加 金花丸】

治头风口眼喎斜及风痰等证并见活法机要南星 半夏 天麻 白面

辰砂化痰丸【主治修制并见局方】

辰砂 南星 白矾 半夏

易老水煮金花丸【主治修制并见活法机要】

南星 半夏 天麻 寒水石 雄黄

白面 生姜

右细末滴水丸桐子大煮熟生姜汤下

小黄丸【修制并见活法机要】

黄芩 南星 半夏 生姜

右姜汁打糊为丸

定喘丸

治虚人咳嗽胸满及鼻息音大喘行坐无时连年不已或远或近并能治之

人参【二钱半】 南星【三钱】 半夏【三钱】 葶苈【半两】

右末之以生姜自然汁糊丸黍粒大每服三五十丸生姜汤下渐加亦可小儿服减丸数

二炒丹

治精滑夜梦鬼交洩出白液饮食少虚劳病或呕或吐

半夏【半斤】 木猪苓【半斤】

右先以猪苓去皮切作片子同炒微黄色半夏另为细末用陈米饭搜和为丸豌豆大风凉一夜次日将猪苓为粗末炒热下丸子同炒稍乾为度乘热以纸裹至冷用木盒子盛贮一法酒糊丸

消痰丸

细辛 桔梗 陈皮 旋覆花 神麴

枳实 半夏 茯苓 麦蘖 白术【各等分】

右为细末姜汁糊丸桐子大姜汤下三五十丸食後服

安和丸【治脱证虚弱嗽年老虚人尤宜服之】

粟殼【二两炒】 陈皮【二两】 炙草【二钱半】

一法加乌梅半两为细末姜糊丸

玉芝丸 玉液丸

加生姜人参藿香名人参半夏丸

易简参苏饮 惺惺散【主治并见少阳柴胡例】

仲景葶苈大枣泻肺汤

治肺痈不得卧兼治支饮不得息【又见金匱】

苦葶苈【炒香搗】 大枣【二十枚】

右丸如弹子大每用水三升大枣十枚煎二升化一丸再煎一升

三圣丸【治喘嗽而目微肿】

甜苦二葶苈

右末枣肉为丸菉豆大每服三十丸临卧姜汤下

仲景猪膏丸

治少陰病下痢咽痛胸满心颊邪气自少阳经传入少陰客热

右用猪肤一斤水一斗煮取五升去滓入白蜜一升白粉五合熬香合相得分作六服【水畜入肾猪肤解热?燥除烦粉以益气断利】

仲景白通猪胆汁汤 四逆猪胆汁汤【并见仲景本经】

仲景猪肚丸

白朮【四两】 牡蛎【烧研】 苦参【二两】

右为细末猪肚一枚内药末纒定煮软热切碎研泥成膏和丸桐子大每服三十丸米饮汤下

又猪肚黄连丸【见本草】

钱氏香连丸 橘连丸【并见本草】

猪肚丸

治官蒸唇红颊赤气粗口乾身壮热多虚寒大便秘小便赤食减少

鳖甲【醋炙一两】 柴胡【一两】 木香【一两】 生地黄【一两】 青蒿【一两】
黄连【一两】 青皮【半两】

右为细末嫩大猪肚一枚入药在内繫定蒸软药肚仍碾匀可丸如菉豆大每服三十丸米饮汤下食前日三服忌热物湿麪

补真丸一名大真丸

天门冬【三两去心】 羊肉【三斤去筋膜】 肉苁蓉【六两去粗皮】 当归【五两去芦】

右已上俱作片焙乾为末焙先将羊肉煮去羊血水洗净再煮至热去绵细筋膜研烂再入无灰酒煮至成膏入上项药末及糯米粉子半斤再煮数十沸至稠粘膏子为度再入下项药

黄耆【六两】 远志 白术【二两】 赤茯苓【四两】 枸杞【二两】 沉香【半两】
神麴【五两】 乾山药【二两】

右为细末入上件膏子内同和更入宿蒸饼面十数两搜和成剂至可丸即止丸如桐子大每服空心温酒送下七八十至百丸

猪蹄汤

知母 贝母 牡蛎

右为细末猪蹄四个慢火煮软熟用调服三钱?後滋味汁一碗投之少时熟蹄任意食用或先食蹄饱後服亦得

海藏评解利伤寒丸药杂例【并见本方注後】

玄胡丸

玄胡【半两】 青皮【半两】 陈皮【半两】 三棱【半两】 广茂当归
乾姜【各半两】 雄黄【五钱另研细】

右醋糊为丸酒亦得每服二三十丸白汤下无时解利内外伤

紫霜丸

治伤寒温肚内夹冷食或因得汗身热不除及变蒸发热日久不解饮食成癰俗呼为食迷风

代赭石【火煨醋淬一两】 杏仁【五十个去皮尖麴炒另研】

赤石脂【为末一两】 巴豆【三十粒去皮心油炒淬】

右合碾匀汤浸蒸饼为丸黄米大小儿生三十日以外可一丸一年二年可三丸乳下米饮亦可

无名丸【解内外伤】 与四生丸例相似在半夏条下

代赭石 贯众【一两】 自然铜【三两三钱醋淬丸次】 茯苓【一两】 寒水石
黑豆【去皮四两】

右件通为细末水糊丸菉豆大每服三五十丸姜汤下米饮亦得

无名丸料

寒水石【一两洗粉】 贯众【末之三钱半】
代赭石【火烧酒淬末三钱半】 黑豆面【去皮一两】 茯苓【末之三钱半】
自然铜【酒淬七钱半末】

右无名丸此药不知来例别无解利味数止是贯众治头风有毒大抵解疫疠毒气则效非若古法之分经也本草云代赭石苦甘寒治鬼疟贼风自然铜辛平无毒疗折伤散血止痛贯众治头风半夏治伤寒寒热巴豆辛温主伤寒温疟寒热鼓煎亦解利右此三药虽云治伤寒只治因内感而发出者多效若外感一日太阳受之不宜用此等之药性者不可执此以解利外伤此药大抵只治内而不治外不能行经若要行经非汤液不能也代赭石自然铜二味兼以醋淬过煨以苦酒上火力同能上行故解利也若以代赭石自然铜二石性论下行之体无疑更宜详紫霜丸主治伤寒温壮内夹冷食一句即知无名体也

天麻辰砂丸【治内外伤】

天麻【四两】 雄黄【半两】 朱砂【三钱】 巴豆【半两去油皮二百粒】

右为细末每服三五丸白汤送下温酒亦得食後蜡和丸黍米大

玄胡丸内有雄黄乾姜苦酒与此一体解利在厥陰門木香檳榔例後

安先生传易老解利二药

狼毒 大戟 草乌头【生各等分】

右为末醋糊丸桐子大每服五七丸或十丸温水送下

解利伤寒?药

乾山药【一两】 藜芦【连须一钱】

右细末以纸然?之

杨氏内解丸

芫花 红药子【各等分】

右细末醋糊丸菉豆大温水下二丸无时以葱白醋米汤投之

四生丸

南星 半夏 芫花 自然铜【等分以上皆生用之】

右为细末醋打荞面糊为丸菉豆大如酒积痰饮胞膈胀满饮食不消每用五丸临卧温水下忌热物如伤寒时疾煎?汤下一十丸三服解如心气大痛醋汤下海藏云非汤液所用丸药解利世多不同皆取此例

拾遗

大肠泄 小肠泄 大瘕泄 飧泄 洞泄寒中 寒湿 溏泄 泄泻 湿淫燥湿 湿热 风湿?溏胃泄脾泄 脱肛 脏毒 瘀血

凡此数条俱见汤液大法後

翻胃例

御医楚侍药白龙丸

治膈气翻胃吐食大便结硬肠大便如常者不可服半夏【三钱】 轻粉【半钱】白面【三钱】

右挫末和匀水和作綦子或丸汤煮熟漉出放温临卧作一服生姜汤下取下燥粪核为度

生姜半夏汤【止呕吐开胃消食】

半夏【三钱?咀】 生姜【三钱切作片子】

右量水多少煎至七分

鷄屎体散【治蛊胀旦食不能暮食不已】

帝曰腹胀鼓胀可刺耶岐伯曰先泄其胀血络後调其经刺其血络也

姜枣汤 此後二药辛甘以助天五之气

乾枣【去核一斤】 甘草【三两挫灰】 生姜【五两切片】

右拌盆盛布盖淹一宿焙乾为末每一盏入塩少许点服塩二两炒白另入药

枣艾丸【补胃】

乾枣【去核】 熟艾【捻如枣核入枣中】

右以绵纏定湿纸裹漉灰火内煨纸焦为度一日服三个空心细嚼温酒下每日加一个至九日後减一个以至三个依前再加一个三遭当进饮食也胃气壮即止不饮酒塩汤下

太陰拾遺

肘後辨脾胃所伤变易形法

凡诸脾脉微洪伤苦澁物 微弦伤冷硬物

微澁伤辣辛物 微滑伤腥醎物

微迟伤冷痰积聚恶物 弦紧伤酸硬物【又主脾冷】 微实主膈间有伏痰【或吐逆】
洪缓伤甜烂物

紧恶膈间有硬积寒热 单伏主物不消化微浮胸中有小虫动【又主寒热】
单紧主胸中急痛单弦主胸中气聚喘促 单洪主寒热吐不食

单滑主脾寒吐逆 单浮主男寒不进食浮洪而数皆中酒

海藏所定脾脉一十七道安方大略

伤苦澁物经云醎胜苦 伤辛辣物经云苦胜辛伤醒醎物经云甘胜醎

伤酸硬物经云辛胜酸伤甜烂物经云酸胜甘

伤冷硬物经云以克之冷痰积聚恶物温胃化痰膈间有伏痰或吐春夏吐之秋冬导之

膈间有硬积寒热温化 胃中有小虫?榔之类物不消化麴蘖三棱莪之类胃中急刺痛理中
元之类胃中气聚喘促匀气汤 寒热吐逆不食橘皮半夏白术茯苓

脾寒吐逆枳实理中汤 胃寒不进食乌梅白术浮洪而数皆中酒葛根陈皮茯苓

金匱痰飲咳嗽病脈証治後代名醫所說皆取此為法問曰夫飲有四何謂也師曰有痰飲有懸飲有溢飲有支飲又問四飲何以為異師曰其人素盛今瘦水走腸間沥沥有声謂之痰飲後水流在脇下欬唾引痛謂之懸飲

飲水流下歸於四肢當汗出而不出汗身體疼痛謂之溢飲

其人欬逆倚息短氣不得卧其形如腫謂之支飲水在心心下堅筑筑短氣惡水不欲飲

水在脾吐涎沫欲飲水水在脾少氣身重水在肝脇下支滿而痛

水在腎心悸夫心者有留飲其人背寒冷大如手

留飲者脇下痛引缺盆欬嗽則輒已作轉胸中有留飲其人短氣而渴四肢歷節痛

脈沉者有留飲

膈上之病滿喘嗽吐發則寒熱背疼腰疼目眩自汗出其人振振身潤劇必有伏飲

夫病人卒飲水多必多暴喘亢食少飲多水停心下甚者則悸微者氣短

脈反弦者寒也皆大下後善虛脈偏弦者飲也

肺飲不弦但苦喘短氣支飲亦喘不能卧加短氣其脈平也病痰飲者當以溫藥治之

心下痰飲胸膈支滿目眩以茯苓桂枝白朮甘草湯主之方

茯苓【四兩】 白朮【五兩】 炙草【二兩】 桂枝【去皮三兩】

右㕮咀以水六升煮取三升去滓分溫服作三服小便則利夫氣短有微飲當从小便赤也亦以上藥主之腎氣元亦主之【方見胸氣論中】

病者脈伏其人當自利利者反快雖利心下續堅滿此為留飲欲去故也以甘草半夏湯主之方

甘遂【大者】 半夏【二十枚溫水洗次用水一升煮取半升去滓】

芍藥【三枚】 炙草【大者一寸】

右四味㕮咀水二升煮取半升去滓以蜜半斤和藥煎取八合頓服之

夫病懸飲者十棗湯主之方

芫花【熬】 甘遂 大戟【各等分】

右三味搗篩以水一升五合熬大棗十枚煮取八分去滓內藥強人一錢七弱人半錢平旦溫服之不可者明日更加半錢下後糜粥以養之

病溢飲者當發其汗宜大青龍湯

麻黃【去節六兩】 桂枝【去麤皮二兩】 炙草【二兩】

生姜【二兩】 石膏【小雞子大細研】 杏仁【四十枚去皮尖】 大棗【十枚去核】

右七味?咀以水九升先煮麻黄减二升去上沫内诸药煮取三升去滓温服一升被覆令汗出汗者温粉扑之一服汗出者勿再服若复服汗多出者亡阳逆虚恶风烦燥不得眠也

病溢饮者当发其汗小青龙汤主之方【方见肺痿论】

膈间支饮其人喘满心下痞坚面色黧黑其脉沉紧得之数十日医吐下之不愈防己汤主之方

防己【三两】 桂枝【二两】 人参【四两】 石膏【鸡子大十二枚】

右四味?咀以水六升煮取二升去滓分温再服虚者即愈实者三日复愈如不愈者宜去石膏加茯苓芒硝汤方

防己【三两】 桂枝【三两】 人参【四两】 茯苓【四两】 芒硝【三合】

右五味?咀以水六升煮取二升去滓内芒硝再微煎分温再服微利止

心下有交饮其人苦眩胃泽泄汤主之方

泽泄【五两】 白术【二两】

右二味?咀以水二升煮取一升去滓分温再服

支饮胸满者厚朴大黄汤主之方

厚朴【一尺去皮】 大黄【六两】 枳实【四枚熬】

右三味?咀以水五升煮取二升去滓温再服

支饮不得息葶苈大枣泻肺汤主之方

呕家本渴今反不渴心下有支饮?也小半夏汤主之

半夏【一升洗】 生姜【半斤各切薄片】

右以水七升煮取一升半去滓分温再服【千金云半夏加茯苓汤主之】

腹满口乾舌燥此肠间有水气防己椒目葶苈大黄汤主之方

防己 椒目 葶苈 大黄【各一两】

右四味为末蜜和丸桐子大米饮服一丸日三服稍增口中有津液止渴者加芒硝半两

卒呕吐心下痞膈间有水眩悸者小半夏加茯苓汤主之方

半夏【一斤洗】 生姜【半斤】 茯苓【三两一方四两】

右?咀水煎服

师曰以发其汗令阳微膈气虚脉乃数数为客热不能消谷胃中虚冷故吐也脉弦者虚也胃气无余朝食暮吐变为翻胃寒在於上医反下之今脉反或名曰虚寸口脉微而数则无气无气则胃虚胃虚则血不足血不足则胸中冷趺阳脉浮而濇浮为虚濇则伤脾脾伤则不磨朝食暮吐宿食不化名曰反脉浮而濇其病难治 病人欲吐者不可下之
哕而复满视其前後知何部不利利之则愈 呕而胸满者茱萸汤主之方

吴茱萸【一升】 人参【二两】 生姜【六两切】 大枣【二十枚擘】

右四味?咀以水五升煮取一升去滓温服七合日三则乾呕吐涎沫头痛者茱萸汤主之方

呕而肠鸣心下痞者半夏泻心汤主之方

半夏【三斤汤泡】 黄芩 人参 炙草 乾姜【切合三两】 黄连【一两】 大枣【十二枚】

右七味以水七升煮取六升去滓再煎服一升日三服

乾呕而利者黄芩加半夏生姜汤主之方

黄芩【三两】 炙草【三两】 半夏【半斤洗】 芍药【三两】

大枣【十二枚】 生姜【切两半】

右?咀水一斗煮取一升去滓分温三服日二服夜一服

诸呕吐谷不得化下者小半夏汤主之方【方见痰饮中】 呕吐而病在膈上後思水者急与解之猪苓汤主之方

猪苓【去皮】 白术 茯苓【各等分】

右?咀水煎服

欬满则止而复更渴冲气复发者以细辛乾姜为热药此法逐渴反不止者为支饮也支饮法当治胃胃冷者必呕水复与半夏以去其水方

茯苓【四两】 乾姜【三两】 五味子【半斤】 细辛【三两】

炙草【三两】 半夏【汤洗七次去半斤】

右六味?咀以水八升煮取三升分温三服

水去呕则止其人形肿可内麻黄以其欲逐痹故不内麻黄乃内杏仁也若逆而内麻黄者以人必厥所以然者为其血虚麻黄发其阳故也

茯苓【四两】 乾姜【三两】 甘草【三两】 五味子【碎半斤】 细辛【三两】
半夏【洗】 杏仁【去皮尖各半斤】

右?咀以水一斗煮取三升去滓温又服

若面热如醉状者此为胃中热上薰其面令热加大黄汤主之

茯苓【四两】 乾姜【二两】 细辛【二两】 大黄【三两】
半夏【洗】 五味子【碎】 甘草【炙】 杏仁【去皮尖各等分】

右八味?咀以水一斗煮取三升去滓分温三服【并见千金方】

先渴却呕为水停心下此属饮家小半夏加茯苓汤主之方

金匱呕哕下痢病脉证治後代名医诸书半皆取此以为法

夫呕家有痈脓者不可治呕脓尽则已 先呕却渴此为欲解先渴却呕为水停心下此属饮家呕家本渴今反不渴者以其心下有支饮故也此属支饮 问曰病人脉数数为热当消谷引饮而反吐者何也师曰以发其汗令阳微膈气虚脉乃数云见前

假令病人脐下有悸者吐涎沫而颠眩水也五苓散主之【方见局方】

如心胸有停饮酒宿水自出水後心胸中虚气满不能食消痰气今能食茯苓饮方【附方】

茯苓【三两】 人参【二两】 枳实【二两炒】 生姜【四两】

白术【三两】 橘皮【二两半】

右?咀以水六升煮取一升八合去滓分温三服如人行八九里进之【见外?】

欬家其脉弦为有水十枣汤主之【方见上】

夫有支饮家欬烦胸中痛者不卒死至一百日一岁与十枣汤 久欬数岁其脉弱者可治实大数者死其脉虚者必苦胃其人本有支饮在胸故也治属饮家欬逆倚息饮小青龙汤主之【方见肺痈中】 青龙已下

多唾口燥寸沉尺微手足厥逆气少复上冲胸咽手足痹其人面赤如醉因复下溜陰股小便难时复冒者可与桂枝五味子甘草汤治其气冲方

茯苓【去皮四两】 桂枝【去皮四两】 炙草【三两】 五味子【半斤】

右四味?咀用水八升煮取三升去滓分温三服

冲气即低而反更欬满者茯苓五味子甘草去桂加乾生姜细辛治之方【一名甘草五味姜辛汤】

茯苓【四两】 炙^㊂【三两】 细辛【三两】 五味子【半斤碎】 乾姜【三两】

右?咀水八升煮取三升去滓分温三服

呕吐而满在膈上後思水者猪苓散主之方【见前】

呕而脉弱小便复利身有微热见厥者难治四逆汤主之方

炙草【二两】 乾姜【一两半切片】 附子【一个去皮切作片子用】

右三味?咀以水三升煮取一升三合去滓分温再服强人可大附一枚乾姜三两

呕而发热者小柴胡汤方

柴胡 人参 黄芩 生姜【煨三两】 炙草

半夏 大枣【一十枚去核】

右七味?咀水一斗二升煮取六升去滓再煎取三升温服一升分三服

胃反呕吐者大半夏汤主之方【亦主膈间支饮】

半夏【洗用半斤】 人参【切三两】 白蜜【一升】

右三味以泉水一斗二升和蜜扬之二百四十徧煮药取二升半去滓温服一升余分再服【千金云治胃反不受食食已即吐外?云治呕心下痞硬者】

食已即吐者大黄甘草汤主之方

大黄【四两】 炙草【二两】

右二味?咀以水二升煮取一升去滓分温再服【外?云又治吐水】

胃反吐而渴欲饮水者茯苓白术泽泻汤主之方茯苓【半斤】 泽泻【四两】
桂枝【二两去皮】 炙草【二两】

白术【三两】 生姜【切四两】

右六味?咀以水一斗煮取三升内泽泻再煮取二升半去滓温服八合日二服【外?外主消渴脉絶胃反不食又有小麦一升】

吐後渴欲得饮而贪水者文蛤汤主之方【兼主微脉紧头】文蛤【五两】
麻黄【去节三两】 炙草【三两】
杏仁【五十枚去皮尖】 石膏【五两碎】 生姜【三两切】 大枣【十二枚劈破】

右七味?咀以水六升煮取二升去滓温服一升汗出愈

乾呕吐逆涎沫半夏生姜散主之方

半夏【洗】 生姜【各等分】

右二味杵为散取方寸匕浆水一升半煎取七合顿服之

病人胸中似喘不喘似呕不呕似哕不哕澈心中愤愤然无奈者生姜汁半夏汤主之方

生姜汁【一升】 半夏【洗半升】

右二味?咀以水三升煮半夏取二升内生姜汁煮取一升半去滓水冷分四服日三夜一若一服止停後服

乾嘔哕若手足厥冷者橘皮汤主之方

橘皮【四两】 生姜

右二味切以水七升煮取三升去滓温服一升下咽即愈

哕逆者橘皮竹茹汤主之方

橘皮【二升】 竹茹【三升】 大枣【三十枚擘】 生姜【切半斤】 人参【一两】
炙草【五两】

右六味?咀以水一斗煮取三升去滓分服一升日三服

右此痰饮嗽一章内有治伤寒数方仲景用治杂病今余録之使後人知云治伤寒有法治杂病有方者非也伤寒杂病同一治矣

呕吐哕亦附録之下痢数方录在太陰上卷後

医垒元戎卷八

<子部,医家类,医垒元戎>

卷九

钦定四库全书

医垒元戎卷九

元 王好古 撰

少陰证 先足经从汤液 後手经从杂例

仲景真武汤【主治修制并见本方】

茯苓 芍药 生姜 白术 附子

茯苓四逆汤【并见本经修制治疗】

茯苓 乾姜 人参 甘草 附子

四逆汤

甘草【一两】 乾姜【七钱半】 附子【半两】

四逆加人参汤 四逆加猪胆汁汤【二药主疗并见本经】

四逆散

柴胡 枳实 芍药 甘草

欬加五味子 悸加桂 腹痛加附子

泄濡下重者煎?白内药小便不利加茯苓海藏云此散因说少陰四逆从举或欬或悸故用此散若果四逆手足厥冷下利腹痛更不复用此散也

姜附汤【无汁者用此主疗并见本方】

乾姜【炮】 附子【炮】

术附汤【白汁者用此主疗并见本方】

白术 附子

白通汤【主疗加减并见本方】

附子 乾姜 葱白

易简真武汤

治伤寒数日以後发热腹痛头目昏沈四肢沈重疼痛大便自利小便或利或澁或呕者皆宜服之若已经汗下不解仍发热者心下悸头眩身瞤动振振欲擗地者此由渴後饮水停留中脘所致并宜服之茯苓 芍药 熟附【各三分】 白术【二分】

右?咀每服四钱姜五片水一盞半煎至八分去渣温服小便利者去茯苓大便利者去芍药加乾姜二分呕者每服加生姜五片同煎欬者加五味子二分细辛乾姜各一分发热而泻者服此未退当投四逆汤仍服震灵丹用之应手而愈此药不惟陰证伤寒可服若虚劳之人发热自利时复增寒皆宜服因取名固真汤增损亦如前法

易简四逆汤

治陰证伤寒自利不渴呕哕不止或吐利俱作小便或澁或利脉微絶腹胀满手足厥冷或悸或欬内寒外热下利清谷四肢沈重或汗出厥逆者或汗出热不去并宜服之及治一切虚寒冷厥或伤寒病有表医误下之续後下利不止虽觉头疼体痛发热恶寒四肢拘急表证悉具未可攻表宜服此药以助阳救陰次服桂枝以解表证

甘草【一两】 乾姜【三分】 熟附【三分】

右?咀每服四钱水一盞半煎至八分去滓温服利止虚者加人参半两呕者加生姜一两面赤者每服加?白一根腹痛者加芍药一两利止脉不出者加人参一两霍乱吐泻之後尤宜服之陰证伤寒或无汗唇青面黑身皆强痛四肢厥冷昏不知人如欲服四逆汤先与附子散用附子三分官桂当归白术各半两半夏乾姜各一分?煎服被覆取汗或气虚阳脱体冷无脉气息欲絶不省人事者当灸丹田气海仍以?一根以索纏如饼大切去根叶存白二寸以烈火熨一面令通热勿令灼人乃以热处着病人脐下上以熨斗盛火熨之温则另以他饼其人苏醒手足温而有汗乃差仍服四逆姜附之类

易简姜附汤

治中寒口噤四肢强直失音不语或卒然晕倒口吐涎沫状如暗风手足厥冷或复烦燥兼治陰证伤寒大便自利而热者

乾姜 熟附【各二两】

右?咀每服四钱水一盞半煎七分去查服或虑此药大燥即以附子理中汤相继服餌姜附本治伤寒经下之後又复发汗内外俱虚身无大热昼则烦躁夜则安静不呕不渴六脉沈伏并宜脉此不知脉者更宜审之兼治中脘虚寒久积疼水心腹冷痛霍乱转筋四肢厥逆一方附子易以生者名白通汤治伤寒下利一方用白通汤加白术倍之甘草减半名生附白术汤治中风湿昏闷恍惚腹满身重手足纵缓自汗失音不语便利不禁一方用姜附汤加麻黄白术甘草人参等名附子麻黄汤治中寒温昏晕缓弱项背强急口眼喎斜语声浑浊心腹?胀气上喘促不能动转更宜审而用之

易简附子汤

治风寒湿合痹骨节疼痛皮肤不仁肌肉重着四肢缓纵腰脚酸疼【仲景附子汤方内亦有此方在厥陰門】

生附【一两】 芍药 官桂 甘草 茯苓

人参【各半两】 白术【三分】

右?咀每服四钱水二盞姜五片煎至六分去查食前服恶甜者减甘草一半兼治疲极筋力气虚倦怠四肢酸疼一方治历节风四肢疼痛如槌链不可忍者加乾姜半两去生附加熟附等分名附子八物汤煎如前法若寻常寒湿相搏头疼两脚软痛及气虚头眩止用白术附子各一两甘草半两枣姜同煎服名增损术附汤久履湿地腰重脚软尤宜服之若为湿气所中则白术倍附子之数仍用白术半两酒一盞煎至六分连进数服取微汗即愈不能饮者以水煎若冒两湿着于肢体肌肤或腠理开汗出澡浴得病於增损术附汤中加茯苓官桂如甘草之数名茯苓白术汤

白通加猪胆汁汤

附子 乾姜 葱白 人溺

猪胆汁

通豚四逆汤

减溺 以上通治里药

麻黄附子细辛汤 麻黄附子甘草汤【以上通治和表药】 仲景附子汤

附子 人参 白术 茯苓 芍药

甘草附子汤 四物附子汤内减生姜是也

四物附子汤

附子 官桂 白术 甘草 乾姜

易简附子汤【见前姜附汤後与下方注小异】

附子汤 四君子汤加桂附芍药

外台云论疗伤寒八九日因风湿相搏身体烦疼不能转侧不渴不呕下之泳浮虚而濇者加桂枝附子汤若大便鞭小便自利者附子白术汤

桂枝附子汤

桂心【四两】 附子【三枚炮去皮脐】 生姜【三两】 炙草【二两】 乾枣【十二枚破】

右五味切以水六升煮取二升去查分温一服忌生葱猪肉海藻藜菜

附子白术汤

白术【四两】 枣【十二枚劈】 炙草【二两】 生姜【三两】 附子【三枚炮作四片】

右五味切以水六升煮取二升去查分温三服初一服其人身如痹半日许复服之都尽其人如冒状自怪此以术附性走皮中逐气未除故使人如冒状者本云附子一枚加之二枚名附子汤忌见前千金翼同张仲景治法当加桂枝四两此本一方二法以大便鞭小便自利故去桂也以大便不鞭小便不利当加桂枝附子三枚恐多也虚弱家及产妇宜减服之一句即知男子妇人同一治也男子服四物以滋血亦与妇人同

少陰证

王朝奉论悸【并方】

悸者动也病源内有虚热则渴而饮水水气乘心振寒而心悸也伤寒二三日中悸而烦小建中汤 发汗脐下悸欲作奔豚 发汗过多心下悸饮得按者桂枝甘草汤 发汗止仍发热心下悸身瞤动真武汤 伤寒脉结代心悸动炙甘草汤 少阳不可发汗

发汗则谵语此属胃胃不和顺而悸小柴胡汤
伤寒厥而心下悸宜先治水茯苓甘草汤却治其厥不尔上渍入胃必作利矣
中风往来寒热或心下悸小柴胡汤
钱昏肾病见夏水胜火肾胜心也当治肾轻者病退重者当悸动者小搐也
易老云肾水乘心者悸伸景不治木火调其水也

王朝奉论陰阳证

夫病发热而恶寒者发於阳也不发热而恶寒者发於陰也发於阳者可攻其外发於陰者可温其内发表以桂枝温里以四逆汤 张仲景论少阳通脉四逆证面色赤又少陰下利脉沈迟而色小赤此二证似阳然皆下利清穀为异也凡少陰证无汗类麻黄汤麻黄汤证脉陰阳俱紧少陰脉微细为异也又汗出为阳微故仲景云陰不得有汗脉陰阳俱紧而反汗出为亡阳属少陰也仲景论伤寒脉浮自汗出小便数脚拳急反与桂枝攻表误也常器之云便合用桂枝加附子汤治之若误服桂枝汤即便有发厥吐逆谵语等证治其本论太阳上篇中孙兆云阳证即头痛身热脉洪数也陰证则微头痛而身不热脉沈细迟缓

凡陰病宜与四逆理中輩皆自愈若夏月得阴证亦肤四逆大热宜与理中最佳也 又云大抵发热恶寒者是表证属太阳也只恶寒是阴证也然阴证即有发热者盖是表热里寒其脉必沈迟或手足微厥或下利清穀更以别证验之可知也 又云本是陰病医与热药过多卻见热证者亦斟酌以凉药解之又云陰证形静无发狂者惟餌温药过多胞中热实或大便硬有发狂者亦宜用承气汤輩下之不可轻用 本是阳病热证医误吐下过多遂或陰证者卻与理中四逆輩温之病源云伤寒病过经而不愈脉反沈迟手足厥逆者此为下部脉不至陰阳隔絕邪客於足少陰之经毒气上熏故咽不利或痛而生疮

仲景甘桔汤例

仁宗御名如圣汤治少陰咽痛

炙甘草【一两】 桔梗【三两】

右麤末水煎加生姜煎亦可 一法加诃子皮二钱煎去查饮清名诃子散治失音无声如欬達上气者加陈皮如涎 者加知母贝母如酒毒者加葛根如少气者加人参麦门冬如唾脓血者加紫苑如疫毒肿者加黍粘子大黄如欬渴者加五味子如呕者加生姜半夏如目赤者加梔子大黄如胞满膈不利者加枳殼如不得眠者加梔子如心胞痞者加枳实如肤痛者加黄芩如面目肿者加茯苓如咽痛者加黍粘子竹茹如肺痿者加阿胶能续气如发班者加防风荆芥如声不出者加半夏

肺痿门

经云帝曰劳之之病何如岐伯曰劳风发在肺下其为病也使人强上冥视唾出若涕恶风而

振寒此为劳风之病帝曰治之奈何岐伯曰以救俛仰巨阳引精者三日中年者五日不精者七日欬出清黄涕其状如脓如弹子大从口中出者从鼻中出者则伤肺伤肺则死也

肺痿之门在太阳门【仲景麻黄升麻汤条下】

孙思邈单方一门并见金匱祖方

甘草【二两】

右?咀以水三升煮取一升半分作三服

此证初得可治久则难愈脉微紧则脓未成脉紧数则脓已成喘而不得卧葶苈大枣泻肺汤主之

葶苈【一两炒紫色】

右杵件成丸以水三升煮大枣二十个取二升去查内麻黄五味子各半两取清饮顿服令三日服一剂差叔和云衄血吐血沈细宜忽然浮大即倾危唾血之脉沈弱吉忽然实大死来侵脉要云肺脉搏而长当病吐血注云肺虚极则终逆逆血泻故唾血出也无汗恶寒脉浮紧

伤寒得者麻黄

肺痿上枯水之源下竭水之本

伤酒得者葛根

有汗恶热脉沈实

甘桔二生汤

治欬胞中满振寒脉数咽乾不渴时浊唾腥臭久久吐脓如米粥肺痿作痛也脓在胞中者为肺痈甘草 桔梗【分等用】

右剉以水三升煮取一升去滓分二服必然吐出脓血矣

又一方治一切欬唾脓血及欬及出不止好酥三十斤三徧炼停取凝成膏醍醐服合日三服差

海藏紫苑散

善治欬唾中有脓血虚劳证肺痿变痛

人参 紫苑 知母 桔梗 贝母 甘草

右麤末生姜水煎一法加五味子一法加茯苓一法加阿胶

经云阳明司天唾出白血者其状浅红如肺色故曰白血

海藏云以正对化分轻重

人参紫苑散

治唾脓血以有甘桔故入少陰例以肺肾为子母当补肺以生肾水之源以泄命门使五液不上行也及以金花丸酒制芩蘘丸青黛为衣随经增损并见本条又以易老门冬饮加天门冬人参保定肺气右以四君子汤倍生姜大益脾胃以固中州又以三才元加当归以补骨髓如唾血从治者加桂枝乾姜

寸口脉虚实之图

微为发渴者欲愈如萌可救

虚小者为肺痿热之所过初结为脓

寸口脉二者皆欬唾脓血在胞中

实大者为肺痛血为凝滯化为五色

数为弱不渴者难治成脓难已

如圣丸

治风热毒气上攻咽?痛痹肿塞妨闷及肺痛咳 脓血胞满振寒咽乾不渴时出浊沫气臭腥臭久久咯脓状如来粥

龙脑【另研】 牛黄【另研】 桔梗 甘草【生用各一钱】

右为细末炼蜜丸每两作二十丸每服一丸嚙化

药青龙散

石膏【八两】 朴硝 甘草【生用各一钱】 青黛【半两】

右为细末每服二三钱煎薄荷汤点热漱冷吐

治肺痿唾脓涎痰唾多出血心中温温方

右以甘草一味重二两以水三升煎作一升半分为三服

百部丸【治诸 不得气息唾脓血方】

百部根【二两】 升麻【半两】 桂心 五味子

甘草 乾姜【各一两】

右为细末蜜丸桐子大饮服三丸日三以和为度

衍义蛤蚧散【在前汤明经衄血犀角地黄汤条下】

治肺虚欬久成疮吐脓血

犀角 羚羊角 鹿角 阿胶 蛤蚧

搜脓散【治诸疮脓汁不絶腐尽】

黄耆 白芍药 香白芷【各等分】

右为细末乾上患处上用膏药敷贴一日一换

海藏云此方虽云上疮吐脓血久不尽者亦宜用此药作汤散煎调服之又宜糊为丸桐子大白汤下三五十丸或乾糝细末咽津大妙

钱氏如圣散

桔梗 甘草 阿胶【炒白】

煎甘桔取清内胶化

桔梗枳殼汤

陈皮【一两】 桔梗【一两半】 甘草【七钱】 枳壳【半两】

姜煎服

橘皮茯苓汤

陈皮【一两】 茯苓【半两】 甘草【七钱】

右为细末生姜煎服 一法加麻黄杏仁治外感咳 呕加半夏 如哕加竹茹寒者加乾姜

桔梗汤

桔梗 半夏【制】 陈皮【各一两】 枳实【半两】

生姜煎服

黄耆鳖甲散

治虚劳客热肌肉消瘦四肢倦怠五心烦热口燥咽乾烦赤心忪日晚潮热便有盗汗胞胛不利减食多渴欬唾稠粘时有脓血

知母【焙】 桑白皮【去皮】 黄耆【去枯】 甘草【炙】

赤芍药 紫苑【去芦已上六味各五分净】

秦艽【洗去芦】 白茯苓【去皮焙一木忌火令焙别有说】 生地黄

柴胡【去芦梗】 地骨皮【去骨已上五味各六钱六分净】

肉桂【去皮不见火】 人参 苦桔梗【已上三味各三钱三分净】

鳖甲【去裙用酥炙更佳】 天门冬【汤洗去心焙一本忌火令聪已上二味各一两】
半夏【五分】

右为麤末每服二大钱水一盏煎至七分去滓温服食後 海藏云此方内阙黄耆疑黄芩是黄耆也然内有黄芩有小柴胡今治虚热妙为有盗汗亦无妨也兼加知母地骨皮赤芍药即钱氏地骨皮散也治盗汗亦妙内有桂枝治发热恶寒即柴胡加桂也天门冬人参地黄即三才元也秦艽柴胡甘草鳖甲芍药即黄龙汤也紫苑桔梗甘草即紫苑散也桂芍黄耆甘草即黄耆建中汤也又云此方治本无伤寒风而得 仲景麻黄升麻汤治唾脓血从伤寒而得孙真人治唾脓血用麻黄升麻之类及青龙汤之类亦从伤寒而得也内多五味子皆祖仲景法无论

伤寒伤风皆可加五味子又云桔梗一味有辛有苦辛以散之苦以泄之当如上下之意

御药院正方

朱砂膏【镇心神解热除烦唾血等证】

朱砂【另研半两】 珍珠末 生犀角 人参

玳瑁末 甘草【各一两】 金箔【泥一分半用】

粉【二钱半】 苏合油【一分】 生黄【另研】 麝香【另研】

龙脑【另研】 南硼砂 琥珀 羚羊角

远志 赤茯苓【已上各半两】

安息香【酒煮去石约半两】

右为细末入研药极细炼蜜丸苏合油和诸药为锭子更以金箔为衣每两作五锭每服一皂角子大噉化人参汤下亦得并阿胶元相杂服尤胜至宝丹

肺痿痛其皮如赭糠有胃脘成痛其皮紧如甲错有肠痛裹大脓血於肠胃之间芤叔和云寸积血在胞中関内逢芤肠里痛

定肺散

知母【半两】 贝母【二钱半】 人参【二钱半】 枯矾

乌梅肉【半两】 御米殼【炒二两】 白术【二钱半】

右为细末水煎生姜汤点亦得蜜丸弹子大噉化亦得

定肺丸

款冬花 紫苑 知母 贝母 人参

甘草【炙】 桑白皮 御米殼 麦门冬 百部 马兜苓 五味子 乌梅肉【已上十三味各等分】

右为细末炼蜜丸弹子大噉化一丸

解毒丹

桔梗 生甘草 大黄 当归 荆芥

僵蚕

右等分细末炼蜜丸弹子大新水化下一丸

蚬蚬散【治劳】

蛤蚧【一对】 炙甘草 麻黄【去节】 南星【炮】 人参半夏【泡】 知母 贝母 乌梅肉 瓜蒌槐花子【炒各等分】

右为细末生姜五片水煎服

古方紫苑散

紫苑【半两】 款冬花【半两】 百部【二钱半】

右为细末乌梅汤点服生姜亦得 如欬加五味子喘加杏仁 渴加乌梅 气逆加陈皮 头痛加细辛三钱甘草二钱 气脱者加御米殼蜜炒麓末水煎

增损防风通圣散【治鼻塞不通肺气不利】

桔梗 桑白皮 紫苑茸 鼠粘子【各半两】

荆芥穗【三两】 甘草【一两已上两生用】

右为麓末防风通圣散各一半和匀每服四钱水一盞半姜五片煎至七分去查温服食後

咽痛例

仲景有口疮赤烂之证上实下虚热重咽?又脾热重上焦故口生疮宜

升麻六物汤

升麻 梔子【各二钱】 大青 杏仁 黄芩【各一钱半】

右为粗末每服五钱?水一小盞半?白三茎煎至盞去查温服又法黄蘗蜜渍一宿嚙之咽汁

勿絕

差

咽?备急丹

青黛【三两】 芒硝【四两】 殭蚕【一两】 甘草【四两】

右四味为细末用腊月牛胆汁儿有黄者盛药於其中悬於背陰处四十九日数过多尤妙如用时旋取如臆?咽闭用阜子大块碾碎为末以竹筒子吹之咽?内愈

人参清肺散【治咽?肿痛并?闭】

人参【一两】 白附子【七钱】 盆硝【一两】 连翘【一两半】 黄连【一两】
山梔子【一两】 大黄【一两半】 黄芩【一两半】 甘草【二两生用】 薄荷【一两生】

右为麤末水煎每服三钱水一盞半煎至七分去查食後温服

代鍼散【治咽?肿痛气息难通】

硃砂【少许为君】 白矾【皂角子大为臣】 牙硝【七钱为良】

硝石【四两为相】 黄丹【五方五钱】 巴豆【六甲六个】

右为末吹?中

发声散【治咽?肿痛语声不出经进方】

括萎皮【剉】 白殭蚕【去头】 甘草【已上各半分各炒黄】

右为末每服三钱温酒调下或生姜自然汁调下更用半钱绵裹噙化津咽亦得不拘时服三日两服

解毒丸见前安肺丸後风热上攻咽?肿痛

又治咽?肿痛欲死者?闭急也【此方与急备丸寒热不同宜定夺用之】 白姜蚕
南星【各等分】

右并生用同为细末生姜自然汁调服立愈

鹏砂散

治心气热毒内发咽?生疮肿痛木舌胀脾甚闷寒水食不下

玄参 贯众 茯苓 缩砂仁 滑石

荆芥穗 山豆根 甘草【生各半两】 南硼砂【三两】 薄荷【一两】

右为细末每服半钱新汲水调下或乾糝舌上咽津

消毒散

治咽?肿痛小儿?疹已出不匀虽出不快壮热狂燥咽膈窒塞卧睡不安大便秘澹

牛蒡子【炒六两】 甘草【二两】 荆芥穗【一两】

右为粗末每服二钱水一盞煎至七分去查温服食後

漱药地黄散

治脾热风热上攻咽?肿痛生疮闭寒不通或生胀舌

黄芩【八两】 甘草【二两半】 荆芥【一钱】 薄荷叶【一两】

右为细末每服二钱水一盞入薄荷少许同煎三五沸去查热嗽冷吐无时

玉壶丸【治三种癭当在少阳条下】

海藻 海带 昆布 雷丸【各等分】

右细末米饮为丸如榛子大噙化续续使药不断食後神效

五痹散【治五种?痹】

大黄 白姜蚕【炒各等分】

右细末每服五钱生姜自然汁蜜各半盞一处调服以利为度

赴筵散【治舌上疮不能食】

铜绿【研半两】 香白芷末【一两】

右拌和匀掺舌上温醋漱立愈

振悸酸枣仁例

胡洽酸枣仁汤【治振悸不得眠】

酸枣仁 人参 白术 茯苓【各二两】 甘草【五钱】

右切以水半升生姜六两同煎三升分作四服

圣惠方【治胆虚肿卧不安心多惊悸】

酸枣仁【生用一两】 金铤茶【二两生姜汁涂炙令微焦】

右为细末每服二钱水七分煎令六分无时服之

活人酸枣仁汤

治伤寒吐下後心烦之气昼不得眠

酸枣仁【四升】 麦门冬【去心一升】 甘草【炙两】 川芎【三两】 知母【二两】
茯苓【三两】 乾姜【三两】

右麤末每服四钱水煎服

酸枣仁饮子

酸枣仁【二钱半炒】 人参【一钱】 陈皮【去白一钱】 五味子【一钱】 桂心【半钱】
茯苓【一钱】 生姜

右?咀水三盏煎至一盏半去查分作二服

海藏百合四君子汤【治老弱虚人不得眠】

心虚则热收于内定志丸补心丹

肾虚则寒动于中八味丸肾气丸【此二藏不足不足者补之】 心盛则生热泻心汤三黄汤

肾盛则生寒姜附汤四逆汤【此三藏有余有余者泻之】

收于内动于中则异于所生之寒热岂可止一热字便作热断止一寒字便作寒断误矣当看前後上下文势则可也

定志丸随证加料

体竭不足加生地黄当归 肺气不足加天门冬麦门冬五味子

心气不足加上党人参茯苓菖蒲脾气不足加白术白芍药益智仁 肝气不足加天麻川芎

肾气不足加熟地黄远志牡丹皮 胆气不足加细辛酸枣仁地榆

神昏不足加朱砂预知子茯神

八味定志丸

补益心神安魂魄治痰去胞中邪热理肺肾

人参 菖蒲 远志 茯苓 朱砂 白术麦门冬【各等分】

右炼蜜丸桐子大米饮汤下三十丸无时每服十丸日三服亦可

局方定志丸

治心气不足五脏不安悲忧不乐忽多梦遗朝差暮剧狂旺不寧

远志 菖蒲 茯苓 人参【各三两】 茯神【二两】 朱砂【另研】

右细末炼蜜丸桐子大朱砂为衣米汤下五七丸日三作散服亦佳名茯神丸

保真定志丸

黄连 破故纸 藕节 莲子肉

保神丸【调和心肾补养精神】

白茯苓 黄连 菖蒲【各二两】 远志【一两】

朱砂【半两一半入药一半为衣】

右为细末浸蒸饼为丸如桐子大朱砂为衣陰乾每服五十丸煎人参汤送下临卧加七八十

丸一法定志丸加保真黄连丸治劳

黄连 茯苓【各等分】

右为细末酒糊丸桐子大苗香酒塩汤下破故纸汤下亦得说不尽者一切制度并取前後例

又方此陰阳各半

黄连 茯苓【各五钱】 破故纸 菖蒲【各半两】

右为细末酒糊丸桐子大每服五十丸空心塩酒汤任下

预知子丸【主治并法见本方於定志丸内加预知子】

山药 枸杞子 栢子仁 地骨皮 黄精

茯神例

人参茯神汤

人参 茯神 远志 菖蒲 甘草

麤末水煎服

千金翼圣惠同补心虚治健忘令人耳目聪明用戌日取东引桃枝三寸枕之开心日不忘

菖蒲

右捣为细末服方寸?食後令人耳目聪明从外见里坐见千里之外令人长生去三百病毒不能伪

开心明目使人不忘

远志【去心一寸】 茯神【一分】 菖蒲【三分】

右合服方寸?食後服之令人不忘大聪明

神注丹 後丁香与神注同法【日月丹当此条下】

延壽丹【齋戒沐浴服之千日成神】

人參 菖蒲 远志 白朮 枸杞 茯苓 天门冬 麦門冬 生地黄

栢子仁 车前子 地骨皮

五味子 茯神

右为細末煉蜜千杵石水白丸各从制法

补心丹

茯神 远志 人參 菖蒲 朱砂

右为細末糊丸桐子大猪心血拌和丸亦可

保真秘一丹

白茯神 木猪苓【各一两】

右切作块微煨透去猪苓不用茯神細末一两好蜡一两溶开和作八丸平旦向东空心細嚼咽津服吸三同咽

张天师草还丹

此药久服轻身随风而去如列子之乘也若髮白者从根而黑如未白者永不白有不信者将药拌饭与白猫食者一月黑

地骨皮 生地黄 石菖蒲 牛膝【酒浸一宿】

远志【去心】 兔丝子【酒浸三宿炒黄】

右等分細末煉蜜丸桐子大每服三十丸空心温酒下塩汤亦得修制忌妇人鸡犬见【此上下少陰上下微陰之药也】海藏云若加天门冬人參内有三寸丸也又为上下太陰与增损三才丸相为表里

日月丹

麝香【二钱】 乳香【二钱】 茴香【炒二钱】 没药【炒二钱】

丁香【二钱】 木香【二钱】 木通【二钱】 代赭【酒七次】

莲子肉【二钱】 蛤蚧【一对头尾全酥炙令黄】

朱砂【一半为衣三钱】 青娘子【六个去头尾】 红娘子【六个】

右细末糯米糊丸樱桃大单日一丸双日两丸空心温酒下至十日为度後再服

仲景肾气例

仲景八味丸

熟地黄【补肾真水】 肉桂【补肾真火】 附子【能行诸经而不止兼益火】 牡丹皮【补神志不足】 白茯苓【能代肾邪温】 泽泻【去炮中益垢及遗物】 乾山药【能治皮毛中燥酸澁】 山茱萸【治精滑不禁】

右八味皆君主之剂若不依易老加減服之终不得效若加五味子为都气丸述类象形之药也

圣惠云名地黄丸能代肾邪皆君药也宜加減用杨氏云常服去附子加五味子桃公张文仲肘後加減不同其说虽当然莫若易老之说为愈也

易老云治岷耗而虚西北二方之剂也金弱木胜水少火亏或岷鼓按之有力服之亦效何也答曰紧者为寒火亏也为内虚水少也为木胜也金弱也故服八味丸亦得效益火之源以消陰翳壮水之主以制阳光钱氏地黄丸减桂附

无比山药丸 一名万安丸【主治并见局方】

苁蓉丸篋中秘室方与上方同且锱铢异耳欲进食者加鹿茸欲身肥者加石膏欲体润者加栝子仁欲能记不忘者加远志

易老天麻丸

天麻【六两酒浸三日焙乾秤除风】 牛膝【六两酒浸三日焙乾秤强筋】

玄参【六两枢机管鎖】

杜仲【七两剉炒去丝使筋骨相着】 萆薢【六两另为末壮骨筋】

当归【二十两用和养血脉】

附子【一两炮行诸经中血】 羌活【十两去骨间风】

独活【五两去肾间风邪】 生地黄【一斤益真血】

易老云治脉强而虚东北二方之剂木弱水少火亏西南有二湿热一也燥热一也视上二法则三隅可知为触类而长更当以逆顺推之天下之能事毕矣易老补丸春秋二分之气

东坡四神丸

翳又云专此四味者久服可以愈大风疾

羌活 玄参 当归 熟地黄

素问云不知持满不时御神务快其心逆於生乐帝御一十女而登天今人有妻而丧命以不知陰阳之要故也人之交会阳气秘蜜神不妄施生气以强而能久长有若空瓶小口顿漑不入为无出者气故不得入也又如虚管以水注汤捻窍悬之水固不泄无为入者气则不得出也故当志不乱意不狂真不泄是谓得要世以战胜气交河逆龟饮诸法皆不及黄帝法内即丹药固里外不用陰引阳陰阳合会气过屏翳例行上入升至九天即成太丹素问云两者不和若春无秋若冬无夏用而和之是谓至度大凡阳气发盛中外相应先得陰气女子面赤然後阳施而不纵为则无伤也又云勇者气强而已怯者着而为病焉得陰之气能养真阳不可肆行以失其精所谓阳胜则强也阳气能强阳气絶伤陰平阳秘精神乃治苟或力强肾气乃伤高骨乃坏何以久常帝曰以人疗人真得其真所以长人百禩为神

孙真人口诀 东垣先生论议当在此下

复有仲景治陰股汗出一条在仲景没石子条下续以此条在三才元後并蠡斯等丸

天门冬例

古方天地丸【一名二仪丸】

天门冬 地黄

右各等分不犯铁石器用太杵臼捣为细末炼蜜和丸桐子大空心酒下三五十丸误犯鲤鱼以浮萍草解之

补随煎

天地丸内加当归是也【三才天地内加人参是也】

增损三才丸【一名续嗣丸一名洗洗丸】

天门冬【酒浸去】 熟地黄【酒洒柳甑沙锅内蒸】 人参【去芦】 苁蓉【酒浸焙乾】
远志【去心】 五味子 鹿茸【酥炙透】 茯苓【去心酒浸透陰乾】

一法加白马茎酥炙 一法加附子补相火不足 一法加麦门冬令人有子
一法加续断以续筋骨 一法加沉香暖下元虚冷 右木杵臼碓背可捣细

稀绢罗则可若密恐不下 炼蜜杵千下然後可丸 桐子大 每服五十丸 空心好酒下
年老欲补加混沌衣全一入药【即胎衣】

魏武帝服天门冬例

魏武帝与皇甫隆令曰 闻卿年出一百岁而体力不衰 耳目聪明 顔色和悦 此盛事也 何所服食施行可得 闻乎 相密示封上疏对曰 臣闻天地之性 人为贵 人之所贵 莫贵於生 荒唐无始 劫运无穷 人居其间 或如电过 每一思此 惘然心热 生不再来 逝不可追 何不抑情养性 以自保惜 今四海垂定 太平之象 又须当展才布德 万年无穷 犹当修道 道甚易知 但不能什 臣尝闻道人蒯京 年已百七十八岁 而甚丁壮 言当朝朝服食玉泉 啄齿使人丁壮 有顔色 去三虫 而坚齿 玉泉者 口中唾也 朝旦未起 早漱津 令满乃吞之 辄啄齿二七遍 如此者 亦名曰炼精 蒯道人年二百 面少 告臣言 但取天门冬 去心切乾之 捣取方寸匕 日三令 人不老 有补益 无损 可以壽而康也 诸药本草及诸子书 异传 臭载 功德 久服 皆能成僊 不为虚语

二茸丸

肉苁蓉【酒浸四两】 牛膝【酒浸】 兔丝子【酒浸】 石解【酒炒】 枸杞子 巴戟 山茱萸 沉香 白茯苓 泽泻 乾山药 五味子 杜仲【各二两】

冬夏二至加鹿茸四两 酥炙四十已上 加天雄二两 右为粗末 炼蜜丸 桐子大 空心温酒下 三五十丸

螽斯丸【治妇人无子絶产】

厚朴 杜仲 秦艽 桂心【各三钱】 防风

附子【各六钱】 白薇 半夏 乾姜

牛膝 沙参【各二钱】 人参【四钱】 细辛【五钱】 茯苓【六钱】

右并生用杵罗为末 炼蜜丸 小豆大 每服五丸 空心温酒下 渐加至十丸 不妨十余日 觉娠三日後不可更服 有一人妻年二十九岁 服药十二日 有娠 余药与石门主簿其妻断产十三年 服此药有子 又余药与前太守子中舍字交其妻年四十九岁 无子 服此药十三日 有娠 若寡

妇不宜服此药

妇人有娠苦食马肉难则当产出月始皇母先怀而後性恐知则教食马肉则延期而生

混元丹此药可增入三才丸

胞衣一个头尾儿者斟用酒浸 乾细剉为末

经验後方

华山锭子茯苓研削如枣许大令四方有角安新甕瓶中以好酒浸三重纸封其头候百日开其色如飴糠可日食二块百日後肌体润泽服一年後可夜视物久久服之血化为筋延年耐老面如童子

治妇人始觉妊娠养胎转女为男

雄黄一两囊盛带之

又治耳聋方

雄黄 硫黄

右等分为细末绵裹塞耳中

神注丹【在定志丸前】

茯苓【四两】 朱砂【四钱】

右糯米酒煎茯苓至轻切作片子陰乾为末入朱砂末二钱和匀乳香水打糊为丸桐子大朱砂为衣余不尽者养药阳日二丸陰日一丸要秘新汲水下要逆气过空心温酒下疑作阳一陰二可较也

丁香丸

丁头代赭石【半两】 丁香【三钱有油者】 舶茴【二钱】

南乳香【三钱紫色者另研】

右二味先杵碎为末次二味捣罗为末後入香和匀重罗至匀好酽醋浸蒸饼为丸如鸡头大好心红三钱为衣当辰火日合药并火日初服一日一丸次日二丸三日一丸四日二丸周而

复始至十日为度许十丸每服早晨汲新水迎日光照水然後饮咽送下

孙真人枕中记服茯苓百日百病消除二百日夜如尽三年後能使鬼四年後玉女来从

枹朴子云任子李服茯苓十八年玉女来从之能隐能彰不食穀炙癥灭面生光玉泽

紫石英丸【治妇人絶子当在螽斯丸後】

紫石英【研水飞三两】天门冬【酒浸去心焙乾三两】当归【切焙】川芎紫威
卷栢【去根】桂川乌【炮去皮脐】熟地黄

葳蕤石解【去根】禹余粮【醋淬七次】辛夷仁【各二两】桑寄生续断细辛根
厚朴【姜制】

乾姜【炮】食茱萸牡丹皮人参牛膝【酒浸各一两二钱半】
栢子仁【轻粉另研】甘草【炙】乌鱼骨【烧炙】山预【各一两半】

右二十六味为极细末炼蜜丸桐子大每服三十丸温酒米饮任下空心食前日二

温经汤

当归川芎人参芍药牡丹皮桂甘草阿胶【麩炒】吴茱萸【见炒已上各三两】半夏【
一两半制】麦门冬【去心洗五两半】

右剉每服三钱水一盞半生姜五片煎至八分去查得清内胶化开温服食前空心此剂即调
和也

枹朴子法

妇人絶嗣孕弓弦用紧腰三个月足候胎气受逍遥

内药续生丸【并见珍珠囊药後】

母丁香附子枯矾肉豆寇

乌鱼肉

右制度绵裹内陰中打糊入药内为要丸绵裹内之

又方治带下絶产

川乌 枯矾【炮】

右等分细末蜜丸弹子大绵裹内陰中

大白薇丸 小白薇丸 熟地黄丸

泽兰丸【在牡吾丸下】

牡丹煎丸【二药并治妇人血虚发热】 保安丸
保命救生丹【并见後】 御方苁蓉姜多服宜子孙

肉苁蓉【洗净去鳞甲皮垢开心如有黄白膜亦去足取净二两切作片用好酒洗乾糯酒浸透】

羊脊骨连髓【三两别剉碎银器内水二斗熬汁三四升澄清】

鹿腰脊髓或羊腰脊髓【不许多少】 松子仁【汤浸去薄皮研半两】 胡桃仁【汤浸去薄皮研泥半两】 山药【不计多少】

右将上件物於羊骨汁内先入松泥胡桃仁作羹熟入五时味随意调和空心与服餌 鵝飞硫黄鳊鱼鸡等皆可作?食用鸭子亦可

粳米与熟鸡头泥相和作粥食之可以益精髓强心志耳目聪明粳亦作糯夏月食鸡头肉次食粳米粥饭亦妙

万安丸【一名山药丸一名苁蓉丸】

苁蓉【酒浸四两】 山药【二两半】
五味子【二两半】 杜仲【切焙三两】 牛膝【酒浸】 兔丝子【酒浸】 赤石脂
紫巴戟【去心各二两】 白茯苓 泽泻 熟地黄 山茱萸【各一两七钱】

右各捣细末另拌苁蓉末酒熬膏和丸桐子大每服五十丸空心温酒下忌犬醋羊血自死物
七日内顔色精神

苁蓉丸四加法欲进者加白马茎骨如无以鹿茸代之陰下温痒者加蛇床子一两

保安丸

治胎前产後三十六种冷血风半身不遂手脚疼痛又治八风十二痹疝瘕乳中风淋血聚胎动不安子死腹中胎衣不出赤白带下呕逆恶心痰满脐下痛此方出草细辛条下

赤茯苓 牡丹皮 芍药【各三两】茺蔚【一两】沉香【一两】人参 当归 桂 牛膝 白芷 木香 藁本 麻黄【去根节】川芎 附子 细辛根 泽兰 甘草【炙】 凝水石 防风

桔梗 蝉壳【各半两】 生地黄 马胡退【各一两世用出蚕纸非也蚕腹退下皮即真马胡退也兼初蛾蚁非退也乃生也世人以其无退皮故以蚕纸岁月既淹习以成制用者当以详之】

一法加细墨乳香各少许 一法以朱砂为衣右为细末炼蜜丸弹子大每服一二丸细嚼酒下

大效牡丹皮散

治五脏虚风及头目不利不思饮食手足烦热支节拘急疼痛胞膈不利大肠不调陰阳相干心惊忪悸或时旋运支节劳倦

牡丹皮【一两】 桂【半两】 陈皮【半两】 玄胡【半两】

川芎【二两】 木香【三分】 白术【三分麴炒】 甘草【炙半两】

芍药【二钱】 三棱【炮半两】 乾姜【炮半两】 当归【一两】

诃子肉【二钱】 羌活【半两】 枳壳【麴炒一两】 半夏【半两洗】

右细末每服二钱水半盏煎至五七沸食前温服此药妇人常服益血海退血风劳攻注消寒痰实脾胃理血气攻刺及气虚恶潮热等证至妙

仲景治陰汗

没石子烧灰先以温汤浴了以绵轻裹然後传灰囊上甚良

玉胞肚

川乌 细辛 良姜 乾姜 桂 天仙子 牡蛎粉 胡椒

右为细末醋调涂脐下绵衣覆之

绵裆法【去陰汗温痒或注疮】

荆芥 地骨皮 小椒 广零陵香

何首乌 牡蛎 细辛 蛇床子

吴茱萸【各一两】 大艾叶

右细末每用一匙入?白三寸许煎数沸得药力热濯淋洗

七宝散【治汗热浸渍成疮痛痒不已】

黄耆 当归 防风 荆芥穗 木通

地骨皮【各三两】 枯矾

右麤末每服一两水三大碗煎至六七沸去查热淋洗患处拭乾避风少特

千金方丈夫陰下湿痒蒲黄傅之良

陰囊湿痒槐枝煎汤濯洗

乾荷叶散

治陰肿痛及陰痿囊湿痒又陰下湿痒若热则梔子金华丸

蛇床子 乾荷叶 浮萍叶【各等分】

右粗末每服三大钱水一碗煎三五沸去查淋濯避风寒

问曰翕奄沈名曰滑何谓也然沈为絶陰翕为正阳陰阳和合故令衾骨关尺自平阳衾微沈
食饮自可少阳衾微滑者紧之浮名也此为陰实其人必股内汗出陰下湿也若痒则有风宜
以

白附子 白蒺藜 黄耆 独活 防风

右等分若虚则补宜八味丸

乌金散【治梦泄精骨不禁】

九肋鳖甲每服一字用清酒半盏童子小便半小盏葱白七八寸同煎至七分和渣空心温服

土粉散【治汗热浸清生疮肿痒焮痛】

定粉 蛤粉【九两半】 白石脂【半两】 滑石【八两半】 白龙骨【半两】 粟水粉
寒水石【一两】 石膏【半两】

右为细末乾掺患处

神效丸

原蚕蛾取速连者不以多少去头尾毛羽

右乾为细末炼蜜丸桐子大每服七丸至十丸临卧菖蒲汤下

千金云临其时当使王茎至陰节间而止不尔则过子宫矣予问其故师曰深则少陰之分肃杀之方何以生化浅则厥陰之分融和之方故能生发所以受胎之处在浅而不在深也

忌辰非月经侈皆不可用事惟经後一日男二日女三日男此之外皆不成胎大风大雨大寒大暑陰晦日月蚀八节非常之变易皆不可交接所生男女痴聋瘡癰四肢不完多穷下贱乖戾异常若不犯此即大聪明智慧富贵之子

五补例 局方五补丸

人参 牛膝 茯苓 地骨皮 熟地黄

右细末炼蜜丸桐子大空心酒下三十丸本方服数服以七宝丸泄之 易老云凡十补必一泻之数泻秘一补之所以不失通塞之道补虚必泄泻实必虚滯则通之使後药必能成功若不泄有服八味丸一二年不成效者但补後泄滯不必七宝丸泄之可以去滯者皆是也

海藏大五补丸【此当在三才丸下】

天门冬 麦门冬 茯神 石菖蒲 人参益智 枸杞 地骨皮 远志 熟地【等分】

牡蛎地黄丸

论曰火多水少亡精血损之源火少水多阳竭停液之本精遇水衰者热退而愈精衰热盛者脇满而痛经云尺内两傍以 脇尺外以候肾注云脇之上肾之分脇之内腹之分若脾胃得积湿塞其水路肝脏不足无血渍其肾热也又曰伏谷气以生精托鹹寒以追热若服此味养命延年

生地黄【三两】 牡蛎【烧存性一两】 天门冬【二两半】

人参【一两半】 当归【二两半童便浸一宿烧】 车前子【三两】

括萎【一两】

右细末生姜自然汁糊丸桐子大 如足肿炒葶苈汤下 如胁下满塩姜汤下
如潮热小便赤梔豉汤下 如腹痛芍药甘草汤间服五十丸服空心如饮食少无味人参汤下

琼玉膏铁瓮先生方

人参【二十四两千杵为末】

生地黄【一十二斤取汁不犯铁器石木臼内捣】 白茯苓【十四两木杵臼内捣】

右件人参茯苓为末用白沙蜜十斤生用滤过地黄取自然汁木石臼皆可取汁尽去查用药
一处拌匀入银器内或好瓷器内封如器物小或两处亦可用净纸二三十重封闭入汤内以
桑炭煮六日连夜火煮三日夜取旧汤内煮一日用蜡纸数重包繫瓶口悬井口以去火毒一
伏时取之再入旧汤内煮一日以出水气取出开封取三匙作三盏好温酒化开服不饮者白
汤化之此膏填精补髓髮白变黑返老还童行如飞羽日进数服终日不识不食通心强志日
诵万言神识高迈夜无梦寐人年二十七岁已前服此一料壽三百六十岁四十五以上服者
可壽二百岁六十三以前服者可壽一百二十四岁八十一岁已上服者可壽百岁诚不虚说
若服之十剂絶嗜慾修陰功可地仙矣一料分五处可救五人痾疾分十处可救十人劳疗合
时须斋戒沐浴净室焚香志勿轻易当谨慎修制无示非人惟此药可以与三才丸为表里

医垒元戎卷九

<子部,医家类,医垒元戎>

卷十

钦定四库全书

医垒元戎卷十

元 王好古 撰

此卷痈疽一条并眼药数方内有天门冬地黄之类故入少陰例

素问寒痈疽例

经云肾移寒於脾发为痈肿少气脾移寒於肝发为痈肿拘挛又云寒痈此皆安生岐伯曰生於八风之所变也又去地之湿气感则害人皮内筋脉圣济云衣服过厚表易着寒所得之源大抵如此或发不变色或坚硬如石或捻之不痛久则然後变色疼痛渐熨而成脓如泔而稀久不能差疮口不合变为疔漏败坏肌肉侵损骨髓以致痿痹宜以此骨碎补丸主之方【鲁山新制】

骨碎补 补骨脂 熟地黄 川当归 续断 石楠叶 黄耆 石斛 牛膝 杜仲 萆薢【以上各一两】
附子【炮一两】 白芍药 川芎 兔丝子 沙参 羌活 防风 独活

天麻子【各一两五钱】

此方与大倭方相表里前桂枝拾遗後有

木瓜 兔丝子 白术

邢三郎家小儿病寒疽久不愈先以四物穿山甲汤透之复以地黄当归汤补之继以骨碎补丸外治

骨碎补丸【主治并见局方】

诸痹筋骨疼痛脚膝痹痛

骨碎补 虎骨 自然铜 天麻【酒浸】 当归 没药【另研】 牛膝【酒浸】
川芎【去皮脐各半两】 乳香

朱砂【各三钱另研】

右为细末酒糊丸桐子大每服三五十丸食前温酒下

虎骨散出局方为末酒糊丸

千金翼乾地黄丸

治壮热人常服之终身不发痈疽悦泽酬劳苦生地黄 天门冬【去心各四两】巴戟天 括萎

肉苁蓉 人参 桂心【各六两】大黄【三两】当归

黄耆 黄芩 远志 石斛 甘草【炙各二两】

右为细末炼蜜丸桐子大酒服十丸加至二十丸或三十丸

明目例

按经云天明则日月不得明邪害空窍天所以藏德者为其欲隐大明故大明见则小明灭故大明之德不可不藏天若自明则日月之明隐矣所论者何言人之真气亦不可泄露当清净法道以保天真苟离於道则虚邪入空窍【空音孔窍若吊反】阳气者闭塞地气者冒明阳谓天气亦风热也地气谓湿亦云雾也风热之害则九窍闭塞雾露之为病则掩翳精明取类者在天则日月不光在人则两目隐耀也灵枢经曰天有日月人有眼目易曰丧明于易岂非失养正之道也云雾不精则上应白露不下雾者云之类露者雨之类阳盛则地不上应陰盛则天不下交故云露不化精微之气上应於天而为白露不下之咎矣陰阳应象大论曰地气上为云天气下为雨出地气云出天气明二气交合乃成雨露又盛衰论曰至陰虚天气絕至阳盛地气不足明气不相召不能交合

六合丸

天门冬 麦门冬 生地黄 熟地黄

枸杞子 地骨皮

七仙丸

兔丝子 车前子 巴戟 苁蓉 熟地黄枸杞子 甘菊花

一名驻车丸菊花丸相合七味

益陰丹

熟地黄【四两】 苁蓉【三两酒浸】 枸杞子【二两】

巴戟【二两去心】

右为末酒糊丸桐子大

永壽丹

天门冬 熟地黄 枸杞子 甘菊花

已上方皆炼蜜丸桐子大米饮汤下酒亦得

诸风例

风气与太阳俱入行诸脉俞散於分肉之间与卫气相干其道不利故使肌肉惯胀而有?卫气有所凝而不行故其肉有不仁也疠者有荣卫热附其气不清故使其鼻柱坏而色败皮肤?溃风寒客於脉而不去名曰疠风或者曰寒热癰本疠风又云因而露风乃生寒热亦疠风也

易老祛风丸

治疥癩经云风中血脉而成疠风疠风即癰也黄耆 枳殼 防风 芍药 甘草 生地黄熟地黄 地骨皮 枸杞子

右九味木臼杵为细末炼蜜丸桐子大空心白汤下五十丸此药与摩风膏子外治相表里

御方祛风丸

生地黄 熟地黄 防风 甘草 枳殼

芍药 枸杞子 地骨皮

右细末炼蜜丸桐子大每服三十五丸温酒下

乌白散【治大风徧身生疮累医不效者】

白花蛇【酒浸焙乾三两】 乌蛇【同上】 地龙【三两去土】

白芷【二两】 细辛【去上】 天麻【各一两】 荆芥【二两】

当归【一两】 蔓荆子【二两】 苦参【二两】 杜蒺藜

不灰木 菖蒲 天门冬【去心】 红芍药

定风草 川芎 胡麻子【炒】 何首乌

木鳖子【去皮油】 羌活 草乌头

苍术【制各二两】 威灵仙【去上】 甘菊花 沙苑蒺藜 木贼 甘草 沙参 紫参【各二两】

治细末每用二三钱温酒调服日二三服忌动风之物并房事

大倮方阳气者精则养神气则养筋开阖不得寒气从之乃生大倮

羌活 防风 细辛 附子 当归 甘草 川芎 续断 白芍 白术 桂 麻黄 黄耆 熟地黄

此药当与鲁山骨碎补丸相表里

仲景旋覆花条下注痙痙二证

龙蛇散

治风虚顽麻遍身白癩紫癩癰疹痒痛者

白花蛇【去骨炒】 乌梢蛇【去骨炒】 萆薢

天麻 骨碎补 金毛狗脊 自然铜【醋淬】

黄耆 枫香【研】 地龙【去土】 草头乌【塩水浸各一两】 乳香
没药【各三钱】 麝香【二钱】

右细末酒糊丸桐子大每服一十五丸酒下食後为细末酒调亦得内有佐经丸亦可例草乌後

复肌丸

治肺气赤白癩蜜痒耳鸣癰疾口眼喎斜

白花蛇【酒浸去骨】 乌蛇【同】 天麻 牛膝【酒浸一两】 白附子【炮】

白僵蚕【各一两半】 白芷【一两】

右为细末炼蜜丸桐子大朱砂为衣每服二十丸温酒下

退风散

治痹肺风攻注皮肤瘾疹痛痒一切肺风

苦参 白蒺藜

右等分为细末酒调下食後

黄蘗例

大风髓丹

半夏【炒】 木猪苓 茯苓 红莲蘗

黄蘗【炒二两】 缩砂仁【一两】 甘草【半两】 益智仁【各一钱半】

治心火狂阳大盛补肾水真陰虚损心有所欲逮於盛动应之于肾疾於施世固真元降心火益肾水大有神效

正风髓丹

黄蘗【二两】 缩砂仁【一两】 甘草【半两】

经云肾恶燥以辛润之缩砂味辛以润肾燥又云急食苦以坚之黄蘗味苦以坚肾水又云以甘缓之甘草味甘以缓肾急又云甘补之甘味以生元气古人云泻心者非也乃泻相火益肾水之剂若以黄蘗泻心火则黄连当泻何经【二药并用酒主糊为丸如桐子大温酒下三十丸晨服】

小风髓丹【一名养真丹】

甘草【一两】 黄蘗【二两】

梔子金花丸 即活人解毒汤也

加芦会沈香为芦会丸青黛为衣 去大黄加防风为五黄丸

加连翘为连翘金花丸芦荟丸治小儿疳热发黄糊丸黍米豆大温水下二十丸无时

解毒丸

治大小积热咽?目赤痛肿心忪不安中暑发热渴寒水石【一两六钱】 青黛【八钱】
石膏【一两一钱已上各研细】

右和匀蒸饼丸鷄头子大每服一二丸新水化下姜汤亦得

拔毒丹【一名拔毒散】

治肉色变赤四肢胞背游走焮热肿痛

黄栢 甘草【各一钱】 石膏【二钱】 寒水石【七钱】

右细末水调扫

海藏云子观此方极有理不惟外治内治亦效量儿大小以水调服方寸匕更与扫之内外俱治也凝水泄肾石膏泄三焦大热黄蘗又治命门相火之本甘草以消毒缓急所以多效故入小凤髓丹例

固元丹

治血枯大脱血崩中漏下不止房屋过度气竭肝伤五心烦热或劳保真益血脉尺中及三部而实膏粱有余者主之

黄蘗【四两】 生地黄【三两】 缩砂仁【二两】 益智仁【一两】 甘草【生用二两】

右为极细末滴好醇酒为丸桐子大每服三十丸空心淡益汤下渐加至八十丸以意消息治之加真续断二两治心火加黄连一两治风加当归川芎各一两代赭为衣

易老珍珠丸

黄蘗【二两】 蛤粉【二两】

右剉黄蘗新瓦上炒细末水凡塩酒温任下治阳盛陰虚精不禁之奇方也

秘真丸

红莲蕊【一两】 益智子【一两】 猪苓【半两】 缩砂仁【一两】 半夏【半两】
黄栢【一两】 茯苓【一两酒浸陰乾】

右细末蒸饼丸桐子大每服五十丸空心米饮下

保真丸【脱精命门相火盛服此方上之】

黄蘗 黄连 黄芩 梔子 大黄 缩砂仁 甘草 生地黄 白茯苓 益智 人参 地骨皮 莲子皮

右为细末生地黄汁糊丸桐子大

贺兰先生解毒丸【一名保命丹一名化毒丹】

善治毒诸药山嵐瘴气鱼果肉麪菜毒冬丹毒夏月暑毒伤寒余毒小儿疹疮?毒热毒?痹急
毒凡有名之毒悉皆治之

黄蘗 管仲 茯苓 蓝根 乾葛 地黄雄豆 甘草 滑石 缩砂 陰地厥

薄荷【各二两】 山豆根 土马鬃 豆粉益智 大黄 寒水石【生】 紫河车 马勃

龙胆 白殭蚕 百药煎 山梔子【各一两】

右为细末炼蜜丸每一两作十丸细嚼新水下一丸津咽亦得 小儿惊风薄荷汤下 或蜜水浸
蒸饼为丸亦可夏月尤宜时服永无热病冬服无伤寒?云贺兰仙人也有日帝问曰朕闻卿能
点化瓦砾为黄金然否公雍容对曰陛下贵为天子富有四海臣愿以尧舜之道点化天下帝
慚 子尝以此推之先生望明君犹存此心术後之人当如何耶

清心丸

黄蘗【生二两】 麦门冬 龙脑

一法加天门冬黄连 右细末炼蜜丸桐子大每服十丸麦门冬酒下薄荷汤亦得

钱氏泻心汤【泻丁也】 导赤散【泻丙也】

火府丹【丙丁俱泻】

黄芩【一】 黄连【一】 生地黄【二】 木通【三】

右细末蜜丸桐子大每服二三十丸温水临卧

经进十精丸

赐紫金鱼袋监中岳重福宫臣览诸方一千余卷检见此方其功大如臣服半料多病眼昏而复明气冲而实四肢轻健百节舒畅万病消除臣今进方於後【皇佑二年正月进】

枸杞【天之精】熟地黄【地之精】乾山药【土之精】兔丝子【金之精浸】桂【木之精】栢子仁【陰之精】甘菊花【阳之精】肉苁蓉【水之精浸】茯苓【千年之精】汉椒【火之精】

右件十味各拣净择制造如法捣罗为细末就药酒打糊为丸桐子大每服二十丸茶酒塩汤任下空心日进二服男子元气损耗精神虚弱面色痿黄肢体疫乏脐腹久冷五淋损伤夜梦遗精五劳七伤上实下虚行步艰难小肠疝气肾虚脚弱及妇人子宫久冷血气滞多真胎石结饮食无味四肢沈困夜梦难分脐腹虚痛心疼头痛此药服之立有神效

神仙六子丸

治男子血气衰败未及五十岁髮班白若服此药百日黑如漆

兔丝子 金铃子 枸杞子 覆盆子

五味子 蛇床子 何首乌 舶茴【各一两】

牛膝 地骨皮 木瓜【各一两】熟地黄【三两】

右蜜为丸每服五十丸空酒下要髮黑前件药内别加人参茯苓石菖蒲各一两忌萝卜生韭薤菜蒜

十补丸

治男子肾藏虚精气寒滑妇人血海冷经衄不调除寒湿养脾胃手足温和

玄胡索 胡芦巴 破故纸 茴香 川芎 附子 桂 当归 紫巴戟

肉苁蓉

右等分酒糊为丸每服三五十丸温米饮下空心食前酒塩汤亦可

神虚五味子丸【主治修制并见局方】

治妇人五淋小便赤

古方鹿角霜丸乃骊珠太和之祖也并见汤液本草白胶条下白胶阿胶皆鹿角胶也

太和膏

刘快活仙进方补其壮下元治本藏虚弱进食强筋骨助脾胃补损伤久服延年益寿长生不老消除百病

当归【酒浸】 川芎【四两】 苁蓉【酒浸四两】 舶茴【六两】

川楝子 破故纸 猪实子 远志【去心】

白术【各二两】 白【十根】 韭子【三两】

胡桃【五十个切作片】 黄蜡【一两半】 白茯苓 枸杞子 胡芦巴【各三两】

右用鹿角三十斤东流水三十担铜灶铁锅二只靠鹿顶截角用赤石脂塩泥於截动处涂固之勿令透气於甑内煎一炊时用马蔺刷就热汤刷去鹿角上血刺尘垢讫可长三四寸截断鹿角外将前件药一十六味拌和匀停先铺一层角於锅内角上铺一层药如此匀三层铺之将河水添在药锅内其水於角上常令高三寸无烟木炭熬令常小沸勿令大沸外一锅内专将河水煎汤亦勿令大滚如药锅内水积下却与热汤内取添上令三寸却取河水添在热汤内续续倒添至二十四时住火候冷时将鹿角捞出用白绢滤取汁其药滓不用外将药汁如煎法再煎更不用加水如膏滴水不散凝结方成

骊珠丹

鹿角霜 白茯苓【一斤】 泽泻【四两】 白龙骨【二两水飞】

再同为细末以醇酒一斤熔开太和膏六两入炼蜜四两更熬令匀搜和前药成剂丸如桐子大每服三十七丸空心温酒下渐至百丸其效不可具述海藏云大抵益阳之药本为命门相火衰阳事不举有误子孙计故圣贤着书立意扶虚补不足也後人耽嗜色慾丧身夭命惜哉

肾气内消丸

山茱萸 食茱萸 马蔺花 川楝子【炒】

陈皮 吴茱萸 茴香 木香【各等分】

右为细末醋糊丸桐子大每服二三十丸空心塩汤送下

又方

青皮 川乌 葫芦巴 萆拔 木香

茴香 红皮 破故纸 桃仁【各等分】

右细末酒糊丸桐子大每服三十丸塩汤下

金铃子丸【治小肠气疼不已或肿徧火】

金铃子 茴香 当归 葫芦巴 蝎稍【各等分】

右为末酒调下一二钱

枳殼五倍丸【治痔漏】

枳殼【炒】 五倍子【炒各等分】

右蜜丸空心温酒下三五十丸一本枳殼五两五倍子一两蜜丸米饮下

硕夫枳殼茴香丸

枳殼【二两麯炒去穰另为末】 茴香【一两另为末塩炒】

好酒半碗入茴香末熬成膏子次入枳殼末丸桐子大却用龙骨末一二两磁鉢内培养服时去龙骨末每服三十丸塩汤任下

又一法用

枳殼【二两】 茴香【一两】 龙骨【半两】

酒糊为丸如用噉五味子数枚咽津

香殼丸

枳殼【麯炒去皮】 茴香【炒黄各等分】

右为细末酒糊丸桐子大空心酒下二三十丸亦得

局方桔梗枳殼汤【主治修制并见本方】

易简枳殼汤

服之缩胎易产妊妇临月服之特有神效丈夫妇人寬中下气治肠中诸痛尤得其宜

枳殼【五两】 甘草【五两】

右?咀每服四钱水一盞煎至六分去滓热服或为细末更加香附子一两尤妙
如丈夫妇人冷气攻刺肋疼痛加?白二寸火煨入煎药服能饮者细嚼?白热酒调下服之
如胞膈气闭饮食不进?白汤调服
肾气肿痛煨?白二寸茴香一大撮同嚼热酒服若久久服之永不发动
如腰背气痛用?白汤调服讫即卧少时旋能作效脚气发动空心热汤调服
妇人因脾寒血闭成块热酒服之
产後血气不和热汤调服心腹气痛口吐清水饮食不消胞膈?胀?白汤调服
冷物伤脾发痛无时胡椒煎汤调服大小便秘煎白牵牛汤调服
妇人血晕两太阳痛头旋欲倒者煎艾汤调服 妇人经衄不行手足发热或身潮热先用?白
汤次用蒲黄汤调服若经脉不调脾胃稍壮者当用大圣散服之数有神效若经血不调血藏
疼痛者当用小温经汤以当归附子二味等分白水煎服

小儿面黄胃冷吐食煎木瓜汤调服

一者因而饱食筋脉横解肠澀为痔

二者因而大饮则气逆肺气举故气逆而上奔三者因而强力肾气乃伤膏骨乃坏强力入房
骨乏体枯

金匱要略水气病脉证治【後代名医诸书所说皆取此以为法】

师曰病有风水有皮水有正水有石水有黄汗 风水其脉自浮外证骨节疼痛其人恶风
皮水其脉亦浮外证跗肿按之没指不恶风其腹如鼓不可当发其汗
正水其脉沈迟外证自喘石水其脉自沈外证腹满不喘
黄汗其脉沈迟身体发热胞满四肢头而肿久不愈必致痈肿也 脉浮而洪浮则为风洪则为
气风气相擊身体洪肿汗出乃愈恶风则虚此为风水不恶风者小便通利上焦有寒其口多
涎此为黄汗太阳病脉浮紧法当骨节疼痛而反不疼身体反重而酸其人不渴汗出则愈此
为风水恶寒者此为极虚发汗得之渴而不恶寒者此为皮水身肿冷状如周痹脑中渴不能
食反聚痛暮燥不眠此为黄汗 痛在骨节欬而喘不渴者此为脾胀其状如肿发汗则愈 然诸

病此者渴而不便小便数者皆不可发汗里水者一身面目洪肿其脉沈小便不利故令病水假如小便自利亡津液故令渴也跌阳脉当伏今反紧本自有寒痼痼腹中病医反下之下之即胞满短气也跌阳脉当伏今反数本自有热消谷小便数今反不利此欲作水寸口脉浮而迟浮脉则热迟脉则潜热潜相搏名曰沈跌阳脉浮而数浮脉则热数脉则止热止相搏名曰伏沈伏相搏名曰水沈则络脉虚伏则小便难虚难相搏水走皮肤即为水矣

寸口脉弦而紧弦则卫气不行即恶寒水不洽流走在肠间

少阴脉紧而沈紧则为痛沈则为水小便则难沈得诸沈当积有水身体肿重水病脉出者死夫水病目下有卧蚕面目鲜泽脉伏其人消渴病水腹大小便不利其脉沈绝者有水可下之问曰病下利后渴饮水小便不利腹满目肿者何也答曰此法当病水若小便自利反汗出者自愈心水者其身重而少气不得卧烦而燥其人阴肿

肝水者其腹大不能自转侧胁下腹痛时时津液微生小便续通

脉水者其身肿小便难时时鸭溇脾水者其腹大四肢若重津液不生但要小气小便难

肾水者其腹大脐肿腰痛不得溺阴下湿如牛鼻上汗其足逆冷面皮瘦师曰诸有水者腰以下肿当利小便腰已上肿当发汗愈师曰寸口脉沈而迟沈则为水迟则为寒寒水相搏跌阳脉伏水谷不化胆气衰则鹜溇胃气衰则身肿少阴脉细男子则小便不利妇人则经水不通经为血血不利则为水名曰血分问病者若水面目身体四肢皆肿小便不利师曰脉之不言水及言胞中痛气上冲咽状如炙肉当微欬喘审如师言其脉何类师曰寸脉沈则为水紧则为寒沈紧相搏结在关元如时当盛年或不自觉阳衰之后荣卫相干阳损益阴盛结寒微动紧气上冲咽塞噫胁下急痛医以为留饮两天下之气上冲紧不去而病不除后重吐之胃家虚损咽燥欲饮水小便不利米谷不化面目手足浮肿又与葶苈丸下当时如小差食饮过度肿复如初胞胁攻痛象若奔豚其水扬溢则浮动喘逆当先攻击冲气全止治欬上其胁自差先治新病病当在后风水脉浮自重汗出恶风者防己黄芪汤主之腹

痛加芍药风水恶风一身悉肿脉浮不渴续自汗出而无大热者越婢汤主之

麻黄【去节六两】石膏【二两切】枣【十五枚擘】

甘草【炙二两】

右五味以水六升先煮取麻黄再沸去上沫内诸药煮取三升去渣分温三服恶风者加附子一枚炮古今录验云风水加术四两

皮水为病四肢肿水气在皮肤中四肢聂聂动者防己加茯苓汤主之

防己【三两】黄芪【三两】桂枝【去皮三两】茯苓【去皮六两】甘草【炙二两】

右五味以水六升煮取二升去滓分温再服

里水越婢加术汤主之【方见脚气中】

又甘草麻黄汤亦主之方

甘草【炙二两】 麻黄【去节八两】

右二味?咀以水五升先煮麻黄去查沫内甘草煮取三升去查温服一升重覆汗出不汗复服慎风寒

水之为病其脉沈小属少阴浮者为风无水虚胀者为气水发其汗即已脉沈者宜附子麻黄汤浮者宜杏子汤

附子麻黄汤

附子【二枚炮去皮脐切作八片】 麻黄【去节三两】 甘草【炙三两】

右三味?咀以水七升先煮麻黄再沸去上沫内诸药煮取二升半去查温服八合日三服

杏子汤【未见恐是麻黄杏仁甘草石膏汤也】

厥而皮水煮蒲炭散主之【方见消渴中】

师曰黄汗之为病身体肿【一作强】发热汗出而渴状如风水汗沾衣色正黄如蘗汁脉自沈问曰从何得之师曰以汗出入水中浴汗从孔中入得之黄吁黄耆芍药桂枝苦酒汤主之

黄耆【五两】 芍药【三两】 桂枝【去浮皮三两】

右三味?咀以水七升苦酒一升相和煮取三升去查温服一升当心烦也至六七日乃解若心烦不止者以苦酒阻故也一方用美清醪代苦酒

黄汗之为病两颈自冷假令发热此属历节食已汗出又身常暮卧盗汗出者此荣气也若汗出已反发热者久久其身必甲错发热不止者必生恶疮若身重汗出已辄轻者久久必身瞤即胞中痛有又从腰已上必汗出下无汗腰下弛痛如有物在皮中状剧者不能食身疼重烦燥小便不利此为黄汗桂枝加黄耆汤主之方

桂枝【去浮皮】 生姜【切】 芍药【各三两】 甘草【炙二两】 黄耆

右?咀入枣一十二枚擘以水八升煮取三升去查温服一升须?饮热稀粥一升余以助药力温覆取汗若不汗者更服之

师曰寸口脉迟而澁迟则为寒澁则为虚不足 阳脉微而迟微则为气迟则为寒寒气不足则

手足厥冷手足厥冷则荣卫不利荣卫不利则腹满胞鸣相逐气转膀胱荣卫俱劳阳气不通则身冷阴气不通则骨疼阳前通则恶寒阴前通则痹不仁阴阳相得其气乃行大气一转其气乃散实则失气虚则遗溺名曰气分气分心下坚大如盘如旋杯水饮所作桂枝去芍药加麻黄附子细辛汤主之方

桂枝【去浮皮】 生姜【切各二两】
大枣【二十枝】 甘草【炙二两】 麻黄【去节二两】 细辛【二两】
附子【二枚炮去皮破八片】

右?咀以水七升先煮麻黄再沸去沫内诸药煮取二升去查分温三服当汗出如虫行皮中愈
心下坚大如盘如旋杯水饮所作枳实汤主之方

枳实 白术【各三两】

右二味?咀以水五升煮取三升去查分温三服腹中臌即当散也

附方

夫风水脉浮为在表其人或头汗出表无他病二者但下重故知从腰以上为和腰以下当肿及阴难以屈伸防己黄芪汤主之方【方见风温中出外台秘要】

海藏水气问难

经云诸水身半以下肿者当利小便身半以上当发汗经云身半以上天气主之身半以下地气主之天气主之者其在皮也其在皮者故汗而发之

问肌肉之外皮肤之里首至足一身皆肿者当作何治答曰亦宜汗之也与身半以上同法身半以上汗之者尺寸之天地也故汗之肌肉之外皮肤之里一身尽肿者从天而汗之此表里之浮沈凡治之法当如是也肺心肝肾中州已上俱宜汗中州以下皆宜汗如小便利而渴不宜汗不宜下以其重亡津液故也问曰仲景云肾阴脉紧而沈紧则为痛沈则为水小便则难脉得诸沈当附骨身体肿重水病脉出者死王叔和云水气浮大即延生二者不同何也答曰少阴证当沈故脉出者死也此水附骨以当沈而下出则当微出本部即是得生也此个出字出本部之外故死也经云阴阳俱虚脉出者死与此同意水气斗大即延生者总而言之也五脏六腑上下表里及诸部分俱在其中矣此阴盛而阳虚也故暴出者死何以然少阴沈知周身无阳也水病滞塞不通脉暴出何以周流舍一身养育一体故死也
腹上肿者属脾腰肿者属肾

海藏集仲景水气例【水气源流并出素问水热穴论】

高低内外轻重表里随经补泻要当谨察肺胃肾三经病即差也

仲景葶苈大枣泻肺汤【治喘 痰涎面目浮肿】

甜葶苈 苦葶苈【等分】 大枣

仲景枳术汤治心下水结如盘

仲景牡蛎泽泻散治腰已下有水气

仲景生姜泻心汤治两胁水气腹中雷鸣

仲景甘草附子白术桂枝汤治陰证自汗身微肿风湿相搏小便不利

仲景真武汤治少陰三二日不已至四五日腹痛小便不利四肢沈重疼痛则不利此为水气
其人或欬或小便利不利而呕者

仲景十枣汤

大戟 芫花 甘遂【各等分】

三花神佑丸

十枣汤加 牵牛 大黄 轻粉 水丸

除湿丹

神佑丸加 乳香 没药

玄青丹

神佑丸加 黄连 黄栢 青黛

右已上四味药极有毒不可轻也

趣痛丸

大戟 甘遂 白芥子 大麦面【各二两】

右三味药为末拌和匀作饼大慢火炒黄熟再为细末用大麦面一两同上拌匀糊丸桐子大空心冷酒下十丸至十五丸

明理趣痛丸

治脚气上攻风毒走注疼痛神效又治水气浮肿白芥子【生末】肥甘遂【生末】大黄【生末各一两】

右件用白面一两半滴水丸作饼子?令黄不可过焦为末醋糊丸桐子大冷酒下二十丸无时量虚实加减

水气下为跗肿上为喘呼不得卧者标本俱病故肺为喘呼肾为水肿肺为逆不得卧者分为相输俱受者水气之所留也

伏梁水气日华子云在本草羌活条下

五皮散

生姜皮 陈皮 茯苓皮 桑白皮 大腹皮一法加牵牛【各等分白水煎】

海藏老人法

调胃白术泽泻散

治痰病化为水气传为水鼓不能食

白术 泽泻 芍药 陈皮 茯苓 生姜 木香 ?榔

一法加白术本药各半治脐腹上肿如神心下痞者加枳实下盛者加牵牛

紫菀散

木香 人参 白术 铁脚紫菀 川芎【各二两】

右麤末生姜乌梅煎次日又一服

夫水气者胃土不能制肾水逆而上行传入于肝故令人肿治者惟知泄水而不知益胃故多下之强令水出不依天度流转故胃愈虚食不滋味则发而不能治也莫若行其所无事则为上计不可不知

仲景十枣汤治太阳中风吐下呕逆者可攻也若病悬饮者此汤亦主之

芫花 甘遂 大戟【等分末】

右大枣十枚水一升半煮取八合去查内诸药强人一钱?弱者只半钱?温服之不下明日再服下後以粥补之

胡洽方治支饮澀饮於十枣汤中加大黄甘草五两同煎服之故以相反之剂欲其上下俱去也 郁李仁破澀气能下四肢水 大抵去水药多泄热当求脉之虚实下之 叔和云水气浮大即延生沈小命殒须努力

水气求责法 有沈而有力 有沈而无力

有浮而有力 有浮而无力

中得之亦有有力无力

水气脉并药

腑沈大肠浮

大腹皮 茯苓 甘遂 大戟 芫花

旋覆 紫菀 陈皮 桑皮 杏仁

木香 葶苈 麻黄 梔子 芍药

生姜皮 白术

心沉小肠浮

桂 枳实 牵牛 芍药 木通

脾沈胃浮

白术 芍药 生姜 赤小豆 枣?榔黄耆 甘草 石膏

肝沈胆浮

川芎 芍药 细辛

肾沈膀胱浮

泽泻 茯苓 猪苓 白术 木通 灯草通草 牡蛎 滑石 泽兰 附子 葶苈瞿麦 车前 防己

化水丹【止消渴化停水】

乌头【大者四个炮】 牡蛎【烧两】 蛤粉【六两】

右细末醋糊丸桐子大冷水下三五十丸饮水一担者一服愈

易老云益火之源以消陰翳则便溺有节乌附之类是也壮水之主以制阳光则渴饮不思蛤蛎之类是也

取疮跟中痛例

子和泄水丸改名大智丸泄水散改名大智散藏用丸加减例

局方神助散【治十种水气小便赤澀大便自利】

葶苈【炒香另研二两】 牵牛【炒末二两五钱】 泽泻【三两】

猪苓【去黑皮二两】 椒目【一两五钱】

右细末每服三钱匕?白浆水入酒调下次以?白汤投之忌面塩等物大小便利後大宜将息断塩房室三年 男子疝疮或痛在茎之窍或在窍之标皆手足太阳不利热毒下传入手足厥陰故为紫黑色作蚀疮坏其茎而死以子和泄水丸散导其湿毒无不愈者如已成疮先泄其根蒂次从标而外治以?白黑豆汁渫洗拭乾以黄连木香蜜陀僧乾胭脂之类细末涂之如内溃脓不出以追脓散上之後窍如脓少可用黄连木香胭脂等贴之

泄水丸散亦能治足跟中痛肾主湿湿主痛故大泄之而愈以去其湿也
丙传壬壬传一一与庚合故以水泄丸泄之则愈

涌水风水石水之源

陰阳结邪少陰少阳名曰石水小腹痛三阳独至者是三阳并至由此则但有阳而无陰也石水者谓冬月水水如石之时故曰石水也火墓於盛冬阳气微微石水而死也【肾肝并沈为石水并沈为风水】

帝曰有病肾气者面跗肿然壅害可刺否岐伯曰虚不当刺不当刺而刺後五日其气必至帝曰其至何如岐伯曰至必少气时热时促胸背上至头汗出手热口乾苦渴小便黄目下肿腹中鸣身重难以行月事不来烦而不能食不能正偃正偃则欬病名曰风水论在刺法中帝曰愿闻其说岐伯曰邪之所凑其气必虚陰虚者必凑之故少气时热而汗出也小便黄者小腹有火也不能正偃者胃中不和也正偃则欬其上迫肺也诸有水气者微肿见於目下也帝曰何以知之岐伯曰水者陰也目下亦陰也腹者至陰之所居故水在腹者必使目下肿也真气上逆故口苦舌乾卧不得正偃正偃则欬出清水也诸水病者故不得卧卧则惊骇则欬甚也腹中鸣者病本於胃也薄胃则烦不能食食不下者胃脘隔也身重难以行者胃脉在足也月事不来者胞脉闭也胞脉者属心而络於胞中今气上迫肺心气不得下通故月事不来也帝曰善帝曰诸水皆生於肾乎岐伯曰肾者壮藏也地气者属肾而生水液也而陰勇而劳苦则肾汗出肾汗出逢於风内不得入於脏府外不得越於皮肤客於元府行於皮里传於跗肿本之肾肾名曰风水帝曰少陰何以主肾肾何以主水岐伯对曰肾者至陰也盛水也肺者太陰也少陰冬脉也故其本在肾其末在肺皆积水也帝曰肾何以聚水而生病岐伯曰肾者胃之关也关门不利故聚水而从其类也上下溢於皮肤故为附肿者肿肾水而生病也陰阳别论云三阳结之为水【注云脾腑之寒无脉结脾肺寒结化为水】此但二陰而少肾一陰也汤液醕醴论云三焦闭溢水道不通水满皮肤身体痞肿洁淨府治水之法也平人气象云颈血脉动喘疾咳曰水月窠微肿如卧蚕起之状曰水足胫肿曰水此上下之别也帝问岐伯曰水与肤胀鼓胀覃石瘕石水何以别之岐伯曰水之起也目窠上微壅如新蚕卧起状状其颈脉动时欬陰股间足寒胫壅腹乃大其水已成也以手按其腹随手而起如裹水之状此其候也诸水大抵胃土不能制肾水凡治水者人惟知治水而不知补胃如补胃多失之壅滯当用何法本草云赤小豆治水肿通气补脾胃

神方

乌鸡子一个去顶取清黄汁调膩粉一大钱令匀内殼中以蒸饼剂裹之蒸熟去殼取熟黄二萆苈等分炒为末与上并黄蒸饼等和丸如豆大每服三五十丸车前子汤下小便澀不通煎瞿麦汤下

又方治单腹胀水气

右隔纸炒苦萆苈二钱细末无根水下

百一方卒大腹水肿

青雄鸭以水五升煮取一升饮尽厚覆取汗

食治十种水气不差垂死

以青头鸭一只治如食法细切和米并五味煮令极热作粥食之

又法治水气胀满小便澹

白鸭子一只去毛肠洗馈饭半升与椒姜同酿鸭腹中缝定如法蒸热食之

又法治十种水气垂死

鲤鱼一头重一斤者和冬瓜?白?食之

治鼓气方

滑石【一钱】 槐花【一钱半】 轻粉【一钱】

右不犯铁器为细末服生地黄自然汁生姜自然汁停滴在药中为丸桐子大一日服三丸次日服四丸五日以来早晨只一服用生地黄汁温送下小便中水尽为度得睡後日服嘉禾散十日永不再发

胞转小便不通非小肠膀胱厥陰之气也盖因强力房事或过小便以致此疾非可利之药所能利之也法当治气宜以

沈香汤主之方

沈香 木香【各一钱】

右为细末煎陈皮茯苓汤调服空心食前服

钱氏塌气丸

胡椒【一酒】 蝎稍【半两】

右为细末面糊丸粟米大每服五七丸至一二十丸陈米汤下无时

木香塌气丸

木香 胡椒【各二钱】 蝎尾【半两】 枳实【一两】

郁李仁【四钱】 白牵牛【一两】 木香【半两】

?榔【半两】

右为细末饭丸菉豆大每服十丸至十五丸陈皮生姜汤任下

木香散【治单腹胀】

木香 青皮 白术 姜黄 草豆?【以上各半两】 阿魏【一两】 荜澄茄【一两】

右细末醋糊丸菉豆大每服二十丸生姜汤下

又方治鼓气

大虾蟆一个新瓦二个相合麻绳纏定盛在内塩泥固济厚令慢火烧之成灰存性温酒调服三五钱

折伤例

乾城刘家接骨丹真方

虎骨【一两半】 当归 生硫黄【半两】 附子【炮一两】 川乌【一两炮】
泽乌【炮一两】 白附子 官桂

陈皮 青皮 金毛狗脊【一两去毛】 骨碎补【一两炮】 川栋【一两】 缩砂【一两】 赤芍药【四两】 自然铜【四两火煨醋淬七次】 木鳖子【一两去皮油】 乳香【半两】
没药【半两】 半两钱【碎一两】 羊胫骨【一两炙】 狗胫脊骨【一两炙黄】
苁蓉【一两酒浸焙】 牛膝【酒浸一两】 川芎【一两】

右二十五味为细末为二七分细者每服一钱酒调温服三分小黄米粥为丸桐子大温酒下二三十丸随病上下食前後间服之

接骨丹

治从高坠下马踏车碾筋断骨碎痛不可忍接骨续筋止痛活血

鹏砂【一钱半】 定粉【一钱】 当归【一钱剉】

右麤末煎苏木汤调下二钱服讫时时服苏木汤投之

接骨丹【治打扑损伤但筋体不断皆治之】

乳香【半两碎】 当归【酒浸一宿焙乾用】 威灵仙【酒浸宿焙】

骨碎补【去毛酒浸日乾】 兔丝子【酒浸一宿】 龟壳【酒浸】

龙骨【酒浸】 虎骨【酒浸酥炙以上各半两】

右为细末蜡丸弹子大十岁以下服半丸二十岁以上服一丸好酒三盏煎用柳篦子搅匀和查只一服不得再服恐遇节必至芦节後用贴药

贴药

黄松栢【一两】 乳香【研半两】 没药【三钱半】

右细末用面油调匀摊在绯帛上贴伤处用绵竹篦夹定封须要子细对得骨正更用纸封

神仙正骨药黑金散

半两钱【一百文足炭火烧醋淬】 水蛭【炒黄半两】

自然铜【半两醋淬】 乳香【半两】

没药【一两】 麝香【一钱】

右细末四十以上服半钱四十以下服一字二三服即效如芦节用生姜自然汁温酒一盞调服

如腰已上损折食後腰已下食前若骨不损者药自吐出无忌 缪刺云人有所堕恶血留出腹中胀满不得前後先饮利药此上伤厥陰之络刺足踝之下然骨之前血 出血刺足附上动脉冲阳胃之原刺入同身寸之三分留五可灸三壮不及刺三毛上各一瘖见血立已左刺右右刺左谓大敦穴厥陰之井也其後议论当在此条下

初虞世治从高坠下及打扑内伤神效

麝香 水蛭【各一两】

右剉炒令烟出研为末酒调一钱当下畜血未止再服其效如神

梅师方打扑伤损瘀血在内不散

蒲黄

右末酒调服 产後恶血不下蒲黄水煎服日月未足欲产蒲黄水调服

又一方法

大黄【一两】 当归【二钱半】 麝香【一字】 生乾地黄【二钱】

右剉水煎或醋童子小便亦得

圣惠方【治胎落车马筋骨疼痛不止】

延胡索【一两】

右为末豆淋酒下二钱匕不计时

导滞散

治重物压伤跌或从高坠下发热口内吐血下血出不止或瘀血在内胞胀满粗气短

当归【剉微炒三钱】 大黄【剉炒三钱】

右细末豆淋酒调下二钱匕不计时

又方治登高坠下打扑损伤或损骨不损骨者有瘀血者

当归【一两】 生地黄【一两】 川大黄【一两】

穿山甲【炮另研半两】

右粗末秤三钱好酒煎服水煎入酒亦得煎成调穿山甲末一钱

又方

乳香【二钱】 没药【三钱】 当归【三钱】 自然铜【醋淬半两】 木香【一钱】
青皮【二钱半】 白芍药【二钱半】 穿山甲【一钱炮】

右为细末酒调服

又方

莼苳子【一勺】 黄米【半一勺】 乌梅【去核二十个】

右细末蜜丸弹子大嚼一丸温酒化开亦得随上下用

正骨膏

川乌 草乌 南星 半夏 当归 芍药 木鳖 官桂 白芷【已上各等分】

右细末黄蜡熔开小油和匀前药末熬成膏子炙软捏作饼子摊纸上贴损如前依常法固济如法三日一易神效

治脑骨破及骨折?白烂研和蜜厚封损处立效

一方?白黄米粉同炒为末醋调糊承暖封伤损处接骨丹

没药 乳香 当归 川椒 自然铜【醋淬】

红芍药 骨碎补 败龟板【炙】 虎骨

白芷【已上各等分】 千金藤【郁里仁是也亦等分】

右细末化蜡半两丸如弹子大每服一丸好酒半升化开煎用东南柳枝搅散热服

又方加 龙骨 川芎

此二味不加亦不妨若服药人亡後骨折处如金色围之此方系黄大夫秘传神验

贞观七年七月十三日唐相王珪进尉迟恭经验传到针入肉不出者用之神效丁酉十一月五日第二来人备细传写出箭头方五月初四日寻下天仙子窠木槩微动其根用水灌之回来至端午日早起不语前去看根揖一声曰先在此一木槩槩出背上至家勿令妇人视之放乾用石杵臼之成剂丸如弹子大绯绢袋盛之挂梁间勿令妇人见如用时置剂中以裹肚系之一伏时自出如至其皮不能出者拨开皮肉自出也前出後不复疮愈若登高坠下重物撞打箭镞力伤心腹胸中停积鬱血不散以上中下三焦分之别其部分以易老犀角地黄汤桃仁承气汤抵当丸之类下之亦有以小便酒同煎治之者更有内加生地黄当归煎者有大黄者又法虚人不禁下之者以四物汤加穿山甲煎服妙亦有用花蘂石散以童子小便煎或酒调服之者此药与前寒药正分陰阳可不辨也若瘀血已去复元通气散加当归煎服亦可又一法筋骨损伤用佐经丸之类或用草乌枣肉为丸服之以诸行经者以其内无瘀血无故用之药性寒热温凉不一惟智者择之不可偏执也【此当在前繆刺条下】

疮?疥癬例

神仙太乙膏

治虚疾八法痈疽一切恶疮软疔不问年月远近已成脓未成脓贴之即效蛇蝎虎犬伤汤火刀斧所伤并可内服外贴发背先以温水洗疮拭乾用帛子摊药贴用水下血气木通汤下赤白带下当归酒下咳嗽喉闭纏喉风绵裹噤化一切赤眼贴太阳穴後用山梔子汤下打扑伤损贴药仍用橘皮汤下腰膝痛贴吃塩汤下唾血桑白皮汤下诸漏先以塩汤洗其疮并量大小以纸摊药贴之已上药每服一丸旋丸櫻桃大蛤粉为衣其药可收十年余愈久愈烈神效不可言

玄参 大黄 白芷 当归 肉桂

右用麻子油二斤浸春五夏三秋七冬十日滤去渣油熬得所次下黄丹一斤滴水中不散为度

善应膏

治杨疮痈疽肿毒发脑发背发颐发髭或瘰 结核或脓血已出如此算证并寒湿气刺冷痹顽麻牙痛外肿打扑闪挫金疮杖疮小儿头面聚热杂疮蜈蚣蛇蝎伤螫狗吠马啮或蜘蛛咬遍身成疮腹胀大而不可治者先饮生羊乳一杯後贴此药大效及诸虫伤毒汤火漆疮下注臃疮深口内上白术细末讫後贴此药一切大小疮疔药到毒痛止排脓生肌滋润疮口愈後常贴之落後急再贴之三五次後可以灭絶癰? 妇人乳痈丸如桐子大新水下二十丸难产败血复痛每服一二十丸温水下凡贴疮先以熟汤洗去脓垢次以软帛拭乾後用此药贴之小油【八十两】 黄丹【二斤】 新柳枝【一斤】 没药

乳香【各半两】 白芨 桂 白芷 白敛

木鳖子 当归 杏仁【各一两剉如豆大】

右除乳香没药黄丹外余药浸七日炭火上用铁锅熬令药变色黄滤去不用澄清入黄丹用柳枝五寸长如钱粗搅冷黄色变褐掇锅在地又令柳枝搅令烟出尽然後入乳香没药在内柳枝搅匀候冷倾磁合内候药硬切作块乾以油纸包裹此药春三月秋八月合余月不可

白龙膏【治一切恶疮赤 疼痛】

沉香【二钱半】 白檀【一钱半】

木香【一钱半】 瓦粉【十四两】 白茯苓【一钱半】 白附子【二钱】 白芨【二钱】

白敛【半两】 白芷【一钱半】 桔梗【一钱】

防风【二钱半】 芍药【二钱半】 当归【半两】 白薇【一钱半】
白术【一钱半】 黄耆【二钱半】 川芎【一钱半】 甘草【一钱】
生地黄【一钱】 瓜蒌根【钱半】 杏仁【浸去皮尖二钱】 桑白皮【三钱】
桃仁【炮去皮二钱】 木通【钱半】 木鳖【去皮二钱半】 人参【二钱半】
独活【一钱半】 升麻【一钱半】 苦参【一钱】
槐白皮【一钱半】 零陵香【一钱半】 清油【一斤】

右剉碎油浸七日夜内银器内慢火煎候白芷黄色绵滤去澄清於磁器碗中慢火煨动次下黄蜡一十四两搅匀次下瓦粉再搅匀慢火熬成膏用时旋摊白绢上用

摩风膏【面疮一切疮疹肿毒主制并见御院方】

黄耆【一两半】 当归 芍药 白芷 杏仁

桃仁 白附 白歛 零陵香 川芎 天麻子 防风 独活 木通 龙脑

清油【一斤】 黄蜡【夏十二两冬九两半】 瓜蒌穰【一两半】

仲景治妇人陰疮蚀烂方

狼牙三个?咀水煎去粗入醋一小锤以绵滤汤沥患处四五次愈

又方以雄黄末傅之

御药大红膏

珠子青【一斤】 白胶香【二两】

右二味银铜锅内熔开慢火不可火紧绵滤过後与药同熬

当归【二两】 木鳖子【二钱碎】 小油【二两】

此三味同熬稍变色滤去粗下煎二味内搅匀下乳香【半两】 没药【三钱】

同研细再下前四味都用绵滤过锅内熬成不生手搅匀摊纸上贴之

追脓錠子

雄黄【二钱】 巴豆【一钱半】 轻粉【一钱半】

右为细末油和作饼子生面亦得

?鍼膏

雄黄【一钱】 巴豆【一钱】 蛇皮【一钱】 信霜【一钱】

右用石臼研为膏

治大小痈疔无头方

皂角刺钺不拘多少右烧存性研为末酒调服即可见烙处薄头也此药内亦可加穿山甲炮焦为末酒调服之

治下疳先用张子和泄水丸泄去其根本後用此药乾上

黄连【半两】 滑石【半两】 定粉【三钱】 蜜佗僧【二钱】

乳香【一钱】 轻粉【少许】

右细末乾上或加乾胭脂或加木香?榔

蚀恶疮方【非奇异恶疮不可用】

铜绿【二钱】 砂【一字】 石胆矾【细研半钱】

生肌药

龙骨 虎骨 乌鱼骨 白石脂 乳香

恶疮入腹心逆药食不下

豆粉【半钱】 乾胭脂【三分】 定粉【三钱】

右细末新水调下神【交】

生肌肉

乳香【一钱】 白芨【一钱】 龙骨【一钱】 凝水石【烧三钱】 滑石【一钱】
没药【一钱】

右细末洗净疮上药贴

银丝膏

乳香【一两】 水银【一两锡死】 朱砂【三钱】 膩粉【半钱】

麝香【半钱】 沥青【五两】 小油【二两】

右各研为细末定磁器内油熬沸下乳香末次下水银次下朱砂次下沥青次下轻粉次下麝香熬成膏匀倾水中洗令白色浸十日磁器内盛之绯帛摊贴

五枝膏

槐枝 榆枝 柳枝 栢枝

桑枝【已上各三寸四茎】 陈皮【二钱】 苍术【三钱】 杏仁【三十个】

巴豆【去皮十四个】 没药【一钱】 当归【三钱】 木鳖【三十个去皮】 枳殼【三钱】

赤芍药【三钱】 人参【三钱】

右咀好酒一升慢火煎令焦色滤去渣下沥青半钱黄蜡五分黄丹四两炒黑入前药同熬成膏入乳香二钱半轻粉一钱麝香半钱搅令匀帛摊贴之

治恶疮或有小虫

胆矾【一钱】 龙骨【二钱】 轻粉【一钱】 虎骨【二钱】

白矾【二钱半】 麝香【半钱】 乳香【一钱】 砂【二钱】

脑子【一钱】 土蜂窝【二钱】 露蜂窝【二钱半】 雄黄【二钱】

右为细末刺破塩水洗看紧慢上药神效

外台治恶寒嗇似欲发背或已生疮肿癰疹起方

消石【三两】

右暖水一升和消令冷取冷故青布揲三重於赤处方圆湿布搦之热即频易立差

治疥癩癬【此方汤液所载摩风膏相似】

柏苓 白胶 当归 防风 杏仁 蓖麻黄蜡 小油
铅丹【若有槐柳枝与摩风膏相似此物要较】

拈痛神应膏

乳香【研二钱】 没药【一钱研】 油【半斤】 铅丹【四两】

当归 杏仁 木鳖【各三钱】 槐枝

柳枝【各半两】

右熬成膏滴水不散放稍冷入乳没末

金丝膏

珠子青【半两】 枫油【二两】 小油【一两】

右熬成膏

肉红散

凝水石【烧粉】 黄丹

右同研细末

追脓去死肉生肌

白丁香 ?茹 雄黄【少许】

消肿痛

大黄 黄栢

右细末温水调扫凉水亦可

又方

龙骨 寒水石【烧】

右为细末先傅徧微用铜録末再傅肉自下而不成肿

丁疮肿

白殭蚕

右为细末津调涂根自出

治疮拏肉如蛇出数寸俗呼翻花疮是也硫黄研细薄傅之使缩

丁疮垂死菊花叶一握捣汁一升下口即活如神冬无叶用根

足跟疮久不愈毒气攻注

白术【不以多少为细末】

右将塩浆水温洗乾贴二日一换可以负重陟险

蚀恶疮

铜録【二钱】 砂【一字】 石胆矾【一钱】

右细末少上膏贴一法回疮加金头蜈蚣一条非久败恶勿轻用之

?榔散

治痈疽疮疖脓溃之後外触风寒肿焮结硬脓水清稀出而不絶肉湊空虚恶汁臭败疮边乾及好肌不生疗疳痿恶连滞不差下疳廉疮浸清不斂

黄连 木香 ?榔

右各等分为细末贴药

金疮痛甚者

凝水石

右生为末小油调傅若唇口肉内有伤者粉乾上之其痛立止一法内药有金头蜈蚣

治发疽发背已成疮

寒水石入轻粉上出脓

治脑疽发背不可忍者

凝水石烧粉研细上之

治破伤血不止

大竈底悬黑灰【四两】 麝香【一钱】

右碾匀先令病人惊而使之气怯速以此药上掺捻之主止不发以至乾者

治大小诸疮不可者兼至内外疔疮久不愈先以浆水温洗拭乾上药疮乾小油调涂

羌活 独活 白矾【枯各等分为细末】

治便痢外贴方

大黄 牡蛎 梔子 白芥子 小黄米面猪牙皂角

右等分细末小油调摊绯绢上贴之

治热油烫火烧疮疼不可忍

石膏捣末细研粉贴疮

治一切伤见血

寒水石细末贴疮即愈不疼

外?秘要治丁疮

磁石捣为粉好醋酢和封其根立出差

小儿丹毒

黄芩细末水调服大人小儿毒亦然

妇人饮酒食鱼兔发风等物脐下二陰俱生疮男子同治并见马齿苋青黛条下服药八正散等烧灰上疮法亦在此中

治背疮肉长疾皮不及裹见风即成肿

寒水石【烧细末研】

右微傅上再用铜绿细末微上之肉即当下皮乃及长而不作肿

蜘蛛咬徧身成疮

青?叶一茎小头作一孔盛蚯蚓一条捩两头不令透气摇动化也点咬处差

圣惠方治马咬毒入心

马齿苋煎汤食之

又方治翻花瘤

马齿苋烧灰腊猪脂调?清瘡洗疮拭乾传之日三壮者玄明泻之

王继昌方治蝎螫毒不可忍

米粉【一两】?白【三根细切】

右二味同炒焦研为细末以津唾蘸搽毒肿痛之处

外?秘要治五十年毒不愈涂熊胆取差神效诸方不及此

千金方治百虫入耳

杓菴汁灌入耳中立差亦治漆疮

又方

雄鸡冠血滴耳中立出即差

治蚰蜒入耳

酪灌耳中若入腹饮酪一升化为黄水马粪汁酪灌即差乾酪胜湿酪

治蝎蜘蛛蛇毒

鸡卵轻敲小孔合咬处即差

又蜈蚣蜘蛛毒

鸡冠血傅之

治蛇咬

男子陰毛口含二十茎咽其津毒不入腹

治下疳久不愈

橡斗子二个合成黄丹令满相和以乱髮厚纏定烧烟尽为度同研为细末先以?白热浆水洗疮脓尽次上药甚者不过三次如神

刘禹锡治牡痔酒痔肠痔血痔气痔食痔羊你痔五痔脱肛以

小 一枚指大者温用掘地坑烧之有板穴盖坑坐孔上虫尽为愈大效

医垒元戎卷十

<子部,医家类,医垒元戎>

卷十一

钦定四库全书

医垒元戎卷十一

元 王好古 撰

厥陰证 先足经从汤液 後手经从杂例

王朝奉厥陰例【此二条议论本出仲景伤寒论并金匱要略故錄於此汤液後】未厥者手足厥逆也有陰厥有阳厥误投药则死可不审乎脉滑而厥者表有寒里有热白虎汤常器之云

应下者宜用柴胡加芒硝汤此阳厥也 张翼云冷厥者四肢逆冷脉沈微而不数足多挛卧恶寒或引衣自覆也其伏热在内而厥者脉虽沈伏按之至骨而来数也其人或引饮或扬手掷足烦躁不得眠或发狂或大小便不利所见皆热证也宜随证下之假令大便难讞语发狂宜承气汤下之小便不利发黄宜茵陳蒿汤下之若善忘大便下黑物是兼有瘀血以桃仁承气汤下若发斑宜白虎汤紫雪之类若两脉俱不见者亦止以外证辨冷热也後须参以脉為準常器之云凡厥当求得病之因若初得病便四肢逆冷脉沈细而不数或身上粟起下利清谷或清便自调谓大小便如常者为寒厥也若初得病便身热头痛外别有阳证至二三日乃至四五日方发厥故须至三二日後也更以余证参之 孙兆云阳病深热而厥毕竟脉紧外证须狂语揭衣被也阴厥按之脉沈迟而形静也若证不明未辨阴阳者且与四顺丸试之是阳厥便见热证若阴厥便见寒证可渐进理中四逆也 四顺丸即理中丸加甘草一倍是也 高保义云寒厥则证多静而了了脉虽伏若实按之迟而弱也热厥则证多昏寒脉虽伏若实按之须挟数而有力也

仲景吴茱萸汤 当归四逆汤 当归四逆加吴茱萸汤 已上三药并见阴证论

活人论厥阴药 并见阴证论

正阳散【有皂荚】 霹雳散 火焰散【有腊茶】

肉桂散【有柴胡吴茱萸】 四阳丹【有茱萸蝎稍】

已上四药皆有厥阴之剂随经所宜则可

厥阴身青黑花厥一条【并见陰证略倒】

古方治头痛欲裂者【凭此药有高下之分】

右用当归一两酒一升煮取六合如心痛细末调服方寸? 小便出血细末酒煮服 治头痛不言末只言一两酒煮意在取清也治心痛言末酒谓意在取浊也乃清则行而上浊则沈而下小便出血酒煎细末比之心疼又热故入下极之分故治头治心治小便自有高低之分古人已分治之不得不辨耳

四物苍术各半汤【与活血丹相表里治四肢疼痛不能举动】

仲景治呕而脑满者茱萸汤主之

吴茱萸【一斗】 枣【二十枚】 生姜【一两】 人参【一两】

右水五升煎取三升每服七合日三如乾呕吐涎沫而头痛者亦主之
又南行竹枝主大小便卒关格不通取之度如手第二指中节含之立下出

活血丹【与四物苍术各半汤相表里治遍身骨节疼痛有神】

熟地黄【三两】 当归 白术 白芍药 续断 人参【各一两】

右细末酒糊丸桐子大

益血丹【治大便燥久虚亡血】

当归【酒浸焙】 熟地黄【各等分】

右细末炼蜜为丸弹子大细嚼酒下

四物汤例

四物汤【主治并见局方】

熟地黄 当归 芍药 川芎

右依古法多不效易老四时运气加减例与诸六合等汤十余条并见二十五论妇人 有身伤寒畜血不宜用堕胎药下之宜四物加酒浸大黄汤及生地黄下之 子母两全经云有益无损也四物与紫苏饮相合名补心汤治虚热四物与调胃承气各半为玉烛散四物与理中汤各半流湿润燥四物与缩砂四君子汤各半名八珍汤保胎气令人孕

四物胶艾汤治胎漏血崩不止

四物汤加阿胶甘草艾

右通七味治诸漏不止小产胎伤产後余血仍作坚硬子宫不闭淋血不止数月不定宜断血汤牡丹皮散主之

活人四物加减例

妊妇下血者加胶艾 热与血相搏口舌乾渴饮水加括萎麦门冬
腹中刺痛恶血不下加当归芍药血崩者加地黄蒲黄黄芩 头昏项强者加柴胡

黄芩 因热生风者加川芎柴胡防风 脏秘澁者加大黄杏仁 滑泄者加官桂附子
呕者加白术人参生姜 大渴者加知母石膏 发寒热加姜牡丹皮芍药柴胡
水停心下微吐逆者加猪苓茯苓防己 虚寒似伤寒者加人参柴胡防己

洁古老人加减法数条并见二十五论云岐子加减法并治伤寒例并见金匱玉函经

四君子汤合四物汤为八珍汤

治女子不孕癰闭遗溺噤乾女子因服热药噤乾者亦亡血损气之所致也宜八珍汤

人参 缩砂 白茯苓 甘草

麤末水煎服清

芎归汤【易?十全大补汤与校正同并见局方】

治产後去血多崩中不止去血多金疮破伤去血多牙齿去血一切伤心悬眩暈目暗耳聋举
头欲倒当归 川芎【各三两】

右水四升煮取二升去查分作二盏血定後次第汤药治之

保安汤

缩砂 甘草 与四物汤各半是也

四君子汤

人参 白术 茯苓 甘草

右四君子汤当在太阴证後条下 四君子汤加半夏附子桂为大半夏汤

四物加桂汤与海藏黄耆汤各半同十全散加桂附子芍药为附子汤

百合四君子汤治老弱虚人不能眠 易老八物汤并见证二十五条黄芩芍药汤治血不止
四物胶艾汤药内有甘草 易?芎归汤 产妇诸证各随六经以四物汤与仲景药各半服之其
效如神四物汤与桂枝麻黄白虎柴胡理中四逆茱萸承气凉膈等皆可作各半汤
此易老用药大略

当归地黄丸【安胎补虚】

当归【酒浸】 地黄【酒煮】

蜜丸桐子大酒下食前

四物二连汤

治男子妇人五心烦热或因伤酒或因产亡血或劳虚发热之症并治之

四物汤加黄连 胡黄连【各等分】

右?咀每服三钱水二盏煎至八分温饮清或为细末蜜丸桐子大每服二十丸临卧温水下地
黄须用生者

四神散【治妇人血气心腹痛不可忍者】

当归 芍药 川芎【各一两】 乾姜【炮半两】

右细末热酒调服三钱

二补丹【治妇人男子便栗久虚气血俱亡】

苍术 熟地黄【等分】

右细末蜜丸桐子大空心酒下

地黄膏子煎

十月采地黄二十五斤取自然汁以木炭火一十八斤熬成膏点服与苍术煎合点服尤佳

真降心丹【并见局方】

易?增损四物汤

治妇人血气不足四肢怠惰乏力少气兼治产後下血过多荣卫虚损陰阳不和乍寒乍热并宜治之当归 川芎 芍药 人参 乾姜

甘草【各等分】

右?咀每服四钱水一盞煎至六分去查温服若产後寒热腹中刺痛则有败血当服五积散醋煎及大圣散之类若所下过多犹有刺痛亦宜服上二药一方治经血凝滯腹中血气作疼用四物汤加白术官桂等分名六合汤

一方治下血不止及妊妇胎动加熟艾乾姜甘草阿胶黄芩等分名胶艾汤

一方治血痢加胶艾 治产後血燔口乾烦渴加括萎麦门冬 烦热小便澀大便秘加大黄桃仁两胁胀加厚朴枳实虚烦不得睡加竹叶人参大渴烦躁加知母石膏

一方治妇人血虚心腹?痛不可忍者去地黄加乾姜名曰四神汤 大率产後不问下血多少须日进黑神散三服下血少者以大圣散间之至二服以後腹内若急疼痛方服四物汤建中汤之类若早服之则补住败血为後患不浅黑神大圣非逐血药但能推陈致新多服不妨今人往往疑其逐血性寒则不省其用药可见矣若恶血去多徐徐补之亦不为晚不可姑息以貽後患且如古方用四顺理中凡为产後进食之剂既用蜜丸又倍甘草甘甜特甚岂能快脾不若只用理中汤少损甘草素有痰饮者二陈汤之类服之为佳且如妊妇恶阻古方有茯苓丸内有地黄竹茹川芎辈能定呕服之则愈见增剧大抵恶阻皆由素有痰饮以致之可用二陈汤改名小茯苓汤用之极效不可不知也

易?芎归汤

治一切去血过多眩运闷絕不省人事伤胎去血产後去血崩中去血拔牙去血金疮去血不止者心烦眩晕头重目暗耳聋举头欲倒悉能治之

川芎 当归【各等分】

右?咀每服四钱水一盞半煎至七分去查热服无时 若产後眩晕宜加芍药服之 不因去血过多则是痰饮眩晕宜用二陈汤四七汤之类各见本方芎归汤其名甚多一名桂香散治产後腹痛不可

忍者加官桂等分酒与小便合煎服之立效 一名当归汤治妊妇或子死或不死胎动每服用水酒合煎连进数服胎若已死服之即下若未死者其胎即安此药累用之万无一失

一方佛手散治产後胎前腹痛体热兼治产後诸疾逐败血生新血 一方羊肉汤治虚损羸乏腹中疼痛往来寒热吸吸少气不能支持头眩自汗腹内抝急每服加精羊肉一两生姜十片

水二盞煎至六分 一名琥珀散臨月服之則縮胎易產
萬口君臣散治室女婦人心腹疼痛經脈不調用水煎服 妊婦胎氣不安產後諸疾加酒煎服
難產倒橫子死腹中先用黑豆一大合炒熟水與小便同煎連進數服即效 產後多用百草霜
香白芷等分為末每服二錢童子小便好醋各一合沸湯浸服一服見效甚者兩服以分免矣
一法五積散加醋煎服亦能催生產後惡血注心迷亂喘急心脇作痛亦用黑豆加生姜自然
汁半合煎服此兼治腸風疰毒每服加槐花末半錢服之三日取下血塊即愈吐血亦宜服產
後頭痛加荊芥煎 若崩中漏下失血過多少不能止服煎藥不效者用香附子炒去皮毛每服
一兩入甘草一錢沸湯點服仍用震靈丹閑之 有白帶者加芍藥半兩則以白丹閑之
一法治赤白帶下用芍藥乾姜等分為末米飲調下久久服之皆能作效
或謂香附子耗氣則不然此藥資血養氣婦人之仙藥雖羸劣之人猶宜服之

易?熟地黃丸【與校正同主治修制并見局方】

白芍藥散【治婦人赤白帶下臍腹疼痛有神】

白芍藥【二兩】 乾姜【半兩】

右為細末每服三錢空心溫米湯調下晚又進一服十日作效

溫六湯

四物湯加羌活等分 一本加白朮茯苓 海藏改正上五味只兼蒼朮相拌治諸痛有神

又方與白朮相拌和

天麻 茯苓 穿山甲

右別為細末酒煮或調服亦可

羌活龍胆湯【治目赤暴發云翳疼痛不可忍】

右四物各半兩加 羌活 防風【各三錢】 草龍胆防己【各二錢】

不犯鐵器杵為細末水煎服

地黃膏子丸

治男子婦人臍下奔豚氣塊小腹疼痛卵痛即控辜相似或微腫陰上腫心腹不可忍者宜煎
後藥血竭 沈香 木香 廣茂【故】 玄胡 蛤蚧 人參 當歸 川楝【麩炒】 芍藥 川芎

续断白术 全蝎【炒】 柴胡 茴香【炒】 没药【已上分两不定随人加減用之】

多气者加青皮陈皮多血者加肉桂吴茱萸

右同为细末地黄膏子丸桐子大空心温酒下二十丸每日加一丸加至三十丸

神方验胎散

妇人三二个月经血不行疑似双身却疑血滞心烦寒热恍惚此药可验取之内也外以身病急邪脉素问脉推之十得八九矣

真雀脑芎【一两】 当归【全用重两者只用七钱】

右二味为细末合作一服浓煎好艾汤一盞调下或好酒调服亦得可待三两个时辰间觉脐腹微动仍频即有胎也动罢即愈安稳而无虞如不是胎即血滞恶物行过母亦安也如服药後不觉效再煎红花汤下必有神效

灵苑丹【治妇人血脉经住三月验胎法】

真川芎【不以多少】

右为细末浓煎艾汤下一? 腹内微动是有胎也

治崩不定或淋漓年久者

白矾【溶开成汁一两】 没药【一钱】 硃砂【半钱】 黄丹【半钱】

右件将白矾溶开成汁下余药细末一处搅匀就成丸子如弹子大每服一丸新绵裹定内陰中立效

妇人月事不至是为胎闭为血不足宜服四物汤妇人崩者是为血有余也亦服四物汤者何也答曰妇人月事不至者内损其源不能生故胞闭不通是血不足宜服四物汤是益原和血之药也妇人崩中者是血多也暴损其原是火逼妄行涸竭为枯亦宜四物汤是润燥益原之药也

素问曰诸水病者故不得卧卧则惊惊则欬甚也腹中鸣者病本於胃也薄脾不烦则能饮食不下者胃脘膈也身重难久行者胃募在足也月事不来者胞络闭也胞络虽属心而格於胞中令气上逼肺心气不得下通故月事不来也

易简惺惺散【并见前太阴证】

即四君子汤加 木香 藿香 乾葛

治小儿泄泻胃热烦渴不问阴阳此一法与钱氏意同实则泄其子上逆行而南故白术茯苓之类

保安汤【治药其揭刺胎动不安】

黄芩 缩砂 酒水煎服

海藏当归丸【治三阴受邪心脐小腹疼痛黄肿等】

右四物汤各半两加防风半两 独活【半两】

续断【一两】 全蝎【半两】 苦楝【七钱】 玄胡【七钱】

木香【一钱半】 丁香【二钱半】 茴香【一两炒】

同为细末酒糊丸空心温酒下三五十丸大效

易简酒煮当归丸【主治并见活法机要】

千金白垩丸

治经水适来适断多少不匀淋漓不断脐腹腰痛虚弱不食经水或青黄黑色临经肢体沉重

白垩 白石脂 牡蛎 禹余粮 乌鱼骨 龙骨 细辛【各二钱】 当归 茯苓 乾姜

黄连 桂心 人参 瞿麦 石苇

白芷 白斂 附子 甘草【炙各四钱】 芍药【四钱】

细末蜜丸桐子大空心酒下十丸日进三服至候来时日四五服

加減白垩丸【前药内加】

藁本 甘草 大黄【各二两】

若十二症倍

牡蛎 禹余粮 乌鱼骨 白石脂 龙骨

若九痛倍

白斂 甘草 当归 黄连

若七害倍

细辛 藁本 甘草 花椒 茺萸

若五伤邪者倍

大黄 石苇 瞿麦

若三痼倍

人参 白矾 巴戟 赤石脂 【各二分】

右各随证加减主治并见金匱

十全溥救方 【治横生产难】

蛇皮一条瓶子内盐泥固济烧黑存性每服二钱榆白皮汤调服立效

产书云治产不顺手足先见者蛇皮烧灰研面东酒服一钱半更以药末傅手足即顺生也

王绍顔信效方云顷年得腰膝痛不可忍医以肾风攻刺诸药不效见传信方有此验立制一剂神效故録之

海桐皮 【二两】 牛膝 【一两】 川芎 【一两】 羌活 【一两】

地骨皮 【一两】 甘草 【半两】 五加皮 【一两】 薏苡仁 【一两】 生地黄 【十两】

右九物净洗焙乾细剉生地黄以芦刀子切用绵一两都包裹入无灰酒二斗浸冬二七日夏七日候熟空心饮一杯或控乾焙末蜜丸亦得

苦楝丸 【治夺脉小腹痛神效】

川楝子 茴香【各二两】 附子【一两焙去皮】

右三味酒二升煮尽为度焙乾细末之每秤药味一两入玄胡索半两全蝎一十八个炒丁香一十八个别为末二味匀酒糊丸桐子大温酒下五十丸空心服痛甚加当归煎酒下

茴香汤

茴香【九钱二分】 苦楝【三钱二分】 甘草【一两一钱】
盐【一两七钱一分已上四味炒熟】 陈皮【二钱二分去白秤】

右细末空心点服

四圣散

茴香【炒】 苦楝【麸炒】 全蝎【炒】 胡椒【量情加減】

右细末盐汤点服一法加玄胡木香寒者加桂附

又方破圣散

破故纸【二两】 萝卜子【一两】

右细末皂角水丸桐子大盐汤下三五十丸

茴香散

茴香【一两】 巴豆【七个去皮油】

右二味同炒茴香黄色去豆不用好纸上铺药以盆合之一宿去火毒为末每服三钱酒调下酒糊丸亦得

钱氏捻头散

又茴香丸茴香良姜肉桂苍术酒糊丸

仲景疗狐疝气偏有大小时时上下者蜘蛛散主之

蜘蛛【十四枚焦炒】 桂【半两要入厥阴取其肉厚者】

右为散每服一钱?蜜丸亦可 雷公云凡使勿用五色者兼身上有刺毛生者并薄小者已上并不堪用凡须屋西南有?身小尻大腹内有苍黄脓者真也凡用去头足了碾如膏投药中用此除毒之法若仲景炒焦用全无碍 陶居士云取其网着衣领中辟忘诗蠪蛸在户正谓此也千金治人心孔昏塞多忘善惧七月七日取蜘蛛着衣领中勿使人知则永不忘也 狐之名夜伏而昼见以其疝气处厥阴中分即人之阴募隐奥之所故以狐疝名焉辜即病之名卵即其名也经亦以控卵称之又作凡肿呼之太阳受寒血凝为瘕太阴受寒气聚为疝小儿疝

气偏大如石厥阴之分亦太阴主之故带之为病太阴主之以灸章门三穴麦粒大各三壮效

集验方【治男子阴肿如斗大并核肿痛人所不能治】

右蔓青根捣傅於肿处

八风五痹

黄帝问曰风之伤于人也或为寒热或为寒中或为热中或为厉风或为偏枯均为风也其病各异其名不同或内至五脏六腑不知其解愿闻其故岐伯对曰风气藏于皮肤之间内不得通外不得泄风者善行而数变腠理开则洒然寒闭则絶热而闷其寒也则褰衣食饮其热也则消肌肉故使人怯栗而不能食名曰寒热风气与阳明入胃循脉而上至目内皆其人肥则风气不得外泄为热而自黄人瘦则外泄而为寒中而泣出

风随四时各入五脏为名各入其门户所中为偏风

风气循风腑而上为脑风风入系头为目风眼寒入房汗出中风为内风 饮酒中风为漏风

新浴中风为首风 在外腠理为泄风 久风入中为肠风飧泄

肺风多汗恶风时欬短气暴甚昼差诊在眉色白 心风焦絶善怒言不可快诊在口色赤

肝风善悲色苍嗌乾憎女子诊在目下色青 脾风怠惰四肢不欲动不嗜饮食诊在鼻色黄

肾风面靡然浮肿脊痛不可正立隐曲不利诊在肌色黑

胃风头汗多恶风饮食不下膈塞不通腹满失衣食寒则泄诊在形衰而腹大 首风头面多汗恶风先一日病甚头痛至其风日却少瘥漏风多汗不可单衣食则汗出身体自汗恶风衣

濡渴不奈劳也 泄风多汗恶风汗出泄衣口乾上渍风不能劳事身尽疼痛则寒

古中风之病至而治之汤泄十日以去八风五痹之病

八风谓八方之风五痹谓皮肉筋骨脉之痹也 灵枢经曰风从东方来名曰婴儿风其伤人也内舍於肝外在於筋风从东南来名曰弱风其伤人也内舍於胃外在

於肌 风从南来名曰大弱风其伤人也内舍於心外在於脉

风从西南来名曰谋风其伤人也内舍於脾外在於肉

风从西方来名曰刚风其伤人也内舍於肺外在於皮

风从西北方来名曰折风其伤人也外在於手太阳之脉内舍於小肠 风从北方来名曰大刚风其伤人也内舍於肾外在於骨风从东北方来名曰凶风其伤人也内舍於大肠外在於腋

胁又脾论曰以春甲乙日伤於风者为筋痹以夏丙丁日伤於风者为脉痹以秋庚辛日伤於风者为皮痹以冬壬癸日伤於风者为骨痹以至阴遇此者为肉痹此所谓八风五痹之病也

按新拔正云按此注引痹论今经中痹论不如此当云风论曰以春甲乙日伤於风者为肝风以夏丙丁日伤於风者为心风以季夏戊己日伤於风者为脾风以秋庚辛日伤於风者为肺风以冬壬癸日伤於风者为肾风 痹论曰风寒湿三气杂至合而成痹以冬遇此者为骨痹以春遇此者为筋痹以夏遇此者为脉痹以至阴遇此者为肉痹以秋遇此者为皮痹 气血云帝曰余已知风穴之处游针之居愿闻孙络谿谷亦有所应乎岐伯曰孙络三百六十五穴会亦有应一岁有溢奇邪以通荣卫稽留卫散荣溢气竭无着外为发热内为少气疾泻急怠以通荣卫见而泻之其间所会 帝曰愿闻谿谷之会岐伯曰肉之大会为谷小会为谿肉分之间谿谷之会以行荣卫以会大风邪溢气壅脉热内败荣卫不行必将为脓肉消骨髓外破大髓流於节腠必将为败积寒留舍荣卫不居卷内缩筋肋肘不得伸内为骨痹外为不仁命曰不足大寒留於谿谷也谿谷三百六十五穴会亦应一岁其小痹淫溢循脉往来微针所及与法同源痹在皮寒在脉血凝在筋屈不伸在骨重在肉不仁在皮肤易已在筋骨疼入肠则死阳多阴少为热痹阴多阳少为寒痹阳少阴盛汗出为濡肌痹至阴遇此也五痹不已重感於邪内舍於脏各有所归淫溢之气妄行随脏所主而入为痹也行痹风胜周痹热胜着痹湿胜痛痹寒胜诸痹不已亦益内也下有胞痹等当在此下

八风五痹

筋痹春遇 脉痹夏遇 皮痹秋遇 骨痹冬遇头风 脑风 迎风发大寒脑痛漏风酒消 瘧风成癰伏梁为风根 寢汗憎风 胞痹 肠痹热痹当在五痹下

四时之正气八节之风来朝天乙风气安静乃可利经脉调血气故历志忌之八节前後各五日不可灸刺风朝太乙具见天元玉册八正者所以候八风之虚邪以时至者也 四时者所以分春夏秋冬之气所以在时调之八正之虚邪而避之物犯也以身之虚逢天之虚两虚相感其气至骨入则伤五脏故曰天忌君子不可不知也

海藏云岂特八风而已凡遇七十二候中诸节候之气寒暑温凉应尔其变异常者可避忌之酒湿之为病亦能作痹证口眼喎斜体曳半身不遂浑似中风舌语不正当泄湿毒不可作风病治之而苦汗也衍义所论甚当易简所言与此相同见参苏饮条下

八风散

治八风十二痹腰腿病半身不遂节痛皮瞶筋缓急痛不在一处目眩失神恍惚妄言身上?癰面上疱起黄汗染燥湿不等顔色乍赤乍白乍青乍黑乍寒乍热身反张一切等证

麻黄 白术【各一斤】括萎根 甘草 蔓荆

天雄 白芷 防风 芍药 石膏

天门冬【各十两】 羌活【二斤】 黄芩【一斤三两】

山茱萸 食茱萸【二斤】 踯躅花【二斤】

茵陈【十四两】 大黄【半斤】 细辛 乾姜 桂心【各二两】 丹参 雄黄
朱砂【各一两另碾】

右二十五味为散酒服方寸匕日一服一月後再五十日知一日日差一岁可常服先食

患热风者先治热毒治四肢不收不能用力失神不知人合三汁法

竹沥汁 生葛汁【各一升】 生姜汁【三合】

右三味相合温煖分三服平旦日晡各一服讫觉四肢有异风疾人多慾者加薏苡仁人参不能屈伸者加牛膝文潞公药準所载外台荆沥竹沥法并大续命後竹沥法并见前

四季之风其伤人也各舍本藏先外後内难经云妄不受邪者乃是也

金匱要略中风历节病脉证治【後代明医诸书所说皆取此为法】夫风之为病半身不遂或但臂不遂者此为痹脉微数中风使然寸口脉浮而紧紧则为寒浮则为虚寒则搏邪在皮肤浮者血虚脉络空虚邪贼不浮或左右邪气反缓正气即急正气引邪喎僻不遂邪在於络肌肤不仁邪在於经即重不胜邪入於腑则不识人邪入於脏则舌强难言口吐涎沫

侯氏黑散【外台治风痼治大风四肢烦重心中恶寒不足者】

菊花【四分】 白术【十八两】 细辛【五分】 牡蛎【烧三分】 桔梗【八分】
防风【十八两】 人参【三分】 白矾【枯三分】 黄芩【五两】 当归【十八两】
乾姜【三分】 川芎【三分】

桂枝【去皮三分】 茯苓【去皮三分】

右十四味为散酒服方寸匕日一服初服二十日温酒下之禁一切鱼肉大蒜当宜冷食六十日止即药查在腹中不下也热食即下矣冷食自能助药【外台有钟乳二分无桔梗】

主癰癰方

大黄 乾姜 龙骨【各四两】 桂枝【去皮一两】

甘草【炙二两】 牡蛎【烧二两】 滑石 石膏

凝水石 赤石脂 紫石英 白石脂【各四两】

右十二味杵龕筛以韦囊盛之取三指撮井花水三升煮三沸去粗温服一升深师云大人风强少水惊癇瘈瘲日数十发医所不治除热方效宜风引也

防己地黄汤

治病如强状妄行独语不休无寒热其脉浮者防己【一分】 桂枝【去皮三分】 防风【三分】 甘草【炙二分】

右四味?咀以酒一杯渍之一宿绞取汁取生地黄二斤?咀蒸之如粟米烂饭以铜器盛其汁更绞地黄等汁和分再服

头风摩散方

大附子【炮去皮脐】 盐【各等分】

右二味为散沐了以方寸?摩脐上令药行

寸口脉浮而弱沈即主筋浮即主肾弱即主肺出入水中如水浮心历节黄汗出故曰历节

少阳脉浮而滑滑则谷气实浮则汗自出少阴脉浮而弱则血不足浮则为风血风相搏即疼如掣盛人脉濇小短气自汗出历节疼不可屈伸此皆饮酒汗出当风所致节即疼身体块癰脚肿如脱头眩短气温温欲吐者以

桂枝芍药知母汤主之

桂枝【四两去皮】 芍药【三两】 甘草【炙二两】 麻黄【一两去节】 白术【五两】 防风【四两】 生姜【五两切】 川子【三两炮去皮脐】 知母【四两】

右?咀以水七升煮取三升去粗温服七合日三服

乌头汤治历节疼痛不可屈伸

乌头【?咀以蜜三升煎至一升即取乌头】 甘草【炙一两】 麻黄【去节】 芍药 黄芪【各二两】

右四味?咀以水三升煮取一升去查内蜜煎熟温服七合不知再服之

治脚气冲心方

右以矾石二两将水一升五合煎数沸浸脚良

附方续命汤

治中风排身不能自收口不能言冒昧不知痛处或拘急不得转侧

麻黄【三两去节】 桂枝【去皮】 当归 人参 乾姜石膏【碎绵裹】
甘草【炙各三两】 川芎【一两】 杏仁【十四枚去皮尖】

右九味?咀水一斗煮取四升去查温服一升当小汗薄覆被凭几坐汗出即愈不汗更服无所
禁勿当风 姚云与大续命汤同兼治妇人产後去血者及老人小儿尤宜服
并治但伏不得卧欬逆上气面目浮肿古今録验方 范汪云是仲景方欠两味

三黄汤

治中风手足拘急百节疼痛烦热心乱恶寒不下食麻黄【去节五分】 独活【四分】
细辛【二分】 黄芩【二分】

黄芩【三分】

右五味?咀以水七升煮取二升去查分温三服一服小汗两服大汗心热加大黄二分腹痛加
枳实一枚气逆加人参三分悸加牡蛎三分渴加括蒌根三分先有寒加附子一枚【见千金
方】

八味丸

治风虚头眩苦极口不知味腹饥温中益精气附子汤方见风湿中见近效治脚气上入小腹
不仁熟地黄【八两】 薯蓣【四两】 泽泻【二两】 山茱萸【四两】 牡丹皮【二两】
桂枝【去皮三两】 茯苓【三两】 附子【去皮脐三两】

细末炼蜜丸桐子大酒下十五丸日再服加至二十五丸【易催氏】

越婢加术汤

治内极热则身体津脱腠理开汗大濡厉风下焦脚气并治之

麻黄【去节六两】 石膏【半斤】 生姜【三两切】 甘草【炙二两】 大枣【十枚擘】

白朮【四兩】

右六味以水六升先煮麻黃再沸去上沫內諸藥煮取三升去查分溫三服惡風加附子一枚炮【見千金方】

風癇例

經云因母腹中感驚風氣而得後成人至欲壯才發是其源也

五癇五獸

犬癇反折上竄犬叫肝也 鷄癇驚跳反折鷄叫肺也 羊癇目瞪吐舌羊叫心也
蛇癇弄舌搖頭心也 牛癇目直視腹滿牛叫脾也 豬癇如尸吐沫豬叫腎也
已上五癇重者死病侈甚者亦死 錢氏云大喜後食乳食多成驚癇 大哭後食乳食多成吐瀉
服冷乳則青 食熱乳則瀉黃 男發搐目左視無聲右視有聲
女發搐目右視無聲左視有聲相勝故也別有發時証

炒香丸【并見局方】

後有蝎稍丸 一名靈砂歸命丹

治小兒每一粒分作一十五丸每服二丸蜜水下此治脈有力內熱無力外寒五生丸治之

鶴頂丹 朱砂丸 錢氏抱龍丸 錢氏安神丸【主治并見本方】 山藥 牙硝 龍腦 麥門冬

凝水石

東垣先生彌珠丹【治老人虛熱皮燥不食安神】

人參 沈香

局方甘露丸【主治并見本條】

至寶丹 治命金丹 不換金丹 蝎稍丸 軟金丸【并見王疔大通癰本方後】

易簡三生飲

治卒中昏不知人事口眼歪斜半身不遂咽喉作聲痰氣上壅無問外感寒內傷喜怒或六脈沈伏或指下浮盛并宜服之兼治痰厥飲厥及氣虛眩暈悉有神效但口開手散眼合遺尿聲

如鼽鼻者并难治疗南星【一两】 川乌【半两】 生附【半两】 木香【一分】

右?咀每服半两水二盏姜十片煎至六分去查温服或口禁不省人事者用细辛皂角各少许为细末以芦管吹入鼻中候喷 其人少苏然後进药痰涎壅盛者每服加全蝎四枚仍用养正丹镇坠之一法气盛人止用南星半两木香一钱加生姜七片煎名星香散一法气虚人用生附子并木香如前数煎名附香饮亦有天雄代附子者并治卒中始作无不尅效 因气中以净汤化苏合香丸乘热灌服仍用前药汁浓磨沉香一呷许再煎一沸服之候服前药已定审其的然是风方用醒风汤小续命汤之类 中寒只用附子理中汤姜附汤 中湿则白术酒术附汤之类皆可用 中暑不録於此痰饮厥逆气虚眩晕止守本方

五生丸【李仲南传治痛有神】

南星 半夏 川乌 白附子【各一两】

大豆【去皮秤一钱半】

右细末滴水为丸桐子大每服三丸至五丸不得过七丸姜汤下

局方生白丸【治风大痛筋脉挛急】

白附子【三两】 南星【三两】 半夏【七两】

川芎【半两已上?咀银器磁器内将水煮五沸取出焙乾用】

右细末糯米面糊为丸如桐子大生姜汤下二十丸不拘时

局方青州白丸子

治男子妇人半身不遂手足顽麻口眼喎斜痰涎壅塞一切风病他药所不能疗者小儿惊风大人头风洗头风妇人血气并宜治之

南星【三两生用】 半夏【水泡七两生用】 白附子【二两生用】

川乌【生去皮脐半两】

右捣罗极细末以生绢囊盛用井花水未去者更以手揉令出如有查更研收入绢袋摆尽为度於磁盆中日晒夜露至晚弃水别用井花水搅又摆至来日早再换新水搅如此春五日夏三秋七冬十日去水晒乾後如玉片碎碾以糯米粉煎粥清为丸如菉豆大初服五丸加三服至三日後浴当有汗便能舒展服经三五日呵欠是应常服十粒以来亦无痰膈塞之患小儿惊风薄荷汤下三两丸

易简青州白丸子【主治修制并见本方】

南星 白附子 半夏 川乌

右每服五十丸生姜汤下此药本方所服丸数极少恐难愈病今加数服之咳嗽痰实咽喉作声老人小儿宜加服之 一切痰涎为患及中风偏废之疾常服悉有神效

若小儿泻後发热多作慢惊常杂以金液丹用之甚验

男子妇人小儿小便白浊及思念过多致阴阳不清清浊相干此药极能分利 若心多惊悸夜卧不宁或复健忘甚者状如癲癇皆由心气鬱结或思虑伤脾致痰饮为患迷乱心经之所致也不宜遽用凉心之剂当服此用温胆汤佐之若心中怔忡嘈杂晕眩头目昏沈肌肉瞤动颈项强痛四肢酸痛手足战曳甚者半身不遂多因痰饮使然若例作心病风病并寒湿治之恐非其宜亦当用之仍以利痰饮之剂服无不应手而愈一方用南星白附子等分半夏倍之滴水为丸服之亦效

白茯苓丸【此皆治癲症】

南星 半夏 白术 白附子 茯苓 白矾

右细末生姜汁滴丸菉豆大生姜汤下二三十丸无时

二白丸【此二味互分温凉不可不察】

白矾【一块约一两许】

右用生蒸饼裹蒸熟去皮临丸入轻粉一字或半钱量虚实加减丸桐子大每服二三十丸姜汤下小儿丸小

小灵宝丹

附子【炮二两】 天麻 全蝎 白僵蚕【炒】

藿香叶 南星【炮】 白附子【炮各半两】

右细末酒糊丸桐子大温酒下十五丸

灵宝丹又有草乌黑豆制谓之穷灵宝丹

枸杞丸

枸杞【真者一两】 姜屑【一两】 半夏 天麻

白矾【各一两】

右为细末好酒和作团以生蒸饼剂裹药蒸熟去上薄皮捣和匀如硬酒酒些小可丸

治瘤方治太阳阳明二经为病

荆芥穗【四两】 白矾【三两为细末】

右枣肉丸桐子大每服二十丸荆芥汤下次服三十丸次服四十丸次服五十丸食前

食疗云蛇脱皮主去风邪明目治小儿一百二十种惊瘤寒热肠痔蛊毒恶疮安胎熬用治蛇瘤弄舌摇头者宜用全脱也

狂邪颠瘤常欲卧眠自贤自智骄居妄行一体方【此能安脏下气】

右用白雄鸡一只煮熟五味调和作羹粥食之

古镜味辛无毒主惊瘤邪气小儿诸恶疾煮取汁和诸药煮服之文字弥古者尤佳

南星半夏例

加黄芩为小黄丸 加人参苦葶苈为定喘丸

又一法加朱砂煮半夏白附子糊丸桐子大每服十五丸生姜汤下薄荷汤亦可

易简红丸子【修合治疗之法并见局方】

蓬术 三棱 橘皮 青皮 胡椒 乾姜 阿魏 矾红

右每服六十丸姜汤咽下大治大人小儿脾胃之证极有神效但三棱蓬术本能破症消癖其性猛烈人不以此为常服之剂然今所用者以生产之处隔札二药不得其真乃以红蒲根之类代之性虽相近而功力不同应老弱虚人小儿妊妇以其治病不能伤耗真气但服之兼疑此药须是合令臻至用好米醋煮陈米粉为丸若修合之时当去阿魏矾红小橘皮煎治寻常饮食所伤中脘痞满服之应手而愈 大病之後谷食难化及治中脘停醋并生姜汤下脾寒疟疾生姜橘皮汤下

心腹胀痛紫苏橘皮汤下脾寒作楚菖蒲汤下酒疸谷疸遍身昏黄大麦汤

下两胁引乳痛沈香汤下酒积食积面黄腹胀时或乾呕煨姜汤下妇人脾血作楚及血症气块经血不调或过时不来并用醋汤咽下寒热往来者尤宜服之

产後状如颠癇者此乃败血上攻迷乱心神所致当以此药热醋汤下其效尤速 男子妇人有癲之患者未必皆因心经蓄热亦有因胆气不舒遂致痰饮上迷心窍故成斯疾若服凉剂过多则愈见昏乱当以此药衣以辰砂用橘叶煎汤咽下名小镇心丸 妊妇恶阻呕吐全不纳食百药不治惟此最妙乃佐二陈汤服之但人疑其堕胎必不信服每易名用之时有神效但恐妊妇服之此後偶尔损动必归於此药故不敢极言其效

局方红丸子

治丈夫脾积滞气胸膈满闷面黄腹大四肢无力酒积不食乾呕不止皆脾连心胞及两乳痛妇人脾血积气诸般血症气块及小儿食积骨瘦面黄腹胀气息不嗜饮食渐成脾劳不拘老幼并宜服之

广茂【五斤】 青皮【五斤】 胡椒【三斤】 乾姜【三斤】

陈皮【四斤去白?淨】 京三棱【三斤水浸令软切作片子】

右件六味并为细末醋糊丸桐子大矾红为衣每服三十丸食後姜汤下小儿临时加減与之

局方苏合香丸

疗传屍骨蒸殭殭肺痿痙忤鬼气卒心痛霍乱吐利时气鬼魅瘴疰赤白暴利厥血目闭痙癖疗肿惊癇鬼忤中人小儿吐乳大人狐惑等病

苏合香油【一两入安息膏内】 白术【二两】 青木香【二两】 朱砂【二两碾水飞】
白檀【剉三两】 薰陆香【另研一两】 沈香【二两】 乌犀【锡屑二两】
安息香【二两】 无灰酒【一斤熬膏】 香附子【二两去皮】 诃梨勒【三两煨去皮】

龙脑【一两研】 麝香【一两】 茈拔【三两】

右细末入研药匀用安息香膏并炼白蜜和剂每服施元桐子大早取井花水温冷任意化服四丸老人小儿可服一丸温酒化服空心服之用蜡纸裹一丸如弹子大绯绢袋当心带之一切邪神不敢近

易简苏合香丸【主治修制并见前局方】

每服一二丸沸汤少许化服治卒中昏不知人事及霍乱不止及心腹撮痛鬼疰客忤癲癇惊怖或癲扑伤损气晕欲倒凡是仓卒之患悉能治疗随身不可暂阙辟诸恶气并御山岚瘴气

无以踰此若吊丧问疾之处尤不可无但市肆所卖多用脑子当以火上焙去烈气以酒调服若用心过度夜卧不安尤宜服功效不可具述

返魂丹

治小儿诸风癲癇潮发痙瘓口眼相引项背强直身关紧急目睛上视及诸病久虚变生虚风多睡皆因荏苒不解宜服之

乌犀【锡屑二两】水银【半两】天麻【酒洗切焙】栝榔【各半两】僵蚕【去丝嘴微炒】硫黄【半两为末明磁盏慢火养却入水银急炒去青成砂要知紧慢】独活【去芦】川乌【烧通赤焰烟少许合旧绢上卷之冷倾出】乾蝎【炙】萆拔【各一两】肉桂【去麤皮】防风【去芦】沈香槐胶当归【去芦酒浸切焙炒黄】细辛【根】天南星【汤洗姜自然汁煮软细切焙乾炒黄】阿胶【杵碎蛤粉炒如珠子】藿香叶【去梗土】乌蛇【酒浸一宿炙令热去皮骨用肉】白花蛇【酒浸一宿炙令热去皮骨用肉】羌活【去芦】白附子【炮一两】麻黄【去根节】半夏【汤泡姜汁浸三宿炒黄】羚羊角【镑】陈皮【去白已上各一两】天竺黄【研】

木香人参【去芦】乾姜【炮】茯苓【去皮】蔓荆子【去白皮】晚蚕纸【微炒】?本【去土】败龟板【醋酒涂炙黄】桑螵蛸【炒】白芷何首乌【米汤浸煮炮乾】虎骨【醋酒涂炙黄】缩砂仁丁香白术【泔浸一宿切焙乾】枳殼【去白麸炒】厚朴【去麤皮姜汁涂炙令熟已上各三分】蝉殼【去土炒】川芎

附子【水浸泡去皮尖】石斛【去根剉】肉豆?【去殼炒】龙脑【另研】牛黄【研】朱砂【研水飞】雄黄【研水飞各一两】麝香【另研一钱】乌鷄【一只去嘴翅足】狐肝【三具已上二味腊月内瓦瓯盆盖固济木炭烧赤取出研极细】金箔【二十个为衣】

右药五十八味并须如法制造杵令细炼蜜和合入酥即捣二三千杵丸如桐子大金箔为衣每一岁儿温薄荷自然汁化下无时

八风例

海藏云挠万物者莫疾乎风风者百病之长善行而数变冲荡吹击而无穷从前来者为虚邪从後来者为实邪自病者为正邪假令春得金风是为贼邪非牕牖之风为贼风也故古人云虚邪贼风避之有则

局方入风丹

半夏【白矾制一两】白僵蚕【炒】白附子【炮各五钱】

天麻【酒浸】 麝香【研各二钱半】 寒水石【烧赤水飞半斤】

右细末入碾药再碾匀炼蜜丸樱桃大细嚼一丸荆芥汤茶汤任下食後服

辰砂天麻丸

天麻【二两】 南星【二两姜汁浸切片】 川芎【二钱半】

白附子【炮五钱】 白芷【一钱八分半】

麝香【三钱二分半】 辰砂【五钱一分半入药一半为衣】

右细末水糊丸桐子大荆芥汤下二十丸无时

辰砂丸【治心热惊风痰涎壅塞】

辰砂【半两】 半夏【汤洗一两】

蝎稍【焙一钱】 白附子【焙二钱半】 白僵蚕【炒二钱】 牛黄【一钱】

硼砂【一钱研】

右细末糊丸桐子大生姜荆芥汤下二十丸无时

麝香全蝎散【治小儿惊痫】

麝香 朱砂【各半钱七】 全蝎【一个大者】

右三味碾烂热酒调下空心

立应散【治急慢惊风】

麝香【少许】 蝎稍【二钱】 金头蜈蚣【分开曝乾】

右为细末鼻内?随左右用之

徐老丸【权药皆生用常服皆制】

南星 半夏 蛤粉 白矾 乾姜 大黄 黄连 黄蘗 牵牛

解语丸【治中风言语造次不正】

白附子 石菖蒲 远志 全蝎 羌活

天麻 南星 白僵蚕

右为细末蜜丸豆大服之

玉液丸【主治制并见局方】

半夏【洗】 白矾 寒水石【烧】

玉芝丸【主治并见本方】

人参 白矾 茯苓 南星 半夏

薄荷

人参半夏丸【玉芝加蛤粉】

藿香 黄连 黄蘗 乾姜 寒水石

右末之上主药并用糊为丸

与藏用丸相和为搜风丸与金花丸相合为软金花丸局方通圣白花蛇散【主治并见本条】

天麻 赤箭 防风 厚朴 藁本 海桐皮 萆拔 木香【不见火】 肉桂 杜仲 山药 当归 甘草 菊花 羌活 虎骨【醋炙】 白芷 乾蝎 牛膝【酒浸】 白花蛇 威灵仙【去土】 蔓荆子【去皮】 郁李仁 白附子【以上各等分】

右细末每服一钱或二钱温酒调下荆芥汤亦得空心服久病之人尤宜服之

木香保命丹

通圣白花蛇细散 星螵蛸独麝均摊

蜜丸如弹朱衣色 便是木香保命丹

仲景皂角丸例

皂荚丸【治欬逆上气淋浊立坐不卧】

皂角一物杵末蜜丸桐子大大枣膏汁下

又一法加半夏一法加大黄一法加牵牛利膈一法加槐荚子青皮半夏黑牵牛
右用生姜糊丸桐子大生姜汤下一十五丸
孙真人治大小便不通关膈不利烧皂荚粥饮下三钱立通

崔元亮治咳嗽腹胀

炙皂角去弦

右细末蜜丸桐子大肉汁下十丸利後忌肉一月皂角为君 一法加神麴 麦蘖 半夏

白矾 南星 青皮 陈皮 白芷

右细末姜糊丸桐子大每服三十丸姜汤下朱砂为衣

皂荚半夏汤【治痰胸中不散】

皂荚五大錠打碎半夏五两二味同煮一日去皂荚取半夏晒乾为散每服一钱水一鍾生姜
十片?白三茎煎六分去查温服无时

衍义云【治风涎潮热寒气不通】

皂荚【炙一两】 白矾【生半两】 轻粉【半钱】

右末之水调一二钱灌之须臾吐涎用丸者分膈下涎也

皂荚治喉闭逡巡不救方

皂荚【去皮子生半两为细末筋头点少许在痛处更以醋糊药末厚涂顶上须臾便破血出
立效】

皂荚丸【治咳嗽久不差】

皂荚【不以多少去皮弦酥炙黄焦去子】

右为细末蜜丸桐子大每服十丸临卧桑白皮煎汤下

治暑中久病湿热

皂荚与苍术烧之以辟湿热疫气温邪

治远年近日休息利皂荚不蛀者不以多少土砖烧有焰盆子合定以土围之存性捣为末每服二钱茶末一钱相和白汤点服病虽大不过三五日愈日可二服

枳殼丸

皂角【二两酥炙去皮子】 枳殼【二两麸炒】 木香 槟榔半夏【各半两】

右为细末姜糊丸桐子大姜汤下三十丸食後临卧服

祛风丸

皂荚【君】 车前子 赤茯苓 木香 槟榔枳实 大黄 牵牛 青皮 陈皮半夏

右为细末米饮丸桐子大三十丸姜汤下

备急五噤丸

皂荚 乾姜 桂【各等分】

右为细末蜜丸桐子大酒米饮下五丸

小枳殼丸

枳殼 茯苓 白术 乾姜 半夏【各等分】

槟榔木香例

导饮丸

枳殼 木香 槟榔 青皮 白术 陈皮半夏 茯苓 三棱 广茂【各等分】

一法加牵牛用生姜自然汁糊为丸

三倍丸

木香【一两】 青皮【二两】 半夏【三两】

右细末姜糊丸姜汤下

小枳榔丸

木香【一两二钱半】 枳榔 枳实【三两五钱半】 大黄【五两】 牵牛头末【二两】

右细末水丸加青皮为气针丸一法去大黄加乾姜以其所伤有寒热之异也去枳殼大黄加陈皮乾姜为枳榔丸

大枳榔丸

木香【三钱】 枳榔【三钱】 枳殼【半两】 大黄【一两】

青皮【半两】 陈皮【半两】 黄连 黄栢

广茂【各三钱】 当归 香附子【炒】 牵牛末【以上各一两】

右二药生姜糊丸菉豆大姜汤下二十丸并实热人可以服
一法枳实木香枳榔青皮陈皮三棱广茂枳殼大黄牵牛为细末糊丸桐子大
一法去大黄牵牛加神麴麦蘖

三棱丸

治男子妇人症瘕痞聚成块不散坚满胸膈痞闷饮食不下两胁时痛一切腹胀积聚等证并皆治之

人参【三钱】 木香【三钱半】 枳榔【三钱半】 白术

三棱【一两半】 广茂【六钱半】

右细末生姜汁糊丸桐子大临卧生姜汤下三四十丸
一法为散每日空心沸汤调服三钱早晚各一服

木香三棱丸

木香【半两】 三棱【一两半】 广茂【一两】 香附子【四两】

右加甘遂为泄水丸 加甘遂牵牛茴香为泄水散姜汁调下
子和泄水丸藏用丸一料加甘遂一两

泄水散

牵牛头末【一两】 木香【二两】 茴香【一两炒】 甘遂【三钱半】

右调细末姜汁调一二钱

钱氏宣风散

牵牛末【一两】 槟榔【二斤】 陈皮 甘草【各半两】

右细末食前蜜水调半钱或一钱

钱氏利惊丸

轻粉【一钱】 天竺黄【二钱】 青黛【一钱】 牵牛末【半两】

右细末蜜丸豌豆大薄荷汤下 加半夏为软金丸

守真藏用丸 遍身疼痛者加白芥子为应痛丸 大热疮痒者加芒硝为解毒丸
肠胃燥澁者加郁李仁为润肠丸 日久成积者加蜜陀僧为消积丸 加桃仁为桃仁丸
加桂陈橘皮茴香为和中丸 加木香槟榔为弥善丸 加薄荷川黄连川芎为神芎丸

通圣散加 地骨皮 甘菊花 生地黄

蜜丸通圣菊花丸 加天麻甘菊熟地黄蜜丸为通圣天麻丸 右药丸如弹子大每服一丸

大抵通圣散解利治实人外伤传染有形大便结者效非仲景本药也与易老羌活散加大黄
同意若内伤冷物寸口小者变证必矣戒之戒之

泄水丸散治脚疮中痛法在十枣汤後盖厥陰分也木香定痛丸

治远年近日患腰脚疼痛不能起坐气血凝滯走注疼痛一切腰痛

木香【半两】 青皮【二钱】 陈皮【二钱半】 大黄【一两】

黑牵牛【二两一本七钱】 甘遂【二钱】 茴香【二钱半】

川芎【二钱半】白芥子【炒一钱半】 当归【三钱半】 没药【二钱】

右细末酒糊丸桐子大每服一十五丸二十丸食前临卧温汤下

仲景附子汤【此下五方当在少阳条下】

附子 人参 白术 茯苓 芍药

四物附子汤

治风湿相搏骨节烦痛四肢拘急不可屈伸近日则自汗出而气短小便不利恶风不欲去衣或头面手足时时浮肿

附子【炮一钱】 桂心【八钱】 白术【六钱】 甘草【炙四钱】 生姜【六钱】

右?咀水一升半煮取八合分三服微汗愈对病加减 大汗烦者三服三合
体重者加防己八钱悸气小便不利者加茯苓六钱

仲景甘草附子汤 此四物附子汤无乾姜

附子汤【此汤在四君子汤条下】

治湿痹缓风身体疼痛如拆肉弩割锥刺

四君子汤加桂附芍药 白术附子为君而多

右七味水一升煮六合分三服对证增损

易简附子汤 与附子同在少阴姜附汤下

万病无忧散

木香 胡椒【各半钱】 黄芪 木通 陈皮

桑白皮 白术【各一钱】 黑牵牛末【六钱】

右七味细末二钱?牵牛末二钱 空心姜汤调服

枳实丸

枳实【三钱】 大黄【半两】 牵牛【半两】

右三味为末与子和细水丸为小儿通膈丸加皂角为祛风丸

搜风利膈丸

大黄【煨二两】 牵牛【炒二两】 芒硝【半两】

右细末糊丸菉豆大量虚实加減

玄胡丸

古方玄胡丸【此药当在气条论内外感也】

玄胡【一两】 青皮【五钱】 陈皮【五钱】 乾姜【三钱】 木香三棱
广茂【各四钱】 当归 雄黄【另碾各三钱】

右细末酒糊丸桐子大

洗洗麴蘖丸

青皮【去白】 陈皮【去白】 三棱 广茂 木香 枳榔半夏【制】 白术 麦蘖 姜屑
神麴【各等分】

右为细末糊丸温水下二三十丸无时已上凡泄後服白粥一二日忌油腻肉食恐成痞也

医垒元戎卷十一

<子部,医家类,医垒元戎>

卷十二

钦定四库全书

医垒元戎卷十二

元 王好古 撰

厥阴证

调胃散【治一切吐逆伤寒四肢逆冷粥食不下】

硫黄 水银【各半】

右先碾硫黄极细次下水银同碾至黑色为度每服一钱重者二钱温米饮调服无时

许学士破阴丹 论伏阳一脉 并见阴证论

还阳丹 活人丹 砂丸 火焰散 回阳丹

反阴丹【并见阴证论】

半硫丸治老弱虚人脏腑秘【主治修制并见局方】

硫黄 半夏

局方金液丹【主治修制并见局方】

上二药并在五苓化水丹後

三宝丹

雄黄 半夏 牡蛎 朱砂

杨氏五神丸【一名来复丹】

硫黄【另碾】 硝石【另碾】

右同与磁器内用文武火炒得所勿令太过须一气透方可若未透则气不相感

五灵脂 青皮 陈皮【去白等分】

右件陈皮等末与硫黄硝石和匀面糊丸桐子大此药二气相配阴阳均平天地平和之气可热可冷可缓可急是以治阴阳不调冷热交攻荣卫相胜心肾不升降水火不交养丈夫妇人因病婴儿急危但胃气在无不获邪气炎上烦燥冷气攻急痛膈气痛塞不可忍肾气胁下攻之气满不可转动诸霍乱吐泻渴药不止一服定大抵吐逆唇口青手足厥冷脚转筋者两服伤寒烦燥昏塞倒卧不省人事不得饮新久患崩漏泄利不问赤白冷热量患深浅服数服止若非时呕吐饮食不下服之立愈每服五十丸空心米饮下甚者七十丸童稚十丸婴儿五七丸新生儿二三丸化破与服如小儿急慢惊风若胃气在虽困无不救者但是脏腑一切急病不问证并可治之非与寻常方一同乃博效救济人药也

易简来复丹【主治修制之法并见局方】

硫黄 五灵脂 橘红 青皮 玄精石

每服二十丸米饮下食前此药可冷可热与养正丹黑铅丹相类但体轻不能镇坠耳然硝石性寒佐以陈皮其性疎快硫黄且能利人若作热药用以止泻误矣但霍乱一证吐利交作盖曰淡食生冷暑湿热之气中脘结闭挥霍变乱此药通利三焦分理阴阳服之其效最验兼治翻胃呕逆其效尤速中暑霍乱此药最切小儿惊风用亦有验盖上证候皆由涎饮中节致之此药温利涎饮既出则诸悉去若男子妇人心腹作痛疎利之剂得效者未应遽补当以药徐徐饮之令大便常通利则痛不复作矣呕吐用之其意亦然不可不知肾厥头痛老人头痛并宜常服一法治老人并虚损之人寒气入腹大小便不通者用生姜半两连根叶和泥一根盐一撮豆豉五十粒烂碾略炒盒脐心两剂更易用之以利为度亦良法也

局方来复丹

此药配类二气均调阴阳夺天地中和之气乃水火既济之方可冷可热可缓可急善治荣卫不交养心肾不升降上实下虚气闭痰厥心腹冷痛脏腑虚滑不问男女老幼危急之证但有胃气无不获安助真补虚救阴助阳为效殊胜

舶上硫黄【透明不夹石者】 大阴玄精石【一两研水飞】

硝石【半两同硫黄并为细末入定磁内以慢火炒篦子不住手搅令阴阳入不可火太过伤药力再研极细名曰二气末】 五灵脂【二两酒浸用五台山者用水澄去砂石晒乾拣净秤】 陈皮【去白三两】 青皮【去白三两】

右用五灵脂二皮为细末次之玄精石末及前二药末拌匀以酒醋打糊为丸如豌豆大每服三十丸空心粥饮吞下甚者五十粒小儿慢惊风或吐痢不止变成风搐搦非风也胃气欲绝故也用五粒碾细末饮送下老人伏暑逆乱紫苏汤下妇人产後血逆上抢心闷绝并恶露不

止及赤白帶下并用醋湯下常服和陰陽益神散腰腎間陰濕止脇疼痛立見神效諸疾不辨陰陽証者并宜服之神異不可具述

四神丹

治百病补五脏远疫病历却岚瘴除尸疰蛊毒鬼魅邪气大治男子妇人真元虚损精髓耗伤形羸气弱中满下虚水火不交养阴阳失升降精神困倦面色枯槁亡血盗汗遗溺失精大便自利小便滑数梦寐惊恐阳事不举腰腿沉重筋脉拘急及治一切沈寒痼冷痲疔痲疥绞痛及久久痢伤寒阴证脉候沈微身凉自汗四肢厥冷妇人百病胎脏久冷结孕无子赤白带下月候不调服诸药久不差并皆主之此丹假阴阳造化之功得天地中和之气却与寻常一煅一炼僭燥丹药功效不同此丹活血实髓安魂定魄悦泽颜色轻身保寿不恃药力纵情恣欲久久服之可通仙道

雄黄 硫黄 雌黄 朱砂

右件四味各五两碾细入瓮合内将马鞭草为末盐泥固济慢火四围烧煨一日一夜取出再碾细以糯米粽和为丸如菉豆大每服一丸空心新汲水吞下妊妇勿服忌羊肉藿菜

龙脑太白丹

治风壅偏正头疼痰膈不利四肢拘急疼痛辟风邪清神志

硫黄【细碾】 硝石【细碾各二两】 白附子【炮为末一分】

右件入龙脑少许同碾细滴水丸鷄头大每服一丸细嚼荆芥汤无时

易简养正丹【修制主治并见後局方】

硫黄 黑锡 水银 朱砂

右每服五十丸食前米饮送下此药用硫黄黑锡本无利性在利在丹药用以补虚冷治泄泻之类大不得其宜若卒中之患痰涎壅盛此镇坠使大便溏利病亦随去则於三生饮选药为之汤液若气虚喘急之患或发咳嗽沈附煎汤调鍾乳粉咽下於降气汤中选用之 若煽胃之患皆因中脘停寒涎痰凝滯食入即吐当用此药以丁香附子之类煎汤下但丁附性热恐为痰饮隔节蓄在上焦反为僭燥则於二陈汤中选药用之凡治呕者先以加減感应丸微利之次用此药无不尅效半硫丸亦有性利用之尤当切仍以水煮半夏丸服之见二陈汤後 若脚气之患入腹冲心或见呕吐之证无法可疗千金以大黄利之大黄性寒病既深入必难导達是其呕吐也不若用此药或黑锡丹来复丹之类煎降气汤下便须多服以大便流利为度脚气无补法此有利性即非补药服之无疑 痿痺疝气膀胱奔豚之气入腹者亦宜用此

若尊年之人大腑寒秘者尤宜服之黑锡丹与此同类亦效

局方震灵丹

紫府元君南岳魏夫人方出道藏一名紫金丹此丹不犯金石飞走有性之药不僭不燥夺造化中和之气又治男子妇人真元衰惫五劳七伤脐腹冷痛肢体疼痛上盛下虚头目眩晕心神恍惚血气衰微及中风瘫痪手足不遂筋骨拘急腰膝沉重容枯肌瘦目暗耳聋口舌乾苦饮食无味心肾不足精滑梦遗腰腹痠坠小便淋沥夜多盗汗久泄久痢呕吐不食八风五痹一切沈寒痼冷服之如神及治妇人血气不足崩漏虚损带下久冷胎脏无子服之无不愈者禹余粮石【火煨碎不计遍数以手捻碎为度】丁头代赭石【亦如禹余粮石煨法】赤石脂 紫石英【各四两】

右四味并用乾锅内盐泥固济候乾用炭十斤煨通红火尽为度入地坑埋出火毒二宿

滴乳【研二两】 没药【去砂石研二两】
五灵脂【去砂石研二两】 朱砂【火飞过一两】

右通前药共八味并为细末以糯米粉煮粥为丸如鷄头大爆乾出光每服一丸空心温酒冷水亦得常服镇心神驻颜色温脾胃理腰膝除尸疰蛊毒辟鬼魅邪厉久服轻身渐入仙道忌猪羊血恐减药力妇人醋汤下孕妇不可服极有神效

朝真丹

治肠胃虚弱内受风冷或食生冷内伤泄泻暴下日夜无度肠鸣腹痛手足厥冷

硫黄【生研一两】 枯矾【七钱五分】 朱砂【三钱一分为衣】

右合匀水浸蒸饼为丸桐子大米饮下三十丸无时夏月宜用以备急诸沈寒痼冷之疾诸热药不能效者灸关元五七壮即效

至宝丹【脚气亦有分寒热处三日及有用红雪紫雪及诸元药者】

软金丹

天竺黄【各三钱】 龙脑【一字】 麝香 牛黄【各一钱】 金银箔【各十片】

已上七两九钱一字通碾细再杵白蜜十两温溶纸覆取蜡净次日再煨利药末每两作十五丸茶酒任下

海藏云初病疾不宜服至宝丹小儿微疾亦不宜服人参 天麻 白僵蚕 菖蒲
乾蝎【各半两】防风 半夏【牛胆制】白茯苓【各九钱】远志【八钱】

薄荷【一两】黄连【半两】雄黄【二钱】乌犀 玳瑁

琥珀 朱砂

至宝丹太抵风毒始自皮毛入留孙络孙络不已流入大络小络不已流入大经小经不已流入骨髓先汤液次丸散次丹剂丹剂为风入骨髓不能得出故用入骨髓透肌肤之剂为开窻牖之药龙麝牛雄犀珀金朱皆入骨髓透肌肤之剂而使风邪得以出於外也初病风疾未及於里便服入透骨肌之药是引贼入家如油入面不可出也其反招害如此大抵疾有浅深治有次第初焉至浅不可以重剂治兼之小儿肠胃细小肌肉栗脆遽以入骨透肌之药治之若有他证草木之剂不可近也富贵之家深宜戒此若遇潮涎不省痰证急甚不拘此例事至不得已而用之是谓得其当矣犹之射也高则过下则不及要之适乎中而已无病人服风药开发过极反使风入亦犹引贼入家与无病在经而服至宝丹无异

圣功丸【专治血痢】

膩粉【三钱七】定粉【三钱七】一法加蛤粉【三钱】

右同研匀水浸蒸饼为丸菉豆大煎艾汤下五七丸或十丸

蝎稍丸【当在妙香丸後】

治急风牙噤惊癇搐搦目不定恍惚潮涎昏闷不省人事利胞膈清头目化痰实宁心神安脏腑

蝎稍【微炒半两】白附子【炮二两】天麻【一两】

龙脑【一钱】朱砂【一两研】半夏【汤制一两】

右细末白面糊丸菉豆大每服三十丸细嚼薄荷汤下临卧

不换金丹

荆芥穗【一两半】薄荷【二两】天麻【一两】甘草【一两】白僵蚕【一两】
防风【一两】藿香叶【一两】细辛【一两】川芎 白附子 羌活
全蝎【炒各半两】朱砂【二钱为衣】

右末蜜为丸弹子大每服一二丸茶下

治破伤风

蝎稍七条为细末热酒调下

上青白附丸【同钱氏温白丸例】

白附子【炮】 白僵蚕 天南星 半夏

天麻子 川芎 甘菊花 旋覆花

陈皮【一两】 全蝎【半两】

右细末姜糊丸桐子大每服三十丸姜汤下

钱氏温白丸

治小儿脾气虚困泄泻瘦弱冷疳洞利及因吐泻或久病後慢惊身冷瘈瘲

天麻【半钱】 僵蚕【炮】 白附子【生】 乾蝎 南星

右细末汤浸寒食面丸菉豆大丸子仍以寒食面养内七日取出每服七丸加至二三十丸空心生姜米饮汤下渐加元数

易简如圣饼子【修合治疗之法并见後局方】

川乌 南星 乾姜 甘草

川芎 天麻 防风 半夏

右每服二十饼嚼破生姜汤下本方只服五饼安能作效初感伤寒因汗而解尚余头疼浓煎生姜葱白汤皆可此药须是自合庶几糊少且料药精制胡易为效也一切头疼不问内外所因并宜服之 兼治中脘痰饮停积及疗脾胃饮食所伤温中快膈尤得其宜
偏正头疼茶汤下久久服之不复再发

局方如圣饼子

治男子妇人气血上盛下虚痰饮停积风寒伏留阳经偏正头疼连脑颠吐逆恶心目眩耳聋

常服清头目消风化痰煖胃

川乌【去皮】 南星【洗】 乾姜【各二两】 甘草

川芎【各二两】 天麻 防风 半夏【各半两泡】

右细末汤浸蒸饼丸如鷄头大捻作饼子暴乾每服五饼同荆芥三五穗细嚼茶酒任下熟水亦得无时

化风丹

治中风涎盛胞膈不快头重目不开或目睛上视一切诸病

乌蛇【生去骨一两】 白附子【炮一两】 南星【一个重一两】 朱砂【二两】 僵蚕【一两】 麝香【半钱】 雄黄【二钱】 脑子【一字】

右蛇附星蚕为细末另入麝香朱砂等肆物细末再碾匀炼蜜丸鷄头大酒化下如牙关紧急不开以蒜一大瓣捣为泥涂在两牙关外豆淋酒化下蘸药擦牙自开更服二钱效如神

治患後转泻腹胀如鼓蝎气散

全蝎【烧灰研一两】 麝香【少许】

右细末每服二钱七米饮调下甚者再服必愈

治伤寒将死者

川乌【生】 南星 半夏 天麻【生去芦各等分】

右为细末每服一钱煎豆淋酒下稍温服次用一二盏投之者若牙关噤干灌之但药得下无不活者

乌荆丸

川乌【一两炮去尖】 荆芥穗【二两】

右为细末醋丸桐子大每服二十丸温酒送下热水亦得有病日食三无病日一服此药肠风尤妙

化水丹

川乌 附子【炮】 乾姜【炮】 赤石脂

蜀椒 桂【各等分】

右蜜丸桐子大每早服三丸夜三丸温酒下

老君神明散【治疫】

白术【二两】 桔梗【二两】 细辛【一两】
附子【炮去皮脐二两】 川乌【炮去皮脐四两】

右五味为龕末缝绢囊袋盛带之居闾里皆无疾若有疫疾温酒服方寸?覆取汗得吐即差若
经三四日抄方寸?以水二碗煮令大沸去滓二服

换骨丹

槐蔓苍桑香 葳人防何苦 十味麝牛麻佳人称换骨

右制度并见广济宣明方

拯济换骨丹【海藏云自汗不愈不宜服亦汗家忌重发汗也】

槐皮芎木芷 仙人防首蔓 十味各停匀苦味香減半 龙麝即少许 朱砂作衣纏麻黄膏煎丸
大小如指弹

治半身不遂口眼喎邪手足不仁言语蹇塞或骨痛连髓或痹袭皮肤或中急风涎潮不言精
昏澁行步艰难筋脉拘急左瘫右痪一切风疾并皆治之槐荚子 人参 桑白皮 苍术 白芷

何首乌 蔓荆子 威灵仙 防风【各二两】

五味子 苦参 香附【各一两】 麝香【二钱另碾】

龙脑【二钱另研】 川芎【一两】

右十四味为细末入麝香令匀又用麻黄十斤去根节用天河水三石熬至六升去渣再煎至
二升半入银石器内熬成膏入煎药和匀杵王午下每两作十丸朱砂为衣每服一丸捣碎酒
一盏自晨浸至晚食後饱得卧微搅之神清无睡是药之验再服须臾五日服之如中风无汗

宜服若体虚自汗服之是重土津液也若风盛之人当於密室中温卧取汗稍避若风实者至宝丹之类风虚者灵宝之类

局方大己寒丸 易简大己寒丸同

治久寒积冷腑脏虚弱心腹疼痛胁胀满泄泻肠鸣自利自汗米谷不化阳气暴衰阴气独盛手足厥冷伤寒阴盛神昏脉短四肢怠惰并宜服之

乾姜【六斤炮】 高良姜【六斤炮】 桂【四斤】 茺菴【四斤】

每服五十丸米饮下此药热燥能治脏腑虚寒滑而下利反泄泻肠鸣水谷不化若心腹疼痛中脘停寒大溏泄者尤宜服之

大己寒丸

吴茱萸 官桂 乾姜 良姜 乌头 附子一法加芍药 一法加茴香引阳气下行不伤眼

目

右为细末醋糊丸亦得桐子大每服三五十丸米饮下空心食前日二服无所忌

吴茱萸丸

治下痢脏腑不调胀满腹痛水谷不化怠惰嗜卧时时下痢

吴茱萸【一两半汤洗炒】 神麴【炒五两】 白术【四两】

桂【二两半】 乾姜【炮二两半】 川椒【去目炒一两】

右细末糊丸桐子大米饮汤下十五丸至二十丸食前上澄乃阴湿胜也

小吴茱萸丸

吴茱萸【半两洗焙乾】 良姜【三两】 乾姜【焙三两】

右醋糊丸桐子大每服三五十丸米饮下

快活丸

治痰痞呕吐不愈腹胀大便不通秘者阴燥胜也吴茱萸【洗炒】 木香【各一两】 良姜 乾姜【炮】

枳实【麸炒】 陈皮【各三两】

右酒煮神麴末作糊丸桐子大姜汤下十五丸至二十丸无时陈皮汤亦得

艾煎丸【治男子阴证女人寒带下】

艾叶【四两炒陈者】 大椒 赤石脂 乾姜

川乌【炮去皮】 生硫黄【已上各一两】

右糊丸桐子大每服二三十丸艾汤盐汤任下

艾煎丸【治妇人久病气虚冷羸瘦】

苍术【四两制】 当归【酒浸焙二两】 小椒【半两炒】

右细末好醋一斗好艾叶一斤浸一宿砂锅慢火熬至五升去滓再入锅内熬出膏子同和前药丸桐子大每服三四十丸温醋汤下食前炒陈艾上余药共为末糊丸亦可

噎气汤

吴茱萸【半两焙】 桂【二钱】 半夏【姜制半钱】

右?咀每服五钱生姜五片水一盞余煎六分去查温服

奔气汤

吴茱萸 人参 生姜 枣

右於吴茱萸汤中去枣加半夏桂心甘草亦名奔气汤

小七气汤【具见太阴证】

戊巳丸

吴茱萸 白芍药 黄连【各等分】

右三味同炒微黄放冷为末糊丸米饮下二十丸食前

小己寒丸【一名强中丸】

治脾胃积冷中寒洞泄倦怠不思饮食进食止自汗厚肠胃【见肘後甚验】

艾叶【四两】 苍术【一两炒】 陈皮【二两炒】 吴茱萸【二两炒】

右件用末醋二升浸一宿漉出暴乾再於原浸药醋内拌和匀炒令紫色焙乾为末稀糊丸桐子大每服三十丸温酒盐汤醋汤下空心食前

前乌头例

张铁罐前乌头苍术法

右乌头去黑皮用白心微炒苍术泔浸炒黄为细末酒糊丸

移刺相公神仙保命金丹

治男子丹田衰弱五脏虚损血少气微肌瘦面尘手足颤掉目视荒荒迎风出泪耳鸣旋运筋骨无力春秋发嗽疾痰喘满闷腰膝疼痛脚上癰疹难坐立夜多盗汗四肢怠惰阳事不强精滑无子悉宜服此丹草乌头【四两秋收黑色者去皮同蛤粉炒黄存性地内埋一宿去火毒焙乾】

金铃子【三两去皮】 破故纸【三两浸酒一宿】 茴香【二两炒香】

右细末酒糊丸桐子大每服三二十丸空心温酒下妇人醋汤下服数日所病即效痼寒久利尤宜服妇人血冷月事不调赤白絶孕面黑焦乾发退不生瘦恶自汗每服三十丸热醋汤下久服补益男子无风中卒病此药性温无毒保全天寿

佐经丸

草乌【去皮】 当归 乳香 没药 自然铜【醋淬】 斑猫【去足翅头】 大鼈子 地龙【去土炒已上各等分】

前少阴属风条下有治白癰龙蛇散内有二佐经丸味後方少胶五灵脂

右各碾醋糊丸鷄头大打碎温酒磨化随病上下服药後饮好酒三二盏

佐经丸

草乌头 白胶 木鼈 五灵脂【各一两半】

当归【一两】 斑猫【一百个去头足翅煮亦得】

右黑豆生为煮糊丸

玉桂枝

天麻【七两】 骨碎补【七钱半】 草乌【四两】 甘松

川乌 白附子 半夏【各半两】 地龙【去土一两】

黄芩 松香 五灵脂 锡藿脂【各半两】 自然铜【二两半醋淬七次】 南星 苁蓉 川芎

破故纸【各半两】 糯米【半升炒】

右细末酒糊丸桐子大每服五丸温酒下

张守道传化张铁罐方【治男子阳精不足女子赤白过多】

牡蛎【一斤烧】 赤槿子【一斗】 草乌头【半斤焙】

右为末酒糊丸桐子大每服二三十丸温酒下盐汤亦得一法张守道加苍术一斤不去皮炒黄与上同为末丸

安宜差传到筋骨药

川乌头 泽泻 五灵脂 地龙【去土】

萝卜子【上各两】 苍术【二两】 川当归

赤芍药【各一两】 木鼈子【半两去皮】 没药

乳香【各三钱】

右细末醋糊丸桐子大自然铜为衣每服十丸食前温酒服

朱砂例

玉倪丹【补心益肾上下通主升降以至丹田丹坎之像也】

丹砂【二十八两】 甘草 远志【去心】 槟榔【一两】

诃黎勒【皮一两】 桂【八两去皮捣碎】

右每食前服一丸日三食计服三丸温人参汤下

海藏老人云北砂炼成亦可与大补丸五脏随药合和用之或全用五脏药和丸亦可大补丸
【在少阳条下局方五补九後】造丹砂法

右甘草等四味剉水二大斗釜中以细布袋盛丹砂盛於釜中着水和药煮之
第一日兼夜用汤火绞动 第二日兼夜汤火鱼眼沸 第三日兼夜木火花沫沸
第四日兼夜炎火涸沫沸 第五日兼夜土火微微沸 第六日兼夜金火沸愈缓作急
第七日兼夜水火沸缓缓调调 先期泥二釜一釜常煖水用添煮药釜中水减即添煖水常令
不减二斗七日满即出丹砂於银器合中盛其合内先布桂一两匀即与桂布朱砂又以金桂
一两覆足即下合置甑中先布糯米厚二寸乃置合又以糯米覆培之亦合厚三寸许桑柴火
蒸之每五日换米桂其甑蔽一日以行竹子为之不尔侧间一小孔常煖水同竹筒注添釜中
勿令水减第一五日兼夜用如春火如常炊饭第二五日兼夜用夏火猛如炊饭第三五日兼
夜用秋火如炊饭乍缓乍急第四五日兼夜用冬火煖如炊饭依五行相生文武助之药即成
出丹砂以五搥鉢碾之如膩粉即可用服之煎楮实搜和桐子大每日食前服一丸人参汤下
每日三服食前计之炼成丹砂秤四两为一剂二年服尽复服每十年即炼三两仍取正月一
日取服一月使尽既尽酒服十年一二两不令旋合宜须炼一剂

造楮实煎法

六月六日收取楮实熟者缓绞取汁拾银器内慢火?成膏搜和前药末为剂丸

小朱砂丸

朱砂【五两】 牙硝【枯六两】 寒水石【煨四钱】 麝香【一字】 鹏砂【一字】
龙脑【半钱】 甘草【半钱浸汁?膏】

右碾匀用甘草膏和每两作一十丸每噙化一丸小儿夜惊啼薄荷水化下

朱砂寒热温凉各百加減例

寒大黄 巴豆 牛黄 黄连 黄栢

热附子 巴豆 乌头 南星 半夏

朱砂散

治小儿神乱惊悸睡卧不安大便不利谵语齿疮痰嗽

辰砂【七两】 桔梗【五两】 人参 蛤粉 牙硝【各三两】 甘草【二半】 两
脑子【二钱】 金箔【二十斤入】

右细末一岁儿半钱薄荷汤调下未滿百日儿发热多睡不安大便不利蜜汤调下一字大人
小儿口疮咽喉少许掺咽膈热新水调临卧

鹤顶丹

治大人小儿风痰不利烦渴不安中暑头痛不解麝香【二钱半】 朱砂【十两】
牙硝【十二两半枯】

寒水石【枯十一两】 甘草【炒三两半】

右细末炼蜜丸龙眼大大人生姜汤化下中暑脑子新水下小儿心经热薄荷汁化下

镇心丸 金箔镇心丸 安神丸

骊珠丹

麦门冬 牙硝 白茯苓 乾山药

寒水石 甘草【各半两】 朱砂【一两】 龙脑【一字】

已上数药泄手太阴大人绛宫下至丹田

前八味加 人参 生地黄 沉香

各为细末入药为东垣先生离珠丹法例详说具见难知一名石龙散

右石龙散

寒水石 脑子 朱砂

拘龙丸 化毒丹 大青丸 并见钱氏

牛黄膏【治惊化?凉膈镇心祛邪热止涎漱】

人参【二钱半】 甘草【半两】 牙硝【一钱】 雄黄【七钱】

朱砂【一钱】 蛤粉【二两水飞】 生龙脑【半钱】 金银箔【四个为衣】

右为细末炼蜜为丸搜和每两秤作二十丸以金银箔为衣一钱儿每服菉豆大薄荷汤化下
量岁数临时加減服之食後

虎睛丸【治小儿惊风壮热风湿邪热】

天麻 防风 人参 乾蝎【各一两】 白殭蚕【半两】 朱砂 雄黄【各一半】 牛黄
麝香【各一字】 甘草【一钱】

右末蜜丸如桐子大每服一二丸薄荷汤下

御方活命金丹【主治并见本条】

乌犀 牛黄 真珠 薄荷【各半两】 金箔【一两片】 牙硝 贯衆 甘草 板蓝根 乾葛

官桂【各一两】 片脑 麝香 青黛【各三钱】 大黄【一两半】 蒸饼末【三钱】

炼蜜丸每两作十丸金箔为衣

五福化毒丹【主治并见钱氏】

苦参 桔梗 茯苓 人参 牙硝 青黛 甘草 麝香

右匀细末蜜丸鷄头大薄荷汤下 班疹毒气生地黄汁化下有日夜不见物陈米泔化下

金箔镇心丸

紫河车 人参 茯苓 山药 甘草

朱硝 龙脑 麝香 牙硝 金箔【等分】

右匀细末蜜丸桐子大薄荷汤下

定风丹

治大风癰疾鼻崩塌眉须脱若遍身疙瘩或疮疥等升麻 细辛根 川芎
穿山甲【炙】天麻防风 定风草 白附子 丹参 人参苦参 玄参 紫参 蔓荆子
威灵仙【各一两】蜈蚣【一对酥炙】何首乌【木白中取末二两】

右细末每二两用胡麻一升淘净炒香为末和匀蜜丸弹子大每用一丸细嚼温浆水下日三
初服时或呕吐勿怪或亦不吐

紫苑丸【治五种风癰之疾】

紫团参 人参 沙参 玄参 枳榔 黄连川芎 山梔子 海桐皮 紫苑 防风赤芍药 羌活 赤茯苓
生地黄 天仙子地骨皮 白蒺藜 天麻 乳香【各等分】

右二十味细末蜜丸桐子大每服三十丸清米汤下日三忌动风发气物

脱脱丸

治癰风遍身脓血及诸恶疮疥癬等经云厉风成癰苦丁香 白丁香【等分】
皂荚【去皮弦子?成膏】

右与上药末为丸桐子大先十丸至十五渐至二十丸温水下?退为止不可使多恐致恶心从
少至多乃其法

治风疾癰病遍身生疮者

天麻【七钱半】 荆芥【二钱半】 薄荷【三钱半】

白花蛇【四两酒浸】

右四物为细末好酒二升蜜四两石器中蒸成膏子每服一盞温服日三煎饼压下急於暖处
令汗出见效

神仙经进透骨膏

治大风疾遍身生疮变成顽麻不痛不痒眉发脱落鼻梁崩塌日断白仁

海金沙【半两】 草乌头【一两】 丝矾 靛花 丸松盆硝 胆矾 鹅管石 朱砂
雄黄【另研】

磁石 杏仁【各两】 一黄蘗 雌黄 萆麻

砒霜【另研各一两】

砂【二钱】 木贼【六两】 木鼈子【二十个】 寒水石【六两】 僧只黄【半两】
斑猫【十个】 巴豆【二十粒】 川乌头【半两】 石燕子【一对】 蛤粉【半两】
天仙子【四两】 黄松脂【一两】 粉霜【二钱】 乳香【一钱】 麝香【半两】

硫黄【半两】 小油【一个六两】 膩粉【三钱】

右将剉细末油匀和新埴瓶子一个埋于地下止用新瓦瓶子一只于地上鑽数十孔盐泥固
济盛药在内用碗一只合定亦固济勿令透烟坐在埴瓶子口上稳放木炭火八秤看紧慢烧
灰尽为度其药滴在埴瓶子内孩鬼胎发一块细剪药内搅匀入後药信霜雄黄僧只黄粉霜
轻粉乳麝等细不烧数

漂洗药

何首乌 荆芥 防风 马鞭草 蔓荆子

右麤末二两水二斗煎十数沸得药力无风虚漂洗後涂前药

神效膏

当归【半两】 杏仁【半两】 木鼈子【半两】 好油【一斤】

黄丹【三两】 油发【二两】 乳香 苦参【二钱】

没药【三钱】 人参【二钱】

右除丹外剉细油煮褐色与丹一处?成膏涂病处

生眉散

桑寄生 天南星 半夏 没药

右各一钱为细末生姜自然汁调成膏子先用自然铜擦过次以膏涂之

又治鼻梁崩塌喘息不快者

雄黄 黄连 没药 川芎 盆硝【各一两】

脑子【半钱】麝香【一字】

右细末搗之日三次

如圣散 漂洗药

顽荆【一两】 蔓荆子【四两】 威灵仙【四两】 白芷【四两】 苦参【二两】
厚朴【二两】 荆芥【二两】 紫参【二两】 陈皮 沙参 防风【四两】 麻黄【二两】

右麤末每用药末一两水一桶桃柳枝同一处煎五七沸避风淋洗

还魂丹【治中风不语延潮不止痲痺左癱右瘓】

天麻 川芎 防风 乾山药 羌活【各二两】

僵蚕【炒】 犀角 细辛【各一两半】 当归 白附子

甘草 藿香叶 人参 全蝎【四十九个】

右为细末蜜丸櫻桃大每用一丸细嚼酒下

化风丹

治中风涎多胞膈不利目瞑不开睛上视一切诸风乌蛇【生去骨】 白附【炮各一两】
南星【一个重四两】

僵蚕【二两】 麝香【半钱】 朱砂【三钱】 雄黄【一钱】 龙脑【一字】

右前四味为细末入麝香等再碾令匀炼蜜丸鷄头大用水酒化下如牙关紧急不开以大蒜
一大瓣杵为泥涂两牙关外豆淋酒化下一丸蘸药擦牙自开更服药二丸神效

局方桦皮散 并见本方

文潞公疗癱疾外台方

生地黄【汁】 淡竹沥 荆沥【各一两】 防风【四分】 独活【八分】 附子【一枚炮】

右?咀三升煮取二升去渣空心分四服或五服隔日一剂若虚者三日一剂可絶根本

圣饼子

草乌 川芎 细辛 白芷 荆芥 苍术 防风 甘草【各等分】

右生用细末糊丸桐子大捻作餅细嚼茶清下加羌活独活为十生饼子

斗门方

治中风口面喎斜用木灰向右即於左边涂之向左即於右边涂之候方正如旧即须以水洗下大妙

圣惠方治中风口喎

以巴豆七个去皮烂碾如左喎涂右手心如右喎涂左手心仍以煖水一盞安向手心须臾便正洗去药频抽掣中指

活人脚气木瓜散例

木瓜散

大腹子【二个】 紫苏【一钱半】 乾木瓜 甘草【炙】 木香【各二钱半】
羌活【三钱半】

右剉散分作三服每服用水一盞煎至半盞通口服

脚气木瓜丸

木瓜【大者二个切作二片去心】 菊花【一两】 青盐【二两】

右内药木瓜中合定线系瓶蒸烂碾成膏子丸桐子大每服五十丸空心酒下日三服甚者百丸病处有香汗出为效

四斤丸

治风寒湿合而成痹脚肿痛或不仁及诸证脚气牛膝【去芦】 天麻【去芦】

右?咀好酒五升浸三日取出焙乾为细末以浸药酒煮糊丸桐子大每服二十丸空心食前温酒下

香附子散 已下总血崩例

治血崩不止面色黄血刺疼痛不可忍小产血不止一名倍金

香附子【不以多少炒去毛捣碎再炒黄】

右极细末每服三五钱好酒调下能破血积米饮调下能止血冷气姜汤下带下艾汤下醋少许妇人一切心腹诸疾并治之粥饮下许学士治妇人血气不调有积血者能破之若血崩者能止之

立应散治心腹急痛

香附子【炒半两】 良姜

右细末每用二钱七沸汤点服立效

治血崩脐腹痛

当归 木贼【去节】 香附子 熟地黄 赤芍药牡丹皮【各二两】 没药 丁香 桂【各三钱】

右细末酒调三钱温服

立效散【治妇人脐腹痛】

香附子【三两炒】 当归【一两】 赤芍药【半两】 良姜【半两】 五灵脂【半两】

右细末三钱酒一盞童子小便少许同煎服

香附子例 寒则加乾姜 热则加黄芩

立应散【治妇人血海崩败又治男子妇人伤风下血】

香附【三两半炒】 ?皮【一两烧取存性】

右为细末每五钱酒半盞童子小便半盞煎至七分温服无时如肠风不用童便用酒一盞煎

至八分服

霹雳散【治经脉妄行】

香附子【三两】 川芎【一两炮】 石灰【一两油炒】

右细末烧秤鎚淬酒调服二钱匕甜酒亦得

定血散【此四方当在後】

治妇人血海崩漏小产血不止

乌梅【烧存性】 布【烧】 甘草【二寸一半生一半烧】

右为细末每服二三钱淡醋汤调服立止

灵苑内补丸

温中调血治妇人久病血崩不止累医不效宜此立验

黄连 山茱萸 乾姜 当归 鼈甲

芫花【?浸湿】 白芷 乾漆【油浸令湿】 川乌头【去皮脐九味各一分】

巴豆【大者连壳】 桃仁【和皮】 乱发【三味各半两】

已上十二味同入一瓶子内用泥固济顶上留一眼子火煨候白烟出急取候冷取细碾

官桂【一分去皮】 陈橘皮【一分碎剉炒】 芸台子【一分炒取白色】

右四味为细末同前碾药都作一处拌合再研令匀炼蜜为丸桐子大每服一丸临卧温酒下
久患甚者不过四服

又方

巴豆【纸裹蒸熟】 芫花【酒拌炒黄】 砂 白芷

槟榔【面裹厚烧熟】 乾漆【油润炒微烟】 当归头

大黄【蒸】 乾姜【炒制剉再炒】

又方

木香 栝榔 缩砂仁 神麴【炒黄】 麦蘖【炒黄】 诃子【麴裹炒】 当归 乾漆【油涂炒】
金丝水蛭【火灰中煨去黑或盐炒微焦赤】

交感丸

茯苓【四两】 香附子【一斤炒黄】

右细末炼蜜丸弹子大每晨一丸

降气汤

茯苓【二两】 香附子【半斤炒】 甘草【一两】

右细末点服

又方

香附子【五两生姜三两汁浸三两炒存性细末】 青盐【一钱】

右同为细末擦牙

孙思邈九窍血出方

荆叶捣取汁酒和服之

小乌沈汤【当在前为沈汤後】

香附子【二两】 乌药【一两】 甘草【二两半生】

右细末盐少许汤点服

千金白垩丸【在四物後】

螵蛸散【治血崩漏下久不止脐腹疼痛】

乌鱼骨烧存性细末二两煎木贼汤调下

又方

蚕退纸【烧灰一两】 木贼【烧灰一两】 寒水石【烧一分】

黑附子【炮半斤】 白矾【枯半两】 乌鱼骨【炙一两】

右为细末水一盞煎四五沸食前和滓服效

又方

龙骨 蒲黄【各半两】 艾叶 附子【炮二钱半】

当归【七钱半】

右为细末水煎三钱

又方

当归 川芎 黄芩 芍药【等分】

右麤末水煎

柱烧灰酒调下立愈

五灵脂末炒出烟尽当归酒煎如血室乾醋煎和滓服空心

血崩如流防风炙焦为末每二钱白面半钱酒调下昼夜不止者丁香二两酒煮服之

又黄芩粗末水煎

右并治血崩如流药异不一随经可择是为知本

地榆条唐本注云出孔氏音义玉带十二病

一曰多赤 二曰多白 三曰水不通四曰阴蚀 五曰子藏坚 六曰子门辟七曰合阴阳患痛
八曰小腹寒

九曰子门闭 十曰子宫冷

十一曰梦与鬼交 十二曰五脏不定

用地榆作 饮代茶甚解

无湿不成泻无积不成痢大肠泄者小便少湿在後也小肠有败血久有积滞崩漏不已随带而下大便燥结湿在前也湿在後当利小便湿在前当利大便此其法也

或因胎产而得或因酒色而得山崩海岳前後脱血漏不已元由子藏侵入赤肠泽液恶秽前行大过滓粪燥结後滞不通此胎肠俱病治宜推去败血脓积益血而致新也心所不生脾所不裹肝所不藏此三焦经纪也崩虽为病亦有浅深新久治从而轻重之

张仲景云三焦絶经是为血崩又经云血得热而妄行又云血枯前後血得之年少时有所火得脱血醉以入房气竭肝肠久久成血闭略举於此皆有热也脉或洪大而有力或能食不能食漏下不止或阴中如有疮扑或大便难因而暴下或触之而不定内外俱治慎勿遗一

王叔和曰微脉主败血面无色泽者从指下寻之有若无澹之败血小肠虚崩中日久为白带漏下多时骨脉枯此脉有濡之貌乳之体皆血病也此皆阴脉而为冷证寒热即分药不可执一所以有连蓂生地黄四物牡丹芍药续断缩砂香附乌贼血竭乾姜之分也明者其择之

产宝方【疗崩中不止不问年深月远】

槐木耳烧灰为末酒服方寸?

简要方【治妇人漏下血不絶】

槐花萼不以多少烧灰细碾食前温服二钱?

正经云治妇人乳痴子藏急痛

槐实以七月七日取入捣取汁铜盂内盛之日煎令可丸大如鼠矢内窍中三易愈又主堕胎

千金方【治妇人无故尿血】

龙骨二两以酒调服方寸?空心日三

又方治崩中昼夜不止

芎穷八两清酒五斤煎取二升半分三服徐徐饮之

又治胎妇忽然倒地举惊重促损腹中不安及子死腹中

川芎生末酒服方寸?须臾一二服出

治崩中

防风去芦头炙赤色为末每服二钱以面糊酒调下更以面糊酒投之

治妇人经血不止

五灵脂末炒令过熟出尽烟每服五六钱当归二片酒一盞与药同煎至六分去滓温服连三五服效

治产妇血晕昏迷上冲闷絕不知人事者

五灵脂【二两五钱一半生用一半熟炒】

右为细末每服一钱温熟水调下如口噤者以物干开灌之入喉即愈谓之独胜散

又治血崩不止

五灵脂【十两】

右为细末水五盞煎至三盞去滓澄清再煎为膏入神麴末二两和丸桐子大每服二十丸空心温酒下便止

正元广利方【治妇人赤白带下年深月久不差者】

白芍药【二两】 乾姜【半两】

右细剉炒令黄捣罗细空腹利饮汁服之二钱匕

治妇人本脏虚损元气冷败崩中漏下经岁不止服诸药不效极甚者宜服此药

龙骨【一两煨】 蒲黄【一两】 艾叶【二两】 当归【半两】

五灵脂【半两炒去烟】 黑附子【炮半两】 香附子【炒紫色半两】

右件同为末水一盞半药秤三钱同煎至六分去滓食前空心日三病轻者二服重者一料

雷氏方【治妇人远年近日医不差血崩或血气不止】

木贼【二两】 香附子【一两】 朴硝【半两】

右三味为细末色黑者好酒一盞煎三五沸和滓温服色红赤者水一盞煎至七分和滓温服忌生冷硬猪鱼肉杂物每服三钱空心每日二如脐下作痛乳香没药当归各一钱剉细入上药一处同煎不痛勿用

论伤寒杂病分二科

海藏云世之治伤寒有法疗杂病有方是则是矣然犹未也吾谓治杂病亦有法疗伤寒亦有方方即法也法即方也岂有异乎要当全识部分经络表里脏腑岂有二哉以其後世才智之不及古也所以分伤寒杂证为二门故有长於此而短於彼者亦有长於彼而短於此者逮夫国家取士分科为此宜乎愈学而愈陋愈专而愈粗也试以伤寒杂病二科论之伤寒从外而之内者法当先治外而後治内杂病从内而之外者法当先治内而後治外至於中外不相及则治主病其方法一也亦何必分之有二哉大抵杂病之外不离乎表伤寒之内不离乎里表则汗里则下中则和不易之法也剂之寒热温凉在其中矣余风产二条目疾疮肿小儿等科各自专门无怪其工之陋且粗也是以知证不知脉知药不知性是岂真知而全识者哉耳熟目厌习坏多经涉久误合则病愈契则不疾甚所常见所常闻者粗有晓会其所未常见未常闻则有所不知也此继述而不及於物者远矣呜呼天之所锡其智识有限量故邪哀哉庸夫以衣食迫以口舌争视学业如鹵隙妬忌为能干误人性命恬不知恤甘为忍火不顾道理其教之有所失邪时世之所有俾邪抑疾者之不幸而有所自致邪处暑後叹而书

是书已成於辛卯至丁酉春为人阴取之元藁已絕更无余本予职州庠杜门养拙蠶盐之暇无可用心想像始终十得七八试书首尾仅得复完犹遗一二尚未之备故今日得而今日録明日得而明日书待以岁月久则方成无欲速无忌心也好古再题

医垒元戎卷十二